

**ЎЗБЕКИСТОН РЕСПУБЛИКАСИ  
ОЛИЙ ВА ЎРТА МАХСУС ТАЪЛИМ ВАЗИРЛИГИ**

**ЮРИЙ ВАСИЛЬЕВИЧ ПЕТРОВ,  
ҲАМРОҚУЛ ТУРСУНҖУЛОВИЧ ЭГАМБЕРДИЕВ,  
БАХТИЯР МАХАМАТЖАНОВИЧ ХОЛМАТЖАНОВ,  
МУХИТДИН АЛАУТДИНОВ**

**АТМОСФЕРА ФИЗИКАСИ**

*Ўзбекистон Республикаси Олий ва ўрта махсус таълим вазирлиги  
томонидан давлат университетларининг «Физика» ва «Гидрометеорология»  
йўналишилари бўйича таълим олаётган талабалари учун дарслик сифатида  
тавсия этилган*

**ТОШКЕНТ-2011**

**УДК 551.51(075.8)**

**КБК 26.233**

**A87**

**A87 Юрий Васильевич Петров, Ҳамроқул Турсунқулович Эгамбердиев, Бахтияр Махаматжанович Холматжанов, Мухитдин Алгаутдинов. Атмосфера физикаси. – Т.: «Fan va texnologiya», 2011. 244 б.**

Дарсликда атмосфера физикасининг атмосферанинг таркиби ва тузилишига тааллукли бўлган умумий масалалари баён килинган. Об-ҳавони ҳосил килувчи жараёнларнинг асосларини кўриб чиқища асосий эътибор уларнинг физик мөҳиятига қаратилган. Дарсликнинг ҳажмидан келиб чиқиб, унга атмосфера оптикаси ва электри бўлимларини киритишнинг имкони бўлмади.

Дарслик университетларнинг физика ва гидрометеорология мутахассисликлари бакалавриат ва магистратура таалabalari ҳамда метеорология ва Ер ҳақидаги бошқа фанлар соҳалари мутахассислари учун мўлжалланган.

\*\*\*

Излагаются общие вопросы физики атмосферы, касающиеся состава и строения атмосферы; при рассмотрении основ погодообразующих процессов главное внимание удалено их физической сущности. Объем учебника не дал возможности включить разделы по атмосферной оптике и атмосферному электричеству.

Предназначен для студентов на уровне бакалавриата и магистратуры гидрометеорологических и физических специальностей университетов, а также специалистов в области метеорологии и других наук о Земле.

\*\*\*

The general questions of physics of atmosphere, concerning structure and a structure of an atmosphere are stated; by consideration of bases pogooodobrazuyushchih processes the main attention is given to their physical essence. The volume of the textbook has not given an opportunity to include sections on atmospheric optics and an atmospheric electricity.

It is intended for students at a level of a bachelor degree and a magistracy of hydrometeorological and physical specialities of universities of universities, and also experts in the field of meteorology and other sciences about the earth.

**УДК 551.51(075.8)**

**КБК 26.233**

**Илмий муҳаррирлар: ҲОЛМАТЖАНОВ Б.М. – г.ф.н.;  
ПЕТРОВ Ю.В. – ф.м.-ф.н., доц.**

**Такризчилар: ТУРСУНМЕТОВ К.А. – ф.-м.ф.д., проф.;  
ҚОДИРОВ Б.Ш. – г.ф.н.**

**ISBN 978-9943-10-616-1**

**© «Fan va texnologiya» нашриёти, 2011.**

## СЎЗ БОШИ

Ер атмосфераси атрофимиздаги табиий мухитнинг энг ҳаракатчан қобиқларидан биридир. Унинг ҳолати ҳавонинг кимёвий таркиби, кўплаб физикавий характеристика ва жараёнлар, ташқи ва ички омиллар билан ўзаро таъсири, шунингдек инсон фаолияти натижаларининг таъсири билан белгиланади. Атмосферанинг ҳолатини ўрганиш ва у тўғрисидаги катта билимлар мажмуасини умумлаштириш геофизик фанлардан бири ҳисобланган *атмосфера физикасининг* предмети ҳисобланади.

Замонавий атмосфера физикаси икки ўта муҳим ёндошувга асосланади. Бир томондан, кузатув ва ўлчаш маълумотларидан кенг фойдаланилади ва улар асосида атмосфера жараёнларининг шаклланиш ва ривожланиш қонуниятлари аниқланади, атмосферанинг таркиби, хоссалари ва тузилиши ўрганилади. Бу маълумотлар метеорологик станциялар ва обсерваториялар тармоғи, радиозондлаш станциялари, самолёт, аэростат ва ракета ёрдамида зондлаш орқали олинади. Сўнгти ўн йилликларда атмосферани Ернинг метеорологик сунъий йўлдошлари, шунингдек радиолокация ва лазер локацияси воситасида масофавий зондлаш орқали катта микдордаги ахборот олинмоқда. Кўрсатиб ўтилган кузатишларнинг барча турдаги ўлчаш тизимлари микро- ва нанотехнологиялар, ядро физикаси ва бошқа соҳалардаги энг янги ютуқлар асосида доимий такомиллаштириб борилмоқда.

Кейинги ёндошув атмосфера жараёнлари ва ҳодисаларининг турли математик усуllар ва ҳисоблаш техникасидан кенг фойдаланиш асосида яратилган назарий моделларининг ривожланишига боғлиқ.

Шуни назарда тутиши керакки, атмосфера объектлари ва жараёнларининг масштаблари кенг спектрга эга бўлиб, микрометрлардан (конденсация ядролари) бошлаб юзлаб ва минглаб километргача (найсимон оқимлар, булут тизимлари ва бошқалар) ўлчамли бўлиши мумкин.

Атмосфера объектлари ва жараёнлари ва уларни ўрганиш усуllарининг турли-туманлиги атмосфера физикаси доирасида синоптик метеорология, назарий метеорология, экспериментал

метеорология, амалий метеорология, иқлиминунослик ва бошқа топған тармоқларининг ажралишига олиб келди.

Дарслер давлат университетларининг атмосфера физикаси бўйича ўкув режаси ва дастурига мувофиқ ёзилган.

Унда Ер атмосфераси ҳақидаги зарурый маълумотлар минимуми қамраб олинган. Дастраси түртта боб атмосферанинг таркиби ва тузилиши, унинг барик майдони ва унда содир бўлаётган термодинамик жараёнлар тўғрисида тасаввур ҳосил қилиш имконини беради. Кейинги тўрт боб об-ҳавони ҳосил қилувчи жараёнларга бағишлиланган. Радиацион жараёнларининг атмосфера ҳарорат режими шаклланишининг бош сабабчиси сифатидаги роли қатъий кетма-кетликда кўрсатилган. Сўнгра атмосферадаги намлик айланишининг буғланишдан бошлаб, ёғинларининг ёғишигача бўлган барча бўғинлари кўриб чиқилган. Якуний бобда атмосфера ҳаракатлари динамикасининг асослари ёритилган.

Материални баён қилишда об-ҳавонинг ташки мухит, ер юзаси ва атмосферанинг ўзида кечётган физик жараёнлар ўзаро таъсирининг мураккаб натижаси эканлигига асосий эътибор қаратилган. Об-ҳавонинг асосий тенгламалари тизимиға кирувчи барча тенгламаларнинг келтириб чиқарилиши ва изоҳлари берилган (И.А. Кибель бўйича).

Дарслер муаллифлар томонидан физика ва география факультети талабаларига узоқ йиллар давомида ўқилган маъruzalar матни асосида яратилди. Шу сабабдан материалларни баён қилиш муайян мантиқий кетма-кетликка эга. Умуман, материаллар кетма-кетлиги атмосфера физикаси бўйича россиялик муаллифлар А.Т.Матвеев ва А.Х.Хргианларнинг дарслеридагидан кам фарқ қиласди. Мазкур дарслернинг баён қилиш тили лўнда ва аниқлиги билан ажралиб туради. Дарслер учун ажратилган ҳажмнинг етарли эмаслиги материалларни кенгроқ ёритишга имкон бермади.

Муаллифлар, маъного эга бўлган жойларда, Ўзбекистон метеорологик сатнциялари маълумотларидан жадвал ва тасвирий материаллар кўринишида фойдаланганлар. Шунингдек Ю.В.Петров томонидан илмий-тадқикот ишлари давомида олинган қатор натижалар ҳам дарслердан ўрин олган. Хусусан, 5-бобда атмосфера шаффоғлигининг интеграл характеристикалари қаторига янги параметр – келтирилган шаффоғлик кўрсаткичи, 4-бобда атмосфера тургунлиги мезони сифатида мувозанатланган ҳарорат градиенти киритилган.

Айрим бобларни ўқитиши жараёнида анимацион воситалардан фойдаланиш имконияти мавжуд. Масалан, термодинамик параметрларни ҳисобга олган ҳолда конвектив булутларнинг ривожланиши жараёни компьютер техникасидан фойдаланган ҳолда ўтказилади.

Дарсликнинг ҳажмига қўйиладиган чеклашлар атмосфера физикасининг атмосфера оптикаси ва электр ҳодисалари бўлимларини ёритишга имкон бермади.

Муаллифлар дарслик тақризчилари ф.-м.ф.д., проф. К.А.Турсунметов ва г.ф.н. Б.Ш.Қодировларга дарсликни тайёрлаш жараёнида билдирган таклиф ва мулоҳазалари учун ўз миннатдорчилигини билдиради.

Илмий муҳаррирлар: *г.ф.н., Холматжсанов Б.М..  
ф.-м.ф.н., доц. Петров Ю.В.*

## I БОБ. КИРИШ

### Асосий тушунчалар

**1. Геофизика** – Ернинг физик хоссалари ва жараёнлари, унинг литосфераси, гидросфераси ва атмосферасини умумий ўрганувчи илмий фанлар мажмуаси.

**2. Гидросфера** – ер шарининг сувлари тўплами: океан, сирт ва ер ости сувлари; Ернинг сув қобиғи.

**3. Литосфера** – Ер қаттиқ қисмининг ташки қатлами, ер сиртидан таҳминан 1200 км чукурликкача чўзилган.

**4. Синпотик карта** – географик карта, унга вақтнинг муайян моментларида метеорологик сатнциялар тармоғидан олинган кузатишлар натижалари ракам ва белгилар орқали туширилади.

**5. Барик топография картаси** – у ёки бу изобарик сиртнинг денгиз сатҳига нисбатан (мутлақ топография картаси) ёки куйида жойлашган изобарик сиртга нисбатан (нисбий топография картаси) баландлиги (аниқроғи геопотенциали) туширилган карта.

**6. Метеорологик станция** – жой рельефи, атрофдаги бинолар ва аҳоли пунктлари нуқтаи назаридан муайян талабларга жавоб берувчи метеорологик кузатишлар амалга ошириладиган пункт.

**7. Метеорологик майдонча** – очиқ ва жойнинг атроф-муҳитига хос бўлган ердаги метеорологик станциянинг метеорологик асбоблар курилмалари ўрнатиладиган майдонча.

**8. Ернинг метеорологик йўлдоши** – дастурига булутлиликни суратга олиш ва асосан радиацияга оид бўлган кузатиш ва ўлчашларни бажарувчи Ернинг сунъий йўлдоши бўлиб, ер атмосфераси, шу жумладан, тропосферадаги планетар масштабли жараёнларни ўрганиш вазифасига эга.

**9. Актинометрик кузатишлар** – тўғри, сочилган, ялпи қуёш радиацияси жадаллиги, шунингдек эффектив нурланиш, радиацион баланс ва альбедо устидан кузатишлар бўлиб, тегишли асбоблар ёрдамида амалга оширилади.

**10. Ҳаво массаси** – майдони бўйича материк ва океанларнинг катта қисмлари ўлчамига эга бўлган, деярли бир хил хоссали ва

атмосфера умумий циркуляциясининг бирор оқими бўйлаб ҳаракатланувчи тропосфера ҳавоси миқдори.

**11. Циклон** – паст ҳаво босимли (марказида минимал босим) ва шимолий яримшарда соат стрелкасига тескари, жанубий яримшарда соат стрелкаси бўйича циркуляцияли атмосфера ғалаёни.

**12. Антициклон** – денгиз сатҳида юқори атмосфера босимига эга бўлган берк концентрик изобарали соҳа. Антициклонда ҳаво шимолий яримшарда соат стрелкасига бўйича, жанубий яримшарда соат стрелкасига тескари йўналишда ҳаракатланади.

**13. Найсимон оқим** – ҳавонинг юқори тропосфера ва қуий стратосферада тропопаузага яқин сатҳларда, юқори кенгликларда эса пастроқ сатҳларда катта тезликли энсиз оқим кўринишидаги кўчиши.

**14. Узун тўлқин** – ўрта кенгликларда умумий ғарбий оқимдаги бир неча минг километр тартибли узуниликдаги атмосфера тўлқини бўлиб, ўрта тропосферанинг барик майдонидаги ботик ва қавариқ шаклдаги ғалаёnlари билан боғлиқ. Ер шари айланаси бўйлаб одатда бир нечта (3-6) узун тўлқин жойлашади.

**15. Куон (торнадо)** – деярли вертикал, кўпинча эгилган ўқли, бир неча ўн метр диаметрли кучли уюрма. Куонда ҳаво босими паст. Куон қора булут устуни кўринишига эга бўлиб, кўпинча у паст ёмғирли тўп-тўп булутнинг асосидан воронка кўринишида тушиб келади. Ер сиртидан унга томон сув пуркамаси ва чангдан ҳосил бўлган бошқа воронка кўтарилиб бориши мумкин. Устуннинг энг энсиз қисми – ўргатада. Куруклик устида тромб ёки торнадо (АҚШда) синонимлари кўлланилади.

## 1.1. Атмосфера физикасининг предмети ва вазифалари

Ер сайёраси қаттиқ (литосфера), суюқ (гидросфера) ва газсимон (атмосфера) қобиқлардан ташкил топган бўлиб, уларда рўй берувчи физикавий ва кимёвий жараёнлар “Ер ҳақидаги фанлар” ёки умумий геофизика номи билан бирлашган фанлар мажмуаси томонидан ўрганилади.

*Атмосфера физикаси геофизиканинг таркибий қисми бўлиб, атмосферада рўй берувчи турли физикавий ҳодиса ва жараёнларни ўрганади. Уларга атмосферанинг келиб чиқиши, унинг таркиби ва тузилиши, нурланиши ва иссиқликнинг узатилиши жараёнлари, сув буғининг фазавий айланишлари ҳамда у билан боғлиқ бўлган*

булут, туман ва ёғин шаклланиши жараёнлари, ҳаво ҳаракати қонуниятлари, атмосфераға оптик ва электрик ҳодисалар киради. Бу ҳодиса ва жараёнларнинг барчаси ўзаро боғлиқликда ҳамда космик мұхит, ер ва сув қобигида рўй берувчи жараёнлар билан боғлиқликда ўрганилади.

Атмосфера ҳодисаларини ўрганишнинг дастлабки босқичларида бу ҳодисалар тўғрисидаги маълумотлар етарлича фарқланмаган, атмосфера тўғрисидаги фан эса *метеорология* деб номланган. Бу атама милоддан аввалги IV асрда, юнон файласуфи Арасту шу номли (юнонча *μετεωρολογία*) асарни эълон қилганидан сўнг пайдо бўлган. Бу атаманинг сўзма-сўз таржимаси метеорлар ҳақидаги фан маъносини беради. Метеорлар деганда ер сирти ва атмосферада рўй берувчи ихтиёрий ҳодисалар тушунилган. Арасту ўз асарида турли атмосфера (булутлар, ёғинлар, шамол ва бошқ.) ва бошқа ҳодисалар (сув тошқинлари, курғокчилик ва бошқ.) тўғрисида ўша даврда йиғилган маълумотларга дастлабки фалсафий тушинтириш беришга ҳаракат қилган. Бироқ метеорологиянинг фан сифатида шаклланишига яна анча вақт талаб қилинди.

XVI асрнинг ўрталарига келибгина, тадқиқотларнинг табиий-илмий методлари ва дастлабки метеорологик ўлчаш асбоблари (барометр, термометр)нинг қашф килиниши билан, айрим атмосфера ҳодисаларини физика қонунлари асосида тушинтириш имконияти пайдо бўлди. Бу даврда метеорология физиканинг таркибий қисми сифатида ривожланди ва XVIII асрнинг биринчи ярмига келиб мустакил фан сифатида шаклланди.

Хозирги вақтда метеорологияда атмосфера жараёнларини таҳлил қилишнинг математик методлари, шунингдек физикавий тажрибаларнинг кенг қўлланилиши атмосфера жараёнлари тўғрисидаги фанни *атмосфера физикаси* деб аташга имкон беради. Шунга қарамай метеорология атамаси эндиликда атмосфера ҳодисалари тўғрисидаги билимлар йиғиндинсини англатиш учун қўлланилмоқда.

Атмосферанинг фазода биржинсли эмаслиги ва вақт ичидаги кучли ўзгарувчанлиги унинг асосий хусусиятларидан биридир. Атмосфера ҳолатининг бундай узлуксиз ўзгаришларини об-ҳаво деб атап қабул қилинган.

Об-ҳаво – бу маълум ҳудуд устида, маълум вақт ёки вақт оралиғида атмосферанинг метеорологик катталиклари ва атмосфера

ҳодисаларининг уйгунилиги билан характерланувчи физикавий ҳолатидир.

*Метеорологик катталик* атмосфера ҳолатининг муайян характеристикасидир. Ҳавонинг ҳарорати ва намлиги, атмосфера босими, шамол тезлиги ва йўналиши, булутларнинг микдори, баландлиги ва шакли, атмосфера ёғинлари, метеорологик кўринувчанлик узоқлигига ва атмосфера ҳолатининг бошқа характеристикалари метеорологик катталиклар ҳисобланади.

*Метеорологик ҳодиса* метеорологик катталикларнинг муайян мажмуи билан тавсифланувчи физикавий жараёндир. Мисол учун, нисбий намлик, шамол ва метеорологик кўринувчанлик узоқлигининг маълум мутаносиблигига туман ҳосил бўлади. Метеорологик ҳодисаларга момақалдироқ, изгирин, чангли бўрон, қасирға, булдуруқ ва бошқалар мисол бўла олади.

Бошқа ихтиёрий фанда бўлгани каби, атмосфера физикасининг асосий вазифаси табиат қонунларини ўрганишдан иборат. Шу билан бирга замонавий фан атмосфера жараёнлари ва ҳодисаларини кузатиш, тавсифлаш ва тушунтириш билангина чекланиб қола олмайди. У олинган хulosалардан жамият эҳтиёжларини қондириш учун фойдаланиб, инсоннинг амалий заруриятларини таъминлаши лозим. Якуний натижада у табиат ҳодисаларини бошқаришнинг амалий имкониятларини топиши ва уларни жамият учун фойдали йўналишда ўзгартира олиши лозим.

Юқоридагилардан келиб чиқиб атмосфера физикасининг асосий вазифаларини қуидагича белгилаш мумкин:

- атмосферани характерловчи ва унда кузатилувчи ҳодисаларнинг аниқ физикавий маълумотлар қаторини олиш, бу ҳодисаларни сифат ва микдор нуқтаи назаридан тавсифлаш (кузатиш ва тавсифлаш);

- олинган физикавий маълумотлар таҳлилидан келиб чиқиб, атмосфера ҳодисаларини тўғри тушунтириш ва уларнинг кечишини бошқарувчи қонунларни топиш (таҳлил);

- топилган қонуниятларни қўллаган ҳолда атмосферада содир бўлаётган жараёнларнинг ривожланишини олдиндан аниқ айтиш усулларини ишлаб чиқиш (прогноз);

- аниқланган қонуниятларни атмосфера жараёнлари ривожланишига қўллаб, табиат кучларидан амалий фаолиятда фойдаланиш (бошқарув).

## 1.2. Атмосфера физикасининг тадқиқот усуллари

Атмосфера физикасида турли тадқиқот усуллардан фойдаланилади, бироқ уларнинг барчаси физикавий асосга эга. Уларнинг асосийлари куйидагилардир:

1. *Кузатув* усули атмосфера, об-ҳаво ва иқлим ҳақида аниқ маълумотларни олиш имконини беради. Кузатувлар Ер сирти яқинида, шунингдек амтсоферанинг турли баландликларида амалга оширилиши лозим. Асосий метеорологик катталикларни ўлчаш бўйича Ер усти метеорологик кузатувлари Ер шари бўйлаб тақсимланган бир неча минглаб метеорологик ва юзлаб аэрологик станцияларда олиб борилади. Нисбатан камсонли метеорологик станцияларда қуёш радиацияси, Ер ва атмосфера нурланиши ҳамда Ер сирти иссиқлик балансининг ташкил этувчилари (*актинометрик* ва *иссиқлик баланси ўлчовлари*) кузатилади. Бундан ташкири махсус жиҳозланган обсерваторияларда атмосфера электри, озон ва газ таркиби устида кузатувлар олиб борилади.

Катта хажмдаги ўлчовлар геофизик ракета ва Ернинг метеорологик сунъий йўлдошлари ёрдамида олиб борилади. Бу усулни амалга ошириш мақсадида бутун Ер шари майдонини камраб олган метеорологик кузатув тармоғи ташкил этилган.

2. Атмосфера физикасида эксперимент усулининг имкониятини кўллаш чекланган. У табиий ва лаборатория шароитида ўтказилиши мумкин.

Табиий шароитда экспериментга дўлли булатларни тарқатиш мақсадида таъсир этишни, қўшимча ёғин ҳосил қилиш мақсадида ёмғирли қатламли булатларга таъсир этиш, туманни тарқатиш тажрибаларини мисол қилиш мумкин. Бу тажрибалар амалий мақсадни кўзда тутсада, табиатдаги у ёки бу ҳодисаларни чуқурроқ ўрганишга имкон берди.

Бу турдаги экспериментларга глобал, худудий ёки давлат (миллий) кўламида бирон-бир ҳодиса ёки жараённи мажмуавий экспедицион тадқиқотларини киритиш мумкин. Мисол учун, катта худудлар устидаги гидросфера ва атмосфера ҳақидаги тўлиқроқ маълумотларни йигиш мақсадида Халқаро йиллар тадбирлари ўтказилади. 1882-1883 ва 1932-1933 йилларда Биринчи ва Иккинчи халқаро кутб йиллари ўтказилган. Халқаро геофизик йил (01.07.1957-31.12.1958) вақтида мажмуавий геофизик тадқиқотларда сайёранинг бутун худуди камраб олинган.

Глобал атмосферавий жараёнлар тадқиқоти дастури доирасида XX асрнинг 70-йилларида қатор дастурлар амалга оширилди. Булар - Тропик, Қутбий, Мажмуавий Энергетик, Муссон ва бошқа дастурлар.

Лаборатория шароитидаги экспериментларга мисол қилиб маҳсус дастур асосида аэрозол камера деб номланган қурилмада булат ва ёғин ҳосил бўлиш жараёнини ўрганишни келтириш мумкин. Маҳсус экспериментал қурилмада атмосфера умумий циркуляциясини физик моделлаптириш ҳам бунга мисол бўлиши мумкин.

3. *Статистик таҳлил* усули. Бу усул қўйидаги масалаларни хал қилиш имконини беради. Биринчидан, эҳтимолий-стatisistik аппарат кузатув натижаларини иқлимий қайта ишлашнинг асосини ташкил қиласди. Бу усул ёрдамида кузатувларнинг маълум вакт интервалида жамланган қатори тузилади; бошланғич маълумотлар қатори уларнинг қийматлари градацияларининг тақсимоти бўйича қайта тузилади; тақсимотларнинг асосий хоссаларини акс этирувчи қаторларнинг статистик характеристикалари ҳисобланади.

Иккинчидан, *корреляция* статистик усули ёрдамида метеорологик катталиклар ва ҳодисалар ўртасидаги боғлиқликни (ёки унинг йўқлигини) аниқлаш ҳамда бу боғлиқлик даражасини миқдорий кўринишда ифодалаш мумкин.

Учинчидан, *статистик-стохастик* усул асосида атмосфера-даги бир физикавий жараённинг бошқасига ўтиш эҳтимоллигини аниқлаш мумкин.

Бироқ шуни назарда тутиш лозимки, статистик таҳлил аниқланган боғлиқлик ва фактларни тушунтириб бермайди.

4. *Физикавий-математик таҳлил*. Бу усул ёрдамида физика қонуниятлари асосида атмосферада аниқланган ҳодиса ва боғлиқликларга тушунтириш берилади ҳамда атмосфера жараёнларининг юзага келиши ва ривожланиши ҳамда уларнинг бир-бири билан ўзаро алокадорлик назариялари яратилади. Физиканинг умумий қонунлари асосида атмосфера жараёнларини тавсифловчи дифференциал тенгламалар тузилади. Бу тенгламаларнинг ечилиши атмосфера жараёнлари ривожланишининг миқдорий қонуниятларини, яъни прогноз масаласини хал қилиш имконини беради.

Сўнгги йилларда атмосфера жараёнларини *математик моделлаштириши* кенг қўлланилмоқда.

5. *Карталаштириши* усули. Йирик масштабли атмосфера жараёнлари катта майдонлар устида содир бўлади. Шу сабабли метеорология ва иқлимшуносликда кузатилган маълумотларни географик карталарда таққослаш мухим аҳамиятга эга. Вақтнинг бир моментида Ер юзасининг турли жойларида амалга оширилган фактик кузатув натижалари *синоптик карталарга* туширилади. Радиозондлар ёрдамида атмосферани кузатиш асосида олинган маълумотлар *барик топография карталарига* туширилади. Карталар айни вақтда об-ҳаво шароитларининг катта худуд устида қандай тақсимланганлигини кўриш имконини беради. Кетма-кет вақт моментлари учун синоптик карталарни таққослаш атмосфера жараёнларининг ривожланишини кузатиб бориш ва пировард натижада бу жараёнларнинг қандай кечиши ва кутилаётган об-ҳаво ҳақида хулоса қилиш имконини беради.

Махсус географик карталарга Ернинг метеорологик сунъий йўлдошларидан олинган кузатув маълумотлари туширилади. Бу карталар турли атмосфера объектлари ва ҳодисаларининг фазовий тақсимотини ўрганиш имконини беради. Булар булутлилик майдони, туман, чангли ҳодисалар, қор қоплами ва бошқалар.

### 1.3. Атмосфера жараёнларининг хусусиятлари

Юқорида таъкидланганидек, атмосфера хоссаларининг фазода биржинсли эмаслиги ва уларнинг вақт давомида ўзгарувчанлиги атмосферанинг мухим хусусиятларидан биридир. Бу ҳолат атмосферанинг космик мухит, Куёш ва Ер сирти билан мураккаб ўзаро таъсири жараёнлари билан тушинтирилади. Атмосфера ҳаракатларининг асосий манбай Қуёшдан келаётган энергия ҳисобланади. Бу энергия атмосферада қисман ютилади ва сочилади ҳамда бир қатор оптик ҳодисалар (осмон ранги, рефракция, сароблар, камалак ва бошк.)га сабаб бўлади. Бу энергиянинг маълум қисми Ер сиртига етиб келади ва унда ютилади. Физикавий хоссалари бўйича ер сиртининг биржинсли эмаслиги қуруқлик ва океанларнинг тақсимоти, рельеф, ўсимлик ва қор қопламларининг мавжудлиги ва бошқа омиллар билан бўғлиқ. Бу эса турли географик худудларда ер сиртининг нотекис исига сабаб бўлади. Шунга мувофиқ ҳавонинг исиши, буғланиш ва бошқа метеорологик катталик ва ҳодисаларининг фазо ва вақтдаги старлича хилма-хил тақсимоти вужудга келади. Натижада атмосферада иссиқлик ва

намликтининг қайта тақсимланишини таъминловчи харакат система-  
ларининг шаклланиши юз беради.

Атмосфера жараёнларининг иккинчи ўта муҳим хусусияти атмосферада ер сиртининг катта қисмини эгаллаган океанлардан кўп микдорда буғланувчи сув бугининг мавжудлиги билан боғлиқ. Буғланишга катта микдордаги энергия сарфланиб, у минглаб километрлик масофаларга ҳаво оқимлари ёрдамида сув буғи билан яширин кўринишда узатилади. Маълум шароитларда сув буғи конденсацияланиб, булутлар ва туманлар ҳосил бўлади. Бунда сувни буғлантиришга сарфланган катта микдордаги энергия қайта ажralиб чиқади. Шундай қилиб, сув буғи турли атмосфера обьектлари (циклонлар, атмосфера фронтлари ва бошқ.)нинг шаклланиши учун энергия ташувчи манба ҳисобланади. Бундан ташқари булутлар атмосфера ва ер сирти иссиқлик режимига таъсир ўтказиб, қуёш радиациясининг келиши ва ер сиртининг нурланиш шароитларини сезиларли ўзгартиради.

Атмосфера жараёнларининг учинчи хусусияти шундаки, улар бутун ер шари ҳудуди устида ривожланади. Бу жараёнларининг ривожланишини кузатиш учун, биринчидан, ер усти ва аэрологик кузатувлар, шунингдек Ер сунъий йўлдошларидан кузатувларни ўз ичига олувчи атмосфера ҳолатини кузатиш тизимини ташкил этиш лозим. Иккинчидан, бу жараёнларининг фазо ва вактдаги ривожланишини тадқиқ этиш методларига эга бўлиш зарур.

Атмосфера жараёнларининг тўртинчи хусусияти уларнинг турли масштабларга эгалигидир. Атмосфера обьектлари ва жараёнларининг масштаби миллиметрлардан бошлаб минглаб километрлар кўламида бўлиши мумкин. Эндиғина ҳосил бўлган томчилар энг кичик ўлчамга ( $10^{-6}$ - $10^{-7}$  м) эга бўлса, атмосфера аэрозолларининг ўлчами 1-2 мкм дан 1 мм ва ундан каттароқ чегараларда ўзгариши мумкин. Алоҳида булутлар ва қуюн (торнадо)лар бир неча ўн метрлардан 100 км гача ўлчамга эга. Ҳаво массалари, циклонлар, антициклонлар, атмосфера фронтларининг булат тизимлари юзлаб километрлардан 1000-2000 км гача ўлчамни ташкил этади. Спиралсимон булат тизимлари, тез ҳаво оқимлари ва узун тўлқинлар энг йирик обьектлар бўлиб, уларнинг масштаби Ер ўлчамлари билан таққосланади. Кўриниб турибдики, юқорида санаб ўтилган обьект ва ходисаларни ўрганиш учун турлича тадқиқот усувлари талаб этилади.

## **1.4. Атмосфера физикасининг бошқа фанлар билан алоқаси**

Атмосфера жараёнлари, объектлари ва ҳодисаларини ўрганиш бошқа фанларда, биринчи навбатда физика қонунлари, хусусан, унинг механика ва термодинамика бўлимлари, электромагнит ҳодисалар, шу жумладан оптик ҳодисалар, модда тузилиши хақида ўрнатилган қатор қонунларга таянади.

Замонавий атмосфера физикаси ўзининг тадқиқотларида *математик методлардан* кенг фойдаланади. Уларга, хусусан, дифференциал ва интеграл ҳисоблаш, дифференциал тенгламаларни ечиш усуллари, математик статистика ва эҳтимоллар назарияси, назарий механика ва бошқалар киради.

Атмосферадаги кўпгина жараён ва ҳодисаларни ўрганишда *география, астрономия* ва кимё асосларини билиш зарур.

Атмосфера жараёнларининг Ернинг сув қобиги ва қуруқлик қатламида содир бўлаётган жараёнлар билан чамбарчас боғлиқлиги океанология, гидрология, геодезия, сейсмология каби фанлар билан ўзаро алоқадорлик заруриятини юзага келтиради.

Атмосфера объектлари ва жараёнлари хусусиятларининг ўзига хослиги атмосфера физикасининг ривожланиши жараённада мустақил фан илмий соҳаларининг ажralиб чиқишига олиб келди.

Улар ўрганадиган объектлари ва бу объектларни тадқик қилишининг методик хусусиятлари билан ўзаро фарқланади. Фаннинг бундай йирик соҳаларига куйидагилар киради:

*Динамик (ёки назарий) метеорология* -- бу фан соҳасининг асосий вазифаси, биринчидан, атмосфера ҳаракатлари ва улар билан боғлиқ атмосферадаги энергия ўзгаришларини назарий физика, турубулентлик назарияси, атмосферадаги радиацион ва бошқа физик жараёнлар назарияси қоидалари асосида ўрганиш. Иккинчидан, атмосфера жараёнларини гидродинамик (сонли) прогнози усулларини ишлаб чиқиш. Бу фан соҳаси доирасида *атмосфера чегаравий қатлами физикаси* деб номланган мустақил фан соҳаси шаклланди.

*Синоптик метеорология* – катта ҳудудлардаги об-ҳаво тақсимоти ва унинг ўзгаришлари қонуниятларини ҳамда уларни прогнозлаш усуллари ҳақидаги фан соҳаси. Бу фан соҳасининг асосида синоптик ва барик топография карталари ёрдамида атмосфера жараёнларини синоптик таҳлил қилиш усули ётади. Синоптик карта бу қаралаётган ҳудуднинг қўплаб нуқталаридаги

метеорологик кузатиши маълумотлари туширилган географик картадир. Бу фан соҳаси ичидаги мустақил фан илмий соҳалари шаклланган, булар қисқа ва ўрта муддатли об-ҳаво прогнозлари ва узоқ муддатли метеорологик прогнозлар.

*Экспериментал метеорология* – атмосфера физикасининг метеорологик катталикларни ўлчашнинг назарий асослари ва усулларини ўрганадиган йўналиши. Бу йўналиш таркибида *метеорологик ўлчовлар, аэрология, булутлар ва ёгинлар физикаси, актинометрия, атмосфера аэрозоли, атмосфера оптикаси ва электри, радиолокация ва лазер метеорологияси* каби мустақил фан илмий соҳалари шаклланди.

*Амалий метеорология* – атмосфера физикасининг бўлимларидан бири бўлиб, атмосфера физикасида аникланган қонуниятлар ва кузатув маълумотларидан иқтисодиёт ва мудофаа секторининг турли талабларини қондириш усул ва услубларини ўрганади. Бу бўлимда *авиация метеорологияси, агрометеорология, биометеорология, техник метеорология, харбий метеорология* каби мустақил фан соҳалари шаклланди.

*Космик метеорология* – метеорологик ҳодиса ва жараёнларни диагноз ва прогноз қилиш мақсадида Ер метеорологик сунъий йўлдошларидан олинадиган маълумотларни қабул қилиш, дешифровка қилиш ва бу маълумотлардан фойдаланиш усулларини ўрганадиган соҳа.

## 1.5. Атмосфера физикаси соҳасида ҳалқаро ҳамкорлик

Атмосфера жараёнлари ва ҳодисалари глобал характерга эга бўлгандиги сабабли бутун дунё метеорология хизмати ишини мувофиқлашган метеорологик кузатув услубияти асосида ташкил этиш зарур. Шу сабабли XIX асрнинг иккинчи ярмидаёқ қатор Европа давлатлари орасида метеорологик кузатув маълумотларини алмашинга ҳаракат қилина бошланди.

1873 йилда Венада бўлиб ўтган Биринчи ҳалқаро метеорологик конгрессса *Ҳалқаро метеорологик ташкилот* (ХМТ) тузилди. 1947 йилда бу ташкилот *Бутунжоҳон метеорология ташкилоти* (БЖМТ) деб қайта ташкил этилди. Бутунжоҳон метеорология ташкилоти Бирлашган Миллатлар ташкилотининг ихтисослашган муассасасидир. Дунёнинг барча метеорология хизматлари ўртасида метеорологик маълумотларни алмасиши

Бутунжаҳон метеорология хизмати доирасида амалга оширилади. Кузатувларнинг ягона услугият асосида олиб борилиши Бутунжаҳон метеорология хизмати томонидан назорат қилинади ҳамда илмий-услубий тадқикотлар натижаларини тарқатиш амалга оширилади. Атмосферани тадқиқ қилиш бўйича барча катта лойиҳалар Бутунжаҳон метеорология ташкилоти қарори билан олиб борилади.

Ўзбекистон мустақил давлат сифатида Бутунжаҳон метеорология ташкилотига 1993 йил январ ойида қабул қилинди. Ҳозирги вақтда Ўзбекистон Республикаси Ўзгидромети БЖМТнинг барча / асосий дастурида иштирок этмоқда. «Бутунжаҳон иклим дастури», «Атроф-муҳит ва атмосфера тадқиқотлари дастури», «Метеорологияни қўллаш дастури» шулар жумласидандир.

Инсон фаолиятининг турли соҳаларини, биринчи навбатда авиация ва денгиз транспортини прогнозлар ва метеорологик маълумотлар билан таъминлашни такомиллаштириш зарурияти БЖМТ доирасида *Бутунжасон об-ҳаво хизматини* (БЖОХ) ташкил этишни тақозо этди. Бутунжаҳон об-ҳаво хизматини тузишининг ташкилотчиларидан бири Ўзбекистон фанлар академиясининг академиги В.А.Бугаев ҳисобланади. Бутунжаҳон об-ҳаво хизматининг вазифаларига кам ўзлаштирилган ҳудудларда кузатувларни ташкил этиш, ҳамма давлатларда ўлчаш ишларини ягона услубда олиб бориш ва сифатини ошириш, метеорологик сунъий йўлдошлар глобал тизими ва бошқа янги техник воситалар ёрдамида олинган маълумотларни йиғиш ҳамда бу маълумотларни айрибошлиш, бутун Ер шари бўйича олиб борилаётган кузатув маълумотларини тўплаш вақтини 2-3 соатгача қисқартириш киради. Бутунжаҳон об-ҳаво хизматининг таркибида уч тоифадаги – жаҳон, регионал ва миллий метеорологик марказлар ташкил этилган. Москва, Вашингтон ва Мельбурнда жойлашган жаҳон марказлари га бутун дунё кузатув тармоқларидан, ҳамда Россия ва АҚШ космик метеорологик тизимлари ёрдамида олинаётган маълумотлар келиб тушади. Регионал марказлар ўзларига бириктирилган ҳудудлар бўйича ахборотларни йигади. Регионал метеорологик марказлар сони 24 та. Россияда улар Москва, Новосибирск ва Хабаровскда, Марказий Осиёда эса Тошкентда жойлашган. Турли тоифадаги марказлар орасида ўзига хос мажбуриятлар тақсимоти мавжуд. Ҳар бир юқори тоифадаги марказлар куйи тоифадаги марказларга нафақат маълумотларни, балки ўзлари қайта ишлаган ма-

териалларни ҳам беради. Булар Ер сунъий йўлдошлари маълумотлари, прогноз карталари ва бошқалар.

## 1.6. Атмосфера физикасининг амалий аҳамияти

Об-ҳаво ва иқлим инсон фаолиятининг деярли барча соҳаларига катта таъсир кўрсатади. Сув тошқини ёки курғоқчилик каби катта масштабли табиий оғатлар нафақат инсонлар ҳалокатига олиб келади, балки алоҳида давлатлар ва минтақалар иқтисодиётига катта зарап келтиради. Ўрта масштабли, бироқ тез-тез учраб турадиган – торнадо (куюн, гирдоб), қора совуқ, кучли жала, дўл уриши, қор кўчкилари, жала, туман ва бошқа ҳодисалар ҳам салбий оқибатларга олиб келади. Улар келтирган иқтисодий зарарларнинг олдини олиш ёки камайтириш учун турли муддатлар (12 соат, сутка, уч сутка ва ҳоказо)га тайёрланган *об-ҳаво прогнозлари* зарур.

Ҳар бир давлатнинг барқарор ижтимоий-иктисодий ва сиёсий ривожланиши у жойлашган ҳудуд иқлимий-ресурс потенциалини хисобга олиш билан боғлиқ.

Фойдаланилаётган метеорологик маълумотлар миқдори ва уларга кўйиладиган талаблар даражаси бўйича авиация олдинги ўринлардан бирини эгаллайди. Самолёт ва вертолётларнинг учиши ва қўниши кўп жиҳатдан учиш-қўниш йўлагининг ҳолатига, яъни йўлакдаги кўриниш масофаси, туман, кучли ёғинлар, чангли бўронлар, паст булутилил, кучли шамол ва бошқаларга боғлиқ. Баландликда учиш вақтида шамол, самолётнинг муз билан қопланниши, силкиниш, момақалдироқ ва булутилил ҳақидаги маълумотлар зарур.

Аэродромларни лойиҳалаштириш ва эксплуатация қилишда шамонлинг устувор йўналиши, туманлар ҳосил бўлишининг тақрорланувчанлиги ва бошқа атмосфера ҳодисалари тўғрисидаги иқлимий маълумотлар хисобга олинади. Санаб ўтилган барча муаммоларни ўрганиш *авиацион метеорологиянинг* вазифаси хисобланади.

Об-ҳаво ва иқлим ўзгаришларининг қишлоқ хўжалигига таъсири катта. Қишлоқ хўжалиги экинлари ҳосилдорлигига об-ҳаво шароитларининг таъсирини *агрометеорология* ўрганади. Тупроқ ва ҳавонинг намлиги, ёғинлар, ёруғлик ва иссиқлик миқдори экин майдонлари ҳосилдорлигига катта таъсир кўрсатади. Экиш вақтини

белгилаш, ўтитлашнинг мақсадга мувофиқлиги, мелиоратив ишлар ва бошқа шу каби агротехник тадбирларни амалга ошириш метеорологик шароитларни ҳисобга олган ҳолда олиб борилади. Нокулай метеорологик ҳодисалардан (қора совук, дўл уриши ва бошқалар) қишлоқ хўжалиги экинларини ҳимоялаш тадбирларини амалга ошириш учун ҳам метеорологик маълумотлар зарур.

*Тиббий (био)метеорология* об-ҳавонинг инсон организмига таъсири билан боғлиқ муаммоларни ўрганиш билан шугулланади. Бунда об-ҳаво типларини характерловчи метеорологик маълумотлардан фойдаланилади. Ҳарорат, ҳаво намлиги, шамол тезлиги ҳамда қуёш радиацияси каби метеорологик омилларга катта эътибор қаратиласди. Бу омилларнинг инсон организмига биргаликдаги таъсири унинг иссиқликни сезишини белгилайди.

Метеорологик маълумотлардан денгиз, темир йўл, автомобил транспортига хизмат кўрсатишда кенг фойдаланилмоқда. Темир йўл ва автомобил транспорти учун қор бўронлар, жала, туман ва бошқаларнинг такрорланувчанлиги ва интенсивлиги ҳақидаги маълумотлар катта аҳамиятга эга. Денгиз транспорти учун довул, шамол, денгиз оқимлари, денгиз тўлқинлари, сув ҳарорати, туманлар ва бошқалар ҳақидаги маълумотлар зарур. Хизмат кўрсатиш обьекти билан боғлиқ ҳолда фаннинг *дengiz va tansport meteorologiyasi* соҳаси юзага келди.

Метеорологик шароитлар турли техник ускуналардан фойдаланишга (*техник метеорология*), ҳарбий операцияларни ўтказишга (*ҳарбий метеорология*) ва бошқаларга таъсир кўрсатади.

Сўнгги йилларда инсон жамияти ва табиий муҳит орасидаги муносабат муаммоси, хусусан, саноат ишлаб чиқариши ва транспорт чиқиндилари билан атмосферанинг ифлосланиши муаммоси кескин тус олди. Атмосфера ифлосланиши урбанизациялашган худудларда жуда юқори. Бу аҳоли саломатлигига ёмон таъсир кўрсатмоқда, яъни ўзига хос, шу жумладан, онкологик ва бошқа турли оғир касалликларнинг пайдо бўлишига сабаб бўлмоқда. Атмосферанинг ифлосланиши ўсимлик ва ҳайвонот дунёсига ҳам катта таъсир кўрсатмоқда.

Атмосфера ҳавосидаги ифлослантирувчи моддаларнинг микдори нафақат чиқинди ҳажмига, балки кўп жиҳатдан метеорологик шароитга ҳам боғлиқ. Атмосфера жараёнларининг хусусиятларини билиш бу шароитни ўрганиш ва ҳимоя йўлларини ишлаб чиқиш имконини беради.

Ҳозирги вақтда инсон томонидан янги энергия манбалари, хусусан, қуёш ва шамол энергиясидан фойдаланишга катта зътибор қаратилмоқда. Бу турдаги энергия манбалари тутанмас бўлиши билан бир қаторда атроф-муҳитни ифлослантирмаслиги билан ҳам жуда қимматли ҳисобланади. Метеорологик маълумотлар шамолдвигателлари ва қуёш батареяларини ўрнатиш учун кулай ҳудудларни танлаш ва ишлаб чиқариладиган энергия миқдорини баҳолаш имконини беради.

Шундай қилиб, метеорология ва иқлимишунослик *атроф-муҳит муҳофазаси* билан чамбарчас боғлиқ.

Бозор иқтисодиёти шароитида метеорологик маълумотлардан фойдаланишнинг самарадорлигини баҳолаш мақсадга мувофиқ. БЖМТ маълумотига қараганда охирги 50 йилда дунё бўйича йилига табиий ҳодисалардан кўриладиган зарар 10 марта ортган ва 60-70 миллиард долларга етган. Ҳафвли метеорологик ҳодисалардан кўрилган зарар 2008 йилда 225 миллиард долларни ташкил этди. Бу зарарнинг 85-87% метеорологик ҳодисалар, яни бўронлар, довуллар, қурғокчилик, жала, дўл ва бошқалар ҳисобига тўғри келади. Геофизик (Ер қимирлаши, цунами) ва гидрологик (сув олиши, тошқин, сел) характеристдаги ҳодисалар ҳисобига кўрилган зарар қолган 13% ни ташкил қиласди.

Мисол учун, 2005 йилда АҚШнинг жанубий ва жанубий-шарқий қисмида кузатилган биргина “Катрин” тропик довули турли баҳолашлар бўйича 50 дан 150 миллиард долларгача зарар келтирган.

Урбанизация натижасида инсониятнинг табиий оғатлар олди-даги ожизлиги ортмоқда.

БЖМТ муттахасислари томонидан ўтказилган ҳисоб-китоблар шуни кўрсатадики, метеорологик маълумотлардан фойдаланишнинг иқтисодий самарадорлиги жуда юкори: гидрометеорология соҳасига сарфланган ҳар 1 доллар 7 доллар самара беради. Россия Федерациясида гидрометеорологик маълумотлардан фойдаланишнинг иқтисодий самараси йилига 11 миллиард доллар атрофида.

## **Асосий хулюсалар**

1. Атмосфера физикаси геофизиканинг таркибий қисми бўлиб, атмосферада рўй берувчи турли физикавий объект, ҳодиса ва жараёнларни ўзаро боғлиқликда ҳамда космик мухит, ер ва сув қобигида рўй берувчи жараёнлар билан боғлиқликда ўрганади.

2. Атмосфера обьектларининг кўпмасштаблиги, атмосфера хоссаларининг фазода биржинсли эмаслиги ва вакт давомида ўзгарувчанлиги уларни тадқиқ этишда турли физикавий-математик усуслардан фойдаланишга, шунингдек асосий фан сифатидаги атмосфера физикасининг кўп сонли тор фан соҳаларига бўлинишига олиб келди.

3. Атмосфера жараёнларининг глобал масштабда ривожланиши давлатларни ягона методик ва техник асосда маълумотларни йиғиши ва уларни айирбошлиш, атмосфера обьектлари, ҳодисалари ва жараёнларини комплекс тадқиқ этиш бўйича ягона халқаро дастурлар ўtkазиш каби соҳаларда Халқаро ҳамкорликка (БЖМТ ва БЖОХ) бирлашишни тақозо этди.

4. Жамият ва унинг материал-техник имкониятларининг ривожланиб бориши билан уларнинг барча мамлакатлар иқтисодиётига катта зарар етказувчи атмосфера ҳодисаларига боғлиқлиги ортиб бормоқда.

## **Назорат саволлари**

1. Атмосфера физикасининг предмети нима? Об-ҳаво, метеорологик катталик ва метеорологик ҳодиса каби тушинчаларга таъриф беринг.

2. Атмосфера физикаси қандай вазифаларни ҳал қиласди?

3. Атмосфера физикасининг тадқиқот усусларини тушинтирг.

4. Метеорологик катталиклар қандай хусусиятларга эга?

5. Атмосфера физикаси қайси фан соҳалари билан узвий боғлиқ? Нима учун?

6. Атмосфера физикаси қайси мустақил илмий фан соҳаларига бўлинади?

7. Атмосфера физикасининг амалий аҳамияти нимада?

8. БЖМТ ва БЖОХ лари нима?

## **И БОБ. АТМОСФЕРА ТҮГРИСИДА УМУМИЙ МАЪЛУМОТЛАР**

### **Асосий тушунчалар**

**1. Қуруқ ҳаво** – фақат доимий газлардан ташкил топган, яъни таркибида сув буғи, шунингдек қаттиқ ва суюқ аралашмалар (чанг ва конденсация маҳсулотлари) бўлмаган ҳаво.

**2. Газларнинг гравитацион тақсимоти** – атмосферага нисбатан қаралганда бу ҳавони ташкил этувчи газлар мустақил атмосферани ҳосил қилишини англатади. Шу билан бирга ҳар бир газнинг парциал босими бошқа газларнинг мавжудлигидан қатъи назар баландлик бўйича камайиб боради. Енгил газларнинг босими оғир газларнинг босимига нисбатан секинроқ пасайиб боради. Шу сабабли баландлик бўйича оғир газларнинг фоиз улуши камайиши ҳисобига енгил газларнинг ҳаводаги фоиз улуши ортиб бориши керак.

**3. Ер тожи** – Экзосферанинг устида жойлашиб, таҳминан 1 дан 20 минг км гача чўзилган ер атмосферасининг ташки қисми. У асосан атмосферадан чиқиб кетувчи, зичлиги таҳминан  $1 \text{ см}^3$  га 1000 ионни ташкил этувчи ионлашган, шунингдек нейтрал водороддан иборат; 2 минг км дан қуйида водороддан ташқари унинг таркибида ионлашган кислород ва азот мавжуд. Сайёра-лараро фазода ионлар концентрацияси  $1 \text{ см}^3$  га 100 ион ва ундан камароқни ташкил этади.

**4. Иссикхона эффекти** – Ернинг олам фазоси билан нурли иссиқлик алмашинуви жараёнидаги атмосферанинг ҳимоя таъсири. Иссиқхона ойналари каби атмосфера ер сиртига қуёш радиациясини етарлича яхши ўтказади; бироқ ер сиртининг узун тўлқинли нурланиши атмосферада (асосан сув буғи ва углерод оксиди томонидан) кучли ютилади. Бу йўл билан исиган атмосфера ер сиртига унинг радиацион иссиқлик йўқотишини сезиларли даражада компенсацияловчи учрашма нурланиш тарқатади.

**5. Атмосфера электр майдонининг кучланганлиги** – атмосфера электр майдони ер ва атмосфера зарядлариiga боғлиқ. Бу майдоннинг кучланганлиги ўртача  $130 \text{ В/м}$  ни ташкил этиб,

баландлик бўйича экспоненциал камайиб боради; таҳминан 10 км баландликда у амалда нолга тенг.

**6. Рухсат этилган меъёрлар** – бирлик ҳажм (ҳаво, сув), масса (озик-овқат маҳсулотлари, тупроқ) ёки сиртдаги (ишчи териси) зарарли модда концентрациясини белгиловчи меъёрлар бўлиб, вақтнинг муайян оралиғида таъсир этганида инсон саломатлигига деярли таъсир этмайди ва унинг авлодларида нохуш оқибатларга олиб келмайди.

**7. Газларниң ҳолат тенгламаси** – газнинг физикавий ҳолатини аникловчи ўзгарувчи катталиклар (параметрлар) орасидаги боғланишни ифодаловчи тенглама. Идеал газ учун бу – Клапейрон-Менделеев тенгламаси.

**8. Критик ҳарорат** – сув учун  $374^{\circ}\text{K}$  га тенг критик нуқтага мос келувчи ҳарорат. Критик нуқта деб икки фазали ёпиқ термодинамик системанинг ҳолатига айтилади. Бу ҳолатда суюқ ва газсимон фазалар мумкин бўлган энг юқори ҳароратда (бир хил зичликда) мувозанат шароитида бўлади. Юқорироқ ҳароратларда суюқ фаза мавжуд бўлмайди. Сув учун критик нуқта  $E=2,21\cdot10^5 \text{ гPa}$ ,  $T=374^{\circ}\text{K}$  қийматлар билан характерланади.

**9. Идеал газ** – ички энергияси факат ҳарорат функцияси бўлган, солиширма иссиқлик сифими эса ҳароратга боғлиқ бўлмаган газ. Идеал газда молекулар ўртасидаги ўртача масофага нисбатан уларнинг ўлчамларини эътиборга олмаса бўлади; шунинг учун молекулалароро кучларни ўта кичик деб ҳисоблаш ва иссиқлик энергияси ҳаракатига нисбатан молекулаларо ўзаро таъсир энергиясини эътиборга олмаслик мумкин.

**10. Садафранг булатлар** – табиати маълум бўлмаган булатлар, шакли бўйича патсимон ва патсимон-тўп-тўп булатларга ўхшайди, кучли иризацияланган, 20-30 км баландликларда кузатилади; улар куёш нурларини қайтариб, қора осмонда ёришаётгандек кўринади. Кам ва Ернинг айрим ҳудудларида гина, хусусан, қишида, куёш уфқдан бир неча градус пастда бўлганда шимолий Европа ва Алискада кузатилади. Иризация ҳодисаси бўйича садафранг булатлар сферик зарралар, яъни ўта совуган томчилардан иборат деб фараз қилиш мумкин.

**11. Кумушранг булатлар** – юлдузлар нурини кучсизлантири-майдиган, мезосферанинг энг юқори ва ионосферанинг энг қуий кисмларида, 75 ва 90 км баландликлар оралиғида, осмоннинг қора фонида асосан кумушранг-мовий ёришиб туриши оқибатида

кузатилувчи ўта юпқа булутлар. Уфқнинг шимолий қисмида асосан 50 ва  $75^{\circ}$  ш.к. ҳамда 40 ва  $60^{\circ}$  ж.к. оралиғида, ёзги тунларда қуёш уфққа боттанидан ( $5\text{--}13^{\circ}$ ) сүнг кузатилади. Кумушранг булутлар умумий атмосфера оқимлари билан шарқдан гарбга 50 дан 250 м/с гача тезлик билан ҳаракатланади. Уларнинг табиати хали маълум эмас. Улар вулқон ва космик чанглардан иборат, шунингдек муз кристалли булутлар деган фаразлар мавжуд.

**12. Кутб ёғдулари** – ионосферадаги оптик ҳодисалар бўлиб, бир неча ўндан (60) бир неча юз (баъзида 1000 дан ортиқ) километр баландликларда сийрак ҳавонинг ёришиши билан ифодаланади. Кутб ёғдуларининг жадаллиги, жойлашиши ва ранги жуда тез ўзгариади. Шакли бўйича кутб ёғдулари турли-туман бўлиб, қўйидаги турларга ажратилади: 1) нурсиз тузилишли – осмон гумбази бўйлаб уфқнинг бир нуктасидан бошқа нуқатсига чўзилган диффуз нурланиши ва ёйлар; 2) нурли – нурлар, тасмалар ва тоқлар. Кутб ёғдуларининг ранги кўпинча ҳаворанг-оқ, яшил-сарик, кам холларда қизил ва бинафша рангда бўлади.

**13. Ҳаво массасининг трансформацияси** – ҳаво массасининг ҳаракатланишида кенглик ва айниқса тўшалган сирт термик шароитларининг ўзгариши оқибатида ҳаво массаси хоссаларининг аста-секин ўзгариши.

**14. Иризация** – Қуёшдан  $30^{\circ}$  ва ундан катта масофада жойлашган булутлар (юқори тўп-тўп ёки қатламли тўп-тўп) четларида камалак рангларининг пайдо бўлиши. Айниқса қизил ва яшил ранглар ажралиб туради. Ҳодиса ёруғлик дифракцияси билан тушунтирилади; булутларнинг рангли қисмлари катта диаметрли халқанинг сегменти ҳисобланади. Бу холда булут элементлари жуда майда ва биржинсли.

## **2.1. Ер сирти яқинида қуруқ ҳавонинг таркиби. Унинг баландлик бўйича ўзгариши**

Атмосфера, қуруқ ҳаво деб аталувчи турли газларнинг меканик аралашмасидан иборат. Бутун атмосферанинг массаси таҳминан  $5,157 \cdot 10^{18}$  кг ни ташкил этади (такқослаш учун Ер массаси  $5,98 \cdot 10^{24}$  кг га teng). Таҳминан бир неча юз миллион йил аввал шаклланиб бўлган Ер атмосфераси қуруқ ҳавосининг замонавий таркиби қуйидаги асосий газлардан ташкил топган (2.1-жадвал).

**Ер сирти яқинида қуруқ ҳавонинг таркиби**

Газ	Ҳажм бўйича улушки*, %	Нисбий молекуляр массаси (углерод шкаласи бўйича)	Ҳавога нисбатан зичлиги
Азот ( $N_2$ )	78,084	28,0134	0,967
Кислород ( $O_2$ )	20,946	31,9988	1,105
Аргон (Ar)	0,934	39,948	1,379
Углерод диоксида ( $CO_2$ )**	0,033	44,00995	1,529
Неон (Ne)	$1,818 \cdot 10^{-3}$	20,183	0,695
Гелий (He)	$5,239 \cdot 10^{-4}$	4,0026	0,138
Криптон (Kr)	$1,14 \cdot 10^{-4}$	83,800	2,868
Водород ( $H_2$ )	$5 \cdot 10^{-5}$	2,01594	0,070
Ксенон (Xe)	$8,7 \cdot 10^{-6}$	131,300	4,524
Озон ( $O_3$ )	$10^{-6} \cdot 10^{-5}$	47,9982	1,624
Қуруқ ҳаво		28,9645	1,000

\* Ҳажм бўйича улуш – бир хил босим ва ҳарорат шароитида газ эгаллаган ҳажмнинг аралашма умумий ҳажмига нисбатининг фоиздаги ифодасидир.

\*\*  $CO_2$  микдори 1980 йил ҳолати бўйича келтирилган.

Курук ҳаво умумий ҳажмининг 99,96% азот, кислород ва аргонга тўғри келади. Қолган газларнинг фоиз улушки 0,04% дан камроқни ташкил этади. Улардан айримларининг ҳажм бўйича улушки мингдан бир (Ne) ва ҳатто миллиондан бир (Xe) улушни ташкил этади.

Атмосферадаги асосий газлар –  $N_2$ ,  $O_2$  ва Ar микдорининг ўзгаришлари ҳозирча аниқланмаган. Бироқ ҳар йили катта микдордаги кислород органик ёкилғининг ёнишига сарфланмоқда. Фотозинтез натижасида йилига  $1,55 \cdot 10^9$  т микдорда кислород ҳосил бўлса, йилига  $2,16 \cdot 10^{10}$  т микдордаги кислород сарфланади. Яъни кислород сарфи унинг ҳосил бўлишидан бир тартибга катта. Кислород сарфининг бундай суръатларида 2020 йилга бориб унинг микдори 0,77% га камайиши мумкин.

Атмосфера азоти атмосфера жараёнларида деярли қатнашмайди, бироқ у атмосфера босимини ҳосил қилувчи асосий газ ҳисобланади.

Газлар тақсимотининг гравитацион ғоясига мувофиқ, атмосферанинг юқори баландликларида енгил газлар каттароқ улушни ташкил қилиши керак. Бироқ, метеорологик ракеталар ёрдамида ўтказилган бевосита ўлчовлар 90-95 км лик пастки қатламда газлар тақсимотининг йўқлигини кўрсатади. Атмосферанинг бу катлами *гомосфера* деб аталади. Ҳавонинг нисбий молекуляр массаси баландлик бўйича амалда ўзгармайди ва 28,9645 кг/молни ташкил этади. Атмосфера ҳавоси таркибининг ҳам вертикал, ҳам горизонтал бўйлаб доимийлиги унинг аралашувчанлиги туфайли сақланиб туради.

95 км дан юқорида атмосферанинг таркиби сезиларли ўзгаради ва бу қатлам *гетеросфера* деб аталади. Кўринишидан бундай ўзгаришда газларнинг гравитацион тақсимоти жараёни асосий ролни ўйнайди. Бундан ташқари 100 км дан юқори баландликларда ҳаво таркибининг ўзгаришларига олиб келувчи асосий жараён – 0,24 мкм дан кичик тўлқин узунликли Күёш радиацияси таъсиридаги кислород диссоциациясидир. Бундай зарядланган атомлар атомар ион деб аталади. 100-150 км қатламда атмосфера (ионосфера) атомар ва молекуляр кислород ионлари ва азот оксидидан иборат. 250-300 км баландликдан бошлаб атмосфера таркибida атомар азот ионлари пайдо бўлади. Юқори қатламларда гидроксил OH ва натрий Na излари ҳам кузатилади. Гетеросферада ҳавонинг нисбий молекуляр массаси баландлик бўйича камайиб бориши қўйидаги жадвалда келтирилган (2.2-жадвал).

2.2-жадвал

$z, \text{км}$	225	25	300	350	400	450	500
$\mu, \text{кг/кмоль}$	21,28	20,15	18,50	17,47	16,84	16,43	16,1

1000 км дан юқорида атмосфера таркибida гелий улуси ортиб боради. Ер този деб аталувчи 2000-20000 км қатламда эса нейтрал водород асосий газ ҳисобланади. Атмосферанинг бу юқори қатламларида водород концентрацияси жуда кичик – ўртача  $1 \text{ см}^3$  да 1000 га яқин ионни, атмосферадан ташқарида, очиқ космосда эса ионлар концентрацияси  $1 \text{ см}^3$  да 100 та ва ундан кам ионни ташкил этади.

## 2.2. Атмосферада углерод диоксиди гази ва озон

Углерод диоксиди ва озон микдори ўзгарувчан бўлиб, қуруқ ҳавонинг муҳим ташкил этувчилиаридан хисобланади. Углерод диоксиди ( $\text{CO}_2$ ) ўсимликлар учун энг муҳим газлардан бири хисобланади. У атмосферага ёниш, нафас чиқариш ва чириш жараёнларида кўшилади, ўсимликларнинг ютиши (фотосинтез) жараёнида эса сарф бўлади. Сўнгги 70-80 йил давомида органик ёқилғиларни (тошкўмир, нефт, газ) қазиб олиш ва ёқишнинг кескин ортиши билан бутун ер шарида  $\text{CO}_2$  микдорининг тўхтовсиз ортиб бориши кузатилмоқда. Мавжуд баҳолашларга мувофиқ  $\text{CO}_2$  микдори бу вақт ичидаги 10-12% га кўпайган: 1900 йилда 0,029% дан 1980 йилда 0,033%, 2000 йилда эса 0,036% ни ташкил этган. Атмосферадаги  $\text{CO}_2$  нинг мутлақ микдори 712 млрд. т ни, йиллик ўсиши эса – 3 млрд. т ни ташкил этади.

Атмосфера жараёнларида углерод диоксиди газининг асосий роли уни “парник” эфектида иштирок этишидадир. Углерод диоксиди ер сирти нурланиш спектри максимумига яқин бўлган 12,9-17,1 мкм тўлкин узуунликлари диапазонидаги инфракизил нурланишни кучли ютади. Атмосфера, ҳудди “парник”ка ўхшаб, қуёшдан келган қисқа тўлқинли радиацияни бемалол ўтказиб, ер сирти инфракизил нурланишининг коинотга чикиб кетишига тўскинлик килади. Натижада Ерда ҳарорат ортиб боради.

М.И.Будиконинг баҳолашлари бўйича углерод диоксидининг 0,042% гача ортиши ер юзида кутбий музликларнинг бутунлай эриб кетишига, ва, аксинча, унинг 0,015% гача камайиши Ер шарининг батамом музлашига олиб келади. XX аср бошидаги микдорга нисбатан углерод диоксиди гази микдорининг икки бараварга ортиши (0,060% гача) Ер шарида ҳароратни  $3^{\circ}\text{C}$  га ортириади. Сайёрада иқлимининг исиши атмосферадаги бошқа “парник” газларининг (метан, хлорфторуглеродлар, азот бирикмалари) кўпайиши натижасида ҳам рўй бериши мумкин.

Атмосферанинг юқори қатламларида (стратосферадаги) физик жараёнларда микдори ниҳоятда оз бўлган озон гази ( $\text{O}_3$ ) ҳам муҳим роль ўйнайди. Озон ер сиртидан 70 км баландликкача бўлган атмосфера қатламида кузатилади, унинг асосий микдори эса атмосферанинг 20-55 км қатламида йиғилган. Озон газининг максимал микдори 20-26 км баландликларда кузатилади. Агар вертикал устундаги озон микдорини ҳарораг  $0^{\circ}\text{C}$  га тенг бўлганда

нормал атмосфера босими (1013,2 гПа) ҳолатига келтирилса, у ҳолда Ер шарини қамраб олган озон қатламининг қалинлиги 1 мм дан 6 мм гача бўлар эди. Бу катталик озон қатламининг келтирилган қалинлиги деб аталади. Атмосферада озоннинг умумий массаси  $3,2 \cdot 10^9$  т га тенг.

Озон атмосферанинг юкори чегарасига етиб келган куёш радиациясининг 3% ни ютади. Радиацияни ютиш 0,22-0,29 мкм тўлқин узунликли ультрабинафша радиация диапазонида рўй беради. Кўрилаётган тўлқинлар диапазонида ютилиш шунчалик кучлики, куёш нурлари энергияси озон катламининг юкори қисмida, 50-45 км баландликларда бутунлай ютилади. Шунинг учун ҳам бу баландликларда ҳаво ҳарорати  $0^{\circ}\text{C}$  гача кўтарилади.

Ультрабинафша нурларнинг асосий хусусияти уларнинг юкори биологик фаоллигидадир. Ультрабинафша радиацияси бактерияларнинг кўп турларини ўлдиради, тери қорайишига олиб келади, организмда D витаминининг ҳосил бўлишига сабаб бўлади. Ультрабинафша радиацияси фақат кичик миқдорлардагина фойдалидир. Унинг катта миқдорлари одамларда тери касалликларига (эрitema) ва ҳатто тери куйишларига олиб келиши мумкин. Агар атмосферада озон гази бўлмаганида, биологик фаол ультрабинафша нурлари барча биологик жараёнларни, балки умуман Ер шаридаги органик ҳаётни ўзgartирар эди. Шундай қилиб, атмосферадаги озон қатлами Ер шари учун ҳимоя қалқони ролини ўтайди. Баъзи кимёвий ва физиковий моддалар билан атмосферанинг глобал ифлосланиши озон экранни зичлигига таъсир этиб, озон туйнукларининг пайдо бўлишига сабаб бўлади.

Озон ҳосил бўлишидаги физиковий ва кимёвий жараёнлар мурakkab табиатга эга. Кислород молекулалари ультрабинафша радиацияни ютиши жараёнида атомларга парчаланади ва галаёнланган ҳолатда бўлади, яъни нормал ҳолатдагидан кўпроқ энергия заҳирасига зга бўлади. Шунинг учун ҳам озон молекуласи фақат кислород молекуласи, унинг галаёнланган ҳолатдаги атоми ва азот ёки бошқа молекулаларнинг уч томонлама тўқнашуви натижасида ҳосил бўлади. Шу билан бир вақтда тескари жараён – озоннинг кислородга айланиши ҳам кузатилади.

Атмосферадаги озоннинг миқдори яққол суткалик (кундузи – максимум, тунда – минимум) ва мавсумий (баҳорда – максимум, қиши ва кузда – минимум) ўзгаришларга эга. Кенглик ортиши билан максимумга эришиш пайти кечроқ келадиган ойларга сурилади.

## 2.3. Атмосферада газ аралашмалари

Қуруқ ҳаво таркибига кичик миқдордаги баъзи газсимон аралашмалар ҳам киради. Улар тұғрисидеги маълумотлар 2.3-жадвалда көлтирилгән.

2.3-жадвал

Газ	Ҳажм бүйича улуши, %	Газ	Ҳажм бүйича улуши, %
Метан ( $\text{CH}_4$ )	$1,5 \cdot 10^{-4}$	Азот диоксида ( $\text{NO}_2$ )	$0 \text{ дан } 2 \cdot 10^{-6}$
Углерод оксида ( $\text{CO}$ )	0 дан изи- гача	Радон ( $\text{Rn}$ )	$6 \cdot 10^{-18}$
Олтингутурт диоксида ( $\text{SO}_2$ )	$0 \text{ дан } 10^{-4}$ гача	Йод ( $\text{J}_2$ )	$0 \text{ дан } 10^{-6}$ гача
Азот оксида ( $\text{N}_2\text{O}$ )	$5 \cdot 10^{-5}$		

Атмосферадаги бу газлар ҳам табиий, ҳам антропоген келиб чиқишига эга. Бунинг натижасида мазкур газларнинг концентрацияси глобал миқёсда ортиб бормоқда.

## 2.4. Атмосфера аэрозоли

Атмосфера таркибига аэрозоллар деб аталувчи ҳавода муаллақ ҳолатда бўлган кўпсонли қаттиқ ва суюқ моддаларнинг аралашмалари ҳам киради. Қаттиқ аэрозол зарраларининг радиуси  $10^{-8} \div 10^{-2}$  см, томчиларнинг радиуси эса  $-10^{-5} \div 10^{-1}$  см ни ташкил этади.

Атмосфера аэрозоли мураккаб кимёвий ва физикавий жараёнларнинг маҳсулотидир. Бу жараёнларнинг мураккаблиги ва аэрозол кисқа вақт мавжуд бўлганлиги туфайли, унинг кимёвий таркиби ва физикавий характеристикалари нихоятда ўзгарувчан.

Атмосфера аэрозолларининг таркиби ва ҳосил бўлиш манбаларига кўра уларни куйидаги син扶贫工作 бўлиш мумкин.

Келиб чиқиши табиий бўлган аэрозолларга куйидагилар киради:

- тупроқ заррачалари ва тоз жинсларининг шамол натижасида емирилиши ҳисобига ҳосил бўлган маҳсулотлар (чанг),

атмосферага йил мобайнида кўшиладиган бу зарраларнинг микдори кенг чегараларда ўзгаради ва 130 дан 8000 млн. т гачани ташкил қиласди;

- *вулқон аэрозоли (кул)*, атмосферага йилига 200 дан 1000 млн. тоннагача қўшилади;

- *денгиз мавжлари томчиларидан бувланниш маҳсулотлари* (асосан NaCl), атмосферага йилига 300 дан 1300 млн. тоннагача қўшилади;

- *ўрмон ёнгингларининг қурум заррачалари*, атмосферага йилига 3 дан 360 млн. тоннагача қўшилади;

- *коинот чанги*, метеоритлар ёнишидан пайдо бўлади, уларнинг микдори йилига 0,25 дан 14 млн. тоннагача;

- атмосферага бевосита чиқариладиган (Ўсимликларнинг чанги, микроорганизмлар ва х.к.) ва учувчан органик бирикмалар конденсацияси ёки бу бирикмалар орасидаги кимёвий реакциялар натижасида шаклланадиган биоген келиб чиқшига эга бўлган заррачалар, шунингдек табиий газсизон реакциялар маҳсулотлари (масалан, олtingугуртнинг океан сиртидан ажралиб, унинг қайта тикланиши ҳисобига ҳосил бўлувчи сульфатлар). Турли баҳолашларга кўра атмосферага бу заррачалар 345 дан 1460 млн. тоннагача қўшилади.

Келиб чиқши табиий бўлган аэрозолларнинг умумий микдори йилига 978 дан 12100 млн. тоннагача ўзгариши мумкин.

Антрапоген келиб чиқшига эга бўлган аэрозоллар иккинчи синфи ташкил этади. Бундай аэрозоль манбаларига куйидагилар киради:

- *саноат корхоналари, транспорт ва ёқилги ёқувчи қурилмалардан бевосита чиқиндилар* (курум, тутун, йўл чанги заррачалари ва х.к.), шунингдек қишлоқ хўжалиги ерларидан шамол натижасида кўтарилувчи маҳсулотлар; жами бу манбалардан атмосферага бир йилда 18 дан 240 млн. тоннагача зарралар чиқарилди;

- *газ фазали реакциялар маҳсулотлари* (иккиламчи аэрозоллар), улар ёниш жараёнлари ва кимёвий реакциялар натижасида ҳосил бўлади (сульфатлар, нитратлар, органик бирикмалар); бу аэрозолларнинг йиллик микдори 100 дан 360 млн. тоннагача ўзгариши мумкин.

Антрапоген манбалар бир йилда жами 118 дан 601 млн. тоннагача чиқиндиларни атмосферага ташлайди.

Турли аэрозолларнинг атмосферага келиб қўшилишининг юқорида келтирилган миқдорий кўрсаткичлари сезиларли хатоликларга эга. Бу айниқса, табиий манбалардан чиқаётган чиқиндиларни баҳолашга тааллуқли. Масалан, атмосферага қўшилаётган тупроқ чанги миқдори икки тартиб аниқлигидагина баҳоланади. Баҳолашнинг айрим манбаларига мувофиқ ўрмон ёнғинлари натижасида ҳосил бўлган аэрозоллар миқдори йилига 36-360 млн. т ни ташкил этса, бошқалари бўйича эса – йилига 3 млн. т атрофига.

Барча манбалардан чиқаётган чангнинг йиллик ўйинди миқдори ўртача 2,3 млрд. т бўлиб, мумкин бўлган четланиш ±1,4 млрд. т ни ташкил этади.

Атмосфера аралашмалари орасида *сунъий радиоактив парчаланиши маҳсулотлари* алоҳида ўринни эгаллади. Улар атом ва термоядро синов портлатишлари, шунингдек атом электростанцияларидаги техноген фалокатлар натижасида атмосферага чиқарилади.

Атмосферада рўй берувчи физиковий жараёнларда атмосфера аэрозоллари мухим роль ўйнайди.

Денгиз суви мавжланганда атмосферага қўшилувчи гигроскопик денгиз тузи заррачалари, шунингдек гигроскопик чанг зарралари атмосферада *конденсация ядролари* вазифасини бажаради, яъни уларга сув буги молекулалари ёпишиб сув томчиларини ҳосил қиласди. Конденсация ядроларининг роли шундаки, улар гигроскопик хусусияти туфайли ҳосил бўлган томчининг турғулигини оширишади. Агар ҳавода конденсация ядролари бўлмаганида эди, ўта тўйиниш ҳолатларида ҳам конденсация юз бермасди.

Юқорида таъкидланганидек, эрувчан гигроскопик тузлар, айниқса денгиз тузлари, мухим конденсация ядролари ҳисобланади. Денгиз тўлқинланганида ва денгиз сувининг сачрашида ҳамда томчиларнинг кейинчалик ҳавода буғланишида улар атмосферага катта миқдорда қўшилади. Тўлқин ўркачларида ҳаво пуфакчалари пайдо бўлиб, улар кейинчалик ёрилади. Натижада денгиз сувининг сачраши содир бўлади. Диаметри 6 мм бўлган биргина ҳаво пуфагининг ёрилиши тахминан 1000 та томчини ҳосил қиласди. Шамол тезлиги 15 м/с бўлганда бир сантиметр квадрат денгиз сиртидан ҳавога ҳар секундда массаси  $10^{-5}$  г тартибида бўлган бир неча ўнлаб конденсация ядролари қўшилади. Умуман, туз ва гигроскопик ядролар атмосферага шунингдек тупроқнинг чангшида ҳам қўшилади.

Бундай йўл билан пайдо бўлган конденсация ядролари микрометринг ўндан ва юздан бир улушлари тартибидаги ўлчамларга эга. Ўлчамларининг кичикилиги туфайли конденсация ядролари чўкмайди ва ҳаво оқимлари билан катта масофаларга кўчади. Шу билан бирга улар ўзларининг гигроскопиклиги сабабли тўйинган туз эритмасининг майда томчилари кўринишида атмосферада сузадилар. Нисбий намликнинг ортишида томчилар каттая бошлайди, 100% га яқин намлиқда эса булат ва туманларнинг кўринувчан томчиларига айланади. Бироқ булат томчилари барча ядроларда эмас, балки радиуси 1 мкм дан катта бўлган энг иирик ядроларда шаклланади.

Худди шундай жараёнилар ёниши ёки *органик парчаланиши маҳсулотлари* ҳисобланадиган гигроскопик қаттиқ заррачалар ва томчиларда кузатилади. Булар азот кислотаси, олtingутурт кислотаси, аммоний сульфати ва бошқалар. Бундай ядролар айниқса саноат марказлари атмосферасида кўп микдорда бўлади. Шунинг учун, шаҳарларда туманлар шаҳардан ташқари жойлардагига нисбатан кўпроқ шаклланади ва интенсивлиги каттароқ бўлади.

Атмосферадаги газлар молекулалари ва атмосфера аэрозоли зарраларининг маълум қисми электр зарядига эга. Бундай зарядланган заррачалар *ионлар* деб юритилади. Агар атмосфера куйи қатламларида ионлар молекуляр ўлчамларга эга бўлса, *енгил* ва суюқ ёки қаттиқ заррачалар бўлса, *огир* ионлар деб аталади. Атмосферада мусбат электр зарядларининг устунлиги натижасида атмосферанинг йигинди заряди мусбат. Ер сирти эса йигиндида манфий бўлган электр зарядига эга. Оқибатда атмосфера ва ер сирти ўртасида маълум потенциал фарқи пайдо бўлади. Ушбу потенциалнинг градиенти сон жиҳатидан атмосфера электр майдонининг *кучланганлигига* тенг.

Атмосферадаги электр майдони одатда мусбат зарядланган атмосферадан манфий зарядланган ер сирти томонга йўналган *ўтказувчанлик токларининг* ҳосил бўлишига олиб келади.

Атмосфера аэрозоллари атмосферанинг электр характеристикалари – электр *ўтказувчанлик*, электр майдонининг *кучланганлиги*, электр токининг зичлигига сезиларли таъсир кўрсатади. Аэрозоль зарралар мусбат ва манфий енгил ионлар концентрациясининг ўзгаришига олиб келади. Атмосфера электрини кузатиш станциялари тармоғида электр *ўтказувчанликни* ўлчаш маълумот-

ларининг таҳлили аэрозоль миқдори ортган ҳудудларда электр ўтказувчаникнинг камайишини кўрастади. Ҳавоси кучли ифлосланган саноат ҳудудларида электр майдонининг кучланганини ортади.

Атмосферадаги аэрозоллар атмосферанинг оптик хусусиятларига, хусусан, горизонтал кўринувчанлик узоқлигига таъсир кўрсатади. Аэрозоль зарралар оптик нурланиши спектрининг кўринувчан қисмида сочилиш ва ютилиш шароитларини ўзgartиради. Агар ҳавода чанг ва тутун зарраларининг катта миқдорда йиғилиши оқибатида кучли хираланиш юз берса, бу ҳодиса *смог* деб аталади. Смог кўпинча чўл ва дашт ҳудудларида, ўрмон ёнғинларида ва саноат марказлари устида ҳавонинг чанг ёки тутунга тўлиши натижасида кузатилади.

Кучли смог вақтида горизонтал кўринувчанлик узоқлиги 1 км ва ундан кам масофагача камайиши мумкин. Смог Ўрта Осиёда, айниқса йилнинг илик даврида тез-тез учрайдиган ҳодиса хисобланади.

Табиий, ва айниқса антропоген манбалардан атмосферага кўшилувчи аэрозолларнинг айрим турлари заҳарли хисобланади. Мишъяқ, кадмий, симоб, кўроғшин, рух, темир каби металлар улар қаторига киради. Курум, саноат чанги, радионуклиидлар, шунингдек яхши эрувчан баъзи ноорганик фторидлар нафакат заҳарли, балки канцероген моддалар гуруҳини ташкил этади.

Бу моддаларнинг барчаси ҳаво сифатини сезиларли ўзgartириши мумкин. Ҳаво сифати деганда унинг физикавий-кимёвий ва биологик характеристикаларининг инсон талабларига ва маълум маънода технологик талабларга мос келиши тушинилади. Инсон саломатлигига ҳамда ўсимлик ва ҳайвонот оламига салбий таъсир кўрсатиши мумкин бўлган атмосферанинг ҳавфли даражадаги ифлосланиши шаклланмокда.

Бундай аэрозоллар салбий таъсирининг олдини олиш мақсадида атмосфера ҳавоси сифатининг мезонлари ишлаб чиқилган бўлиб, уларнинг асосийларидан бири аҳоли яшайдиган жойлар учун *чегаравий мумкин бўлган концентрация* (ПДК) хисобланади.

Атмосфера аэрозолларининг табиий ва антропоген манбалари ер шари бўйлаб нотекис тақсимланган, уларнинг интенсивлиги эса вақт давомида ўзгариб туради. Шунга мувофиқ аэрозоль миқдори яққол суткалик ва мавсумий ўзгаришга эга. Табиий ландшафтлар устида аэрозоль миқдорининг максимуми кундузи, минимуми эса

кечаси кузатилади. Саноат шаҳарларида суткалик ўзгариш одатда бунинг акси бўлади. Табиий ландшафтларда йиллик ўзгаришида аэрозоллар миқдорининг максимуми ёзда, минимуми қишида, саноат марказларида эса максимум одатда қишида кузатилади.

Географик нуқтаи назардан аэрозоль миқдорининг максимуми қитъалар, чўллар ва шаҳарлар устида кузатилади. Сув ҳавзалари, қишлоқ жойлари ва ўрмон массивлари устида аэрозоль миқдори одатда камаяди.

Атмосфера аэрозолларининг асосий қисми атмосферанинг 300-500 метрли куйи қатламида жойлашган.

## 2.5. Атмосферада сув буғи

Юқорида санаб ўтилган атмосферадаги газларга, хусусан, атмосферанинг куйи қатламларида, доим газ ҳолатидаги сув, яъни сув буғи кўшилади. Таркибида сув буғи бўлган атмосфера ҳавоси нам ҳаво деб аталади. Уни куруқ ҳаво ва сув буғининг механик аралашмаси деб қараш мумкин. Ер сирти яқинида сув буғи нам ҳаво ҳажмининг ўртача 0,2% дан (кутбий кенгликларда) 2,5% гача (экваторда) қисмини ташкил этади. Баъзи ҳолларда сув буғининг миқдори 0% дан 4% гача ўзгариши мумкин.

Сув буғи сайёрамиздаги физиологик ва атмосфера жараёнларида ниҳоятда катта роль ўйнайди.

Сув буғи атмосферага сув ва нам ер сиртларидан буғланиши ва ўсимликлардан транспирация йўллари орқали узлуксиз келиб туради. Ер сиртидан юқорига ва бир жойдан иккинчи жойга ҳаво оқимлари билан тарқалади.

Атмосферада *тўйиниши ҳолати* юзага келиши мумкин. Бу ҳолатда ҳаво кўрилаётган ҳароратдаги максимал мумкин бўлган сув буғи миқдорига эга бўлади. Бунда сув буғи *тўйинтирувчи*, нам ҳаво эса *тўйинган* деб аталади.

Тўйинган ҳолат одатда ҳарорат пасайганида юзага келади. Тўйиниш юзага келгандан сўнг, ҳароратнинг пасайиши давом этса, сув буғининг ортиқча қисми ёки конденсацияланади ёки сублимацияланади, яъни суюқ ёки қаттиқ ҳолатга ўтади. Натижада ҳавода туман ва булутларнинг сув томчилари ва муз кристаллари пайдо бўлади. Бундан ташқари булутларнинг томчилари ва кристаллари йириклишиб ёғинлар кўринишида ерга тушади.

Шундай қилиб, сув буғи Ер сиртидан буғланиш, сув буғининг тарқалиши, унинг конденсацияси (ёки сублимацияси), булутлар ҳосил бўлиши ва ёғинлар ёғишини ўз ичига оладиган табиатдаги сувнинг умумий айлананишида иштирок этади.

Буғланиш, конденсация ва ёғинлар ёғиши жараёнлари Ер шарининг турли жойларида турлича ва вақт бўйича нотекис тақсимланганлиги учун, Ер шари бўйича атмосфера намлиги, ёғинлар ва булутларнинг микдори мураккаб тақсимотга эга. Барча санаб ўтилган жараёнлар об-ҳавонинг энг муҳим элементлари ҳисобланади. Бу катталикларнинг кўпийиллик ўртача қийматлари кўрилаётган жой иқлимининг турғун характеристикаси бўлади.

Сув буғининг Ер сирти ва атмосферанинг иссиқлик шароитларига таъсири ниҳоятда катта. Сувнинг Ер сиртидан буғланишида катта микдордаги иссиқлик сарфланади. Яширин ҳолатдаги иссиқлик ҳаво оқимлари билан бир неча минг километрли масофа-ларга кўчирилади. Сув буғининг конденсациясида бу яширин иссиқлик ҳавога қайтарилади.

Сув буғи Ер сиртининг 4,5 дан 80 мкм тўлқин узунликдаги инфракизил нурланишининг катта қисмини ютади. Фақат инфракизил нурланишнинг 8,5 дан 11 мкм тўлқин узунликдаги оралигига атмосфера шаффоф муҳит ҳисобланади. Атмосферада сув буғининг ўртача микдорларида нурланишнинг 5,5 дан 7,0 мкм тўлқин узунликлиди диапазонида радиация деярли тўлик, қолган тўлқинлар радиацияси эса – қисман ютилади. Ўз навбатида, сув буғи ҳам инфракизил радиацияни нурлайди ва унинг катта қисми ер сиртига келади. Бу ер сиртининг тунги совишини, ва шу билан бирга, ҳаво қуий қатламларининг совишини камайтиради. Шундай қилиб, атмосферадаги иссиқхона эффективининг асосий сабабчиси сув буғи ҳисобланади.

Булутлар катта қайтарувчанлик хусусияти (альбедо)га эга бўлиб, ер сиртига келаётган қуёш радиациясини камайтиради. Бу жиҳатдан булутлар об-ҳавонинг шаклланишида сезиларли аҳамиятга эга.

## **2.6. Ҳаво намлиги характеристикалари, улар ўртасидаги муносабатлар**

Ҳаво таркибига кирувчи сув буғи микдори ҳаво намлиги дейи-лади. Ҳаво намлигини тавсифлаш учун *гигрометрик катталиклар*

деб аталувчи қуидаги катталиклар күлланилади: сув бугининг парциал босими, мутлақ ва нисбий намлик, сув бугининг масса улуши, аралашма нисбати, шудринг нуктаси, босим ва шудринг нуктаси дефицити.

*Сув бугининг парциал босими (e).* Одатда бу катталик сув бугининг эластиклиги дейилади. Жаҳоннинг кўпчилик мамлакатларида, шу жумладан Ўзбекистонда ҳам, сув буғи босимининг ўлчов бирлиги гектопаскаль (ГПа) ҳисобланади. Айрим мамлакатларда (АҚШ ва бошқ.) – дюйм. Берилган ҳароратда сув буғи эластиклиги сув бугининг тўйиниш босими ёки тўйиниш эластиклиги деб аталувчи маълум чегаравий қиймат  $E$  дан катта бўла олмайди. Тўйиниш эластиклиги ҳаво ҳароратига боғлиқ бўлиб, ҳарорат ортиши билан эластиклик ҳам ортади.

*Мутлақ намлик (a).* Бу  $1 \text{ m}^3$  нам ҳаводаги граммларда ўлчанган сув буғи массасидир ( $\text{g}/\text{m}^3$ ). Агар сув буғи эластиклиги ГПа да, ҳарорат Кельвинларда ўлчанса, мутлақ намлик қуидаги формула билан аниқланади:

$$a = 217 \frac{e}{T}. \quad (2.1)$$

*Нисбий намлик (f).* Бу фоизларда ифодаланган сув буғи парциал босими  $e$  нинг тоза сувнинг ясси сирти устидаги тўйиниш босими  $E$  га нисбати бўлиб, фоизларда ифодаланади:

$$f = \frac{e}{E} \cdot 100\%. \quad (2.2)$$

*Сув бугининг масса улуши (s).* Бу бирлик массали нам ҳаводаги сув бугининг граммларда ўлчанган микдори:

$$s = \frac{622e}{P - 0,378e}. \quad (2.3)$$

Амалий ва бир қатор назарий ҳисоб-китобларда  $0,378e$  ҳадини  $P$  га нисбатан ҳисобга олмаса бўлади. Шунинг учун 2.3 формулани қўйидаги кўринишда ёзиш мумкин:

$$s = 622 \frac{e}{P}, \quad (2.4)$$

бу ерда  $s$  промиледа ( $^0/\text{oo}$ ) ўлчанади ва 1 кг нам ҳаводаги сув буғининг граммларда ўлчанганди массаси ифодалайди.

*Аралашма нисбати ( $r$ )* – бу кўрилаётган ҳажмдаги сув буғи массасининг шу ҳажмдаги қуруқ ҳаво массасига нисбатидир. Аралашма нисбати сон жиҳатидан бирлик массали қуруқ ҳавога тўғри келувчи сув буғи миқдорига тенг:

$$r = \frac{622e}{P - e}. \quad (2.5)$$

Миқдор жиҳатдан  $s$  ва  $r$  орасида фарқлар кичик, шу сабабли  $s$  ва  $r$  ларни ҳисоблаш учун (2.4) ифода қўлланилиши мумкин.

*Босим (эластиклик) дефицити ( $d$ )* – бу берилган ҳароратдаги  $E$  тўйинганди сув буғи эластиклиги ва  $e$  сув буғининг ҳақиқий босими орасидаги фарқ:

$$d = E - e. \quad (2.6)$$

*Шудринг нуктаси ҳарорати ( $\tau$ )* – бу умумий атмосфера босими ( $P=const$ ) ва сув буғининг масса улуши ( $s=const$ ) ўзгармас бўлгандаги ҳаводаги сув буғи (тоза сувнинг ясси сиртига нисбатан) тўйинишига эришадиган ҳароратдир. Ҳавонинг берилган ҳароратида сув буғининг ҳақиқий эластиклигига боғлиқ ҳолда шудринг нуктаси ҳарорати турли қийматларга эга бўлиши мумкин. Ҳавонинг манфий ҳароратларида муз (қиров) нуктаси ҳарорати тушунчаси киритилади – бу умумий атмосфера босими ( $P=const$ ) ва сув буғининг масса улуши ( $s=const$ ) ўзгармас бўлгандаги ҳаводаги сув буғи (тоза музнинг ясси сиртига нисбатан) тўйинишига эришадиган ҳароратдир.

*Шудринг нуктаси дефицити ( $\Delta$ )* – бу ҳаво ҳарорати  $T$  ва шудринг нуктаси ҳарорати  $\tau$  орасидаги фарқ:

$$\Delta = T - \tau. \quad (2.7)$$

Ҳаво ҳарорати ва шудринг нуктаси ҳароратлари бир хил бирликлар тизимида ўлчаниши лозим.

## 2.7. Нам ҳавонинг ҳолат тенгламаси. Виртуал ҳарорат

Атмосферадаги газларнинг ҳолати ҳарорат  $T$ , босим  $P$  ва зичлик  $\rho$  (ёки солиштирма ҳажм) катталикларининг қийматлари билан белгиланади. Бу учта катталик ҳолат тенгламаси орқали ўзаро боғланади.

Атмосферадаги углерод диоксиди ва сув буғидан ташқари барча газлар критик ҳароратдан юқори ҳароратларда бўлади. Углерод диоксиди газининг критик ҳарорати кузатилаётган ҳаво ҳароратларидан паст бўлса-да, у тўйинган ҳолатда бўлмайди, чунки Ер атмосфераси шароитида унинг парциал босими кичик.

Газнинг ҳарорати унинг критик ҳароратидан қанча катта, унинг парциал босими тўйиниши парциал босимидан қанчалик кичик бўлса, кўрилаётган газ физикавий хусусиятлари бўйича идеал газга шунчалик яқин бўлади. Атмосфера ҳавоси таркибига кирувчи газлар амалда идеал газ хисобланади. Шунинг учун идеал газ ҳолат тенгламасини уларга қўллаш мумкин:

$$PV = \frac{m}{\mu} RT, \quad (2.8)$$

бу ерда  $R$  – универсал газ доимийси,  $\mu$  – қуруқ ҳавонинг моляр массаси,  $m$  – қуруқ ҳаво массаси.

$\rho_q = \frac{m}{\mu}$ ,  $R_q = \frac{R}{\mu}$  бўлганлиги учун (2.8) ифодани қўйидагича ёзиш мумкин:

$$\rho_q = \frac{P}{R_q T}, \quad (2.9)$$

бу ерда  $R_q=287$   $\text{Ж}/(\text{кг}\cdot\text{К})$  - қуруқ ҳавонинг солиштирма газ доимийси. (2.9) тенглама қуруқ ҳавонинг ҳолат тенгламасини ифодалайди.

Сув буғининг физикавий хоссалари идеал газ хоссаларидан фарқ қиласди, чунки атмосферада кузатилаётган ҳароратлар сув буғининг критик ҳароратидан паст. Бироқ, тажрибаларнинг кўрсатишича, сув буғининг физикавий хусусиятлари идеал газ хусусиятларига яқин экан. Шу сабабли етарли аниқлик даражаси

били сув бугининг ҳолат тенгламасини қуийдагича ифодалаш мумкин:

$$\rho_b = \frac{e}{R_b T}, \quad (2.10)$$

бу ерда  $R_b=461 \text{ Ж/(кг}\cdot\text{К)}$  – сув бугининг солиштирма газ доимийси.

Нам ҳаво қуруқ ҳаво ва сув бугининг механик аралашмасидан иборат. Нам ҳавода қуруқ ҳаво ва сув буғи ҳажм бўйича текис тақсимланган. Нам ҳавонинг зичлиги қуруқ ҳавонинг ва сув бугининг зичликлари йигиндисига тенг бўлади:

$$\rho = \rho_q + \rho_b = \frac{P - e}{R_q T} + \frac{e}{R_b T}. \quad (2.11)$$

Қуруқ ҳаво ва сув буғи солиштирма газ доимийларининг орасидаги муносабатни

$$R_b = 1,61 \cdot R_q$$

ҳисобга олсак, (2.11) ифода қуийдагича ёзилади:

$$\rho = \frac{P}{R_q T (1 + 0,378 e/P)} \text{ ёки } \rho = \frac{P}{R_q T (1 + 0,608 s)}. \quad (2.12)$$

(2.12) формула нам ҳавонинг ҳолат тенгламасини ифодалайди.

Виртуал ҳарорат  $T_v = T(1 + 0,378 e/P)$  ифодасини киритиб, нам ҳаво ҳолат тенгламасини қуийдагича ёзишимиз мумкин:

$$\rho = \frac{P}{R_q T_v}. \quad (2.13)$$

*Виртуал ҳарорат* – бу қуруқ ҳавонинг шундай ҳароратики, бу ҳароратда қуруқ ҳавонинг зичлиги  $T$  ҳарорат,  $P$  босим ва  $e$  сув буғи эластиклигига эга бўлган нам ҳавонинг зичлигига тенг бўлиши лозим. (2.13) ва (2.9) тенгламаларни тақдосласак, бир хил ҳарорат ва босимларда нам ҳавонинг зичлиги доимо қуруқ ҳавонинг зичлигидан кичик бўлиши келиб чиқади. Физикавий нуқтаи

назардан бу нам ҳавонинг таркибига куруқ ҳавонинг маълум қисимини сиқиб чиқарувчи бирмунча енгил сув буғининг келиб кўшилишини англатади.

Виртуал ҳароратни кўпинчча  $T_v = T + \Delta T_v$  йигинди кўринишида ифодалашади. Бу ерда  $\Delta T_v$  - виртуал қўшимча. Бу ифодани (2.12) билан таққослашдан

$$\Delta T_v = 0,378T(e/P) \quad (2.14)$$

эканлиги келиб чиқади.

(2.14) дан кўринадики, ҳаво зичлигининг ўзгаришида виртуал қўшимча ва намликнинг роли паст ҳароратларда кичик, баланд ҳароратларда эса нисбатан катта бўлади.

## 2.8. Атмосферанинг вертикал тузилиши

Атмосфера ўзининг физиковий хоссаларига кўра ҳам вертикал, ҳам горизонтал бўйлаб биржинсли эмас. Ҳарорат, босим, зичлик, ҳаво таркиби ва намлиги, қаттиқ ва суюқ аралашмаларнинг миқдори, шамол тезлиги каби физиковий катталиклар ўзгаришга учрайди. Вертикал бўйлаб бундай ўзгаришлар кескин содир бўлади.

Вертикал бўйлаб атмосфера бир қатор белгилар асосида қатламларга бўлинади. Булар атмосфера ҳавоси таркиби ва ундаги зарядланган зарралар миқдори, атмосферанинг Ер сирти билан ўзаро таъсири характери, атмосферанинг учиш апаратларига таъсири, атмосферанинг термик режими.

Юқорида таъкидланганидек, атмосфера ҳавонинг таркибига кўра гомосфера ва гетеросферага бўлинади. Шу белги асосида атмосферада озоннинг асосий массасини ўз ичига олувчи озоносфера (20-55 км) ажратилади. 90-100 км баландликдан бошлаб атмосферада зарядланган зараачалар (ионлар ва электронлар)нинг миқдори кескин ортади. Шу сабабли атмосферанинг кўрсатилган сатҳдан юқоридаги қатлами ионосфера деб аталади.

Атмосферанинг зарядланган зарралардан иборат ташқи қисми Ернинг радиацион камарини ташкил этади. Ернинг Кўёш ёритган қисмida геомагнит экватор текислигида радиацион камар чегараси Ернинг 10-12 радиуси, ёритилмаган қисмida эса 9-10 радиусига тенг масофада жойлашади.

Атмосферанинг ер сирти билан ўзаро таъсири белгиси бўйича атмосфера чегаравий қатлам (*ишқаланиш қатлами*) ва эркин атмосферага бўлинади. Ўртача баландлиги 1-1,5 км ни ташкил этувчи чегаравий қатламда ер сирти ва турбулент ишқаланиш кучлари ҳаво ҳаракатига катта таъсир кўрсатади. Бу қатламда кўпчилик метеорологик катталикларнинг (ҳарорат, босим, намлик, шамол ва бошкалар) суткалик ўзгариши яхши намоён бўлади. Чегаравий қатламнинг ичидаги метеорологик катталиклар вертикаль бўйлаб кескин ўзгарувчи атмосферанинг ер яқини қатлами (50-100 м) ажратилади.


Эркин атмосферада (1-1,5 км дан юқори) биринчи яқинлашувда турбулент ишқаланиш кучларининг таъсири ҳисобга олинмайди.

Атмосфера ер сунъий йўлдошлари ва бошқа космик аппаратлар парвозига таъсири бўйича зич қатлам (ёки айнан атмосфера) ва қуий чегараси 150 км баландликдаги еролди фазосига бўлинади. Зич қатламнинг юқори чегарасида атмосферанинг қаршилиги шунчалик каттаки, двигатели ўчирилган космик аппарат Ер атрофида бир марталик айланишни бажара олмайди.

Атмосфера қатламлари хоссаларининг энг катта фарқлари ҳаво ҳароратининг вертикаль бўйлаб ўзгариши ҳарактерида намоён бўлади. Бу белги бўйича атмосфера бешта асосий қатламларга бўлинади: *тропосфера, стратосфера, мезосфера, термосфера ва экзосфера* (1-расм).

Тропосфера тропикларда ( $30^{\circ}$  ш.к. ва  $30^{\circ}$  ж.к.) Ер сиртидан бошлаб таҳминан 15,3 км, бу кенгликлардан ташқарида эса 8,5-10 км баландликкача кўтарилади. Деярли ҳамма жойда тропосфера ҳарорат баландлик бўйича 1 км га  $6,5^{\circ}\text{C}$  вертикаль градиент билан пасайиб боради.

Тропосферада Кўёш энергиясининг атмосфера ҳаракатларининг кинетик энергиясига ва сув бугининг яширин иссиқлигига айланиши жараёнлари содир бўлади. Бу ерда намликтининг асосий фазавий айланишлари содир бўлади, булут ва ёғинлар шаклланади. Тропосферада йирик масштабли уюрмалар – циклон ва антициклонлар вужудга келади. Сувнинг узлуксиз айланиши: бугланиш – конденсация – ёғин ҳосил бўлиши – ер усти ва ости оқимларининг шаклланиши шу қатламда рўй беради.



1-расм. Атмосферанинг вертикал тузилиши

Атмосферанинг асосий – ўрта ва юкори кенгликларда 75%, куйи кенгликларда 90%гача – массаси тропосферада мужассамланган.

Ўтиш қатлами бўлган тропопауза тропосферани стратосфердан ажратади. Стратосфера 34-35 км баландиликкача ҳарорат ортиб боради. Тропопауза катта турғунликка эга бўлиб, фақат кучсиз вертикал ҳаракатлар ва аралашишга имкон беради. Бу эса стратосферада кичик газ ташкил этувчилирининг таксимоти учун муҳим ҳисобланади. Стратосфера одатда жуда қуруқ: тропик кенгликларда 20 км баландликда сув бугининг концентрацияси (ҳажм бўйича) бор-йўғи  $2 \text{ млн.}^{-1}$  ни, кутбий кенгликлар устида эса  $5 \text{ млн.}^{-1}$  ни ташкил этади. Шунга қарамай 22-30 км баландликларда садағисмон

*булутлар* шакланади. 35 км дан юқорида ҳарорат 50 км баландликка ортиб боради ва 270 К атрофида бўлади.

Стратопаузанинг устида мезосфера жойлашган, ҳарорат бу қатламда унинг юқори чегарасигача 160 К гача пасайиб боради. Бу ҳолат сув бугининг конденсациясига сабаб бўлади ва 80 км баландликда *мезосфера (кумушранг)* булутлари ҳосил бўлади.

Мезосферада ҳавонинг ионланиш даражаси ортиб боради ҳамда вакт ва мавсум бўйича ўзгарувчан, Қуёш фаоллигига кучли боғланган ионосферанинг D қатлами (70-90 км баландликда) вужудга келади.

Таҳминан 85 км баландликда жойлашувчи мезопауза юқорида жойлашган термосферани мезосферадан ажратиб туради. Термосферада ҳарорат баландлик бўйича кескин ортади. Қуёш фаоллиги катта бўлганида ҳарорат 2000 К, кичик бўлганида эса 1060 К гача (тунда мос равиша 1300 ва 730 К) ортиб боради.

Термосферада, 100 км дан катта баландликларда, ҳаво таркиби сезиларли ўзгаради:  $H_2O$  ва  $CO_2$  молекулалари парчаланади,  $O_2$  молекулаларининг катта қисми О атомларига диссоциацияланади. Бу қатламда газ зарраларининг ионланиши кучаяди ва ионосферанинг E, каттароқ баландликларда эса F қатлами шакланади. Зарралар ҳаракати, айниқса куйи кенгликларда, Қуёш ва Ойнинг тортиш кучига боғлиқ бўлади.

Термосферага кириб келувчи метеоритлар бу ерда кучли ионланишни, шунингдек парчаланиб метеор чангларини ҳосил қиласди. Қуёш протонлари ва электронлари оқими кутб ёғдуси ва Ер магнит майдонининг ғалаёнларини, шунингдек узоқ масофа радиоалоқани бузувчи “бирдан ҳосил бўлувчи ионосфера ғалаёнлари”ни келтириб чиқаради.

450 км дан юқори баландликларда термосфера аста-секин кейинги қатлам – экзосферага уланиб кетади. Атмосферанинг бу сийрак қисмидаги етарли катта тезликка эга бўлган айрим енгил газлар – водород ва гелий атомлари Ер атмосферасидан очик фазога чиқиб кетади.

## **2.9. Атмосферанинг горизонтал биржинсли эмаслиги.**

**Ҳаво массалари ва атмосфера фронтлари ҳақида тушунча**

Ер шаридаги қитъя ва океанларнинг нотекис тақсимоти, қуруқлик ландшафтларининг турли-туманлиги ер сиртининг иссиқлик,

механик ва оптик хусусиятларининг турлича бўлишига олиб келади. Шу сабабли атмосфера нафақат вертикал бўйича, балки горизонтал йўналишда ҳам биржинсли бўлмайди. Ҳарорат, намлик, булутлилик, ёғинлар ва бошқа метеорологик катталиклар горизонтал йўналишда ўзгаради. Бирок, бу ўзгаришлар ҳамма жойда бир хил эмас. Метеорологик катталиклар горизонтал бўйича нисбатан секин ўзгарадиган кенг ҳудудлар шаклланиши мумкин.

Горизонтал ўлчамлари бўйича қитъя ва океанлар ўлчамлари билан таққосланадиган ва маълум физиковий хоссаларга эга бўлган ҳавонинг катта ҳажмлари ҳаво массалари деб аталади. Ҳаво массаларнинг вертикал ўлчамлари бир неча километрни ташкил қиласди.

Ҳаво массаларининг ҳароратлари ва бошқа хоссаларида (намлик, чанг микдори, кўринувчанлик ва ҳ.к.), уни шаклланиш ўчогининг хусусиятлари акс топган бўлади. Ернинг бошқа ҳудудларига қўчганида, ҳаво массалари бу ҳудудларга ўзига хос об-ҳаво режимини олиб келади. Қаралаётган ҳудудда у ёки бу мавсумда маълум тип ёки типлардаги ҳаво массаларининг устуворлиги бу ҳудуднинг ўзига хос иқлим режимини ҳосил қиласди.

Ҳаво массаларининг шаклланиши ҳудудига боғлиқ бўлган географик таснифи мавжуд. Бу тасниф бўйича *арктик ҳаво* (АХ), *ўрта кенгликлар ҳавоси* (ЎКХ), *тропик ҳаво* (ТХ) ва *экваториал ҳаво* (ЭХ) массалари ажратилади.

Арктик (антарктик) ҳаво юқори кенгликларда (Арктика ёки Антарктида) шаклланади. Арктик ҳаво бошқа ҳаво массаларига нисбатан энг паст ҳарорат ва катта мутлақ намлика, шунингдек энг юқори шаффоффликка эга. Тропик ҳаво океан ва қитъаларининг субтропик кенгликларida шаклланади. Энг юқори ҳарорат ва кичик мутлақ намлик, шунингдек энг катта хирилик унга хос хусусиятдир. Ўрта кенгликлар ҳавоси ўрта кенгликларда шаклланиб, ўзининг физиковий хоссалари бўйича АХ ва TX орасидаги ҳолатни эгаллайди.

Ҳаво массаларининг асосий типлари (АХ, ЎКХ ва TX) ўз навбатида мазкур ҳаво массаси қандай тўшалган сирт (сув ёки қуруқлик) устида шаклланганига қараб дengiz ва қитъя ҳаволарига бўлинади. Денгиз ва қитъя ҳаволарининг хусусиятлари бир-биридан фарқланади. Ҳавонинг хусусиятларига йил фасли ҳам катта таъсир кўрсатади. Масалан, ёзда қитъя ўрта кенгликлар

ҳавоси денгиз ўрта кенгликлар ҳавосидан иликроқ, қишида эса бунинг акси.

Бир ҳудуддан бошқа ҳудудга кўчаётганда ҳаво массаларининг хусусиятлари, биринчи навбатда унинг ҳарорати, тўхтовсиз ўзгаради. Бу жараён ҳаво массаларининг *трансформацияси* деб аталади. Шу сабабли типик ҳаво массалари билан бир қаторда аралаш хоссали ҳаво массалари ҳам кузатилади.

Иссиклик ҳолатига қараб илиқ ва совуқ ҳаво массаларини ажратишади. Агар ҳаво массаси нисбатан совуқроқ ер сиртидан иликроқ ер сиртига кўчса (одатда юкори кенгликлардан қуий кенгликларга), бу ҳаво массаси *совуқ ҳаво массаси* деб аталади. Бу ҳаво массаси ўзи билан совуқликни олиб келади ва ҳаракат давомида пастдан, ер сиртидан бошлаб исиди. Шунинг учун ҳам совуқ ҳаво массасида ҳароратнинг катта вертикал градиентлари юзага келади, конвекция ривожланади, тўп-тўп булутлар ва жала ёғинлари кузатилади.

Агар ҳаво массаси нисбатан иссикроқ жойдан совуқроқ жойга ҳаракатланиб келса, бу ҳаво массаси *илиқ ҳаво массаси* деб аталади. Уларнинг кириб келиши билан ҳавонинг илиши бошланади, ўзлари эса пастдан совий бошлайди. Натижада, қуий қатламларда ҳароратнинг кичик вертикал градиентлари ҳосил бўлади, конвекция ривожланмайди, кўпинча қатламдор булутлар ва туманлар кузатилади.


Бирор ҳудудда узоқ вақт туриб қолган ҳаво массаси *маҳаллий ҳаво массаси* деб аталади. Уларнинг хусусиятлари мавсумга боғлиқ бўлиб, ер сиртидан исиш ёки совиши жараёнлари билан белгиланади.

Иккита кўшини ҳаво массаларининг орасида нисбатан энсиз ўтиш зонаси мавжуд бўлади. Ўтиш зоналарида метеорологик катталикларнинг горизонтал бўйича кескин ўзгаришлари кузатилади. Бу зоналар *фронтал зоналар* деб аталади (2-расм). Фронтал зоналарнинг узунлиги бир неча минг км, қалинлиги бир неча ўн км га стиши мумкин. Фронтал зоналар ер сиртига нисбатан кия (қиялик бурчаги таҳминан  $0,5^\circ$ ), зичлиги каттароқ бўлган совуқ ҳаво массаси доимо фронтал зонани остида, илиги эса устида жойлашган бўлади. Фронтал зонанинг қалинлиги ҳаво массасининг горизонтал ўлчамларидан анча кичик. Шунинг учун назарий тадқиқотларда уни сирт деб қараш мумкин.

Фронтал сиртнинг Ер сирти билан кесишиган чизиги *атмосфера фронти* деб аталади.

Ҳаво массаларининг юқорида таъкидланган асосий географик типлари орасидаги фронтлар бош фронтлар деб аталади. Улар бир хил географик типдаги ҳаво массалари орасидаги иккиламчи фронтлардан фарқланади. Арктик ва ўрта кенгликлар ҳавоси орасидаги бош фронтлар арктик фронтлар, ўрта кенгликлар ва тропик ҳаво орасидаги бош фронтлар ўрта кенгликлар фронтлари, тропик ва экваториал ҳаво орасидаги бош фронтлар тропик фронтлар деб аталади.

Об-ҳавонинг ўзгаришлари фронтлар билан боғлиқ. Фронт зоналаридаги ҳавонинг кўтариувчи ҳаракатлари кенг буулутлар тизимининг пайдо бўлишига олиб келади, улардан кенг майдонларда ёғинлар ёғади. Атмосфера фронтларида пайдо бўладиган улкан атмосфера тўлқинлари циклон ва антициклонлар ҳосил бўлишига олиб келади. Улар билан эса шамол режими ва бошқа об-ҳаво ҳодисалари боғлиқ.



2-расм. Фронтал зона схемаси

Фронтал сиртлар ва фронтлар ҳаво массалари билан бирга ҳаракатланади. Ҳаракат йўналишига қараб илик ва совуқ фронтларни ажратишади. Агар атмосфера фронти совуқ ҳаво массаси томон ҳаракатланса, бу фронт илик фронт деб аталади. Илик фронт билан исиш боғлиқ, чунки совуқ ҳаво массаси ўрнига илик ҳаво массаси келади. Агар атмосфера фронти илик ҳаво

массаси томон ҳаракатланса, бу фронт *сөвук фронт* деб аталади ва об-ҳавонинг совиши у билан боғлиқ бўлади.

## Асосий хulosалар

1. Атмосфера ҳавоси қуруқ ҳаво молекулалари, сув буғи ва аэрозоль зарраларининг аралашмасидан иборат. Азот, кислород, барча инерт газлар, углерод икки оксиди ва озон қуруқ ҳавонинг доимий ташкил этувчилидир. Углерод икки оксиди гази ва сув буғи иссиқхона эффиқтини ҳосил қилишда, озон – Қуёш ультрабинафша нурланишининг таъсиридан ҳимоялашда иштирок этади. Табиий ва антропоген келиб чиқишга эга бўлган атмосфера аэрозоли атмосферадаги турли физикавий жараёнлар, жумладан унинг ифлосланишида муҳим аҳамиятга эга.

2. Атмосферадаги сув буғининг микдорини муайян масалаларни ҳал қилишда кўлланилувчи турли катталиклар оркали ифодалаш қабул қилинган.

3. Нам ҳавонинг ҳолат тенгламаси атмосфера физикасининг асосий тенгламаларидан бири ҳисобланади.

4. Атмосферанинг вертикал тузилиши бир нечта мустақил белгилар асосида таснифланади. Атмосфера физикасида кўплаб масалаларни ҳал қилишда ҳаво ҳароратининг баландлик бўйича ўзгариш белгиси кўлланилади.

## Назорат саволлари

1. Атмосфера қайси асосий газлардан ташкил топган? Баландлик бўйича унинг таркиби қандай ўзгаради?

2. Озон ва углерод диококсиди газлари атмосфера жараёнларида қандай роль ўйнайди?

3. Атмосфера аэrozоли нима? Аэrozолнинг табиий ва антропоген манбалари қайслар?

4. Атмосфера аэrozоли атмосфера жараёнларида қандай роль ўйнайди?

5. Ҳавонинг намлиги атмосфера жараёнларида қандай роль ўйнайди?

6. Ҳаво намлигининг барча характеристикаларини сананг ва улар орасидаги муносабатларни кўрсатиб беринг.

7. Куруқ ва нам ҳаво учун ҳолат тенгламалари қандай шароитлар учун келтириб чиқарилади? Виртуал ҳарорат нима?
8. Атмосфера вертикал бўйича қайси белгилар асосида қатламларга бўлинади?
9. Ҳароратнинг баландлик бўйича ўзгариши асосида ажратилган атмосферанинг асосий қатламларига характеристика беринг.
10. Ҳаво массаси нима? Асосий ҳаво массаларини сананг ва уларга характеристика беринг.
11. Атмосфера фронтлари нима? Уларнинг қандай турлари мавжуд?

### **III БОБ. АТМОСФЕРАДА БОСИМ ТАҚСИМОТИ**

#### **Асосий тушунчалар**

**1. Оғирлик кучи** – икки куч: Ер марказига йўналган ернинг тортиш кучи ва Ернинг айланиси билан белгиланувчи, кенглик айланаси радиуси бўйлаб йўналган инерцион марказдан қочма кучларнинг тенг таъсир этувчиси. Оғирлик кучи таъсирида бўшлиқдаги ер тортиш майдонида ихтиёрий жисм оғма чизик бўйлаб оғирлик кучи тезланиши деб аталаувчи эркин тушиш тезланиши билан пастга тушади.

**2. Паскаль қонуни** – ташки кучларнинг суюқликка бераётган босими суюқликининг барча йўналишлари бўйича бир хилда узатилади.

**3. Изобарик сирт** – барча нукталарида атмосфера босими бир хил бўлган сирт. Юзга каррали гектопаскаль (1000, 900, 800, 700 гПа ва бошк.), сўнгра 50, 25, 10 гПа, шунингдек 850 гПа қийматли изобарик сиртлар асосий изобарик сиртлар деб аталади.

**4. Сатҳ сирти** – ернинг оғирлик кучи майдонида (хусусан, атмосферада) тенг потенциалли сирт бўлиб, унда оғирлик кучи потенциали (геопотенциал) бир хил қийматга эга. Сиртнинг ихтиёрий нуктасида оғирлик кучи ушбу сиртга нормал бўйлаб йўналган. Дунё океани сирти стаҳ сиртларидан биридир.

**5. Барик тизим** – ер атмосферасидаги муайян атмосфера босими тақсимотига эга бўлган йирик масштабли соҳа; барик майдон шакли; босим тақсимоти шакли. Барик тизимлар асосан паст ва юкори босимли соҳаларга бўлинади.

**6. Горизонтал барик градиент** – атмосфера босимининг фазодаги ўзгариши даражасини тавсифловчи вектор -  $\vec{V}_p$ . Соң жиҳатдан барик градиент босимнинг изобарик сиртга нормал бўйлаб ҳосиласига, яъни босим энг тез камаяётган йўналиш бўйлаб бирлик масофа ўтилганда босим ўзгаришига тенг. Барик градиент ушбу нормал бўйлаб босим камаяётган томонга йўналган. Горизонтал барик градиент горизонтал сиртда изобарага нормал бўйлаб босим камаяётган томонга йўналган. У 100 км масофага босимнинг гПа лардаги камайиши билан аниқланади.

**7. Кўтарилишлар (атмосферада)** – атмосферадаги планетар масштабли тўлқинлар бўлиб, дунё океанидаги кўтарилишлар каби Күёш (кўёш атмосфера кўтарилишлари) ва Ой (ой атмосфера кўтарилишлари) тортиши оқибатида юзага келади.

### **3.1. Атмосфера статикасининг асосий тенгламаси**

Ҳар қандай газ уни чегараловчи ён деворларга босим кўрсатади, яъни ён деворга перпендикуляр йўналган маълум **босим кучи** билан таъсир қиласиди. Босим кучи вектор катталик бўлиб, унинг йўналиши сиртга нормал бўйлаб йўналган (ҳажм ичига томон). Атмосфера ичидаги ажратилган ҳаво ҳажмига атрофдаги, уни ўраб турган ҳаво томонидан босим кучи таъсир кўрсатади. Ажратилган ҳажмидаги ҳаво томонидан атрофдаги ҳавога ҳам худди шундай босим кучи таъсир кўрсатади ва шу сабабли ажратилган ҳаво массаси ўз ҳажмини саклаб туради. Ажратилган ҳаво ҳажми ихтиёрий даражада кичик бўлиб, нуқта ўлчамида бўлиши мумкин. Демак, атмосферанинг ихтиёрий нуқтасида *атмосфера босими* ёки *ҳаво босимининг маълум қўймати* мавжуд.

Ҳаво босими – скаляр катталик бўлиб, босим кучи модулининг у таъсир қилаётган элементар юзага нисбати орқали ифодаланади.

Халқаро бирликлар тизимида (СИ) босим паскалда (Па) ўлчанади.  $1 \text{ m}^2$  юзага таъсир этувчи  $1 \text{ N}$  куч  $1 \text{ Pa}$  га teng босимдир. Метеорологияда босим гектопаскалда ( $1 \text{ gPa} = 100 \text{ Pa}$ ) ўлчанади.


Ҳаво босимини ўлчаш учун бошқа ўлчов бирликлари ҳам кўлланилади. Қадимдан босимни симоб устуни баландлигига (мм да) ўлчаш қабул қилинган.  $1 \text{ mm Hg} = 1,33 \text{ gPa}$ . СИ тизими қабул қилинишидан олдин босим миллибарда ўлчанганди ( $1 \text{ mb} = 1 \text{ gPa}$ ).

Баъзи мамлакатларда (АҚШ ва бошқа) босим дюймда ўлчанади.

Босимнинг баландлик бўйича ўзгариш конунини кўриб чиқайлик. Ҳаво – идеал газ, атмосфера эса ер сиртига нисбатан тинч ҳолатда деб ҳисоблаймиз. Атмосферанинг бундай ҳолати *статик ҳолат* деб аталади.

Атмосферада  $z$  ва  $z+dz$  баландликларда жойлашган изобарик сиртларни ажратамиз (З-расм). Бу сиртларда босим  $P$  ва  $P+dP$  га

тeng бўлсин. Кўрилаётган сиртлар орасида горизонтал асослари майдони  $1 \text{ m}^2$  га teng бўлган ҳаво ҳажмини ажратамиз.



3-расм. Ҳавонинг  
элементар ҳажмига  
таъсир этувчи кучлар.

Ажратилган ҳажмнинг қуий асосига пастдан юкорига йўналган  $\vec{p}$  босим кучи, тепадаги асосига эса юкоридан пастга йўналган  $\vec{p} + d\vec{p}$  босим кучи таъсир этади.

Атмосфера тинч ҳолатда бўлганилиги учун ажратилган ҳажмнинг ён томонларига таъсир киладиган кучлар мувозанатда бўлади.

Ажратилган ҳажмга юкоридан пастга йўналган оғирлик кучи  $\vec{Q}$  ҳам таъсир қиласи:

$$Q = \rho g \cdot dz, \quad (3.1)$$

бу ерда  $\rho$  - ҳаво зичлиги,  $g$  - эркин тушиш тезланиши.

Статик ҳолатдаги атмосфера қаралаётгани учун ҳажмга таъсир этаётган барча кучлар йигиндинсининг  $z$  ўқига проекцияси нолга teng бўлади:

$$P - (P + dP) - Q = 0. \quad (3.2)$$

$Q$  нинг ўрнига унинг (3.1) формуладаги ифодасини қўйиб, атмосфера статикасининг асосий тенгламасини ҳосил қиласи:

$$-dP = \rho g \cdot dz. \quad (3.3)$$

(3.3) ифодани икки томонини  $dz$  га бўлсак, атмосфера статикаси асосий тенгламасининг бошқа кўринишига эга бўламиз:

$$-\frac{dP}{dz} = \rho g \quad (3.4)$$

$-\frac{dP}{dz} = G_z$  катталик босим градиентининг вертикал ташкил этувчинини ифодалайди. (3.4) нинг ўнг томонидаги ҳад ҳавонинг бирлик ҳажмига таъсир қилаётган оғирлик кучини билдиради ( $\text{Н}/\text{м}^2$ ).

Шундай қилиб, атмосфера статикасининг асосий тенгламаси босимнинг вертикал градиенти ва оғирлик кучларининг мувозанатини ифодалайди.

Атмосфера статикасининг асосий тенгламасидан учта хулоса келиб чиқади.

а) (3.4) тенгламанинг ўнг томони доим мусбат бўлгани учун баландлик ортиши билан ( $dz > 0$ ) босим камаяди ( $dP < 0$ ). Демак, атмосферада юкорига кўтарилиган сари ҳаво босими камаяди. Бу хулоса ҳаракатдаги атмосфера учун ҳам ўринли.

б) Атмосферада берилган  $z$  сатҳдан атмосферанинг  $z_a$  юкори чегарасигача чўзилган бирлик юзали ( $1 \text{ m}^2$ ) атмосфера қатламини ажратайлик.  $dz$  баландликка эга бўлган элементар ҳаво устунининг оғирлиги  $\rho g \cdot dz$  га тенг бўлганлиги учун кўрилаётган бутун вертикал устунининг оғирлиги қуидагича аниқланади:

$$Q = \int_z^{z_a} \rho g \cdot dz. \quad (3.5)$$

(3.3) ифоданинг ўнг ва чап томонларини босим  $P$  бўлган  $z$  дан, босим нолга тенг бўлган  $z_0$  гача интегралласак, қуидагини ҳосил қиласиз:

$$\int_p^0 -dP = \int_{z_0}^0 \rho g \cdot dz \text{ ёки } P = Q. \quad (3.6)$$

Шундай қилиб, ҳар бир сатҳдаги ҳаво босими шу сатҳдан атмосферанинг юкори чегарасигача чўзилган бирлик юзали атмосфера устунининг оғирлигига тенг бўлади.

Паскаль қонуни бўйича, ёпиқ хоналарда ихтиёрий сатҳдаги ҳаво босими хонадан ташқаридаги ҳаво босимига тенг бўлади. Бу метеорологик станцияларда босимни ўлчайдиган асбобларни (символи барометрлар ёки барометр-анероидлар) хоналарда ўрнатишга имкон беради.

в) Атмосфера статикасининг асосий тенгламасидан ҳаво босимининг баландлик бўйича ўзгариш тезлиги ҳақида хулоса қилиш мумкин. (3.3) тенгламага асосан ҳаво зичлиги қанчалик катта бўлса, бир хил баландликка кўтарилиганда ҳаво босимининг камайиши шунчалик катта бўлади (эркин тушиш тезланиши

ўзгармас деб ҳисобланганда). Баландлик ортиши билан зичлик, одатда, камаяди.

Демак, кўрилаётган сатҳ Ер сиртидан қанча баландда жойлашган бўлса, бир хил баландликка кўтарилишида ҳаво босимининг камайиши шунчалик кичик бўлади. Бошқача айтганда, кўрилаётган изобарик сиртларнинг Ер сиртидан баландлиги қанчалик катта бўлса, бир-биридан босимининг бир хил қийматига фарқланувчи қўйни изобарик сиртлар орасидаги масофа шунчалик катта бўлади.

Ҳолат тенгламасига мувофик, битта изобарик сиртда жойлашган нукталарда ҳаво зичлиги фақат ҳаво ҳароратига боғлиқ. Демак, бирорта изобарик сиртга нисбатан баландликнинг бир хил ўзгаришларида ( $dz=const$ ) совуқ ҳаво массасидаги ҳаво босимининг пасайиши илиқ ҳаво массасига нисбатан каттароқ бўлади, яъни илиқ ҳаво массасига қараганда совуқ ҳаво массасида ҳаво босими юқорига кўтаришган сари тезроқ ўзгариади. Бу ўрта ва юқори тропосферада совуқ ҳаво массаларида – паст босим, илиқ ҳаво массаларида эса – юқори босим кузатилиши билан исботланади.

Атмосфера ҳавосининг нормал шароитларида ( $\rho=1,29 \text{ кг}/\text{м}^3$ ,  $g=9,81 \text{ м}/\text{сек}^2$ ) деңгиз сатҳи яқинидаги ҳаво босими вертикал градиентининг қиймати  $12,5 \text{ гПа}/100 \text{ м}$  тенг бўлади, яъни ҳар  $100 \text{ м}$  баландликка ҳаво босими  $12,5 \text{ гПа}$  га камаяди.

### 3.2. Барометрик формулалар

Метеорологияда атмосфера статикасининг асосий тенгламаси энг муҳим тенгламалардан бири ҳисобланади. Бу тенглама асосида ҳаво босими, зичлиги ва массасининг вертикал тақсимоти қонуниятлари ўрганилади. Ҳаво зичлигининг турли тақсимотларида (3.3) статика тенгламасининг интеграл кўринишларини ифодаловчи тенгламалар *барометрик формулалар* деб аталади.

Статика тенгламасининг интеграл шаклини ҳосил қилиш учун (3.3) тенгламани деңгиз сатҳидан ( $z=0, P_0$ ) кўрилаётган сатҳгача ( $z, P$ ) интеграллаш керак. Бунда ҳолат тенгламасига асосан ҳавонинг зичлиги  $\rho = -\frac{P}{R_g T_n}$  эканлигини ҳисобга оламиз.

$$\int_{P_0}^P \frac{dP}{P} = - \int_0^z \frac{g \cdot dz}{R_g T_n}. \quad (3.7)$$

Бу ифодани интеграллаб, сўнгра потенцирласак,

$$P = P_0 e^{-\frac{1}{R} \frac{x^2}{2}} \quad (3.8)$$

формулага эга бўламиз.

(3.8) ифода интеграл кўринишдаги умумий барометрик формула деб аталади. (3.3) ва (3.8) тенгламалар турли барометрик формулаларни ҳосил қилиш учун фойдаланилади. Умумий ҳолда ҳарорат ва зичлик баландликнинг мураккаб функциялари бўлиб, уларнинг аналитик кўринишини доим ҳам аниқлаб бўлмайди. Шу сабабли ҳарорат ёки зичликнинг вертикал бўйича ўзгаришлари учун бир нечта хусусий ҳолларни қараб чиқамиз.

*Биржинсли атмосфера.* Зичлик вертикал бўйича ўзгармайди деб фараз қиласиз:

$$\rho = \rho_0 = \text{const}, \quad (3.9)$$

бу ерда  $\rho_0$  – ер сирти яқинидаги ( $z=0$ ) ҳаво зичлиги.

Бундан ташқари эркин тушиш тезланиши ўзгармас ( $g=\text{const}$ ) ва ҳаво куруқ ( $T=T_0$ ), деб ҳисобланади. Бундай атмосфера *биржинсли атмосфера* деб аталади. (3.3) тенгламани баландлик бўйича 0 дан  $z$  гача, босим бўйича  $P_0$  дан  $P$  гача интегралласак, *биржинсли атмосфера* учун барометрик формулага эга бўламиз:

$$P = P_0 - \rho_0 g z. \quad (3.10)$$

Бу формуладан келиб чиқадики, биржинсли атмосферада ҳаво босими чизиқли қонуният бўйича ўзгаради ва унинг баландлиги чегараланган. Биржинсли атмосфера баландлигини ( $H$ ) аниқлаш учун, атмосферанинг юқори чегарасида ҳаво босими  $P=0$  шартдан келиб чиқамиз:

$$0 = P_0 - \rho_0 g H \text{ ёки } H = \frac{P_0}{\rho_0 g}. \quad (3.11)$$

Куруқ ҳаво учун ҳолат тенгламасидан зичлик ифодаси қўйилса, қуйидагига эга бўламиз:

$$H = \frac{R_g T_0}{g} = \frac{273 R_g}{g} (1 + \alpha t_0), \quad (3.12)$$

бу ерда  $\alpha \approx 0,0037 \text{ grad}^{-1}$ ,  $t_0$  – Цельсийларда ифодаланган ҳаво ҳарорати.

Бу ифодадан келиб чиқадики, биржинсли атмосферанинг баландлиги фақат Ер сирти яқинидаги ҳаво ҳароратига боғлиқ бўлади. Масалан, ҳаво ҳарорати  $t_0=0^\circ\text{C}$  бўлса,  $H=7993 \text{ м} \approx 8 \text{ км}$  эканлиги келиб чиқади.

Атмосферага нисбатан (3.10) формулани қўллаб бўлмайди, чунки у баландлик бўйича ҳаво босими ўзгаришининг реал тақсимотини ифодаламайди. Бирок чуқурлик бўйича зичлик кам ўзгарувчи гидросфера учун бу ифода қониқарли натижалар беради.

Ҳолат тенгламасига мувофиқ ҳаво ҳарорати

$$T = \frac{P}{R_g \rho_0} \quad (3.13)$$

тенгламага асосан ўзгаради.

(3.13) тенгламадан баландлик бўйича ҳосила оламиз:

$$\frac{dT}{dz} = \frac{1}{R_g \rho_0} \frac{dP}{dz}. \quad (3.14)$$

(3.4) статика тенгламасидан  $\frac{dP}{dz}$  ни алмаштирусак,

$$-\frac{dT}{dz} = \frac{g}{R_g} \quad (3.15)$$

ифодага эга бўламиз. Агар  $\gamma = -\frac{dT}{dz}$  бўлса, у ҳолда  $\gamma_A = \frac{g}{R_g}$ .

$\gamma_A$  автоконвекция градиенти деб аталади, сон қиймати эса  $3,42 \text{ } ^\circ\text{C}/100 \text{ м}$  га тенг.

(3.15) тенгламадан биржинсли атмосфера ҳароратининг баландлик бўйича чизиқли қонуният асосида пасайиши келиб чиқади:

$$T = T_0 - \gamma_A z. \quad (3.16)$$

Ҳаво зичлигининг баландлик бўйича ўзгаришии. Баландлик бўйича ҳаво зичлигининг қандай ўзгаришини қараб чиқамиз. Бунинг учун  $P = R_q \rho T$  куруқ ҳаво учун ҳолат тенгламасини логарифмлаймиз, сўнг дифференциаллаймиз. Бажарилган амаллар натижасида куйидагига эга бўламиш:

$$\frac{1}{P} \cdot \frac{dP}{dz} = \frac{1}{\rho} \cdot \frac{d\rho}{dz} + \frac{1}{T} \cdot \frac{dT}{dz}. \quad (3.17)$$

(3.4) статика тенгламасидан  $\frac{dP}{dz}$  ни, ҳолат тенгламасидан  $\rho$  ни алмаштириб,

$$\frac{1}{\rho} \cdot \frac{d\rho}{dz} = -\frac{1}{T} \left( \frac{g}{R_q} + \frac{dT}{dz} \right) \quad (3.18)$$

тенгламага эга бўламиш.

$\frac{g}{R_q} = \gamma_A$ ,  $\frac{dT}{dz} = -\gamma$  эканлигини ҳисобга олсак, у ҳолда

$$\frac{1}{\rho} \cdot \frac{d\rho}{dz} = \frac{1}{T} (\gamma - \gamma_A) \quad (3.19)$$

бўлади.

(3.19) формуладан уч хил ҳолат келиб чиқади:

а. Агар  $\gamma > \gamma_A$  бўлса, у ҳолда  $\frac{d\rho}{dz} > 0$ . Яъни ҳавонинг зичлиги баландлик бўйича ортиб боради. Бу ҳолда ҳавонинг совукроқ ва зичроқ қатламлари пастга тушиб, иликроқ ҳавони юқорига сиқиб чиқаради. Сирт бўйлаб ҳавонинг жадал аралashiш жараёни бошланади. Бу жараён эркин ёки гравитацион конвекция деб аталади. Реал шароитларда бундай конвекция атмосферанинг ер яқини қатламида кундузги соатларда, асосан йилнинг илиқ ярмида кузатилади. Бу даврда ер яқини қатламида ҳароратнинг реал вертикал градиентлари  $\gamma_A$  дан анча катта бўлади.

б. Агар  $\gamma = \gamma_A$  бўлса, у ҳолда  $\frac{d\rho}{dz} = 0$  ёки  $\rho = const$ . Бу биржинсли атмосфера холидир.

в. Агар  $\gamma < \gamma_A$  бўлса, у ҳолда  $\frac{d\rho}{dz} < 0$ . Яъни ҳавонинг зичлиги баландлик бўйича камайиб боради. Бу ҳолда атмосферанинг ер яқини қатламида конвектив ҳаракатлар ривожланмайди.

*Изотермик атмосфера.* Бу атмосферада ҳаво куруқ ( $T=T_0$ ), эркин тушиш тезланиши ( $g=const$ ) ва ҳаво ҳарорати ( $T=T_0=const$ ) баландлик бўйича ўзгармас деб қабул қилинади ( $T_0$  - денгиз сатҳида ҳаво ҳарорати).

Юқорида келтирилган шароитларни ҳисобга олсак, (3.8) формуладан *изотермик атмосфера* учун *барометрик формула* келиб чиқади:

$$P = P_0 e^{-\frac{g(z-z_0)}{R_t T}}. \quad (3.20)$$

Изотермик атмосферада юқорига кўтарилиган сари ҳаво босими экспоненциал қонуният бўйича ўзгаради, унинг баландлиги чексизликка тенг, чунки  $z \rightarrow \infty$  бўлгандагина  $P \rightarrow 0$  бўлади. Босимнинг вертикал бўйича ўзгариши ҳаво ҳароратига боғлиқ. *Изотермик атмосферада баландроқ ҳароратларда ҳаво босими вертикал бўйича пастроқ ҳароратлардагига нисбатан секинроқ пасайди.*

Изотермик атмосфера учун соддалаштирилган барометрик формула ёки *Бабине формуласини* келтириб чиқарамиз.

Ихтиёрий  $z_1$ , баландликда, ҳаво босими  $P_1$ ,  $z_2$  баландликда  $P_2$  га тенг бўлсин. Унда (3.12) ни ҳисобга олиб (3.20) куйидаги кўринишида ёзилиши мумкин:

$$P_2 = P_1 \left( 1 - \frac{z_2 - z_1}{H} \right), \quad (3.21)$$

бу ерда  $H=8000$  м – биржинсли атмосферанинг баландлиги.  $(z_2 - z_1)$  га нисбатан тенгламани ечамиз:

$$z_2 - z_1 = 8000(1 + \alpha t) \frac{P_1 - P_2}{P_1}, \quad (3.22)$$

бу ерда  $\alpha=0,0037$  град $^{-1}$ ,  $t$  –  $z_1$  ва  $z_2$  баландликлар орасидаги ҳаво қатламининг ўртача ҳарорати. Бабине формуласи (3.22) барометрик

нивелирлаш усулида баландликлар орасидаги фарқни аниқлашда күлланилади.

*Политроп атмосфера.* Фараз қиласынан, атмосферада ҳаво күрүк ( $T=T_0$ ), әркин тушиш тезланиши  $\dot{g}=const$ , ҳаво ҳарорати эса чизикли қонуният бүйича ўзгарсиян:

$$T=T_0 - \gamma z, \quad (3.23)$$

бу ерда  $T_0$  – Ер сирти ёки деңгиз сатхидаги ҳаво ҳарорати,  $\gamma$  – вертикаль ҳарорат градиенти. Бундай атмосфера *политроп атмосфера* деб аталади.

(3.23) формулани ҳисобга олиб (3.8) ифодани ўзгартирганимиздан сүнг *политроп атмосфера* учун *барометрик формулани* ҳосил қиласыз:

$$\frac{P}{P_0} = \left( \frac{T_0 - \gamma z}{T_0} \right)^{\frac{1}{k+R}}. \quad (3.24)$$

(3.24) ифодадан күриб турибмизки, бириңчидан, ҳарораттинг вертикаль градиенти қанча катта бўлса, ҳаво босими юқорига кўтарилилган сари шунчалик тезроқ камаяди, иккинчидан, политроп атмосферанинг баландлиги кеңг чегараларда ўзгаради.

Политроп атмосферанинг баландлиги ( $H_\gamma$ ) қуйидаги шартдан аниқланади:

$$T_0 - \gamma H_\gamma = 0 \text{ ёки } H_\gamma = \frac{T_0}{\gamma}. \quad (3.25)$$

$\gamma=0$  бўлганда политроп атмосферанинг баландлиги  $H_\gamma \rightarrow \infty$ . Бу изотермик атмосферадаги босим тақсимотига мос келади.

$\gamma=3,42^0/100$  м ва  $T_0=273$  К бўлганда политроп атмосферанинг баландлиги 7993 м га тенг, яъни биржинсли атмосферанинг баландлиги билан бир хил бўлади. Демак, бу ҳолда юқорига кўтарилилган сари ҳавонинг зичлиги ўзгармайди. Агар  $\gamma>3,42^0/100$  м бўлса, ҳаво зичлиги юқорига кўтарилилган сари ортади.

*Тўлиқ барометрик формула (Лаплас формуласи).* Баландлик бўйича ҳаво босими ўзгаришининг умумий ҳолини кўрайлик. Эркин тушиш тезланишининг баландлик ва географик кеглилкка боғлиқлигини ҳисобга оламиз:

$$g = g_0(1 - a_1 \cos 2\phi)(1 - a_2 z), \quad (3.26)$$

бу ерда  $g_0 = \varphi = 45^\circ$  кенгликда денгиз сатҳидаги эркин тушиш тезланиши,  $a_1$  ва  $a_2$  – ўзгармас катталиклар.

Нам ҳавонинг ҳолат тенгламасидан зичликни (3.8) тенгламага кўйсак, қуйидагига эга бўламиш:

$$-\frac{dP}{P} = \frac{g_0(1 - a_1 \cos 2\phi)(1 - a_2 z) \cdot dz}{R_q T_0 (1 + \alpha i)(1 + 0,608S)}. \quad (3.27)$$

$\frac{R_q T_0}{g_0} = H_0$  тенгламани ҳисобга олиб, (3.27) га айрим алмаштиришларни кўллаб, уни интеграллаганимиздан сўнг қуйидаги ифодага келамиш:

$$z_2 - z_1 = -H_0(1 + \alpha i)(1 + 0,608S)(1 + a_1 \cos 2\phi)(1 + a_2 z) \ln \frac{P_1}{P_2}. \quad (3.28)$$

$-\ln \frac{P_1}{P_2} = \ln \frac{P_1}{P_2} = 2,3 \lg \frac{P_1}{P_2}$  муносабатларни ҳисобга олиб, тўлиқ барометрик формула (Лаплас формуласи) қуйидаги кўринишга келади:

$$z_2 - z_1 = B(1 + \alpha i)(1 + 0,608S)(1 + a_1 \cos 2\phi)(1 + a_2 z) \lg \frac{P_1}{P_2}. \quad (3.29)$$

$B=2,3H_0 \approx 18400$  м тенг бўлган катталик барометрик домий деб аталади,  $i$  ва  $S$  – ўртача барометрик ҳарорат ва сув буғининг масса улуши.

Амалда (3.29) тенглама факат барометрик нивелирлашда кўлланади. Кўплаб метеорологик масалаларни ечишда, етарлича катта аниқлик билан реал атмосфера учун барометрик формула ишлатилади:

$$z_2 - z_1 = B(1 + \alpha i) \lg \frac{P_1}{P_2}. \quad (3.30)$$

Мос равишда (3.8) формулани қуйидагича ёзиш мумкин:

$$P_2 = P_1 e^{-\frac{g(z_2 - z_1)}{R_e T}}, \quad (3.31)$$

бу ерда  $\bar{T} = 273(1 + \alpha t) - z_1$  ва  $z_2$  сатҳлар орасидаги ҳавонинг ўртача барометрик ҳарорати. Ўртача барометрик ҳарорат – бу ҳароратнинг баландлик бўйича реал тақсимотида қатлам чегараларида кузатиладиган босим қийматларини белгиловчи қатлам ичидаги доимий ҳароратdir. Амалда  $\bar{T}$  қатламдаги ўртача арифметик ҳароратга тенглаштирилади:

$$\bar{T} = \frac{T_1 + T_2}{2}. \quad (3.32)$$

(3.30) ва (3.31) формулалар  $\bar{T}$  қиймати маълум бўлган чекли қалинликли қатламлар учун қўлланилади.

### 3.3. Барик погона

Маълум босим фарқлари бўйича баландликнинг ўзгаришини тақрибий баҳолаш учун амалиётда барик погонадан фойдаланилади.

*Барик погона* – бу вертикал бўйича босимнинг 1 гПа га ўзгариши учун босиб ўтилиши керак бўлган масофадир. Барик погонанинг ўлчов бирлиги м/гПа.

Ўз мазмуни бўйича барик погона босимнинг вертикал градиентига тескари бўлган катталиқdir:

$$h = -\frac{dz}{dP}. \quad (3.33)$$

Атмосфера статикасининг асосий тенгламаси (3.4) асосида

$$h = \frac{1}{\rho g}. \quad (3.34)$$

Агар ҳаво зичлигини қуруқ ҳаво ҳолат тенгламасидан фойдаланиб ҳавонинг ҳарорати ва босими орқали ифодаланса, қўйидагига келамиз:

$$h = \frac{R_g T}{P_g} . \quad (3.35)$$

Танланган бирор изобарик сиртда ( $P=const$ ) барик погоналарни таққослашдан келиб чиқадики, илик ҳаво массасида барик погона совук массасидагидан катта бўлади ( $h_i > h_s$ ). Шунинг учун ҳам баландликда илик ва совук ҳавода босим бир хил бўлмайди – илик ҳавода босим баландроқ бўлади. Демак, атмосферанинг юқори қатламларида илик ҳаво жойлашган жойларда - юқори босим, совук ҳаво жойлашган жойларда - паст босим кузатилади.

Турли ҳарорат ва босимларда барик погонанинг қийматлари 3.1-жадвалда келтирилган.

### 3.1-жадвал

**Барик погона қийматлари (м/гПа)**

Босим, гПа	Ҳарорат, $^{\circ}\text{C}$				
	-40	-20	0	20	40
1000	6,7	7,4	8,0	8,6	9,3
500	13,4	14,7	16,0	17,3	18,6
100	67,2	73,6	80,0	86,4	92,8

### 3.4. Барометрик формулаларнинг қўлланилиши

Барометрик формулалар ёрдамида бир қатор амалий масалаларни ечиш мумкин.

а. *Барометрик нивелирлаш* – (3.22) ёки (3.30) ифодаларни қўллаб, икки сатҳда босим ва ҳароратнинг қийматларини билган ҳолда сатҳлар орасидаги баландликлар фарқини аниқлаш мумкин.

б. *Босимни денгиз сатҳига келтириши*, яъни метеорологик станция жойлашган баландлик сатҳида ўлчанган босим ва қатламнинг ўртача ҳароратига қараб денгиз сатҳидаги босимни аниқлаш.

Ҳароратнинг ўртача қиймати  $\bar{T}$  қуийдаги формуладан аниқланади:

$$\bar{T} = \frac{T + T_0}{2} .$$

бу ерда  $T$  – станция сатҳидаги ҳарорат,  $T_0$  - денгиз сатҳидаги ҳарорат.

$T_0$  қуийдаги ифода ёрдамида ҳисобланади:

$$T=T_0 - \gamma z, \quad (3.36)$$

бу ерда  $z$  – станциянинг денгиз сатҳига нисбатан баландлиги,  $\gamma=0,6^0/100$  м – ҳароратнинг вертикал градиенти.

Денгиз сатҳига келтирилган босим ер яқини синоптик карталарига туширилади. Бу билан станцияларнинг денгиз сатҳига нисбатан баландликлари орасидаги фарқларнинг босим қийматларига таъсир қилишига йўл қўйилмайди ва босимнинг горизонтал тақсимотини ўрганиш мумкин бўлади.

в. Баландликлар фарқи ва улардаги босим қийматларига қараб кўрилаётган атмосфера қатламининг ўртача ҳароратини аниқлаш. Бунинг учун (3.30) формуладан фойдаланиш мумкин.

г. Атмосфера босимининг баландлик бўйича тақсимотини аниқлаш. Асосий изобарик сиртлар қўйидаги ўртача баландликлар яқинида жойлашади: 1000 гПа – денгиз сатҳида, 850 гПа – 1,5 км, 700 гПа – 3,0 км, 500 гПа – 5,5 км, 400 гПа – 7,0 км, 300 гПа – 9,0 км, 200 гПа – 12,0 км, 150 гПа – 13,5 км, 100 гПа – 16,0 км, 50 гПа – 20,5 км, 10 гПа – 31,5 км. Бу рақамлардан кўриб турибмизки, атмосфера массасининг 50% 5,5 км гача чўзилган, 80% – 12,0 км гача, 90% – 16 км гача, 99% – 31,5 км гача чўзилган қатламда жойлашган бўлади.

д. Атмосфера массасини аниқлаш.  $1 \text{ m}^2$  юзали ҳаво устунининг массаси қўйидагича аниқланади:

$$m = \int_0^{\infty} \rho \cdot dz. \quad (3.37)$$

Фараз қилайлик, бу ҳаво устунида зичлик ўзгармас ва денгиз сатҳидаги ҳаво зичлигига teng, яъни  $\rho = \rho_0 = \text{const}$  – биржинсли атмосфера шароитларига мос келади. Бутун атмосферанинг массасини аниқлаш учун вертикал ҳаво устунининг массаси  $m$  ни Ер сирти юзасига кўпайтириш керак:

$$M = 4\pi R^2 \rho_0 H_0 \text{ ёки } M = 4\pi R^2 \frac{P}{R_c T_0} H_0, \quad (3.38)$$

бу ерда  $R \approx 6400$  км – Ернинг ўртача радиуси,  $H_0$  – биржинсли атмосферанинг баландлиги. (3.38) формула таркибиға кирувчи

кагтталикларнинг сон қийматларини қўйсак, Ер атмосферасининг массаси  $5,3 \cdot 10^{18}$  кг эканлиги келиб чиқади.

### 3.5. Стандарт атмосфера

Учиш аппаратлари (самолётлар, ракеталар, Ер сунъий йўлдошлари, космик кемалар) ва ускуналарини ясаш, синаш ва фойдаланиши билан боғлиқ ҳисоб-китоблар метеорологик катталиклар (босим, ҳарорат, зичлик, ҳаво намлиги, шамол тезлиги) ва бошқа физикавий катталиклар (эркин тушиш тезланиши, ҳаво қовушқоклиги, товуш тезлиги)нинг турли баландликлардаги қийматлари ҳақидаги маълумотларни талаб қиласди. Санаб ўтилган катталикларнинг реал қийматлари кенг чегараларда ўзгариши мумкин. Учиш аппаратлари ва ускуналарини турли атмосфера шароитларида синашда олинган натижаларни таққослаш учун уларни баъзи меъёрий (стандарт) шароитларга келтириши қабул қилинган. Физикавий катталикларнинг баландлик бўйича нормал тақсимотига эга бўлган бундай атмосфера *стандарт атмосфера (СА)* деб аталади. Масалан, ускуналар (барометрик баландлик ўлчагич, шамол йўналиши кўрсаткичи ва бошқ.)ни шкаланлаш стандарт шароитлар учун амалга оширилади. Кейин уларга реал шароитларнинг стандарт шароитлардан четланишини ҳисобга олувчи тузатмалар киритилади.

Халқаро фуқаро авиацияси ташкилоти (ХФАТ) стандартига деярли мос келувчи «Стандарт атмосфера. Параметрлар» (ГОСТ 4401-81) стандарт атмосфера модели 1981 йилда қабул қилинган. Бу стандартда 2 км дан 80 км, айрим параметрлар учун эса 1200 км гача қатламда ҳаво ҳарорати, босими ва зичлиги, товуш тезлиги, динамик ва кинематик қовушқоклик, иссиқлик ўтказувчанлик, атмосферанинг вертикал масштаби, зарралар концентрацияси, зарраларнинг ўртacha тезлиги, ударнинг тўқнашиш частотаси, ўртacha эркин югириш масофаси каби катталикларнинг баландлик бўйича тақсимоти келтирилган.

Денгиз сатҳидаги ҳаво ҳарорати ва босими мос равища 288,15 К ( $15,15^{\circ}\text{C}$ ) ва 1013,25 гПа, эркин тушиш тезланиши  $9,80665 \text{ м/с}^2$  га тенг деб қабул қилинган.

Ҳароратнинг баландлик бўйича тақсимоти атмосфера қатламларининг ҳар бири (тропосфера, стратосфера, мезосфера, термосфера ва экзосфера) учун геопотенциал баландликнинг

чиликли функцияси сифатида ҳисобланган. Ҳар бир қатламдаги вертикал градиент унинг шу қатламдаги ўртача қийматига мос келади. Босим тақсимоти барометрик формула бўйича изотермик ва политроп атмосфералар учун ҳисобланган. Ҳаво зичлиги ҳолат тенгламаси бўйича аниқланган.

Стандарт атмосферанинг асосий моделидан ташқари, бир нечта ёрдамчи моделлар ҳам ишлаб чиқилган.  $30^\circ$ ,  $45^\circ$ ,  $60^\circ$  ва  $80^\circ$  кенгликлар учун қиш (декабр-январ) ва ёз (июн-июл)га алоҳида,  $15^\circ$  кенглик учун эса бутун йил учун моделлар мавжуд.

### **3.6. Геопотенциал тушунчаси. Изобарик сиртларнинг мутлақ ва нисбий баландлиги**

Атмосфера босимининг фазодаги тақсимоти *барик майдон* деб аталади. Фазодаги ҳар бир нуқтада ҳаво босими муайян сон қиймати билан характерланади. Атмосфера босими ва барик майдон скаляр катталиклар. Улар юзада қиймати бир хил бўлган чизиклар – *изобаралар* ва фазода қиймати бир хил бўлган сиртлар – *изобарик сиртлар* билан тавсифланади.

Изобарик сиртлар сатҳ сиртларига нисбатан кия жойлашган ва шу сабабли вақтнинг ҳар бир моментида изобарик сиртларнинг нуқталари дengiz сатҳига нисбатан турли баландликларда бўлади. Атмосфера босими вақт ўтиши билан узлуксиз ўзгарганлиги сабабли изобарик сиртларнинг жойлашиши ҳам ўзгаради.

Барик (ва термик) майдоннинг ўзгаришларини кузатиш учун ҳар куни радиозонд маълумотларига асосан изобарик сиртларнинг топография карталари – *барик топография* (БТ) карталари тузилади.

Изобарик сиртларнинг дengиз сатҳига нисбатан баландликлари геометрик узунлик бирликларида эмас, балки *геопотенциал метрларда* (гп.м) ўлчанади.

Геопотенциал тушунчасини киритамиз. Геопотенциал  $\Phi^*$  деб, оғирлик кучи майдонида бирлик ҳаво массасини бошланғич сатҳдан (одатда дengиз сатҳидан) маълум сатҳгacha кўтариш учун бажариш керак бўлган ишга айтилади.

Бирлик массани  $dz$  баландликка кўтариш учун  $d\Phi^* = g \cdot dz$  иш сарфланади. У ҳолда

$$\Phi^* = \int_0^z g \cdot dz , \quad (3.3)$$

бу ерда  $g$  – эркин тушиш тезланиши,  $z$  – нуқтанинг деңгиз сатхидаги баландлиги. Геопотенциалнинг ўлчов бирлиги  $\text{Ж}/\text{кг}$ .

*Геопотенциал баландлик*  $\Phi$  – геопотенциалнинг нормал эркин тушиш тезланишига ( $g_0=9,81 \text{ м/сек}^2$ ) нисбатидир:

$$\Phi = \frac{\Phi^*}{g_0} = \frac{1}{g_0} \int_0^z g \cdot dz \text{ ёки } d\Phi = \frac{g}{g_0} dz . \quad (3.4)$$

Бу ердан кўриб турибмизки, геопотенциал баландлик оддий геометрик баландликка тенг экан, унинг бирлиги узунлик бирлигидан.

Барометрик формулаларга (масалан, реал атмосфера учун) геопотенциал баландликни киритамиз. У ҳолда (3.32) формула кўйидаги кўринишда ёзилади:

$$P = P_0 e^{-\frac{\Phi^*}{R T_0}} . \quad (3.4)$$

(3.41) формулатининг (3.32) га нисбатан афзаллиги шундаки дан  $\Phi$  га ўтиш йўли билан уни келтириб чиқаришда  $g$  ни баландликка боғлиқлиги ҳисобга олинади.

*Мутлақ барик топография* (МТ) карталарига муайян ва моментида турли станциялардаги муайян изобарик сиртнинг деңгиз сатхига нисбатан баландликлари туширилади. Изобарик сиртнинг деңгиз сатхига нисбатан баландлиги унинг мутлақ геопотенциал баландлиги  $\Phi_P$  деб аталади. (3.41) формуладан

$$\Phi_P = \frac{R}{g_0} \bar{T}_v \ln \frac{P_0}{P} \text{ ёки } \Phi_P = 67,4 \bar{T}_v \lg \frac{P_0}{P} \quad (3.4)$$

эканлиги келиб чиқади.

Кўриб турибмизки, мутлақ геопотенциал баландлик  $\Phi_P$  деңгиз сатхидаги  $P_0$  босимга ва деңгиз сатхи ва кўрилаётган изобарик сиртнинг орасидаги ҳаво қатламининг  $\bar{T}_v$  ўртача ҳароратига боғлик.

МТ карталарида геопотенциалнинг бир хил қийматларга бўлган нуқталарини туташтирувчи изогисса деб аталувчи чизик ўтказилади (одатда ҳар 40 градус дан). Улар изобарик сиртларни

сатҳ сиртлари билан кесишиган жойидаги чизиқларни тавсифлайди. Циклонларда изобарик сиртлар ботиқ, антициклонларда – қавариқ шакл кўринишида бўлади. Шу сабабли МТ карталарида циклон ва антициклонлар мос равишда марказларида мутлақ геопотенциал баландликнинг энг кичик ва энг катта қийматли ёпиқ изогипсалари билан тавсифланади.

*Нисбий барик топография* (НТ) карталарига нисбий баландликлар қийматлари туширилади. Улар бир изобарик сиртнинг ( $P_2$ ) бошқасига ( $P_1$ ) нисбатан гп.м ларда ифодаланган баландлигини кўрсатади.

*Нисбий геопотенциал баландлик*  $\Phi_{P_1}^{P_2}$  учун формула қўйидаги кўрнишга эга:

$$\Phi_{P_1}^{P_2} = 67,4 \bar{T}_v \ln \frac{P_1}{P_2}. \quad (3.43)$$

Формуладан кўриб турибмизки,  $\Phi_{P_1}^{P_2}$  факат кўрилаётган изобарик сиртлар орасидаги ҳавонинг ўртacha ҳароратига боғлиқ. Демак, нисбий топография карталари (НТ) *атмосферада ҳаво ҳароратининг тақсимотини* кўрсатади.  $\Phi_{P_1}^{P_2}$  нинг тенг қийматлари учун нисбий топография карталарида ҳар 40 гп.м да ўтказилган чизиқлар ҳам изогипсалар деб аталади. Нисбий геопотенциал баландликларнинг катта қийматлари соҳалари – илиқ ўчоқларга, кичик қийматлари соҳалари эса – совук ўчоқларга мос келади.

### 3.7. Барик тизимлар

Ер сиртидаги босим тақсимоти ҳакида кўргазмали тасаввур ҳосил қилиш учун денгиз сатҳида изобаралар карталари тузилади. Бунинг учун метеорологик станцияларда ўлчаниб, денгиз сатҳига келтирилган атмосфера босими географик карталарга туширилади. Сўнг бир хил босимга эга бўлган нуқталар текис эгри чизиқлар билан бирлаштирилади. Изобаралар 5 гПа оралиқда ўтказилади.

Босим тақсимотининг турига боғлиқ ҳолда изобаралар турли шаклларга эга бўлиши мумкин. Изобаралар шакли ва босим бўйича қуйидаги барик майдон соҳалари ёки *барик тизимлар* фарқланади.


Асосий барик тизимлар – *циклон* ва *антициклон* – ер сирти синоптик карталарида берк концентрик доиравий ёки эллипссимон

изобаралар билан тасвирланади. Циклон марказида босим энг паст, антициклонда эса – энг юқори бўлади (4-расм, I, II).

Барик топография карталарида барик тизимлар изогипсалар билан тасвирланади. Изобарик сиртлар циклонда «воронка» шаклида пастга эгилган, антициклонда эса гумбаз шаклида юқорига эгилган бўлади. Горизонтал барик градиентлар циклонда чеккадан марказга, антициклонда марказдан чеккага томон йўналган бўлади. Циклон ва антициклонларнинг кўндаланг кесими ўлчамлари бир неча минг километр, тропик циклонларда эса – бир неча юз километр бўлиши мумкин.

Барик майдонда берк бўлмаган изобарали барик тизимлар ҳам ажратилади (4-расм, III, IV).

**Ботиқлик** – бу иккита юқори босимли ҳудудлар орасидаги паст босимли соҳадир. Ботиқликда изобаралар параллел чизиқларга яқин ёки лотинча «V» ҳарфи шаклида бўлади. Ботиқликнинг ўқида ҳаво босими минимал бўлади, ёки (агар изобаралар «V» кўринишда бўлса) изобаралар ўз йўналишини кескин ўзгартиради. Ботиқликда барик градиентлар чеккадан ўқ томонга йўналган.



4-расм. Турли барик тизимларнинг денгиз сатҳидаги изобаралари.

I – циклон, II – антициклон, III – ботиқлик, IV – ўркач, V – эгар.


**Ўркач** – бу иккита паст босимли ҳудудлар орасидаги юқори босимли соҳадир. Ўркачда изобаралар параллел чизиқлар ёки лотинча «U» ҳарфи кўринишида бўлади. Ўркач, одатда, антициклонларнинг четки қисмларини ифодалайди. Ўркач ўқида

ҳаво босими максимал бўлади, ёки изобаралар ўз йўналишини писбатан кескин ўзгартиради. Ўркачда барик градиентлар ўқдан чегта йўналган бўлади.

**Эгарсимон барик майдон** – бу иккита карама-қарши жойлашган циклонлар (ёки ботиқликлар) ва антициклонлар (ёки ўркачлар) орасидаги барик майдондир (4-расм, V). Изобарик сиртлар эгар шаклида бўлади – антициклонлар томон йўналишида кўтарилади, циклонлар томон йўналишида эса – пасаяди. Эгарсимон майдоннинг марказидаги нуқта – **эгар нуқтаси** деб аталади.

Атмосферанинг ҳарорат майдони циклон ва антициклонларнинг таъсирида асимметрик бўлиб қолади.

Циклоннинг шарқий олд қисмида қуи кенгликлардан эсаётган шамоллар таъсирида ҳаво ҳарорати кўтарилади. Орқа гарбий қисмида эса ҳарорат пасаяди, чунки шамоллар юқори кенгликлардан йўналган бўлади. Антициклонларда эса аксинча бўлади. Демак, циклонда изотермалар тўлқинсимон шаклда бўлади: олд қисмида улар юқори кенгликлар томон, орқа қисмида – қуи кенгликлар томон сурилган; антициклонларда эса аксинча бўлади. Шунинг сабабли юқорида изобаралар изотермалар шаклига яқинлашиб маълум баландликда узилади ва изотермалардек *тўлқинсимон* шаклда бўлади (5-расм). Шунда, ер сиртидаги циклоннинг олд қисми устида баландликларда (одатда, ўрта ёки юқори гропосфераада) илик ҳаво «тили» билан устма-уст бўлган ўркач, орқа қисми устида эса – совуқ ҳаво «тили» билан устма-уст ётган ботиқлик жойлашади. Антициклоннинг олд қисми устида паст ҳароратлар билан боғлиқ бўлган ботиқлик, орқа қисми устида эса – баланд ҳароратлар билан боғлиқ бўлган ўркач жойлашган бўлади.




5-расм. Циклон (П) ва антициклондаги (Ю) изобаралар.  
1 – денгиз сатҳида, 2 – юқори қатламларда


Баъзи ҳолларда циклон ва антициклонларда ҳарорат кўп ўзгармайди ва изобаралар катта баландликларгача берк бўлиб қолади. Барик майдоннинг баландлик бўйича ўзгариши характери мазкур барик тизим соҳасида кузатилаётган ҳаво ҳароратига боғлиқ.

Агар циклон совук ҳавода жойлашган бўлиб, энг паст ҳарорат унинг марказий қисмида кузатилса, у ҳолда юқорига кўтарилган сари барик градиентларнинг йўналиши кам ўзагаради ва марказида энг паст босим бўлган берк изобаралар катта баландликларгача кузатилади. Демак, совук циклон **баланд** барик тизимдир (ба-расм). Аксинча, агар циклон илиқ ҳаво массасида жойлашган бўлса ва унинг марказида максимал ҳарорат кузатилса, бу циклон баландлик билан тез йўқолади, чунки ундаги ҳарорат градиенти билан боғлиқ бўлган кўшимча барик градиент кўни қатламдаги барик градиентига қарама-қарши йўналтган бўлади. Бундай илиқ циклон **паст** барик тизимдир. Юқори қатламларда бундай циклоннинг устида антициклон жойлашган бўлади (бб-расм).

Антициклонлар учун аксинча бўлади: *совук антициклонлар паст, илиқ антициклонлар эса – баланд барик тизимлардир* (7-расм).



**6-расм. Баланд (совук) (а) ва паст (илиқ) (б) циклонлар. Изобарик сиртларнинг вертикал кесими.**



7-расм. Паст (совук) (а) ва баланд (илик) (б) антициклонлар. Изобарик сиртларнинг вертикал кесими.

### 3.8. Босимнинг суткалиқ ўзгариши

Босимнинг вақт бўйича ўзгаришларини шартли равишда даврий ва нодаврий ўзгаришларга ажратиш мумкин. Босимнинг суткалиқ ва йиллик ўзгаришлари даврий ўзгаришларга киради. Бошқа метеорологик катталиклар (ҳарорат, намлик, шамол, радиация ва бошк.)га нисбатан, айниқса суткалиқ ўзгаришда, босим суст ифодаланган даврий ўзгаришларга эга. Босим ўзгаришининг ўртачаланган эгри чизиқларини оддий гармоникаларга ажратиш йули билан 24, 12, 8 ва 6 соат даврга эга бўлган босим тебранишларини аниқлашга муваффақ бўлинган. Ярим суткалиқ тўлқин (12 соатлик давр) энг катта амплитудага эга. Босим тебранишлари амплитудаси 3-4 гПа ни ташкил этувчи тропик кенгликларда ярим суткалиқ тебранишлар энг кучли ифодаланган. Босим максимумлари ўртача маҳаллий вақт бўйича соат 9-10 ва 21-22 ларда, минимуми эса – соат 3-4 ва 15-16 ларда кузатилади. Ўрта ва юқори кенгликларда босимнинг даврий ўзгаришлари сутка давомида гектопаскалнинг бир неча ўнли улушларидан ортмайди.

Босимнинг бундай кичик суткалиқ тебранишлари амалий аҳамиятга эга эмас. Бироқ улар назарий нуқтаи назардан катта қизикиш уйғотади. Бу тебранишларнинг атмосферанинг эластик тебранишлари натижасида ҳосил бўлиши етарли ишончлилик билан аниқланган. Атмосфера тебранишлари атмосферанинг күёш нурлари билан нодаврий исиши ва бунда ёритилган яримшар ҳавосининг кенгайишида пайдо бўлади.

Күёш ва Ой таъсирида юзага келувчи кўтарилиш кучлари ҳам муайян таъсирга эга. Океанлардагига ўхшаш атмосферада ҳам кўтарилиш-пасайиш ҳаракатлари шаклланади. Ҳақиқатан, ярим суткалик тўлқин ҳам Күёш (12 соат), ҳам Ой (12 соат 25 минут) даврийлиги ташкил этувчиларига, яъни қўёш-яримсуткалик ва ой-яримсуткалик тўлқинларга эга бўлиб, ой-яримсуткалик тўлқинлар кучиз ифодаланганди. Ғарбий Европа устида тебранишлар бор-йўғи 0,01-0,04 гПа ни ташкил этади. Бундай кичик тебранишлар атмосферада кечётган жараёнларга сезиларли таъсир кўрсатмайди.

### **Асосий хуносалар**

1. Атмосфера статикаси асосий тенгламаси атмосфера физикасининг асосий тенгламаларидан биридир. Бу тенгламадан фойдаланиб ҳаво босими ва зичлигининг вертикал бўйлаб ўзгариши қонуниятларини тавсифловчи барометрик формулалар ҳосил килинади.
2. Атмосфера босимининг фазодаги тақсимоти барик майдон орқали тавсифланиб, унинг шакллари барик тизимлар кўринишида ифодаланади. Изобарик сиртларнинг геометрияси мутлақ ва нисбий топография карталари кўринишида ифодаланади.
3. Изобарик сиртларнинг ўзаро жойлашувидаги ўзгаришлар ва уларнинг деформацияси атмосферанинг ҳарорат майдонига боғлик.
4. Босимнинг даврий ўзгаришлари унинг суткалик ва йиллик ўзгаришлари орқали ифодаланади.

### **Назорат саволлари**

1. Статика асосий тенгламаси қайси фаразлар асосида келтириб чиқарилади? Унинг физик маъноси қандай?
2. Биржинсли, изотермик ва политроп атмосфера учун барометрик формулаларни келтириб чиқаринг. Уларнинг фарқи нимада?
3. Ҳаво зичлигининг баландлик бўйича ўзгарадиган шароит учун барометрик формулани келтириб чиқаринг. Гравитацион конвекция қандай шароитларда ривожланади?
4. Реал атмосфера учун Лаплас барометрик формуласини келтириб чиқаринг.

5. Барик погона нима? Ҳавонинг босими ва ҳароратига боғлиқ ҳолда у қандай ўзгаради?
6. Барометрик формулалар қайси мақсадларда қўлланилади?
7. Стандарт атмосфера нима ва у қайси мақсадларда қўлланилади?
8. Мутлақ ва нисбий геопотенциал учун формулаларни келтириб чиқаринг. Улар нима мақсадларда қўлланилади?
9. Асосий барик тизимларга характеристика беринг.
10. Совуқ ва илиқ циклон ва антициклонларда босим баландлик бўйича қандай ўзгаради?
11. Босимнинг йиллик ва суткалик ўзгаришлари қандай хусусиятларга эга?

---

## **IV БОБ. АТМОСФЕРА ТЕРМОДИНАМИКАСИ АСОСЛАРИ**

### **Асосий тушунчалар**

**1. Виртуал ҳарорат** – нам ҳавонинг шундай ҳарорати, бу ҳароратда қуруқ ҳавонинг зичлиги  $T$  ҳарорат,  $P$  босим ва  $e$  сув буғи эластиклигига эга бўлган нам ҳавонинг зичлигига тенг бўлиши лозим. Виртуал ҳарорат ҳақиқий (кинетик) ҳароратдан юқори бўлади.

**2. Энтропия** – тизим энергиясининг ишга айланмайдиган қисмининг ўлчови. Адиабатик тизимда, яъни муҳит билан иссиқлик алмашинмайдиган тизимда, қайтувчи жараёнда энтропия ўзгармайди, қайтмас жараёнда эса ортади. Адиабатик тизимнинг термодинамик мувозанатига максимал энтронияли ҳолат мос келади.

**3. Нотурғуныклик** – тизимга киритилаётган ғалаёнлар қиймати бўйича ортиб бориши, ғалаёнларнинг максимал амплитудаси бошлангич ҳолатдагидан катта бўлиши билан ифодаланувчи тизим ҳолати. Нотурғун ғалаёнлар одатда вақт давомида экспоненциал ортиб боради.

**4. Турғуныклик** – одатда атмосфера стратификациясининг турғунылиги назарда тутилади. Қаралаётган ҳаво қатлами ичидан вертикал кўчишларнинг сўниш қобилияти.

### **4.1. Асосий тенгламалар**

Атмосферада энергиянинг бир турдан иккинчисига тўхтовсиз айланиши содир бўлади. Энергия айланиши ва иссиқлик оқими таъсири остида атмосфера ҳолатининг ўзгариши жараёнларининг умумий қонуниятлари *атмосфера термодинамикаси* деб аталувчи бўлимда ўрганилади. Атмосфера термодинамикасида энергия сакланиш қонунининг кўринишларидан бири бўлган термодинамиканинг биринчи қонунидан келиб чиқадиган хулосалардан фойдаланилади.

Атмосфера учун термодинамиканинг биринчи қонуни тенгламасини ҳосил қиласиз.  $P_i$  (босим),  $T_i$  (харорат),  $\rho_i$  (зичлик) термодинамик параметрларга эга бўлган ҳаво заррасига  $dq$  иссиқлик миқдорини берайлик. Зарра атрофидаги муҳит параметрларини мос равиша  $P_e$ ,  $T_e$  ва  $\rho_e$  орқали белгилаймиз. Зарра ичидаги босим унинг атрофидаги муҳит босимига тенг бўлганлиги учун  $P_i=P_e=P$  (квазистатиклик шарти). Иссиқлик узатилишида зарранинг ички энергияси  $dU$ , қийматга ортади. Бир вақтнинг ўзида зарра атмосферанинг юкори қатламларига кўтарилади, кенгаяди ва ташки босим кучларига қарши  $dW$  иш бажаради.

Термодинамиканинг биринчи қонунига мувофик

$$dq = dU_i + dW_i. \quad (4.1)$$

Куруқ ва тўйинмаган ҳавони катта ишончлилик билан идеал газ деб ҳисобласа бўлади. Шунинг учун

$$dU_i = c_v dT_i, \quad (4.2)$$

$$dW_i = P dV_i, \quad (4.3)$$

бу ерда  $c_v$  - ўзгармас ҳажм шароитидаги ҳавонинг солиштирма иссиқлик сифими,  $dT_i$  - ҳаво зарраси ҳароратининг ўзариши,  $dV_i$  - ҳажм ортигаси.

Ҳавонинг солиштирма ҳажми бевосита ўлчанмаслиги сабабли (4.3) ифода ҳисоб-китоблар учун нокулай. Куруқ ҳаво учун газлар ҳолат тенгламасидан фойдаланиб бу катталикни алмаштирамиз.

$$P dV_i = R_g dT_i. \quad (4.4)$$

Ушбу тенгламани  $P$ ,  $V_i$  ва  $T_i$  ўзгарувчилари бўйича дифференциаллаб,

$$P dV_i + V_i dP = R_g dT_i \quad (4.5)$$

тенгламага эга бўламиз. (4.5) ни (4.3) қўямиз

$$dW_i = R_q dT_i - v_i dP. \quad (4.6)$$

(4.6) тенгламадаги  $v_i$  ни (4.4) тенгламадан алмаштириб,

$$dW_i = R_q dT_i - R_q T_i \frac{dP}{P} \quad (4.7)$$

тенгламани ҳосил қиласиз. (4.2) ва (4.7) тенгламаларни (4.1) га қўйиб,

$$dq = c_v dT_i + R_q dT_i - R_q T_i \frac{dP}{P}$$

ёки

$$dq = c_p dT_i - R_q T_i \frac{dP}{P} \quad (4.8)$$

тенгламаларни ҳосил қиласиз. Бу ерда  $c_p = c_v + R_q$  (физикадан маълум бўлган Майер тенгламаси).

(4.8) тенглама атмосфера физикасида фойдаланиувчи термо-динамиканинг биринчи қонуни тенгламаси хисобланади. У иссиқлик оқими тенгламаси деб ҳам аталади.

Куруқ ҳаво учун  $c_v = 718 \text{ Ж/кг}\cdot\text{К}$ ,  $c_p = 1006 \text{ Ж/кг}\cdot\text{К}$ ,  $c_p - c_v = 288 \text{ Ж/кг}\cdot\text{К}$ ,  $\frac{c_p}{c_v} = \gamma = 1,41$ .

(4.8) га мувофиқ

$$dT_i = \frac{dq}{c_p} + \frac{R_q T_i}{c_p} \frac{dP}{P} \quad (4.9)$$

эканлигига, яъни зарра ҳароратининг ўзгариши нафақат бирор иссиқлик микдори  $dq$  нинг узатилиши, балки ташқи босимнинг ўзгариши билан ҳам боғлиқ бўлиши мумкинлигига эътибор қаратайлик. Агар босим ортса ( $dP > 0$ ),  $dq$  нинг ўзгаришларида зарра ҳароратининг ортиши кузатилади ва аксинча. Агар  $dq = 0$  бўлса, у ҳолда

$$dT_i = \frac{R_g T_i}{c_p} \frac{dP}{P}, \quad (4.10)$$

яъни атроф-муҳит билан иссиқлик алмашинуви бўлмаганда ҳароратнинг ўзгариши факат босим ўзгаришлари билан аниқланади.

## 4.2. Адиабатик жараён

Ҳаво зарраси ҳароратининг ўзгариши атроф-муҳит билан иссиқлик алмашинмасдан содир бўлиши мумкин. Бундай жараён адиабатик жараён дейилади. Реал шароитларда ҳеч қайси ҳаво массаси атроф-муҳитнинг иссиқлик таъсиридан тўла изоляцияланган бўлмайди. Агар атмосфера жараёни етарлича тез содир бўлса ва бу вақт ичидаги иссиқлик алмашинуви эътиборга олмайдиган даражада кичик бўлса, етарлича аниқлик билан жараённи адиабатик деб ҳисоблаш мумкин. Бундай жараён учун  $dq=0$ . Қуруқ ёки нам тўйинмаган ҳавода содир бўлаётган адиабатик жараённи кўриб чиқамиз. Бундай жараён қуруқ адиабатик жараён дейилади. Бу ҳолда (4.8) тенглама кўйидаги кўринишга келади:

$$c_p dT_i = R_g T_i \frac{dP}{P}. \quad (4.11)$$

(4.11) тенглама дифференциал кўринишдаги адиабатик жараён тенгламасидир.

Адиабатик жараёнда ташки босим кучларига қарши иш факат ички энергия ҳисобига бажарилади. Агар иш мусбат, яъни кентгайиш юз берса ( $d\nu_i > 0$ ), зарранинг ички энергияси камаяди ( $dT_i < 0$ ), ва аксинча, ҳаво заррасининг сиқилишида ( $d\nu_i < 0$ ) унинг ички энергияси ортади ( $dT_i > 0$ ).

Ҳаво заррасининг кўтарилишида унинг ҳажми ортади ( $d\nu_i > 0$ ), босими эса камаяди ( $dP < 0$ ). (4.11) ифодадан бундай шароитда ҳаво заррасининг ҳарорати доимо камайиши ( $dT_i < 0$ ) келиб чиқади.

(4.11) тенгламани кўйидаги кўринишга келтирамиз:

$$\frac{dT_i}{T_i} = \frac{R_g}{c_p} \frac{dP}{P}. \quad (4.12)$$

Бу тенгламани жараён бошланишидаги  $T_{i0}$  ҳарорат ва  $P_0$  босим қийматидан уларнинг жараён охиридаги  $T_i$  ва  $P$  қийматларигача интеграллаймиз:

$$\int_{T_0}^{T_i} \frac{dT_i}{T_i} = \frac{R_g}{c_p} \int_{P_0}^P \frac{dP}{P}$$

ва потенсирулышдан кейин

$$\frac{T_i}{T_{i0}} = \left( \frac{P}{P_0} \right)^{\frac{R_g}{c_p}}. \quad (4.13)$$

Агар  $\frac{c_p}{c_v} = \gamma$  муносабатни киритсак, у ҳолда  $\frac{R_g}{c_v} = \frac{\gamma - 1}{\gamma} = 0,286$ .

Энди (4.13) күйидаги кўринишга келади:

$$\frac{T_i}{T_{i0}} = \left( \frac{P}{P_0} \right)^{\frac{\gamma-1}{\gamma}} \quad (4.14)$$

(4.13) ва (4.14) тенгламалар интеграл кўринишдаги адиабатик жараён тенгламаси (Пуассон тенгламаси) ёки қуруқ адиабата тенгламасини ифодалайди.

Тўйинмаган нам ҳаво учун  $T_i$  ҳарорат ўрнига виртуал ҳароратни олиш керак.

Вертикал бўйлаб қуруқ адиабатик ҳаракатланишда ҳаво заррасининг ҳарорати қандай ўзгаришини аниқлайлик. Бунинг учун (4.12) тенгламада  $\frac{dP}{P}$  нисбатни статика тенгламаси ( $dP = -\rho g dz$ ) ва қуруқ ҳавонинг ҳолат тенгламасидан  $\left( \rho = \frac{P}{R_g T} \right)$  фойдаланиб алмаштирамиз:

$$-\frac{dT_i}{dz} = \frac{g}{c_p} \left( \frac{T_i}{T_e} \right), \quad (4.15)$$

бу ерда  $-\frac{dT_i}{dz} = \gamma_a$  - қуруқ адиабатик градиент, яъни баландлик бўйлаб адиабатик ҳаракатланишда қуруқ ёки тўйинмаган нам ҳаво

зарраси ҳароратининг бирлик масофага тўғри келувчи ўзгариши.  $T_i \approx T_e$  бўлганлиги учун:

$$\gamma_a = \frac{g}{c_p}. \quad (4.16)$$

$\gamma_a$  катталик  $0,98^{\circ}\text{C}/100 \text{ м} \approx 1^{\circ}\text{C}/100 \text{ м}$  қийматга эга. Шундай қилиб адиабатик кўтарилаётган қуруқ ҳаво заррасининг ҳарорати баландликнинг ҳар 100 м да таҳминан  $1^{\circ}\text{C}$  га камаяди. Ҳаво заррасининг тушишида эса унинг ҳарорати баландликнинг ҳар 100 м да  $1^{\circ}\text{C}$  га ортади.

$-\frac{dT_i}{dz} = \gamma_a$  тенгламани интеграллаш ва ечимни

$$T_i = T_{i0} - \gamma_a(z - z_0) \quad (4.17)$$

кўринишда ёзиш мумкин.

Реал ҳаво таркибида доимо бирор миқдордаги сув буғи бўлади. Ҳисобларнинг кўрсатишича, агар сув буғи тўйиниш ҳолатига эришмаса, бундай нам ҳаво ҳароратининг адиабатик ўзгариши қуруқ ҳаво ҳароратининг адиабатик ўзгаришидан кам фарқланади. Демак, тўйиниши ҳолатига эришмаган нам ҳаво учун қуруқ ҳаво ҳароратининг адиабатик ўзгариши учун ҳосил қилинган (4.11), (4.14), (4.15) ва (4.16) тенгламалардан фойдаланиш мумкин бўлади.

### 4.3. Потенциал ҳарорат

Қуруқ адиабатик жараённинг муҳим характеристикаларидан бири *потенциал ҳарорат*дир. Бошланғич сатҳдан 1000 гПа босимли сатҳга қуруқ адиабатик туширилганда ёки кўтарилилганда ҳаво зарраси қабул киласидиган ҳарорат потенциал ҳарорат  $\theta$  деб аталади.

Агар  $P_0=1000$  гПа, бу сатҳдаги ҳароратни  $T_{i0}=\theta$  деб олсак, у ҳолда (4.14) Пуассон тенгламасини қўйидаги кўринишда ёзиш мумкин:

$$\theta = T_i \left( \frac{1000}{P} \right)^{\frac{r-1}{r}}. \quad (4.18)$$

Потенциал ҳарорат жуда муҳим ҳоссага эга – айни бир ҳаво заррасининг куруқ адабиатик ҳаракатланишида у ўз қийматини доимий сақлаб туради. Бу ҳосса амалиётда ҳаво массаларининг характеристикаси сифатида фойдаланилади.

Агар (4.18) тенгламани логарифласак ва дифференциалласак

$$\frac{d\theta}{\theta} = \frac{dT_i}{T_i} - \frac{R_g}{c_p} \frac{dP}{P} \quad (4.19)$$

тенгламани ҳосил қиласиз.

(4.12) тенгламага мувофиқ адабиатик жараёнда (4.19) тенгламанинг ўнг томони нолга тенг. Демак,  $\frac{d\theta}{\theta} = 0$ ,  $d\theta = 0$  ва  $\theta = const$ , яъни адабиатик ҳаракатларда потенциал ҳарорат ўзгармайди.

Агар ҳаво массасининг ҳаракатланиши жараёнида унинг потенциал ҳарорати ўзгарса, бу ҳоссага иссиқликнинг келиши ёки кетиши содир бўлганидан далолат беради. (4.19) ва (4.8) тенгламаларни таққослаш буни исботлайди, яъни

$$dq = c_p T_i \frac{d\theta}{\theta} \quad (4.20)$$

потенциал ҳароратнинг ўзгариши ҳаво зарраси тўлиқ энергиясининг ўзгариши билан боғлиқ.

Куруқ ҳаво учун статика ва ҳолат тенгламаларидан фойдаланиб, (4.19) тенгламанинг ўнг томонидаги иккинчи ҳадни  $-\frac{R_g}{c_p} \frac{dP}{P} = \frac{gT_e}{T_e} dz$  кўринишига олиб келамиз. У ҳолда (4.19) тенглама куйидагича ёзилади:

$$c_p T_i \frac{d\theta}{\theta} = c_p dT_i + \frac{gT_e}{T_e} dz \quad (4.21)$$

Тенгламанинг кўринишини куйидагича ўзgartирамиз

$$c_p T_i \frac{d\theta}{\theta} = c_p dT_i + gdz + \frac{g(T_i - T_e)}{T_e} dz. \quad (4.22)$$

Күйидаги белгилашларни киритамиз:

$c_p dT_i = dE_i + \text{const}$  – иссикклик қиймати ёки энталпия;

$gdz = d\Phi^* + \text{const}$  – потенциал энергия (геопотенциал);

$\frac{g(T_i - T_e)}{T_e} dz = dN_i + \text{const}$  – нотурғунлик энергияси.

Белгилашларни эътиборга олсак, (4.22) тентлама қуйидагича ёзилади:

$$c_p T_i \frac{d\theta}{\theta} = dE_i + d\Phi^* + dN_i \text{ ёки } c_p T_i \frac{d\theta}{\theta} = d\Pi_i, \quad (4.23)$$

бу ерда  $\Pi_i = E_i + \Phi^* + N_i$  – бирлик массали зарранинг тўлиқ энергияси.

Шундай килиб, ҳаво заррасининг адиабатик ҳаракатларида унинг тўлиқ энергияси ўзгармайди:

$$E_i + \Phi^* + N_i = \text{const}. \quad (4.24)$$

#### 4.4. Потенциал ҳарорат ва энтропия

Газнинг энтропияси

$$S = \int \frac{d\theta}{T} \quad (4.25)$$

интеграл орқали ифодаланади. Куруқ ҳаво учун

$$\frac{d\theta}{T} = c_p \frac{dT_i}{T_i} - R_q \frac{dP}{P}$$

ёки

$$S = c_p \ln \frac{T_i}{T_{i0}} - R_q \ln \frac{P}{P_0} = c_p \left( \ln \frac{T_i}{T_{i0}} - \frac{R_q}{c_p} \ln \frac{P}{P_0} \right). \quad (4.26)$$

(4.26) ифодани логарифлаймиз

$$\ln \theta = \ln T_i + \frac{R_q}{c_p} (\ln 1000 - \ln P) \quad (4.27)$$

(4.26) ва (4.27) дан қўйидагини ҳосил қиласиз

$$S = c_p \ln \theta - \left( c_p \ln T_{i0} - R_q \ln \frac{P_0}{1000} \right) = c_p \ln \theta + C, \quad (4.28)$$

бу ерда  $C$  – миқдоран бошланғич шартларни ифодалайди.

Шундай килиб, газнинг потенциал ҳарорати қанча юқори бўлса, унинг энтропияси шунча катта бўлади. Адиабатик жараёнда потенциал ҳарорат ва, демак, энтропия ҳам ўзгармайди. Шунинг учун адиабатик жараённи изоэнтропик деб ҳисоблаш мумкин.

Амалий мақсадларда маълум, масалан, потенциал ҳароратнинг  $273^\circ, 283^\circ\text{C}$  ва бошқа қийматлари учун, изоэнтропик сиртнинг баландликлари карталарини куриш мумкин. Бу карталарга сув буғининг масса улуши, шамолнинг тезлиги ва йўналиши қийматлари туширилади.


Бу карталарнинг қўлланилиши изоэнтропик сирт бўйлаб ҳаракатланишда ҳеч қандай иш бажарилмаслигига асосланади. Бу ҳолда изоэнтропик карта атмосферадаги йирик масштабли ҳаракатларни, шу жумладан, ҳавонинг юқорилама ва пастлама оқимларини характерлайди.

Изоэнтропик карталар бундай ҳаракатларнинг изоэнтропик таҳлили амалиётида қўлланилади.

#### 4.5. Нам адиабатик жараёнлар

Сув буғига тўйинмаган нам ҳаво заррасининг кўтарилишида унинг ҳарорати қуруқ адиабатик қонун бўйича камаяди (яъни ҳар  $100$  м да  $1^\circ\text{C}$  га). Бу заррадаги ҳаво массасининг доимийлиги сабабли сув буғининг масса улуши  $s$  ҳам ўзгармасдан қолади.

Ўзгармас намлик миқдорига эга бўлган ҳаво зарраси ҳароратининг пасайиши оқибатида унинг нисбий намлиги ортиб боради ва маълум сатҳда  $100\%$  етади. Тўйинмаган нам ҳаво тўйиниши ҳолатига эришадиган сатҳ  $z_k$  конденсация сатҳи деб аталади (8-расм).



8-расм. Нам ҳавонинг ҳолат эгри чизиги.

1 - куруқ адиабата, 2 - нам адиабата.

Агар тўйинишга эришган нам ҳаво зарраси конденсация сатҳидан юқорига кўтарилиса, ҳароратнинг янада пасайиши оқибатида сув бугининг конденсацияланиши боғланади. Конденсацияланишда буг ҳосил бўлишининг яширин иссиқлиги ажралиб чиқади (1 кг сув буги конденсациясида 2,5 МЖ атрофида). Бунинг оқибатида конденсация сатҳидан юқорида зарранинг ҳарорати секинроқ камаяди. Кенгайиш ишининг бир қисми конденсация иссиқлиги ҳисобига амалга оширилиши бунга сабаб бўлади. Тўйинган нам ҳавода содир бўлувчи адиабатик жараён нам адиабатик жараён деб аталади.

Адиабатик ҳаракатланишда ҳаво зарраси ҳароратининг ўзгаришини характерловчи эгри чизик ҳолат эгри чизиги, адиабатик кўтарилишда бу эгри чизиқнинг тўйинган зарра ҳароратининг ўзгаришига мос келувчи қисми эса нам адиабата дейилади (8-расм). Нам адиабатик жараён бўйича кўтарилишда зарра ҳароратининг бирлик масофага тўғри келувчи ўзгариши нам адиабатик градиент ( $\gamma'_a$ ) деб аталади.

Нам адиабатик градиентнинг қийматлари доим қуруқ адиабатик градиентдан кичик бўлади ҳамда ҳарорат ва босимга боғланган ҳаво заррасидаги намлик миқдорига (сув бугининг масса улупшига) боғлиқ бўлади (4.1-жадвал).


Ҳарорат ортиши билан ( $P=const$  бўлганда) нам адиабатик градиент камаяди ва паст ҳароратларда қуруқ адиабатик градиентга яқинлашади. Босимнинг ортиши билан ( $T=const$  бўлганда)  $\gamma'_a$  ортади. Атмосферада кузатилувчи реал шароитларда нам адиабатик градиентнинг қиймати одатда  $0,5^{\circ}\text{C}/100 \text{ м}$  дан катта ва  $0,95^{\circ}\text{C}/100 \text{ м}$  дан кичик бўлади.

**Нам адиабатик градиентнинг кийматлари ( $^{\circ}\text{C}/100 \text{ м}$ )**

$P, \text{ гПа}$	$T, ^{\circ}\text{C}$					
	-60	-40	-20	0	20	40
1000	0,973	0,950	0,856	0,658	0,532	0,315
800	0,972	0,944	0,831	0,614	0,489	0,294
400	0,968	0,914	0,730	0,478	0,371	0,243
100	0,943	0,774	0,458	0,269	0,226	0,163

Нам адиабатик жараён ёпиқ (ёки қайтувчан) термодинамик жараён хисобланади. Шунинг учун ҳаво заррасининг тушишида унинг ҳарорати нам адиабатик қонун бўйича ортади.

Конденсация сатҳидан юқорида термодинамик жараён бошқача ривожланиши ҳам мумкин. Сув буғининг конденсацияси нағижасида ҳосил бўлган булутдан ёғинлар (ёмғир, қор) ёғиши мумкин. Бу ҳолда ҳаво заррасининг тушишида унинг исиши натижасида сув буғи дарҳол тўйиниш ҳолатидан узоқлашади, унинг ҳарорати эса куруқ адиабатик қонун бўйича камаяди. Шундай қилиб, қаралаётган ҳаво массасида қайтмас жараён юз берди. Ҳаво зарраси дастлабки ҳолатига қайтмади, унинг жараён охиридаги ҳарорати бошланғич ҳароратидан юқори бўлиб қолди (9-расм). Тавсифлаб ўтилган жараён псевдоадиабатик жараён дейилади.



9-расм. Псевдоадиабатик жараён.

AB – куруқ адиабата, BC – нам адиабата, CD – куруқ адиабата,  $T_p$  – псевдоэквивалент ҳарорат,  $\theta_p$  – псевдопотенциал ҳарорат,  $\theta'$  – ҳўлланган термометрнинг потенциал ҳарорати.

*Псевдоэквивалент* ( $T_p$ ) ва *псевдопотенциал ҳарорат* ( $\theta_p$ ) псевдоадиабатик жараённинг муҳим характеристикалари ҳисобланади. Ҳаво зарраси бошлангич сатҳдан конденсация сатҳигача қуруқ адиабатик, ундан кейин сув бугининг тўлиқ конденсациясигача нам адиабатик кўтарилиб, сўнгра бошлангич ҳолатгача қуруқ адиабатик туширилганда у қабул қиласидан ҳарорат деб аталади. Агар зарра тўлиқ конденсация сатҳидан 1000 гПа сатҳгача қуруқ адиабатик туширилса, унинг қабул қиласидан ҳарорати псевдопотенциал ҳарорат дейилади (9-расм). Бу иккала ҳароратлар ўртасидаги муносабатни (4.18) Пуассон тенгламаси асосида ифодалаш мумкин:

$$\theta_p = T_p \left( \frac{1000}{P} \right)^{\frac{R-1}{R}} \quad (4.29)$$

Псевдопотенциал ҳарорат конденсация содир бўлган ҳаво масасининг консерватив характеристикиси ҳисобланади. Нам зарра қаерда бўлишидан қатъий-назар, агар унинг ҳаракатланиши адиабатик қонуният (яъни маълум қонуният) бўйича юз берса, бу зарранинг псевдопотенциал ҳарорати доимий қийматга эга бўлади.  $\theta_p$  нинг ўзгариши ҳаво массасига ноадиабатик таъсирларнинг (иссиқлик келиши ёки кетиши) миқдорий кўрсаткичи бўлиб хизмат қиласиди.

*Хўлланган термометрнинг потенциал ҳарорати* ( $\theta'$ ) ҳам шундай консерватив характеристика ҳисобланади. Бу ҳарорат нам зарра  $z_k$  конденсация сатҳидан  $P_{\theta'}=1000$  гПа сатҳга нам адиабатик туширилганда қабул қиласидан ҳароратdir (9-расм).

#### 4.6. Конвекция. Ҳаво заррасининг қуруқ адиабатик ва нам адиабатик ҳаракатига нисбатан атмосферанинг стратификацијаси

Умумий ҳолда конвекция – бу тартибсиз оқимлар ёки “пуфаклар” ёки “термиклар” шаклланиши билан ифодаланувчи ҳаво массаларининг юқорилама ҳаракатидир. Конвекциянинг ҳосил бўлиш сабабларига кўра факат Архимед кучи таъсирида ҳосил бўлувчи эркин (соф термик) ва мажбурий (ёки динамик) конвекциялар фарқланади. Реал шароитларда ер сирти термик

жиҳатдан бир жинсли бўлмайди. Шунинг учун атмосферада конвектив элементларнинг кўпроқ ёки камроқ тўғри фазовий тақсимотига эга бўлган бир жинсли бўлмаган конвекция юзага келади.

Эркин (термик) конвекциянинг юзага келиш шартларини кўриб чиқамиз. Вертикал ҳаракатланаётган ҳаво заррасининг бирлик ҳажмига иккита куч таъсир кўрсатади: пастга йўналган оғирлик кути  $\rho_e g$  ва юқорига йўналган сикиб чиқарувчи Архимед кучи  $\rho_i g$ . Бу кучларнинг тенг таъсир этувчиси  $g(\rho_e - \rho_i)$  сузувланик кучи деб аталади.

Ньютоннинг иккинчи қонунига мувофиқ, бу бирлик ҳаво ҳажмининг тезланиши қуидагича бўлади:

$$\frac{d^2 z}{dt^2} = g \frac{\rho_e - \rho_i}{\rho_i}, \quad (4.30)$$

бу ерда  $g$  – эркин тушиш тезланиши,  $\rho_i$  ва  $\rho_e$  мос равишда ҳаво зарраси ва атрофдаги ҳавонинг зичлиги.

Зичликни ҳолат тенгламасидан алмаштириб, қуидагини ҳосил қиласиз:

$$\frac{d^2 z}{dt^2} = g \frac{T_i - T_e}{T_e}. \quad (4.31)$$

(4.31) тенглама *конвекция тезланиши тенгламаси* дейилади.

Агар  $T_i - T_e > 0$  бўлса, конвекция тезланиши ҳам мусбат бўлади ва зарра юқорига кўтарила бошлайди. Аксинча, агар зарра ҳарорати атрофдаги ҳаво ҳароратидан кичик бўлса, конвекция тезланиши манфий ва зарра пастга ҳаракатланади. Агар зарра ва атрофдаги ҳаво ҳарорати бир хил бўлса, у ҳолда тезланиш бўлмайди.

$T_e$  ҳарорат ва бошқа метеорологик катталикларнинг баландлик бўйича тақсимоти *атмосфера стратификацияси* дейилади. Умумий ҳолда кўпчилик омилларнинг таъсири натижасида атмосфера-да ҳароратнинг вертикал тақсимоти етарлича мураккаб ва хилмалил бўлиши мумкин.

Ҳаво зарраси атрофидаги  $T_e$  ҳароратнинг турли қатламлардаги тақсимоти ҳароратнинг вертикал градиенти  $\gamma = -\frac{\partial T_e}{\partial z}$  билан ҳаракатланади.

Атмосферанинг бирон бир сатҳида ҳаво заррасини ажратиб оламиз ва уни бошланғич ҳолатдан юқорига ёки пастга ҳаракатлантирамиз. Зарра атрофдаги ҳавонинг ҳолатига иссиқлик таъсирини ўтказмаслиги учун уни адиабатик ҳаракатлантиришимиз лозим. Зарра ҳарорати  $T$ , нинг ўзгариши қуруқ адиабатик градиент  $\gamma_a$  қиймати билан характерланади. Атмосферада ҳароратнинг баландлик бўйича тақсимланишининг учта ҳар хил ҳоллари учун  $\gamma$  ва  $\gamma_a$  катталикларни таққослаймиз.

а. Градиент  $\gamma > \gamma_a$ . Атмосферада ўта адиабатик градиент кузатилади. Бошланғич  $z_0$  сатҳда зарра ҳарорати атрофдаги ҳаво ҳароратига тенг, яъни  $T_{i0}=T_{e0}$  деб ҳисоблаймиз.

Заррани  $z_2$  сатҳга кўтариб, мувозанат ҳолатидан чиқарамиз. Бу ерда зарра ҳарорати атмосфера ҳароратидан юқори бўлади:  $T_{i2} > T_{e2}$ . (4.31) ифодага мувофиқ зарра бу сатҳда мусбат тезланиш олади (10-расм).

Заррани  $T_i < T_e$  бўлган  $z_1$  сатҳга туширамиз. Зарра пастга йўналган тезланиш олади.

Иккала ҳолда ҳам зарра бошланғич ҳаракат йўналишидаги тезланишни олади. Шу билан бирга зарра бошланғич ҳолатдан қанчалик

10-расм. Нотурғунлик мезонларини келтириб чиқаришига доир.


1 – стратификация эгричилиги, 2 – қуруқ адиабата.

узоклашса, унинг тезланиши ва тезлиги шунчалик катта бўлади. Зарранинг бундай ҳолати нотурғун ҳолат дейилади,  $\gamma > \gamma_a$  бўлгандағи атмосфера стратификацияси эса қуруқ нотурғун стратификация деб юритилади.

б. Градиент  $\gamma = \gamma_a$ . Атмосферада ҳарорат баландлик бўйича  $1^{\circ}\text{C}/100 \text{ м}$  га камайди. Бу ҳолатда уччала сатҳда ҳам:

$$T_{i0}=T_{e0}, T_{i1}=T_{e1}, T_{i2}=T_{e2} \text{ бўлади.}$$

Демак, зарра қайси сатҳда бўлмасин унинг тезланиши доим нолга тенг.  $\gamma = \gamma_a$  бўлгандағи атмосферанинг термик ҳолати қуруқ бефарқ (ёки мувозанат) стратификация деб юритилади.



в. Градиент  $\gamma < \gamma_a$ . Атмосферада ҳарорат баландлик бўйича  $1^{\circ}\text{C}/100 \text{ м}$  дан секинроқ камаяди. Бу ҳолда  $z_2$  сатҳда  $T_{i2} < T_{e2}$  шарт бажарилади ва зарра манфий тезланиш олади, яъни ўзининг бошланғич ҳолатига томон ҳаракатланади.  $z_1$  сатҳда эса, аксинча  $T_{i1} > T_{e1}$  бўлади ва зарра бошланғич ҳолатига қайтишда мусбат тезланиш олади.

Шундай қилиб, бу ҳолда зарра бошланғич сатҳдан қайси томонга силжитилганидан қатъий-назар, унга ўтказилаётган таъсир тўхтатилганидан сўнг доим ўзининг бошланғич ҳолатига қайтади.  $\gamma < \gamma_a$  бўлгандаги атмосфера стратификацияси қуруқ турғун стратификация деб юритилади.

Юқорида нам адиабатик градиент доим қуруқ адиабатик градиентдан кичик бўлиши аниқланган эди. Шунинг учун, қуруқ адиабатик ва нам адиабатик ҳаракатга нисбатан атмосфера стратификациясининг қўйидаги беш кўриниши мавжуд бўлади:

- $\gamma > \gamma_a > \gamma'_a$  - қуруқ ва нам нотурғун ёки мутлақ нотурғун;
- $\gamma = \gamma_a > \gamma'_a$  - қуруқ бефарқ ва нам нотурғун;
- $\gamma_a > \gamma > \gamma'_a$  - қуруқ турғун ва нам нотурғун;
- $\gamma_a > \gamma = \gamma'_a$  - қуруқ турғун ва нам бефарқ;
- $\gamma_a > \gamma'_a > \gamma$  - қуруқ ва нам турғун ёки мутлақ турғун стратификация.

Атмосфера стратификациясининг турли кўринишларида потенциал ҳароратнинг баландлик бўйича тақсимланишини кўриб чиқамиз. Бунинг учун (4.18) формулани логарифмлаймиз ва баландлик бўйича ҳосила оламиз:

$$\frac{1}{\theta} \frac{\partial \theta}{\partial z} = \frac{1}{T} \frac{\partial T}{\partial z} - \frac{R_g}{c_p P} \frac{\partial P}{\partial z}, \quad (4.32)$$

бунда атмосферадаги жараённи қараётганимиз учун «*i*» индексни тушириб қолдирамиз. Статика тенгламасидан фойдаланиб (4.32) ни ўзгартирамиз:

$$\frac{\partial \theta}{\partial z} = \frac{\theta}{T} (\gamma_a - \gamma). \quad (4.33)$$

(4.33) формуладан қуруқ нотурғун ( $\gamma > \gamma_a$ ) стратификацияда  $\frac{\partial \theta}{\partial z} < 0$ , қуруқ бефарқ ( $\gamma = \gamma_a$ ) стратификацияда  $\frac{\partial \theta}{\partial z} = 0$ , қуруқ турғун

$(\gamma < \gamma_a)$  стратификацияда  $\frac{\partial \theta}{\partial z} > 0$  эканлиги келиб чиқади.

#### 4.7. Стратификациянинг суткалик ўзгариши. Ҳаво массаларининг стратификацияси

Сутка давомида атмосферанинг стратификацияси ўзгаради. Қуруқликда, тупроқ сирти ҳароратининг суткалик ўзгариши катта бўлган шароитларда (айниқса ёзда), кундузи ҳавонинг пастки қатламлари тупроқдан катта иссиқлик олади ва вертикал ҳарорат градиентлари ортади. Ер яқини қатламида бу градиентлар қуруқ адиабатик градиентдан анча катта бўлиши мумкин. Шундай қилиб, атмосфера стратификацияси нотурғун бўлади ва конвекция пайдо бўлади.

Стратификациянинг нотурғунлиги каби конвекция ҳам тушда ва тушдан кейинги дастлабки соатларда айниқса катта бўлади. Шунинг учун конвекция билан боғлиқ бўлган тўп-тўп булутлар айнан тушдан сўнг максимал ривожланишга эга бўладилар. Кечга томон стратификация турғунлашади, ҳавонинг ерга яқин қатламлари тупроқдан совийди, тунги соатларда эса стратификация шунчалик турғун бўладики, ер яқинида ҳарорат инверсиялари, яъни тупроқ устидаги ҳаво ҳароратининг баландлик бўйича камайиши эмас, балки ортиши кузатилади. Конвекциянинг сутканинг бу вақтида сўниши ўз-ӯзидан тушунарли.

Денгиз устида шароит бошқача бўлади. Денгиз сиртида ҳароратнинг суткалик ўзгариши жуда кичик. Шунинг учун денгиз устида нотурғунликнинг сезиларли кундузги ортиши кузатилмайди. Демак, конвекциянинг ривожланишида тушдан кейинги максимум бўлмайди. Аксинча, денгиз устида стратификациянинг нотурғунлиги тунги соатларда бироз ортади. Бундай ҳолат денгиз сиртида тунда ҳарорат деярли кундузгидек қолиши, баландликларда – эркин атмосферада эса ҳавонинг нурланиши оқибатида тунда ҳароратнинг пасайиши билан боғлиқ. Шунинг учун денгиз устида тунда вертикал ҳарорат градиентлари бироз ортади ва конвекция жараёни кучаяди.

Термик хоссалари турлича бўлган ҳаво массалари стратификация шароитлари бўйича фарқланади.

*Илиқ ҳаво массаси* совукроқ тўшалган сирт томонга ҳаракатланади. Бунда ҳаво массаси пастдан совиб боради. Бундай

совиши дастлаб ҳаво массасининг энг қуи қатламларига, сўнгра сўнувчи кўринишда секин-аста юқорига тарқалади. Демак, ҳаво массасининг қуи қатламларида вертикал ҳарорат градиентлари камаяди. Типик илиқ массада, айниқса қишида қитъя устида, пастки бир километрли қатламда вертикал ҳарорат градиентлари  $0,2-0,4^{\circ}\text{C}/100\text{ м}$ , яъни беришган шароитлар учун нам адиабатик градиентлардан кичик. Бошқача айтганда, пастки юз метрда ҳаво массаси нафақат қуруқ турғун, балки нам турғун стратификацияга эга бўлади.

Бунда конвекциянинг сусайиши ва сўниши кузатилиши аён. Турғун массадаги сув буғининг конденсацияси туманлар ва шивалама ёмғир ёки қишида майда қор ёғинларини берувчи қуи қатлам қатламли булутлари шаклида юз беради.

*Совуқ ҳаво массаси* иссиқроқ тўшалган сирт томонга ҳаракатланади ва пастдан исиди. Шунинг учун совуқ ҳаво массасида пастки бир неча километрли қатламда нам адиабатик градиентлардан катта  $0,7-0,8^{\circ}\text{C}/100\text{ м}$  ҳарорат градиентлари ҳосил бўлади. Бу ҳолат совуқ ҳаво массаси бу қатламларда нотурғун стратификацияга эга бўлишини билдиради. Бундай массада конвекция кучли ривожланади, сув буғининг конденсацияси эса жала ёғинларини берувчи тўп-тўп ва ёмғирли тўп-тўп булутлар кўринишида юз беради.

*Маҳаллий ҳаво массалари* қишида, совиган қуруқлик устида, турғун, ёзда эса, исиган тупроқ устида, нотурғун бўлади. Шунинг учун ўрта кенгликларда қуруқлик устида қишида кўпроқ қатламли булутлар, ёзда эса тўп-тўп булутлар кузатилади.

#### 4.8. Потенциал турғунлик ва нотурғунлик


Реал шароитларда катта ҳажмли ҳавонинг вертикал аралашувлари кузатилади. Бу жараён ҳаво массасининг фронт сирти бўлаб юқорилама ҳаракатида, тоғ тизмасидан ошиб ўтишида ва бошқа ҳолларда содир бўлади. Бундай ҳаракатларда аралашиш юз берадиган ҳаво қатлами нисбий намлигининг вертикал тақсимотига боғлиқ ҳолда нам ҳавонинг стратификацияси сезиларли ўзгариши мумкин.

Икки ҳолни кўриб чиқамиз. Биринчи ҳолда ҳаво қатламининг кўтарилишгача бўлган стратификацияси мутлақо нотурғун (11-расм). Қатламнинг қуи қисмидаги нисбий намлик ( $T_A$ ) унинг юқори


чегарасидаги ( $T_B$ )га нисбатан анча катта. Шунинг учун А заррача конденсация сатхи ( $T_A$ )га тез эришади ва ундан юқорида нам адиабата бўйлаб кўтарилиб, секин-аста совиб боради. В заррача конденсация сатхига ( $T_B'$ ) эришгунча вертикал бўйлаб узунроқ йўлни босиб ўтади. А'В' чизиги билан характерланувчи қатлам стратификацияси энди нам нотурғун бўлади.

Иккинчи ҳолда қатламнинг бошланғич стратификацияси аввалги ҳолдаги каби мутлақо турғун (12-расм). Бироқ нисбий намлик баландлик бўйича ортиб боради. Ҳаво қатламининг кўтарилишида унинг куйидаги қисми ( $T_A$ ) юқорисидагига нисбатан ( $T_B'$ ) конденсация сатхига анча эрта эришади. Шундай қилиб, адиабатик кўтарилишда қатлам стратификацияси янада турғунлашади.

Биринчи ҳолда қатлам стратифкацияси *потенциал нотурғун*, иккинчи ҳолда – *потенциал турғун* деб аталади. Биринчи ҳол ҳаво массасининг тоғ тизмасининг шамолга қараган сирти бўйлаб кўтарилишида кузатилиши мумкин. Стратификациянинг ўзгариши конвектив ҳаракатларга олиб келиб, конвектив булутлар шаклланиши мумкин.



11-расм. Потенциал нотурғунлик



12-расм. Потенциал турғунлик

Хўлланган термометрнинг ҳарорат кўрсаткичи ( $\theta'$ ) потенциал нотурғунлик ёки турғунлик мезони бўлиб хизмат қиласи. Агар бу ҳарорат куйи сатхда юқори сатҳдагига нисбатан кичик, яъни  $\theta'_A < \theta'_B$  бўлса, бу ҳол ҳаво массасининг потенциал турғунлигига мос

келади. Аксинча, яъни  $\theta'_A > \theta'_B$  бўлганида, потенциал нотурғунлик кузатилади.

(4.30) тенгламага мувофиқ, ҳаво заррасининг тезланиши зарра ва унинг атрофидаги ҳаво зичликларининг фарқига боғлиқ. Аввалги барча тенгламаларда намликтининг ҳаво заррасининг зичлигига таъсири ҳисобга олинмаган эди. Кўпчилик ҳолларда бу таъсир сезиларсиз бўлади. Бироқ етарлича катта ҳарорат ва нисбий намликда намликтининг таъсирини ҳисобга олиш ва бу бобда келтирилган барча муносабатларда  $T$  кинетик ҳароратни  $T_v$  виртуал ҳароратга алмаштириш керак.

Ҳароратнинг вертикал градиенти  $\gamma$  виртуал ҳароратнинг вертикал градиенти  $\gamma_v$  га алмаштирилади:

$$\gamma_v = (1 + 0,608s)\gamma - 0,608 \frac{\partial s}{\partial z}. \quad (4.34)$$

$$\frac{\partial s}{\partial z} < 0 \text{ бўлганлиги учун } \gamma_v > \gamma.$$

Куруқ адиабатик градиент зарра виртуал ҳароратнинг градиенти билан алмаштирилади:

$$\gamma_{st} = -\frac{\partial T}{\partial z} = (1 + 0,608s)\gamma_A - 0,608T \frac{\partial s}{\partial z}. \quad (4.35)$$

Намликтининг зичлика таъсири ҳисобга олинганда атмосферанинг турғунлик мезонлари қуидагича бўлади:

$$\gamma_v < \gamma_{st}, \quad \gamma_v = \gamma_{st}, \quad \gamma_v > \gamma_{st}$$

#### 4.9. Нотурғунлик энергияси. Термодинамик графиклар

Зарра атрофдаги ҳаво ҳароратидан фарқли ҳароратга эга бўлганда ҳар бир сатҳда унга сузувчанлик кучи таъсир қиласи. Бунинг натижасида бирлик массали ҳаво заррасини вертикал бўйича элеменгар  $dz$  масофага қўчириш учун иш бажарилади. (4.31) ни ҳисобга олсак, бу иш қуидагига тенг:

$$dN_i = g \frac{T_i - T_e}{T_e} dz. \quad (4.36)$$

Статиканинг асосий тенгламаси ва куруқ ҳаво учун ҳолат тенгламасини ҳисобга олсак, қуйидагини ҳосил қиласиз:

$$dN_i = -R_q(T_i - T_e) \frac{dP}{P} . \quad (4.37)$$

(4.37) ни  $N_i=0$  бўлган  $P_1$  дан  $N_i=N$  бўлган  $P_2$  гача интеграллаймиз ва қуйидагини ҳосил қиласиз:

$$N = 2,3R_q(T_i - T_e) \lg \frac{P_2}{P_1} , \quad (4.38)$$

бу ерда  $N$  – босим  $P_1$  ва  $P_2$  бўлган сатҳлар орасидаги қатламнинг нотурғунлик энергияси.

Нотурғун стратификация ҳолида  $(T_i - T_e) > 0$  ёки  $\gamma > \gamma_a$  ва нотурғунлик энергияси мусбат. Агар  $T_i < T_e$  бўлса, у ҳолда нотурғунлик энергияси манфий. Бу ҳолда стратификация эгри чизиги ҳолат эгри чизигидан ўнгроқда ётади.

Метеорологик кузатишлар ва атмосферани зондлаш натижаларини таҳлил қилишда термодинамик графиклар деб аталувчи *аэрологик диаграммалар* кенг қўлланилади (13-расм). Тўғри тўртбурчак шаклидаги диаграмма бланкининг абсциссалар ўқи бўйлаб ҳарорат ( $t^{\circ}\text{C}$ ), ординаталар ўқи бўйлаб логарифмик шкаладаги босим ( $\lg P$ ) жойланади. Бланкда шунингдек атмосфера ҳолатини таҳлил қилиш учун керак бўлган қуйидаги эгри чизиклар оиласлари туширилган:

- изотермалар – ордината ўқига параллел тўғри чизиклар (-80 дан  $40^{\circ}$  ҳароратгача  $1^{\circ}\text{C}$  оралиқда ўтказилган);
- изобаралар – абсцисса ўқига параллел тўғри чизиклар (босимнинг 1050 дан 10 гПа қийматигача 10 гПа оралиқда ўтказилган);
- куруқ адиабаталар – куруқ ёки тўйинмаган нам зарранинг ҳолат эгри чизиклари;
- нам адиабаталар – тўйинган нам ҳавонинг ҳолат эгри чизиклари;
- изограммалар – тўйиниш ҳолатидаги сув буги масса улушининг тенг қийматлари эгри чизиклари;
- қатламнинг берилган ўртача ҳароратида асосий изобарик сиртлар орасидаги масофа (гп.м да);

- тўйиниши ҳолатидаги виртуал қўшимчалар.


Тўғри тўртбурчак бланклар билан бир каторда амалиётда аэрологик диаграммаларнинг оғма бурчакли бланклари ҳам қўлланилади. Унда изотермалар оғма тўғри чизиқлардан ташкил топади.

Аэрологик диаграммалар ёрдамида атмосфера ҳолатининг қўйидаги характеристикаларини ҳисоблаш мумкин:

- термодинамик ҳароратлар (потенциал, псевдопотенциал ва бошқалар);

- конденсация сатҳи;

- нотурғунлик энергияси ва бошқалар.



13-расм. Аэрологик диаграмма.

Катта оғиш бурчакли узлуксиз чизиқлар – куруқ адабаталар, кичик оғиш бурчакли чизиқлар – нам адабаталар, пунктир чизиқлар – тўйиниши ҳолатидаги сув буғи масса улушкининг изочизиқлари.

## Асосий хуносалар

1. Энергия айланиши ва иссиқлик узатилиши таъсирида атмосфера ҳолати ўзгаришинининг асосий қонуниятлари термодинамикасининг биринчи қонуни билан тавсифланади ва у атмосфера жараёнларини тушунтириш учун қулай кўринишга келтирилади.

2. Дастраси яқинлашувда атмосферадаги термодинамик жараёнларни қуруқ ва тўйингмаган нам ҳавода қуруқ адиабатик, тўйингган нам ҳавода нам адиабатик деб қабул қилиш мумкин. Термодинамик ҳароратлар ушбу жараёнларнинг характеристикалари ҳисобланади.

3. Ҳароратнинг реал ва адиабатик градиентлари орасидаги нисбат, шунингдек нотурғунлик энергияси ҳаво массасининг нотурғунлик мезонлари ҳисобланади. Вертикал бўйлаб чўзилган қатламлар учун нисбий намликнинг баландлик бўйича ўзгаришини ҳисобга олиш зарур.

## Назорат саволлари

1. Термодинамиканинг атмосфера физикасида қўлланиладиган биринчи қонуни тенгламасини келтириб чиқаринг.

2. Қандай жараёнлар адиабитик, қуруқ адиабитик деб аталади? Куруқ адиабата учун Пуассон тенгламасини келтириб чиқаринг.

3. Потенциал ҳарорат нима? У қандай хоссаларга эга?

4. Ҳаво заррачасининг тўлиқ энергияси учун тенгламани келтириб чиқаринг.

5. Потенциал энергия энтропия билан қандай боғланган? Изотропик таҳлил қандай мақсадда қўлланилади?

6. Нам ва псевдоадиабатик жараёнларни характеристлаб беринг.

7. Конвекция тенгламасининг мазмунини тушинтириб беринг. Куруқ ва нам тўйингган ҳавога нисбатан турғунлик мезонларини хосил қилинг.

8. Атмосфера стратификацияси қандай суткалик ўзгаришга эга? Турли ҳаво массаларида-чи?

9. Атмосферада потенциал нотурғунлик ва потенциал турғунлик қачон ва қандай юзага келади?

10. Нотурғунлик энергияси нима?

11. Термодинамик графиклар нима? Улар қандай мақсадларда қўлланилади?

## **В БОБ. АТМОСФЕРАНИНГ РАДИАЦИЯ РЕЖИМИ**

### **Асосий тушунчалар**

#### **1. Нурланиш қонунлари**

•**Планк қонуни** – мутлак қора жисм нурланиш спектрида энергиянинг тўлқин узунликлари бўйича тақсимоти қонуни.

•**Кирхгоф қонуни** – термодинамик мувозанат шароитида жисмнинг маълум тўлқин узунлиги  $\lambda$  ва мутлақ ҳарорати  $T$  учун нурлантириш қобилияти  $e_{\lambda,T}$  нинг жисм ютиш қобилияти  $k_{\lambda,T}$  га нисбати барча жисмлар учун доимий катталик бўлиб, шу шароитлардаги мутлақ қора жисмнинг (идеал ҳарорат нурлатувчи) нурлантириш қобилияти  $E_{\lambda,T}$  га тенг.

•**Стефан-Больцман қонуни** – мутлақ қора жисм учун тўлиқ нурлантириш қобилияти нурланиш оқимининг жисм мутлақ ҳарорати  $T$  га боғланиши ифодаси:  $B = \delta T^4$ , бу ерда  $\delta$  – Стефан-Больцман доимийси.

•**Вин қонуни** – мутлақ қора жисм нурланишининг максимал тўлқин узунлиги  $\lambda_{max}$  ва жисм мутлақ ҳарорати  $T$  орасидаги боғланиш ифодаси.

**2. Радиациянинг ютилиши** – моддаларга тушувчи нурли энергиянинг бошқа энергия турларига, айниқса иссиқликка (одатда қисман) айланиши. Атмосферада куёш радиацияси, ер нурланиши ва атмосферанинг бошқа қатламлари нурланиши ютилади. Радиациянинг бундай ютилиши танлама бўлиб, асосан сув буги, озон, углерод икки оксиди гази, камрок кислород, шунингдек ҳаводаги коллоид аралашмалар томонидан ютилади. Атмосферада келаётган куёш радиациясининг 15% га яқини ва ер сирти нурланишининг катта қисми ютилади.

**3. Радиациянинг сочилиши** – куёш радиациясининг турли синдириш коэффициентига эга бўлган атмосфера газлари молекулалари ва аэроздол зарраларида сочилиши. Тартибсиз иссиқлик ҳаракати оқибатида зичлик флюктуацияларини шакллантирувчи ва бунинг оқибатида атмосферанинг оптик биржинсли эмаслигига олиб келувчи ҳаво молекулаларидан сочилиш атмосферада радиация сочилишининг катта қисмини ташкил этади.

Бу молекуляр сочилиш Релей қонуни бүйича сочилишга жуда яқин, яни сочилаётган радиация түлкін узунлигининг түртінчі даражасы тескари пропорционал. Йирикrok аэрозоль зарраларидан сочилиш түлкін узунлигининг кичикрок даражаларига тескари пропорционал (Ми қонуни), туман, булут ва шивалама томчиларидан сочилиш эса түлкін узунлигига боғлиқ бўлмай диффуз акс эттириш табиатига эга.

**4. Метеорологик кўринувчанлик узоклиги** – уфқдаги чўзинчоқ қора объектнинг кундузи осмон фонидаги кўринувчанлиги.

**5. Туман пардаси (димка)** – кўз билан ажратиб бўлмайдиган муаллақ ҳолдаги майда сув томчилари ва муз кристалларининг йиғилиб қолиши оқибатида ер сирти яқинида ҳавонинг кучсиз хираданиши.

**6. Атмосфера шаффоғлиги** – атмосферанинг уёки бу түлкін узунликли радиацияни (ёруғликни) ўтказиши қобилияти. Жисмнинг сирти орқали ўтувчи радиация жадаллигининг жисмга тушувчи радиацияга нисбати билан аниқланади.

### **5.1. Қуёш радиацияси. Спектрал таркиби. Қуёш доимийси**

Қуёш нурлаган электромагнит энергияси *қуёш радиацияси* ёки *нурли энергия* деб аталади. Ер сиртига етиб келган қуёш радиациясининг асосий қисми иссиқликка айланади. Сайёрамиз учун қуёш радиацияси ягона энергия манбаидир.

Ҳарорати мутлақ нольдан юқори бўлган барча жисмлар ўзидан радиация нурлайди. Метеорологияда нурланаётган жисмнинг ҳарорати ва нурланиш қобилияти билан белгиланадиган ҳароратга боғлиқ радиация кўрилади.

Жисмнинг нурланиш қобилияти деб бирлик вақт давомида бирлик юзадан ( $S=1 \text{ м}^2$ ) барча йўналишларда нурланаётган энергия микдори тушунилади. Бу катталик нурли оқим ёки радиация оқими деб ҳам аталади. СИ тизимида унинг ўлчов бирлиги  $\text{Ж}/\text{м}^2\cdot\text{с}$  ёки  $\text{Вт}/\text{м}^2$ .

Ўз навбатида нурланаётган жисм атрофдаги жисмлардан келаётган энергияни ютади. Жисм ва атроф-мухит орасида нурланган ва ютилган энергия фарқлари билан белгиланадиган *нурли иссиқлик алмашинуви юзага* келади. Иссиқлик мувозанатида иссиқлик келиши унинг йўқотилиши билан мувозанатда бўлади. Ер шари *нурли*

*мувозанат ҳолатида бўлади, чунки у қуёш радиациясини ютади ва нурланиши орқали йўқотади.*


Радиация нурлаётган жисм совийди, яъни унинг ички энергияси нурли энергияга айланади. Радиация ютилишида эса нурли энергия ички энергия, кейинчалик эса энергиянинг бошқа турларига айланади.

Жисмларнинг ютиш ва нурлаш хоссалари мутлақ қора жисмга тааллукли Кирхгоф, Планк, Вин ва Стефан-Болцман қонунлари билан тавсифланади. Тўлқин узунлигидан қатъий назар келаётган радиацияни бутунлай ютадиган жисм мутлақ қора жисм деб аталади. Бу қонунлар бўйича нурланаётган жисмнинг ҳарорати қанча баланд бўлса, у шунча кўпроқ энергияни олади (ютади). Ҳарорат ортиши билан энергия максимуми қисқа тўлқинлар томонига сурилади.

Куёш нурланиши мутлақ қора жисмнинг нурланиш қонунлари билан тавсифланади, Ер нурланиши эса бундан бироз фарқ қиласди.

Куёш электромагнит тўлқинларни кенг диапазонда нурлайди: гамма-нурлардан то радиотўлқинларгача. Метеорологияда 0,1 мкм дан 4 мкм гача тўлқинлар диапазонига тўғри келадиган Куёш радиацияси кўрилади, чунки бу тўлқинлар диапазонига Куёш радиациянинг 99% энергияси тўғри келади. Бу тўлқинлар диапазонидаги радиация қисқа тўлқинли радиация деб аталади. Куёш радиация энергиясининг тўлқинлар узунлиги бўйича ўзгариши куёш радиацияси спектри деб номланади (14-расм).

Куёш радиацияси спектрини шартли равишда бир неча қисмларга бўлиш мумкин. 0,1÷0,39 мкм тўлқинлар диапазонидаги радиация – *ультрабинафа радиация* деб номланади. Бу диапазондаги радиацияга куёш радиациянинг 9% энергияси тўғри келади. Кўринувчан радиация 0,40 дан 0,76 мкм гача тўлқинлар диапазонини эгаллайди ва бу диапазонга куёш радиациясининг 47% энергияси тўғри келади. Инфракизил нурланиши (0,76÷4 мкм) куёш нурланишининг таҳминан 44% ини ташкил қиласди.



14-расм. Атмосферага киргунга қадар қуёш радиацияси спектридаги (1) ва 6000 К ҳароратли мутлак қора жисм спектридаги (2) энергия тақсимоти.

Спектр соҳалари: УБ – ультрабинафша,  
К – кўринувчан, ИК – инфракизил.

Куёш радиация спектрининг максимуми таҳминан 0,475 мкм тўлқин узунлигига, яъни кўринувчан радиациянинг кўк-хаво ранг рамгларига тўғри келади. Тажрибадан аниқланган қуёш радиацияси спектрини ҳарорати таҳминан 6000 К га тенг бўлган мутлак қора жисмнинг Планк қонуни бўйича ҳисобланган нурланиш спектри билан таққослаш, уларнинг деярли бир хиллигини кўрсатади (14-расм). Спектрнинг ультрабинафша радиация диапазонида баъзи фарқлар кўзга ташланади. Бундан, қатъий айтганда, Куёш мутлак қора жисм эмаслиги ҳакида хулоса қилинади.

Куёш доимийси – бу Ердан Куёшгача бўлган ўргача масофада, атмосферанинг юкори чегарасида қуёш нурларига перпендикуляр бирлик юзага бирлик вакт давомида келган қуёш радиацияси мидоридир. Ер усти ўлчовлари, сунъий йўлдошлар ва космик кемалардан олинган кузатишлар натижасида ҳозирги пайтда қуёш доимийсининг сон қиймати  $1,367 \pm 0,007 \text{ кВт/м}^2$  га тенг эканлиги аниқланган.

Ер орбитаси чўзилган эллипс бўлганлиги учун (Куёшдан ма-софа январда – 147 млн. км, июлда – 152 млн. км), йил мобайнида қуёш доимийсининг сон қиймати  $\pm 3,5\%$  га ўзгаради. Куёш доимий-сининг қийматига Куёш фаоллиги ва бошқа астрономик омиллар таъсир қиласи.

Бир йилда ер сиртининг ҳар 1 км<sup>2</sup> майдонига ўртача  $4,27 \cdot 10^{16}$  жиссиқлик етиб келади. Бундай микдордаги энергияни олиш учун 400 минг тонна тошкўмирни ёндириш керак. Баҳолашларга кўра, Ер шаридаги барча тошкўмир захиралари ёндирилса, 30 йил мобайнида Куёшдан келган радиация оқими микдорига тенг бўлади. Куёш Ерга бутун Ер шаридаги электростанциялар бир йилда ишлаб чиқарган энергия микдорига тенг бўлган энергияни 1,5 суткада беради. Шу билан бирга, Ерга етиб келаётган куёш радиацияси Куёш бераётган жами нурланишининг таҳминан 2 млрд. дан бир қисмини ташкил этади.

Шундай қилиб, куёш энергиясининг улкан потенциал захиралари ундан Ерда ягона энергия манбаи сифатида фойдаланиш имконини беради.

## 5.2. Иссиқлик нурланишининг асосий қонунлари

Бирор жисмга тушаётган нурли радиация қисман ютилади, қисман қайтарилади, маълум бир қисми эса бу жисмдан ўтади:

$$F'_\lambda + F''_\lambda + F'''_\lambda = F_\lambda, \quad (5.1)$$

бу ерда  $F'_\lambda$  – ютилган радиация микдори,  $F''_\lambda$  – қайтарилган радиация микдори,  $F'''_\lambda$  – жисмдан ўтган радиация микдори,  $F_\lambda$  – жисмга тушаётган радиациянинг умумий микдори.

(5.1) формуласи  $F_\lambda$  га бўлсак, уни нисбий катталикларда ифодалаган бўламиз:

$$\frac{F'_\lambda}{F_\lambda} + \frac{F''_\lambda}{F_\lambda} + \frac{F'''_\lambda}{F_\lambda} = 1$$

ёки

$$a_\lambda + r_\lambda + d_\lambda = 1, \quad (5.2)$$

бу ерда  $a_\lambda$  – жисмнинг ютиш қобилияти,  $r_\lambda$  – жисмнинг қайтариш қобилияти,  $d_\lambda$  – жисмнинг ўтказиш қобилияти. Қаттиқ жисмлар учун  $d_\lambda=0$  ва, демак

$$a_\lambda + r_\lambda = 1. \quad (5.3)$$

$\lambda$  индекси барча катталиклар муайян тўлқин узунлиги учун кўрилаётганинги билдиради.

(5.3) ифодадан ютилган радиация қисми  $F'_\lambda = a_\lambda F_\lambda$ , қайтарилиган қисми эса  $F''_\lambda = r_\lambda F_\lambda = (1 - a_\lambda)F_\lambda$  га тенглиги келиб чиқади.

Мутлақ қора жисмлар учун  $r_\lambda = 0$ ,  $a_\lambda = 1$ , яъни жисмга тушаётган радиация бутунлай ютилади. Табиатда мутлақ қора жисмлар йўқ, лекин қиска тўлқинли радиация диапазонида қурум ва қора платина, инфрақизил радиация диапазонда эса – оддий кор мутлақ қора жисмларга энг яқин бўлади.

Агар бирорта жисмга тушаётган радиация бутунлай қайтарилиса ( $r_\lambda = 1$ ,  $a_\lambda = 0$ ), бу жисм мутлақ кўзгу жисм деб аталади.

### Кирхгоф қонуни.

Термодинамик мувозанат шароитида  $\Phi_\lambda$  жисм спектрал нурлатиш қобилиягининг унинг  $a_\lambda$  ютиш қобилиятига нисбати барча жисмлар учун  $\lambda$  тўлқин узунлигига ва  $T$  ҳароратга боғлиқ бўлган бир хил  $B(\lambda, T)$  функциядир:

$$\frac{\Phi_\lambda}{a_\lambda} = B(\lambda, T). \quad (5.4)$$

Мутлақ қора жисмлар учун  $a_\lambda=1$ , демак  $B(\lambda, T)=(\Phi_\lambda)_{\text{макс}}$ , яъни  $B(\lambda, T)$  – бу мутлақ қора жисмнинг спектрал нурлатиш қобилиятидир.

Барча табиий жисмлар учун  $a_\lambda < 1$ , демак, маълум  $\lambda$  тўлқин узунлиги ва  $T$  ҳароратда мутлақ қора жисм максимал спектрал нурлатиш қобилиятига эга, яъни  $\Phi_\lambda < B(\lambda, T)$ .

### Планк қонуни.

Мутлақ қора жисмнинг нурлатиш қобилияти куйидаги аналитик функция орқали ифодаланади:

$$B(\lambda, T) = \frac{c_1 \lambda^3}{\exp\left(\frac{c_2}{\lambda T}\right) - 1}, \quad (5.5)$$

бу ерда  $c_1=3,741832 \cdot 10^{-16}$  Вт·м<sup>2</sup>,  $c_2=1,438786 \cdot 10^{-2}$  м·К – доимийлар,  $\lambda$  – тўлқин узунлиги,  $T$  – мутлақ ҳарорат (Келвинда).

### Виннинг биринчи қонуни.

Мутлақ қора жисм нурлаган энергия максимумига түгри келадиган түлкін узунлиги унинг мутлақ ҳароратига тескари пропорционал:

$$\lambda_{max} = \frac{c'}{T}, \quad (5.6)$$

бу ерда  $c' = 0,28976 \cdot 10^{-2}$  м·К – доимий.

15-расмдан күриб турибмизки, жисмнинг ҳарорати канча юқори бўлса, энергия максимумига түгри келадиган түлкін узунликлари қисқа тўлқинлар томонига шунчак кўпроқ силжийди ва аксинча, яъни қуидаги муносабатлар ўринли:


$$T_1 > T_2 > T_3, (\lambda_{Bmax})_1 < (\lambda_{Bmax})_2 < (\lambda_{Bmax})_3 \quad (5.7)$$

*Виннинг иккинчи қонуни.*

Мутлақ қора жисмнинг максимал нурлатиш қобилияти жисм мутлақ ҳароратининг бешинчи даражасига пропорционал:

$$B_{max}(\lambda, T) = c'' T^3, \quad (5.8)$$

бу ерда  $c'' = 1,301 \cdot 10^{-5}$  Вт/(м<sup>3</sup>·К<sup>5</sup>) – доимий.



15-расм. Мутлақ қора жисм нурланиш спектридаги энергиянинг тақсимоти (Планк эгри чизиклари).

## *Стефан-Болцман қонуни.*

Мутлақ қора жисмнинг тўлиқ нурлатиш қобилияти жисм мутлақ хароратининг тўртинчи даражасига пропорционал:

$$B = \sigma \cdot T^4, \quad (5.9)$$

бу ерда  $\sigma=5,67032 \cdot 10^{-8}$  Вт/(м<sup>2</sup>·К<sup>4</sup>) - Стефан-Болцман доимийси.

Мутлақ қора жисм тушунчаси билан бир вактда кул ранг жисм тушунчаси киритилади. Барча тўлкин узунликлари учун ютиш қобилияти бир хил бўлган жисм *кул ранг жисм* деб аталади:  $a_\lambda = a = \text{const.}$  Кул ранг жисмнинг нурлатиш қобилияти мутлақ қора жисм нурлатиш қобилиятининг маълум бир қисмини ташкил қиласиди, яъни  $F = aB$ .

### **5.3. Атмосферада куёш радиациясининг ютилиши ва сочилиши**

Куёш радиацияси атмосферадан ўтиб, ер сиртига етиб келгунча ўзгаради. Атмосферадаги ҳаво молекулаларида ҳамда қаттиқ ва суюқ аралашмаларда (аэрозоль) куёш радиацияси сочилади. Куёш радиацияси ҳаводаги газ ва аэрозолларда қисман ютилади. Сочилиш ва ютилиш жараёнлари *селектив* (танлама) характеристга эга бўлганлиги учун, атмосферадан ўтаётгач куёш радиациясининг спектрал таркиби ҳам ўзгаради.

Атмосферада куёш радиациясининг ютилиши катта бўлмайди за асосан инфракизил тўлқинлар диапазонида кузатилади.

Азот куёш радиациясини фақат ультрабинафша тўлқинлар диапазонида ютади. Спектрнинг бу қисмида куёш радиациясининг энергияси ниҳоятда кичик бўлганлиги учун, азотда куёш радиациясининг ютилиши радиация интенсивлигига деярли таъсир кўрсатмайди. Кислород ҳам куёш радиациясини кам микдорда ютади. Ютилиш кўринувчан спектрнинг икки энсиз қисмида ва ультрабинафша қисмда юз беради.

Озон Куёш радиациясини кучли ютади. Ҳавода, ҳатто стратосферада ҳам, унинг микдори кам бўлганига қарамай, у ультрабинафша радиацияни деярли бутунлай ютади ва натижада ер сирти яқинида куёш спектрида 0,29 мкм дан қисқа тўлқинлар кузатилмайди.

Карбонат ангидрид гази Куёш радиациясини инфракизил тўлқинлар қисмида кучли ютади, бироқ унинг атмосферадаги

микдори кам ва шу сабабли ютилиш ҳам кам. Асосан тропосфера ва унинг қуий қатламларида мавжуд бўлган сув буғи атмосферада радиациянинг асосий ютувчиши ҳисобланади. Унинг ютиш полосалари куёш радиациясининг инфрақизил тўлқинлар диапазонида жойлашган. Атмосферадаги сув томчилари (булутлар) ва чанг заррачалари ҳам Куёш радиациясини яхши ютади.

Саҳроларда ўтказилган спектрал кузатишлар атмосфера чанги куёш доимийсими 4-5% гача камайтириши мумкинлигини кўрсатади. Атмосфера кучли хираланганида (айниқса шаҳарларда) Куёш радиациясининг ўта кучли ютилиши кузатилади.

Умуман, Ер сиртига тушаётган Куёш радиациясининг 15-20% атмосферада ютилади. Кўрилаётган жойда ҳаводаги ютувчи моддалар микдори (сув буғи, чанг, булутлар) ва Куёшнинг горизонтдан баландлигига (атмосферада куёш нури босиб ўтадиган масофа), яъни нурлар ўтувчи ҳаво қатламининг қалинлигига боғлик ҳолда ютилиш вакт ўтиши билан ўзгаради.

Ютилиш натижасида Куёш радиацияси энергиянинг бошқа турларига (асосан, иссиқлик, атмосферанинг юқори қатламларида эса ионланиш жараённида электр энергиясига ҳам) айланади.

Атмосфера Куёш радиацияси оқимларига нисбатан хира мухитдир. Атмосфера хирилиги атмосферада турли хил аралашмаларнинг мавжудлигига боғлик. Бироқ, атмосферада аралашмалар бўлмаса ҳам, у хира мухит деб ҳисобланади. Молекулаларнинг иссиқлик ҳаракатида юз берувчи зичлик ўзгаришларига олиб келадиган молекулалар комплекслари ҳам хирилик элементлари ҳисобланади.

Ҳаво зичлиги флюктуацияларида юзага келган радиация сочилиши молекуляр ёки *Релей сочилиши* (бу ҳодисани биринчи бўлиб тавсифлаган инглиз олими шарафига), аралашма заррачаларида кузатиладиган сочилиши эса *аэрозол сочилиши* ёки *Ми сочилиши* (ҳинд физиги шарафига) деб аталади.

Сочилишнинг физикавий моҳияти тушаётган электромагнит тўлқиннинг ўзгарувчи майдони ва муайян мухитда жойлашган зарра ўртасидаги ўзаро таъсирнинг ўзига хос шаклидадир. Нур билан тўқнашгандан сўнг зарранинг ўзи янги электромагнит тўлқин, яъни сочилиган радиация манбаига айланади.

Релей сочилиши икки хусусиятга эга. Биринчидан, сочилиган радиация микдори тушаётган радиациянинг тўлқин узунлигига

бөглиқ. Сочилган радиация интенсивлиги  $i_\lambda$  сочилаётган нурлар түлкін узунлигининг түртінчи даражасига тескари пропорционал:

$$i_\lambda = \frac{a}{\lambda^4} J_\lambda, \quad (5.10)$$

бу ерда  $J_\lambda - \lambda$  түлкін узунлигіда тушаёттан радиацияның интенсиалиғи,  $a$  – пропорционаллық коэффициенті.

Агар кизил ранг учун ( $\lambda=0,7$  мкм) сочилиш интенсивлигіни 1 га тенг деб хисобласак, у ҳолда күринувчан радиация диапазонидаги қисқароқ түлкінли радиация учун қуйидагиларни ёзиши мүмкін:

$\lambda$ мкм	0,62	0,57	0,52	0,47	0,44
$K_\lambda/K_{0,7}$	1,6	2,2	3,3	4,9	6,4

Демек, солчилган радиацияда қисқароқ түлкінларнинг (бинафша, күк, ҳаво ранг) хиссаси тез ортиб боради.

Иккінчидан, тушаёттан нурнинг йұналиши бүйлаб сочилган нурнинг ёргулиғи максимал, күндаланғ йұналишда эса минимал бўлади. Демек, нафақат ер сирти томон, балки коинот томонга ҳам сочилиш содир бўлади. Таъкидлаш лозимки, тушаёттан кутбланмаган нурдан фарқли сочилган нур қисман кутбланганд бўлади. Шу билан бирга, осмон гумбазининг турли қисмларидан келаётган радиация турлича кутбланиш даражасига эга.

Аэрозол сочилиш, шу жумладан майда сув томчилари ва муз кристалларидан сочилишда, сочилган нурнинг интенсивлиги түлкін узунлигининг биринчи ёки иккінчи даражасидаги тескари пропорционал. Шунинг учун, бундай заррачаларда сочилган радиация молекулаларда сочилган радиациядек қисқа түлкінларга бой бўлмайди. Бундан ташқари, заррача қанча катта бўлса, тушаёттан нур йұналишида сочилиш шунча кучлироқ бўлади.

Аэрозол сочилишда ёргуликнинг кутбланиш даражаси молекуляр сочилищдагига нисбатан анча кичик.

Атмосферада күёш радиациясининг сочилиши ва ютилиши жараёнлари натижасида спектраптаркибининг узунроқ түлкінлар томонига ўзгариши кузатилиди. Юқорида кайд қилинганидек, атмосферанинг юқори чегарасида күёш радиациясининг 9% ультрабинафша (УБ), 47% - күринувчан (К) ва 44% - инфракизил

(ИК) радиация қисмларига тұғри келади. Қуёш тиккада бұлганида ( $h_0=90^\circ$ ) бу муносабатлар қуидагиша үзгәради: УБ – 4%, К - 46%, ИК - 50%. Қуёшнинг горизонтдан баландлиги  $30^\circ$  га тенг бўлганда қуёш энергиясининг 3% ультрабинафша, 44% - кўринувчан ва 53% - инфрақизил радиация спектрларига тұғри келади. Ва, нихоят, Қуёш уфқда бўлганда (ботишдан олдин) қуёш радиациясининг 28% и кўринувчан радиация, 72% и эса инфрақизил радиацияни ташкил қилади.

Атмосферада кузатиладиган баъзи оптик ҳодисалар қуёш радиациясининг сочилиши ва ютилиши билан боғлик.

Тоза атмосферада сочилиш жараёнлари натижасида Ер сирти яқинида Қуёш спектрида кўринувчан қисқа тўлқинлар устун бўлади. Қуёш спектрида энергия максимуми кўк-ҳаворанг тўлқин узунликларига тұғри келгани учун тоза атмосферада осмоннинг тузи кўк-ҳаворанг бўлади. Атмосфера қанча тоза ва қуруқ бўлса, осмоннинг тузи шунча кўк бўлади.

Ҳавода аэрозол заррачаларнинг миқдори ортиши билан, қуёш спектрида узун тўлқинларнинг улуши ортади ва осмоннинг тузи оқимтири бўлади.

Қуёш уфқда бўлганда у сарик ёки ҳатто, қизил тусни олади. Бу атмосферада қуёш нурлари босиб ўтган ҳаво қатламишининг қалинлиги билан боғлик. Ҳаво қатлами қанча қалин бўлса, ютилиш ва сочилиш жараёнлари шунча кучли бўлади ва Ер сиртигача кўринувчан радиациянинг энг узун – қизил нурлари етиб келади.

Кундузи қуёш радиациясининг атмосферада сочилиши сочилган ёруғликни юзага келтиради. Агар Ерда атмосфера бўлмаганида фақат тұғри ёки қайтган қуёш нурлари тушган жойлар ёруғ бўлар эди. Сочилиш жараёнлари натижасида кундузи бутун атмосфера ёруғлик манбаи бўлиб хизмат қиласи – кундузи қуёш нурлари тушмаган жойлар ҳам ёруғ, бутунлай булутлиликда булут остидаги атмосфера қатламида сочилган радиация ёруғлик ҳосил қиласи.

Кўринувчанликнинг горизонтал ёки метеорологик узоқлиги кўринувчан радиациянинг сочилиши билан боғлик.

Жуда тоза ҳавода (масалан, арктик ҳавода) кўринувчанлик узоқлиги бир неча юз километргача етиши мумкин. Бундай ҳавода ёруғликнинг сочилиши асосан фақат атмосфера газларининг молекулаларида содир бўлади. Агар ҳавода чанг ёки конденсация маҳсулотлари кўп миқдорда кузатилса, кўринувчанлик бир неча

километр ва метрларгача камаяди. Масалан, кучсиз туманда кўринувчанлик узоқлиги 500-1000 м тартибида бўлса, кучли туманда ёки чанг бўронида кўринувчанлик 50 м ва ундан кам бўлиши мумкин. Агар кўринувчанлик узоқлиги кичик, бирок бир километрдан каттароқ бўлса, бу ҳолда туман эмас, балки *туман пардаси* тўғрисида гапириш мумкин.

#### 5.4. Кучсизланиш қонуни. Атмосферанинг шаффоффлик характеристикалари


Атмосферада сочилиш ва ютилиш жараёнлари натижасида кўёш радиацияси кучсизланади. Кўёш радиациясининг кучсизланиши ҳавонинг таркиби ва зичлиги ҳамда кўёш нурлари босиб ўтган масофасига боғлик.

Радиациянинг монокроматик (маълум  $\lambda$  тўлқин узунликли) оқими учун кўёш радиациясининг кучсизланиши формуулалари энг содда кўринишга эга.

Баландлик бўйича ҳаво таркиби ва зичлиги ўзгариши сабабли,  $dJ'_\lambda$  радиация кучсизланишини  $\rho$  зичликка эга бўлган атмосферанинг юпқа  $dS$  қатламида кўрайлик (16-расм):

$$dJ'_\lambda = -\alpha_\lambda J'_\lambda \rho \cdot dS, \quad (5.11)$$

бу ерда  $J'_\lambda$  – кўрилаётган қатламнинг юқори чегарасига тушаётган радиация миқдори,  $\alpha_\lambda$  – кучсизланишининг *масса кўрсаткичи* деб аталувчи  $m^2/kg$  ларда ўлчанадиган пропорционаллик коэффициенти.



16-расм. Бугер формуласини келтириб чиқаришга доир.

$\alpha_\lambda$  коэффициенти кўёш радиациясининг сочилиши ва ютилишини умумлашган ҳолда хисобга олади. У тўлқин узунлигига боғлик, чунки сочилиш ва ютилиш жараёнлари танлаш характеристига эга. Бутун атмосфера қатлами учун бу коэффициентнинг бирор ўртача қийматини қабул қиласиз. (5.11) ифодани кўёш радиацияси  $J_{\lambda 0}$  га тенг бўлган

А нуктадан қүёш радиацияси  $J_\lambda$  га тенг бўлган В нуктагача интеграллаймиз:

$$\int_{J_{\lambda_0}}^J \frac{dJ'_\lambda}{J'_\lambda} = -\alpha_\lambda \int_A^B \rho \cdot dS \text{ ёки } J_\lambda = J_{\lambda_0} e^{-\alpha_\lambda \int_A^B \rho \cdot dS}. \quad (5.12)$$

$\alpha_\lambda \int_A^B \rho \cdot dS = M$  ифода – бирлик юзали атмосфера устунидаги ҳавонинг массасидир.  $\alpha_\lambda$  коэффициентининг физикавий мазмунини аниклайлик.  $\rho \cdot dS = 1 \text{ кг}/\text{м}^2$  тенг бўлсин, унда (5.11) куйидагича ёзилади:

$$\alpha_\lambda = -\frac{dJ'_\lambda}{J'_\lambda}. \quad (5.13)$$

Демак, кучсизланишининг масса қўрсаткичи бирлик массали ҳаво устунида радиациянинг нисбий камайишига тенг бўлади.

$m=M/M_0$  тенг бўлган нисбатни киритамиз, бу ерда  $M_0$  – бирлик юзали вертикал устундаги ҳавонинг массаси.  $m$  катталик атмосферанинг оптик массаси деб аталади, у Қуёшнинг горизонтдан баландлигига  $h_\oplus$  боғлиқ.

Қуёшнинг горизонтдан баландлиги  $30^\circ$  дан ортса, атмосфера оптик массасини  $h_\oplus$  орқали ифодалаш мумкин (16-расмга қаранг):

$$M=M_0 \operatorname{cosec} h_\oplus \text{ ёки } m=\operatorname{cosec} h_\oplus. \quad (5.14)$$

Қуёшнинг турли бурчак баландликларида атмосферанинг оптик массаси куйидаги қийматларга эга:

$h_\oplus$	90	80	60	50	40	30	20	10	5	3	0
$m$	1,00	1,02	1,06	1,16	1,30	1,55	2,00	2,90	5,60	15,40	35,40

$M$  ва  $m$  ифодаларидан фойдаланиб (5.12) ифодани ўзgartирамиз:

$$J_\lambda = J_{\lambda_0} e^{-\alpha_\lambda M_0 m}. \quad (5.15)$$

Атмосферанинг оптик қалинлиги (ёки кучсизланиш коэффициенти) деб номланган  $\tau_\lambda = \alpha_\lambda \cdot M_0$  катталикни киритамиз ва (5.15) ифодани қуйидагича ёзамиз:

$$J_\lambda = J_{\lambda 0} e^{-\tau_\lambda m}. \quad (5.16)$$

Бу формула Бугге-Ламберт қонуни ёки кучсизланиш қонунини ифодалайди.

Амалда атмосферада күёш радиациясининг кучсизланишини характерлаш учун *атмосферанинг шаффоффлик коэффициенти тушунчаси* киритилади:

$$P_\lambda = e^{-\tau_\lambda}. \quad (5.17)$$

У холда (5.16) қуйидагича ифодаланади:

$$J_\lambda = J_{\lambda 0} P_\lambda^m, \quad (5.18)$$

агар Қуёш тиккада бўлса ( $m=1$ ):

$$J_\lambda = J_{\lambda 0} P \text{ ёки } P_\lambda = \frac{J_\lambda}{J_{\lambda 0}}. \quad (5.19)$$

Демак, шаффоффлик коэффициенти Қуёш тиккада бўлганида радиация оқимининг қанчаси Ер сиртига етиб келишини кўрсатади.

Шаффоффлик коэффициенти ҳаво массасининг физикавий хусусиятларини тавсифлайди. Ҳавода қуёш радиациясини ютадиган газлар ва аэрозол аралашмалар миқдори қанча кўп бўлса, шаффоффлик коэффициенти шунчалик кичик бўлади. Шу билан бирга монокроматик оқим учун шаффоффлик коэффициенти Қуёшнинг бурчак баландлиги, демак атмосферанинг оптик массасига боғлиқ эмас.

Шаффоффлик коэффициенти тўлқин узунлигининг функциясиdir. Назарий ҳисоблашлар идеал (тоза ва куруқ) атмосфера учун қуйидаги боғланишларни кўрсатади:

$\lambda, \text{ мкм}$	0,35	0,39	0,45	0,50	0,60	0,70	0,80	1,00	2,00
$P_\lambda$	0,551	0,685	0,812	0,874	0,938	0,966	0,980	0,992	0,999

Бу боғланиш идеал атмосферадаги сочилиш кучсизланишнинг асосий жараёни эканлиги билан тушинтирилиб, қисқа тўлқинлар учун энг кучли ифодаланади.

Радиация оқимининг умумий (интеграл) кучсизланиши ифодасини ҳосил қилиш учун уни барча тўлқин узунликлари бўйича интеграллаш керак:

$$J = \int_0^{\infty} J_{\lambda} d\lambda = \int_0^{\infty} J_{\lambda 0} P_{\lambda}^m d\lambda. \quad (5.20)$$

Тўлқин узунлигига боғлиқлиги сабабли бу интегрални ҳисоблаш етарлича қийин. Шунинг учун  $P_{\lambda}$  нинг бирор ўртача қиймати киритилади ва қуйидаги ифода ҳосил қилинади:

$$J = J_0 P^m. \quad (5.21)$$

бу ерда  $P$  – интеграл шаффоффлик коэффициенти.

## 5.5. Атмосфера шаффоффлигининг интеграл характеристикалари

Шаффоффлик коэффициенти атмосферанинг нафақат физикавий ҳолатига, балки  $m$  оптик массаси қийматига ҳам боғлиқ.  $m$  ортган сари шаффоффлик коэффициенти  $P$  ҳам ортади. Гап шундаки,  $m$  ортиши билан Куёш радиациясининг спектрал таркиби ўзгаради – умумий радиация оқимида қисқа тўлқинли радиациянинг улуси камаяди, узун тўлқинли радиациянинг улуси эса ортади. Атмосфера узун тўлқинли радиация учун шаффоффрок мухиг' ҳисобланади.  $m$  оптик масса ва  $P$  шаффоффлик коэффициенти орасидаги бундай боғланиш *Форбс эффекти* деб аталади. Форбс эффекти таъсирини бартараф қилиш учун шаффоффлик коэффициентлари маълум оптик массага ( $m=2$ ) келтирилади.

Шаффоффлик коэффициенти қуйидаги формула бўйича ҳисобланади:

$$P_2 = \sqrt{\frac{J_{\text{max}}}{J_0}}, \quad (5.22)$$

бу ерда,  $J_0$  - Куёш доимииси,  $J_{m=2}$  – Ер сирти яқинида Куёш нурига перпендикуляр бирлик юзага тушаётган ва  $m=2$  оптик массага келтирилган Куёш радиацияси миқдори.

Маълум оптик массага келтирилган реал атмосферанинг шаффофлик коэффициенти атмосферанинг физик ҳолатига, яъни атмосферадаги аралашмалар ва ютувчи газларнинг миқдорига боғлиқ. Бундан тапкари шаффофлик коэффициенти кузатиш олиб борилаётган жой ва шу ҳудуд устидаги ҳаво массасининг типига ҳам боғлиқ. Шаффофлик коэффициенти одатда 0,5 дан 0,9 гача ўзгаради. Ўртacha олганда куйи кенгликларда юқори кенгликлардагига қараганда шаффофлик коэффициенти кичикроқ бўлади. Шаффофлик коэффициентининг ( $m=2$  бўлганда) ўртacha қийматлари атмосферанинг шаффофлиги юқори бўлганда – 0,826, катта бўлганда – 0,786, меъёра бўлганда – 0,747, кичик бўлганда – 0,697, паст бўлганда – 0,652 ва жуда паст бўлганда 0,549 ни ташкил қилади. Шаффофлик коэффициенти яхши ифодаланган суткалик ва йиллик ўзгаришларга эга.

Шаффофлик коэффициентининг атмосфера шаффофлигининг ўзгаришларига паст сезгирилиги унинг камчиликларидан бири ҳисобланади. Шунинг учун бошқа шаффофлик характеристикалари киригилади.

$\tau$  атмосферанинг оптик қалинлигини учта ташкил этувчидан иборат бўлган йигинди билан ифодалаш мумкин:

$$\tau = \tau_i + \tau_b + \tau_a. \quad (5.23)$$

Бу ифодада  $\tau_i$  - куруқ ва тоза (идеал) атмосферада радиациянинг кучсизланишига боғлиқ бўлган атмосферанинг оптик қалинлиги;  $\tau_b$  - атмосферадаги сув буғи ва карбонат ангидриди таъсирида радиациянинг кучсизланишига боғлиқ бўлган атмосферанинг оптик қалинлиги;  $\tau_a$  - атмосферадаги аэрозоль таъсирида радиациянинг кучсизланишига боғлиқ бўлган атмосферанинг оптик қалинлиги.

*Атмосферанинг хирадик омили куйидагича ифодаланади:*

$$\frac{\tau}{\tau_i} = T. \quad (5.24)$$

Физикавий мазмуни бўйича хиалик омили – бу радиацияни реал атмосфера каби кучсизлантирадиган идеал атмосфералар сони. Хиалик омили доим 1 дан катта бўлади ( $T>1$ ).

(5.24) ифодани (5.16) га кўйсак,

$$J = J_0 e^{-\frac{r}{l} m T} \quad \text{ёки} \quad J = J_0 P_l^{m T}. \quad (5.25)$$

(5.18) ва (5.25) ларни таққослашдан

$$P^m = P_l^{m T} \quad \text{ёки} \quad T = \frac{\lg P}{\lg P_l} \quad (5.26)$$

келиб чиқади.

(5.16) ва (5.18) тенгламалардаги  $\lambda$  индекслари бу тенгламалар интеграл шаффоффлик учун ёзилганлиги сабабли тушириб қолдирилган.

Хиалик омилини ҳисоблаш учун қуйидаги ишчи формула қўлланилади:

$$T_2 = 11,5 \lg \frac{J_0}{J_{m=2}}, \quad (5.27)$$

бу ерда  $J_0$  - қуёш доимийси,  $J_{m=2}$  – 2 га тенг бўлган оптик массага келтирилган тўғри қуёш радиацияси,  $T$  -  $m=2$  бўлгандаги хиалик омили.

$m=2$  бўлганида хиалик омилиниң қийматлари кенг чегарада ўзгаради ва ҳаво массасининг турига боғлиқ. Экваториал денгиз ҳавосининг шаффоффлиги энг кичик, шунинг учун –  $T=4,6$ , тропик денгиз ҳавосида –  $T=3,6$ , тропик континентал ҳавода –  $T=3,49$ , ўрта кенгликлар континентал ҳавосида –  $T=3,09$ , денгиз ҳавосида –  $T=2,66$ , арктик континентал ҳавода –  $T=2,45$ . Арктик ҳаводаги хиалик омилиниң энг катта қиймати 1,91 га тенг. Хиалик омили яхши ифодаланган суткалик ва йиллик ўзгаришларга эга.

Интеграл шаффоффликни ҳисоблаш учун яна бир характеристика – келтирилган шаффоффлик кўрсатикичи қўлланилади:

$$P_a = \frac{J_0 - J_{m=2}}{J_0}, \quad (5.28)$$

Физикавий моҳиятига кўра у қуёш нурининг оптик массаси  $m=2$  бўлган атмосферадан ўтишида қуёш радиациясининг атмосфера кучсизлантирган улушини кўрсатади. Қуёш радиациясининг умумий кучсизланиши идеал атмосфера ( $P_i$ ), сув буги ( $P_{ab}$ ) за атмосфера аэрозолида ( $P_{aa}$ ) кучсизланишларидан иборат бўлади:

$$P_a = P_i + P_{ab} + P_{aa}. \quad (5.29)$$

$m=2$  бўлганда денгиз сатҳи яқинида идеал атмосферада қуёш радиациясининг кучсизланиши  $1,13 \text{ кВт}/\text{м}^2$  га тенг бўлиб, кучсизланиш кўрсаткичлари бирликларида  $0,17$  (17%) ни ташкил этади. Кучсизланиш кўрсаткичи ҳаво массасининг хусусиятларига боғлиқ. Қишида ўрта кенгликлар Сибир ҳавосида  $P_a$   $0,22$ - $0,25$ , ёзда тропик ҳаво массасида  $0,55$ - $0,60$  ни ташкил этади.

## 5.6. Қуёш радиациясининг турлари

Ер сиртига қуёш радиацияси тўғри ва сочилган ҳолда етиб келади.

*Тўғри қуёш радиацияси* деб бевосита Қуёшдан параллел нурлар оқими кўринишда кузатиш жойигача етиб келган радиацияга айтилади. Қуёш нурларига перпендикуляр юзага  $J$  ва горизонтал юзага  $J'$  тушаётган Қуёш радиациясини ўлчашади. Қуёш радиациясининг иккала тури ҳам Қуёш доимийсига, Қуёшнинг горизонтдан баландлигига  $h_\oplus$ , географик кенглика, Қуёш оғишига, атмосферанинг физикавий ҳолатига боғлиқ. Санаб ўтилган омилларнинг таъсири  $J$  ва  $J'$  оқимларнинг кент чегараларда ўзгаришига олиб келади.

Булутсиз атмосферада тўғри қуёш радиацияси максимуми тушга якин соатларга тўғри келадиган оддий суткалик ўзгаришга эга. Қитъаларда тушдан олдин ва тушдан кейинги соатларда тўғри қуёш радиацияси суткалик ўзгаришида атмосфера шаффофлигининг фарқлари билан изоҳланувчи ассиметрия тез-тез кузатилади. Ёзда тушдан кейин атмосфера хирапоқ бўлади. Қишида, эрталабки соатларда пайдо бўладиган инверсия қатламларининг таъсирида тескари ҳолат кузатилиши мумкин.

Атмосферанинг хиравлиги қуёш радиациясининг келишига кучли таъсир кўрсатади. 5.1-жадвалда турли кенгликларда

жойлашган пунктлар учун перпендикуляр юзага келган  $J$  тўғри күёш радиациясининг максимал қийматлари келтирилган.

### 5.1-жадвал

#### $J_{max}$ максимал қийматлари ( $\text{kVt}/\text{m}^2$ )

а) дengиз сатҳидан 500 м дан пастроқда жойлашган пунктлар

Пункт	$J_{max}$	Пункт	$J_{max}$
Шимолий кутб	0,90	Москва	1,03
Диксон ор.	1,04	Ашхабод	1,01
С.-Петербург	1,00	Тошкент	1,06
Якутск	1,05	Владивосток	1,02

б) тоғли ҳудудулар

Пункт	Баландлик, м	$J_{max}$
Такубая (Мексика)	2300	1,16
Тянь-Шань	3670	1,30

Станциялар турли кенгликларда жойлашганлигига қарамай,  $J_{max}$  қийматларидаги фарқ катта эмас. Диксон оролида  $J_{max}$  жануброкда жойлашган станциялардагидан катта. Бу куйи кенгликларда атмосфера ҳавоси кўпроқ сув буғи ва аралашмаларга эга бўлиши билан изоҳланади.

Тўғри күёш радиацияси оқимига радиациянинг сув буғларида ютилиши жараёнларининг таъсири қуидаги жадвалда кўрсатилган:

$a$ , $\text{g}/\text{m}^3$	2,8	4,8	6,4	8,7	11,6
$J$ , $\text{kVt}/\text{m}^2$	0,94	0,87	0,80	0,73	0,66

Барча ҳолларда Куёш бир хил бурчак баландликда ( $\lambda_\oplus=30^\circ$ ) жойлашган.

Денгиз сатҳига нисбатан баландлик ортиши билан күёш радиацияси оқими ҳам ортади, чунки атмосферанинг оптика қалинлиги камаяди. Куёш радиацияси оқими баландлик ортиши билан атмосферанинг қуийи қатламларида тезроқ, юқори қатламларида эса секинроқ ортади.

Тўғри күёш радиациясининг йиллик ўзгаришига биринчи навбатда, қишида кичикроқ, ёзда – каттароқ бўладиган Куёшнинг туш пайтидаги баландлиги  $\lambda_\oplus$  таъсири кўрсатади. Шунинг учун ҳам ўрта кенгликларда күёш радиациясининг минимал қийматлари,

одатда, декабр-январ ойларида кузатилади.  $J$  ва  $J'$  ларнинг максимал қийматлари эса ёз ойларида эмас, балки майда кузатилади, чунки баҳорда ҳавода чанг ва сув буғи микдори камроқ бўлади.

Тўғри қуёш радиацияси оқимига булутлилик кучли таъсир кўрсатади. Куёшнинг кичик бурчак баландликларида ( $15-20^\circ$  гача), хатто юқори қават булутлар кузатилганда  $J'$  оқим нолга яқинлашади. Баланд тўп-тўп булутларда Куёшнинг баландлиги  $\eta_\Phi > 30^\circ$  бўлгандагина  $J' > 0$  бўлади. Қатламли, ёмғирли қатламли ва тўп-тўп булутлар Куёшнинг барча баландликларида тўғри қуёш радиациясини бутунлай ўтказмайди.

Бирлик горизонтал юзага бирлик вақт давомида осмон гумбазининг барча нукталаридан (Куёшдан ташқари) тушаётган радиация микдори сочилган радиация оқими ( $D$ ) деб аталади. Тўғри қуёш радиацияси қандай омилларга боғлиқ бўлса, сочилган радиация оқими ҳам худди шуларга боғлиқ. Бундан ташқари  $D$  ер сиртининг қайтариш қобилиятига (албедо) боғлиқ.

Булутсиз осмонда атмосферанинг хирадиги радиациянинг сочилишига катта таъсир кўрсатади (17-расм). Хирадик омили ортган сари сочилган радиация микдори ҳам ортади. Куёшнинг баландлиги қанча катта бўлса, сочилган радиациянинг ортиши шунча тезроқ кузатилади.


Табиий сиртларнинг албедоси ортиши билан сочилган радиациянинг микдори кескин ортади (айниқса қор қопламида). Булутсиз осмон учун сочилган радиация оқими оддий суткалик ўзгаришга эга. Сочилган радиациянинг максимуми тушки соатларга тўғри келади.

Йиллик ўзгаришда сочилган радиациянинг максимуми ёзда кузатилади (Куёшнинг баландликлари энг катта).

Булутсиз атмосферада сочилган радиация оқими инсолициянинг 10% ни ташкил қиласи, яъни ўртacha  $0,10-0,12 \text{ кВт}/\text{м}^2$  га teng бўлади.

Атмосферада булутлиликнинг пайдо бўлиши сочилган радиация оқимининг кескин ортишига олиб келади. Сочилиш булутлардаги йирик заррачалар – сув томчилари ва муз кристалларида кузатилади. Сочилган радиация оқими булутларнинг шакли (тури) ва микдорига боғлиқ. Осмон бутунлай булутлар билан қопланганида сочилган радиация оқими  $0,7 \text{ кВт}/\text{м}^2$  гача етиши

мумкин. Сочилган радиациянинг энг катта қийматлари Арктика шароитларида кузатилади ( $0,7 \text{ кВт}/\text{м}^2$  дан ортиқ).



17-расм. Булутсиз осмонда сочилган радиация интенсивлининг күёшниг турли баландликларидаги  $k_0$  хирадлик омили  $T$  га боғлиқлиги.

Денгиз сатхига нисбатан баландлик ортиши билан сочилган радиация оқими камаяди.

Сочилган радиация Ер сиртида ёруғликни кўпайтиради. Кисман булутлиликда ёруғлик 40% гача ортиши мумкин.

Горизонтал юзага тушаётган тўғри  $J'$  ва сочилган  $D$  радиацияларнинг йигинди (ялти) радиация деб аталади:

$$Q = J' + D. \quad (5.30)$$

Йигинди радиациянинг келиши тўғри ва сочилган радиациялар белгилайдиган омилларга боғлиқ. Булутсиз атмосферада йигинди радиациянинг атмосфера шаффоғлигига боғлиқлиги яққол кўринади. Атмосферада аэрозоллар кўпайиши билан тўғри радиация камаяди, сочилган радиация эса ортади. Натижада йигинди радиациянинг микдори бироз камаяди.

Йигинди радиациянинг суткалик ва йиллик ўзгаришлари тўғри ва сочилган радиацияларнинг ўзгаришларига мос келади (ёзда тушга якин соатларда – максимум, кишда – минимум кузатилади). Йигинди радиациянинг кундузги қийматлари таҳминан  $0.8\text{--}0.9 \text{ кВт}/\text{м}^2$  га teng бўлади.

Турли кунлар учун булутларнинг тури ва миқдорига ҳамда күёш гардишининг ҳолатига боғлик ҳолда йиғинди радиациянинг суткалик ўзгаришлари турлича.

Булутлиликтининг кўпайиши сочилган радиациянинг ортишига ва тўғри радиациянинг камайишига олиб келади. Ёзда йиғинди радиацияда тўғри радиациянинг улуши энг катта бўлади. Ўрта Осиёда у 80% ни ташкил қиласиди.

Йиғинди радиацияга қор қопламининг таъсири катта. Баъзи ҳолларда, тоғларда булутлардан ва қор қопланган тоғ ёнбагирлардан тўғри радиацияни қайтариш жараёнлари таъсирида йиғинди радиациянинг миқдори күёш доимийсидан ҳам катта бўлади. Масалан, Терскол чўққисида (денгиз сатҳидан 3100 м баландликда) 1962 й. 11 майда соат 12.30 да 7 балли тўп-тўп булутлиликда йиғинди радиациянинг қиймати  $1,44 \text{ kVt/m}^2$  тенг бўлган.

## 5.7. Күёш радиациясининг қайтарилиши. Албедо

Ер сиртига етиб келган йиғинди радиация, қисман тўшалган сиртда (ер ёки сув қатлами) иссикликка айланади, қисман қайтарилади. Күёш радиациясининг тўшалган сиртдан қайтарилиши сиртнинг хусусиятларига боғлик ва сиртнинг албедоси деб аталади.

Қайтарилиган радиациянинг йиғинди радиацияга нисбати албедо деб аталади (% ларда):

$$A = \frac{J_{qay}}{Q} \cdot 100\%. \quad (5.31)$$

Шундай қилиб, ер сиртидан қайтарилиган радиация миқдори  $J_{qay} = A Q$ , тўшалган сиртда ютилган қисми эса  $Q(1-A)$  га тенг бўлади ва ютилган радиация деб аталади.

Тўшалган сиртнинг албедоси унинг ҳолати ва хусусиятлари билан белгиланади ва Күёшнинг баландлигига боғлик.

Тўшалган сиртларнинг барча турлари учун бир хусусият характерли – албедонинг энг катта ўзгаришлари Күёш чиққандан унинг баландлиги  $30^\circ$  га етгунга қадар кузатилади.

Ер сирти албедосининг кескин ўзгаришлари қор қоплами шаклланадиган пайтларда юз беради. Бу даврларда қўшини кунларда албедонинг фарқлари 20-30% гача етиши мумкин, қолган пайтда

эса ёзда 3% дан, қишида континентал иқлимдә – 7% дан, денгиз иқлимида – 12% дан ошмайды.

Тұшалған сиртларнинг баъзи турларининг альбедосини күриб чиқайлик.

*Қор қоплами.* Қор қопламининг албедоси булутсиз об-ҳавода күрилаётган жойнинг физик-географик шароитларига боғлиқ бўлиб, 52-99% чегараларда ўзгариши мумкин. Нам ифлосланган корнинг альбедоси 20-30% гача камайиши мумкин. Булатлилик ортиши билан қор қопламининг албедоси ортади.

Кун мобайнида қор қопламининг албедоси ўзгаради. Қуёш чиқиши билан тоза қуруқ қор қопламининг албедоси 3-8% га ўзгаради. Кун ўртасига нисбатан албедонинг кунлик ўзгариши асимметрик - Қуёшнинг бир хил баландликларида тушдан олдин кузатилган албедолар тушдан кейингилардан кичик бўлади.

*Ўтли қоплам.* Ўтларнинг серсувлитига, рангига ва қалинлигига қараб ўтли қопламнинг албедоси 12 дан 28% гача ўзгаради. Нам ўтларнинг албедоси қуруқ ўтлар албедосидан 2-3% га кичик бўлади.

Ўтли қопламнинг албедоси Қуёшнинг баландлигига боғлиқ - қуруқ яшил ўтларнинг эрталабки ва кечкурнудаги албедоси тушдаги албедосидан 2-9% га катта. Кузда сўлиш даврида қуруқ ўтли қоплам албедоси 11-24%, баҳорда ўтган йилги ўтнинг албедоси 10-23% чегарсида ўзгаради.

*Тупроқ албедоси.* Тупроқ сиртининг албедоси тупроқ турига, унинг тузулиши, ранги ва намлигига боғлиқ.

Қуруқ тупроқларнинг ўртача албедоси 8 дан 26% гача ўзгариши мумкин. Оқ қумнинг албедоси энг катта – 40%. Нам тупроқнинг албедоси қуруқ тупроқницидан 3-8% га, оқ қумники – 18-20% га кичик бўлади. Тупроқнинг нотекислиги (ғадир-будурлиги) камайиши билан унинг албедоси ортади. Кунлик ўзгаришида тупроқ албедоси Қуёшнинг кичик баландликларида – максимал, Қуёш тиккада бўлганида – минимал бўлади. Албедонинг кундузги ўзгариши амплитудаси 11-17% ташкил этади.

*Сув сирти албедоси.* Сув сирти албедоси қатор омилларга, шу жумладан, Қуёшнинг баландлигига, булатлар миқдорига, сув ҳавзаларининг характеристикалари (чуқурлик, сув тиниқлиги ва бошқа) ва тўлқинланиш даражасига боғлиқ. Май-сентябр ойлари мобайнида йирик табиий сув ҳавзалари ва сув омборларининг

ўртача ойлик албедолари 7 дан 11% гача, саёз сув ҳавзаларининг албедоси – 11 дан 16% гача ўзгаради.

Сув сирти албедосининг кунлик ўзгариши булутлар бўлмаганида яққол ифодаланган бўлади. Бундай ҳолатларда албедонинг кунлик ўзгариши амплитудалари 30% ва ундан каттароқ бўлиши мумкин. Кучли тўлқинланишда ёки бутунлай булутлиликда кун мобайнида албедо деярли ўзгармайди. Бутунлай булутлиликда океан ва денгизларнинг албедоси 6-8% ни ташкил қиласди.

Сув сирти албедосининг Қуёшнинг бурчак баландлигига боғланишини қуидаги жадвалдан кўриши мумкин:

$H_0$	90°	50°	45°	20°	5°
A%	2	4	5	12	35

*Бошқа сиртлар албедоси.* Игна баргли ўрмонларнинг албедоси 10-15%, баргли ўрмонларнинг албедоси 15-20%, сули ва буғдой майдонларининг албедоси 10-25%, картопка майдонлари – 15-25%, пахта майдонлари – 20-25% албедога эга.

*Булутлар албедоси.* Булутларнинг албедоси уларнинг вертикал қалинлигига ва турига боғлиқ. Албедонинг энг катта қийматлари юқори тўп-тўп ва қатламли тўп-тўп булутларга характерли. Бир хил қалинликдаги (300 м) юқори тўп-тўп булутнинг албедоси 71-73%, қатламли тўп-тўп булутнинг албедоси эса 56-64% ни ташкил қиласди.

Булутлар албедоси улар остидаги ер сирти албедосига боғлиқ.

Ер сирти ва булутларнинг албедоси биргаликда сайёрамизнинг албедосини ташкил қиласди. Булутлилик бўлмаганида Ернинг ўртача йиллик албедоси экваториал ва тропик кенгликларда таҳминан 17%, кутбий кенгликларда таҳминан 50% ни ташкил қиласди. Булутлилик Ер албедосини 25-30% дан 60% гача орттиради. Умуман, сайёрамизнинг ўртача албедоси 29 дан 32% гача ўзгаради. Демак, Қуёшдан келган радиациянинг учдан бир қисми космик фазога қайтарилади. Бу жараёнда булутлилик асосий ўринни эгаллайди.

## 5.8. Ер сирти ва атмосферанинг узун тўлқинли нурланиши. Эффектив нурланиши

Узун тўлқинли радиация деб тўлқин узунликлари 4 мкм дан 100-120 мкм гача бўлган радиацияга айтиллади.

Ер сирти ва атмосфера, ихтиёрий жисмлар каби энергияни нурлайди. Ер ва атмосферанинг ҳароратлари Қуёш ҳароратидан анча паст бўлғанлиги учун, улар нурлаган энергия кўринмас инфрақизил спектрга тўғри келади. Ер сиртини ҳам, атмосферани ҳам мутлақ қора жисм деб бўлмайди. Турли сиртларнинг узун тўлқинли радиация спектрларини ўрганиш етарли аниқлик билан Ерни кул ранг жисм деб ҳисоблаш мумкинлигини кўрсатди. Бу шунни билдирадики, барча тўлқин узунликлари учун ер сиртининг нурланиши унинг ҳарорати билан бир хил бўлган мутлақ қора жисмнинг нурланишидан бир хил кўпайтувчига фарқланади:

$$B_0 = \delta\sigma T_0^4, \quad (5.32)$$

бу ерда  $B_0$  – ер сиртининг нурланиш оқими ( $\text{kVt}/\text{m}^2$ ),  $\sigma$  - Стефан-Болцман доимийси,  $T_0$  - ер сирти ҳарорати,  $\delta$  - ер сиртининг ютиш қобилияти ёки ютишининг нисбий коэффициенти. Турли сиртлар учун  $\delta$  нинг қийматлари 0,89 дан 0,99 гача ўзгаради. Қор энг катта ютиш қобилиятига эга ( $\delta=0,995$ ), сув сиртининг ютиш қобилияти энг кичик -  $\delta=0,89$ . Ўртacha ер сирти учун  $\delta=0,95$  га teng деб ҳисобланади.

Ер сирти нурланиши Қуёш нурланишидан анча кичик бўлса ҳам, горизонтал юзага етиб келадиган Қуёш радиацияси оқими билан таққосланадиган даражада бўлади. Турли ҳароратларда мутлақ қора жисмнинг нурланиш оқими куйида кўрсатилган:

$t^\circ\text{C}$	-40	-20	0	20	40
$\text{kVt}/\text{m}^2$	0,17	0,24	0,32	0,43	0,55

Ер сирти ҳароратларида ( $-93^\circ\text{C}$  – Арктика музлари,  $77^\circ\text{C}$  – сахро кумлари) ер сирти нурланиши 4 дан 120 мкм тўлқинлар диапазонига, энергия максимуми эса – 10-15 мкм га тўғри келади.

Ер сиртининг нурланиши унинг ҳароратига ва турига боғлиқ. Ер сиртининг нурланиши кундузи яққол ифодаланган максимумга, кечаси – минимумга эга. Кечаси нурланиш ҳисобидан ер сирти совийди.

Атмосфера қисқа тўлқинли қуёш радиацияси (Ерга келаётган жами радиациянинг 75% атрофида) ва ер сирти нурлаган узун тўлқинли радиациясини ютиш ҳисобига, ҳамда сув бугининг

фазавий ўтишлари натижасида ажралган иссиқлик ҳисобига исийди. Ер сирти каби атмосфера ҳам узун тўлқинли радиацияни нурлайди.

Атмосфера радиациясининг кўп қисми (70%) ер сирти томон нураланади, қолган қисми эса космик фазога чиқиб кетади. Ер сирти томон йўналган атмосфера радиацияси атмосферанинг учрашма нурланиши деб аталади. Ер сирти учрашма нурланишини деярли бутунлай (90-99%) ютади. Шундай қилиб, ер сирти учун атмосферанинг учрашма нурланиши қўшимча иссиқлик манбаидир.

Атмосферанинг учрашма нурланиши эмпирик (тажрибалардан келиб чиқсан) формулалар бўйича аниқланади. Умумий ҳолда у куйидаги формула бўйича ҳисобланади:

$$B_A = a\sigma T_0^4, \quad (5.33)$$

бу ерда  $a$  – атмосферанинг нурланиш қобилиятини характерловчи кўрсаткич ( $a < 1$ ) бўлиб, сув буғи микдори, булутлар микдори ва баландлигига боғлиқ,  $T$  – ҳаво ҳарорати (одатда 2 м баландликда).

Д.Брентнинг куйидаги эмпирик формуласи энг кенг кўлланилади:

$$B_A = a\sigma T_0^4(a_1 + b_1\sqrt{e}) \quad (5.34)$$

бу ерда  $a=0,526$ ,  $b=0,065$ ,  $e$  – сув буғининг парциал босими (гПа).

Булутлиликнинг кўпайиши билан учрашма нурланиш ортади, чунки булутларнинг ўзи энергияни кучли нурлайди. Ўрта кенгликлардаги текисликларда учрашма нурланишнинг ўргача жадаллиги  $0,21-0,28 \text{ кВт}/\text{м}^2$ , тоғли станцияларда –  $0,07-0,14 \text{ кВт}/\text{м}^2$  ни ташкил этади. Атмосфера учрашма нурланишининг бундай камайиши юқорига кўтарилиган сари сув буғи микдорининг камайиши билан тушинтирилади. Экваторда атмосферанинг учрашма нурланиши энг катта бўлади, чунки бу ерда атмосфера анча илиқ ва сув буғига бой. Экваториал кенгликларда ўртача йиллик учрашма нурланиш  $0,35-0,42 \text{ кВт}/\text{м}^2$  га тенг бўлади, кутбий кенгликлар томон у  $0,21 \text{ кВт}/\text{м}^2$  гача камаяди.

Ер нурланишини ютадиган ва учрашма нурланишини нурлайдиган атмосферадаги газ – сув буғидир. У  $5,5-7,0 \text{ мкм}$  ва  $17 \text{ мкм}$  дан узунроқ спектрал диапазонларда инфрақизил радиацияни кучли

ютади. 8,5-12 мкм тўлкинлар диапазонида сув буғи инфрақизил радиацияни деярли ютмайди. Бу тўлкин узунликлар диапазони атмосферанинг шаффоғ ойнаси деб аталади ва бу “ойна”дан ер сирти нурланиши космик фазога чиқиб кетади.

Сув буғидан ташқари инфрақизил радиация оқимига карбонат ангидрид ва озон таъсир кўрсатади.

Учрашма нурланиши атмосферанинг куйи қатламларидағи намлиқ ва ҳароратга кучли боғлиқ.

Учрашма нурланиши ер сирти нурланиши каби яққол ифодаланган суткалик ва йиллик ўзгаришларга эга эмас.

Ер сирти нурланиши ва атмосферанинг учрашма нурланиши орасидаги фарқ эффектив нурланиши деб аталади:

$$B_e = B_0 - \delta B_A, \quad (5.35)$$

бу ерда  $\delta B_A$ - атмосферанинг учрашма нурланиши.

Атмосферанинг учрашма нурланиши одатда ер сирти нурланишидан кичик бўлади, шу сабабли  $B_e > 0$ , яъни эффектив нурланиши ер сирти йўқотган иссиқликни ифодалайди. Камдан-кам ҳоллардагина атмосферанинг куйи қатламларида ҳароратнинг кучли инверсияси ва намликтинг катта қийматлари кузатилса,  $B_e < 0$  бўлади ва ер сирти атмосферадан иссиқлик олади. Эффектив нурланиши ер сиртининг ҳарорат режимига катта таъсир кўрсатади, кор эришида, туманлар ва радиацион совишлилар ҳосил бўлишида катта рол ўйнайди.

Эффектив нурланиши атмосферадаги сув буғи микдорига ва булутлиликка боғлиқ. Сув буғининг микдори ва булутлилик ортishi билан эффектив нурланиши камаяди, чунки атмосферанинг учрашма нурланиши ортади.

Ўрта ҳисобда ўрта кенгликларда ер сирти йиғинди радиациянинг ютилишидан ҳосил бўлган иссиқликнинг таҳминан ярмини эффектив нурланиши орқали йўқотади.

Эффектив нурланишнинг йиллик ўзгариши булутсиз атмосфера ва жанубийроқ кенгликларда яққол ифодаланган бўлади (5.2-жадвал).

### Эффектив нурланишнинг йиллик ўзгариши ( $\text{Вт}/\text{м}^2$ )

Пункт	Атмосфе-ра ҳолати	Ой				Йил
		I	IV	VII	X	
Якутск ( $\varphi=60^\circ$ ш.к.)	булут очик	65,0 86,7	62,4 86,4	54,2 91,4	54,2 92,9	56,5 89,9
Павловск ( $\varphi=60^\circ$ ш.к.)	булут очик	31,0 69,7	60,8 108,8	65,0 100,6	37,2 83,2	46,9 87,8
Тошкент ( $\varphi=42^\circ$ ш.к.)	булут очик	49,5 72,8	72,0 102,4	102,4 108,4	83,6 97,5	77,4 98,8

### 5.9. Ер сирти ва атмосферанинг радиация баланси

Нурли энергия кўринишида иссиқликнинг келиши умумий иссиқлик келишининг муҳим таркибий қисмидир. Унинг таъсирида ер сирти ва атмосферанинг иссиқлик режими ўзгаради.

Жисмнинг нурли энергия баланси ёки радиация баланси деб, жисм ютган ва нурлаган радиациялар орасидаги фарққа айтилади.

Ер сирти радиация балансининг  $R$  кирим қисми тўғри радиациянинг  $(1-A)J'$  ва сочилган радиациянинг  $(1-A)D$  ютилган қисмларидан, ҳамда атмосферанинг учрашма нурланишларидан  $\delta B_a$  иборат бўлади.  $R$  нинг чиқим қисмига ер сиртининг нурланиши  $B_0$  киради.

$$R = (1 - A)J' + (1 - A)D + \delta B_a - B_0$$

ёки

$$R = (J' + D)(1 - A) - B_e, \quad (5.36)$$

бу ерда  $A$  - албедо,  $(J'+D)=Q$  – йигинди радиация,  $Q \cdot (1-A) = J_{out}$  кўпайтма – йигинди радиациянинг ютилган қисми. Буларни хисобга олсак, (5.36) қуидагида ёзилиши мумкин:

$$R = Q(1 - A) - B_e \quad (5.37)$$

ёки

$$R = J_{out} - B_e. \quad (5.38)$$

(5.36)-(5.38) тенгламалар ер сирти радиация баланси тенгламасининг турли кўринишлари. Улар физикадан маълум бўлган энергия сақланиши умумий тенгламасининг хусусий ҳоли хисобланади.

Ер сиртининг радиация баланси атмосферанинг ер сиртига яқин ва тупрок қатламларидаги ҳарорат тақсимотига, қор эриши ва буғланиш жараёнларига, совишилар ва туманлар ҳосил бўлишига, хаво массалари хусусиятларининг ўзгаришларига катта таъсир кўрсатади.


Радиация баланси географик кенглилка, йил ва сутка вақтига, атмосфера шароитларига (булутлилик, шаффоффлик ва ҳ.к.) боғлик равишда ўзгаради. Радиация баланси турли вакт ораликлари учун (соат, сутка, ой, фасл, йил) ҳисобланади.

Радиация балансининг узун тўлқинли  $B_e$  ва қисқа тўлқинли  $R_q = Q \cdot (1 - A)$  ташкил қилувчилари орасидаги муносабатга қараб радиацион баланс манфий ёки мусбат бўлиши мумкин.

Радиация баланси  $R$ , унинг узун тўлқинли  $B_e$  ва қисқа тўлқинли  $R_q$  ташкил этувчиларининг суткалик ўзгаришлари 18-расмда келтирилган.

Радиация балансининг манфий қийматлардан (кечаси) мусбат қийматларга (кундузи) ва аксинча ўтишлари Күёшнинг баландлиги  $10-15^\circ$  га тенг бўлганда кузатилади. Булутсиз осмонда ёки булутлар миқдори ўзгармас бўлганда тун мобайнида радиация баланси ўзгармайди.

Қор қоплами бўлганида радиация баланси мусбат бўладиган вақт оралиги камаяди, чунки  $R$  нинг манфий қийматлардан мусбат қийматларга ўтиши Күёшнинг катта баландлигига ( $20-25^\circ$ ) кузатилади. Шунинг учун ҳам қишида юқори кенгликларда суткалар мобайнида радиация баланси манфий бўлиши мумкин.



18-расм. Радиация баланси  $R$ , унинг узун тўлқинли  $B_e$  ва қисқа тўлқинли  $R_k$  ташкил этиувчиларининг суткалик ўзгаришлари (Қозогистон жануби, июл 1952 й.).

Стрелкалар – Қуёшнинг чиқиши ва ботиш вақтлари.

Турли кенгликлар учун радиация балансининг йиллик ўзгариши қуидаги жадвалда келтирилган.

### 5.3-жавдал Радиация балансининг йиллик ўзгариши ( $\text{Вт}/\text{м}^2$ )

Пункт	Ой				Йил
	I	IV	VII	X	
Диксон о.	-37,5	-8,1	115,7	-28,2	8,4
Якутск	-37,5	27,5	115,7	-15,6	22,3
Санкт-Петербург	-29,7	69,5	103,2	-1,6	31,4
Тбилиси	1,6	100,2	156,4	43,8	74,6
Тошкент	5,6	106,6	150,3	44,8	79,8
Термиз	22,0	106,9	154,9	60,8	86,4

Жанубий кенгликларда йил мобайнида, ўрта кенгликларда – 6-8 ой мобайнида, Арктикада – 3-4 ой мобайнида радиация баланси мусбат бўлади.

Антарктидада албедо қийматлари катта бўлганлиги учун қирғоқдагилардан ташқари барча станцияларда йиллик радиация баланси манфий бўлади.

Қуёшнинг баландлиги ва албедодан ташқари, радиация баланси ва унинг ўзгаришларига булутлилик катта таъсир кўрсатади.

Кундузи мусбат радиация балансларида булутлиликнинг пайдо бўлиши йигинди радиация ва эффектив нурланишнинг камайишига олиб келади. Лекин, йигинди радиациянинг камайиши эффектив нурланишнинг камайишидан кучлироқ бўлгани учун радиация баланси камаяди.

Тунда манфий радиация балансларида булутлиликнинг пайдо бўлиши эффектив нурланишнинг ва мос равишда радиация балансининг камайишига олиб келади. Ўрта кенгликларда булутлиликнинг 3 дан 8 баллгача ортиши радиация балансини 20% камайишига олиб келади.

Атмосфера радиация балансининг  $R_A$  кирим қисмини ер сирти нурланишининг атмосферада ютилган қисми  $U_{yui}$ :

$$U_{yui} = (1 - P) \cdot B_0 , \quad (5.39)$$

бу ерда  $P$  - атмосферанинг ўтказиш коэффициенти, шунингдек атмосферада ютилган тўғри ва сочилган радиация  $q'$  ташкил қиласди.

Ер сирти  $\delta B_A$  ва космик фазо томон йўналган  $B_\infty$  нурланиш ҳисобига атмосфера иссиқлик йўқотади. Шундай қилиб,

$$R_A = U_{yui} + q' - \delta B_a - B_\infty \quad (5.40)$$

ёки

$$R_A = (1 - P)B_0 + q' - \delta B_a - B_\infty . \quad (5.41)$$

$B_0 + \delta B_a = B_r$ ,  $PB_0 + B_\infty = U_\infty$  - ер сирти ва атмосферанинг космик фазога кетаётган нурланишларини ҳисобга олсак, куйидагини ёзishimiz мумкин:

$$R_A = q' + B_r - U_\infty . \quad (5.42)$$

(5.40)-(5.42) формуласлар атмосферанинг радиация баланси тенгламаларидир.

(5.42) формула бўйича ҳисоблапслар барча кенгликларда атмосферанинг ўртacha йиллик радиация баланси манфийлигини кўрсатади.

Шимолий яримшарда атмосфера радиация балансининг кенгликлар бўйича ўзгариши қуида тавсифланган:

$\phi, {}^{\circ}$	0-10	10-20	20-30	30-40	40-50	50-60	60-70
$R_A, \text{Bt/m}^2$	-101	-110	-109	-92	-80	-80	-93

Иқлими хисоблашларда ер сирти-атмосфера (ёки Ер) тизимининг радиацион баланси катта қизиқиш уйғотади. Ер сирти-атмосфера тизимининг радиацион баланси деганда тўшалган сиртнинг (тупроқ ёки сув) фаол қатлами ва бутун атмосферани ўз ичига олган вертикал устундаги нурли энергиянинг баланси тушунилади. Демак,

$$R_{Y_{er}} = R + R_A. \quad (5.43)$$

(5.38) ва (5.42) ларни хисобга олсак:

$$R_{Y_{er}} = J_{yui} + q' - U_{\infty}$$

ёки

$$R_{Y_{er}} = Q_{yui} - U_{\infty}, \quad (5.44)$$


бу ерда  $Q_{yui} = J_{yui} + q'$  – ер сирти ва атмосферада ютилган қуёш радиацияси.

(5.35) ни қуидагича ифодалаш ҳам мумкин.

$$R_{Y_{er}} = J'_0(1 - A_{Y_{er}}) - U_{\infty}, \quad (5.45)$$

бу ерда  $J'_0$  – атмосферанинг юқори чегарасидаги горизонтал юзага тушаётган тўғри қуёш радиациясининг миқдори (инсолация),  $A_{Y_{er}}$  – Ернинг албедоси.

Ер сирти-атмосфера тизимининг радиация баланси мусбат ёки манфий бўлиши мумкин. Йиллик ўзгаришда ёз ойлари мобайнида ўрта кенгликларда  $R_{Y_{er}} > 0$ , йилнинг қолган вақтида – манфий. Экваториал худудда ( $15^{\circ}$  ш.к. ва  $15^{\circ}$  ж.к. орасида) йил мобайнида  $R_{Y_{er}} > 0$ . Экватордан  $35^{\circ}$  ш.к. гача ва  $40^{\circ}$  ж.к. гача чўзилган худудда йил давомида ўртача хисобда  $R_{Y_{er}} > 0$ , қолган худудларда  $R_{Y_{er}} < 0$  (19-расм).



19-расм. Ер сирти-атмосфера тизимиning йиллик ўртача радиация баланси (1962-1970 йй. да Ер сунъий ўлдошларидан ўлчашлар бўйича)  
 1 – океанлар, 2 – қитъалар, 3 – зонал қийматлар.

### Асосий хуносалар

1. Атмосфера жараёнларининг асосий энергия манбай 0,1 дан 4,0 мкм гача тўлқин узунлиги (қисқа тўлқинли радиация) оралиғидаги куёш радиациясидир. Куёш спектридаги энергия тақсимоти иссиқлик нурланиши қонуни билан тавсифланади. Ерга келувчи максимал энергия миқдори Куёш доимийси миқдори билан аниқланади.

2. Куёш радиациясининг атмосферадаги ютилиши ва сочилиши натижасида унинг кучсизланиши ва спектрнинг узунроқ тўлқин узунликлари томонга силжиши юз беради. Бир қатор оптик ҳодисалар (осмон ранги, уфқа нисбатан жойлашишига қараб куёш ва ой дискининг ранги ва бошқалар) куёш радиациясининг атмосферадаги ютилиши ва сочилиши билан боғлиқ.

3. Атмосфера шаффоғлиги ундаги сув буги ва атмосфера аэрозоллари миқдорига боғлиқ. Оптик масса қийматларининг интеграл шаффоғлик характеристикаларига таъсирини бартараф этиш учун тўғри куёш радиацияси қийматлари иккига teng бўлган оптик массага келтирилади.

4. Ер сирти, атмосфера ва умуман сайёрага келаётган нурсимон энергия кўринишидаги иссиқлик оқими тегишли радиация баланси тенгламалари билан тавсифланади. Ютилган радиация ва бу объектларнинг ҳар биридан хусусий нурланиш

орасидаги фарқ мазкур тенгламаларнинг умумийлигини белгилайди. Бу тенгламалар таркибига киравчи барча ташкил этувчиларнинг қыйматлари ва уларнинг вақт бўйича ўзгариши астрономик (жой кенглиги, қўёшнинг бурчак баландлиги ва бошқалар) ва метеорологик (булутлилик, намлик, албедо ва бошқалар) омилларга боғлиқ.

## **Назорат саволлари**

1. Қуёш радиацияси қандай таркибга эга? Қуёш доимийси нима? У қандай омилларга боғлиқ?
2. Қуёш радиациясининг атмосферадаги ютилиши қандай содир бўлади?
3. Қуёш радиациясининг атмосферадаги сочилиши нима? Кайси оптик ҳодисалар у билан боғлиқ?
4. Монохраматик радиация учун қуёш радиациясининг атмосферадаги кучланиши тенгламасини келтириб чиқаринг.
5. Атмосферанинг интеграл шаффофлик характеристикаларини тушинтириб беринг. Форбс эффекти нима?
6. Тўғри қуёш радиациясининг ер юзасига келиши қайси омилларга боғлиқ?
7. Сочилган ва йигинди қуёш радиацияларининг ер юзасига келиши қайси омилларга боғлиқ?
8. Турли сиртларнинг албедоси қайси омилларга боғлиқ? Табиий сиртлар, булутлар ва Ернинг сайёравий албедосини айтиб беринг.
9. Ер юзаси ва атмосферанинг узун тўлқинли радиацияси ҳамда эффектив нурланиш қайси омилларга боғлиқ?
10. Ер юзаси радиация баланси қандай ташкил этувчилардан иборат? Ер юзаси радиация баланси тенгламаси нима?
11. Ер юзаси радиация балансининг суткалик ва йиллик ўзгаришини характеристерлаб беринг.
12. Атмосфера ва ер юзаси-атмосфера тизими радиация балансларини характеристерлаб беринг.

---

## **VI БОБ. ЕР СИРТИ ВА АТМОСФЕРАНИНГ ИССИҚЛИК ХОЛАТИ**

### **Асосий тушунчалар**

**1. Иссиклик алмашинуви** – атмосферанинг бир қатлами ёки қисмидан бошқаларига иссиқликнинг узатилиши. Иссиқлик алмашинуви радиациянинг кўчиши, иссиқлик ўтказувчанлик (асосан турбулент) ва сувнинг фазавий айланишлари йўли билан содир бўлади.

• **Иссиқлик ўтказувчанлик** – модданинг иссиқлик ўтказиши қобилияти. Газ ва суюқликларда молекуляр ҳаракат узатилиши оқибатида иссиқликнинг тарқалиши юз берадиган молекуляр ва турбулент ҳаракат давомида модданинг йирик (моляр) элементлари билан иссиқликнинг кўчиши юз берадиган турбулент иссиқлик ўтказувчанлик фарқланади.

• **Конвекция** – суюқликнинг, хусусан ҳавонинг, турбулентликдан, яъни суюқлик зарраларининг асосий кўчилига кўшилувчи хаотик ҳаракатидан фарқли равишда муайян йўналишдаги тартиблангандаги кўчиши.

• **Радиацион** – космик фазо, атмосфера ва ер сирти орасида турли кўринишдаги радиация алмашинуви. Кўпинча тўшалган сирт ва атмосферанинг қуий қатламлари орасидаги радиацион алмашинув тўғрисида сўз боради. Радиацион алмашинув оқибатида ер сирти, атмосфера ва унинг юқори чегарасида муайян радиация баланси мавжуд бўлади.

**2. Иссиклик сигими** – жисм ютган иссиқлик микдорининг унга мос келувчи ҳарорат ортишига нисбати; бошқача айтганда – жисм ҳароратини  $1^{\circ}$  га ортириш учун керак бўлган иссиқлик микдори.

**3. Адвекция** – ҳаво ва унинг хоссаларининг горизонтал йўналишдаги кўчиши. Ҳаво массалари, иссиқлик, сув буғи, ҳаракат моменти, тезлик уюрмаси ва бошқаларнинг адвекцияси тўғрисида сўз боради.

**4. Психрометрик будка** – метеорологик станцияларда психрометрик ускуналар жойлаштириладиган маҳсус конструкцияли

будка. Психрометрик будка унга жойлаштирилган асбобларни күёш радиацияси, ер сирти ва атрофдаги жисмларнинг нурланиши, шунингдек ёғинлар ва шамолдан ҳимоялашга хизмат қиласи.

**5. Жой рельефи** – ер сиртининг горизонтал ва вертикал бўлиниши шаклларининг мажмуаси, яъни қавариқлик ва ботиқлик, тоғлар, пасттекисликлар ва бошқалар.

**6. Фён** – юқори ҳарорат ва ҳавонинг кичик нисбий намлигига зга, вакти-вақти билан төғдан водийга эсувчи, кўпинча кучли ва тез ўзгарувчи шамол. Фён вақтида ҳавонинг хоссалари пастловчи ҳаракатда ҳавонинг адиабатик исиши билан тушунтирилади.

**7. Пассат** – субтропик антициклонларнинг экватор томонидаги чеккаларида, яъни ҳар бир яримшар ва экватор оралиғида  $25\text{--}30^{\circ}$  кенгликларда кузатилувчи умумий шаркий ҳаво окимлари. Улар океанлар устида яққол ифодаланган бўлиб, бутун йил давомида шамол йўналишининг катта турғулиги билан тавсифланади. Ер сирти ишқаланиши оқибатида пассатнинг асосий шаркий йўналишига ер сирти яқинидаги қатламда экваторга йўналган ташкил этувчилар ҳам қўшилади. Шимолий яримшарда пассатнинг ер сиртидаги асосий йўналиши шимоли-шарқий (шимоли-шарқий пассат), жанубий яримшарда эса жануби-шарқий (жануби-шарқий пассат).

## 6.1. Ер сиртининг иссиқлик баланси тенгламаси

Ер сирти ва атмосферада содир бўлувчи жараёнлар ўзаро чамбарчас боғлиқ. Күёш радиацияси ер сиртига етиб келади ва унинг катта қисми бу сиртда ютилади. Атмосфера энергияни асосан ер сиртидан олади. Ютилган күёш радиацияси ер сирти бўйлаб хотекис тақсимланади ва бу тақсимот вақт ўтиши билан ўзгариб туради. Ушбу ўзгаришлар таъсирида қалинлиги куруқликда  $10\text{--}30$  м, океанда эса  $200\text{--}300$  м ни ташкил этувчи юпқа устки қатламнинг иссиқлик миқдори тебранишлари содир бўлади.

Ер сирти ва атмосферадаги ҳарорат тақсимоти ва унинг узлуксиз ўзгаришлари *ер сирти ва атмосферанинг иссиқлик режими* деб аталади. Ер сирти ва атмосферанинг иссиқлик режими иқлимининг шаклланишида муҳим омил ҳисобланади.

Ер сирти ва атмосфера, ер сирти ва тупроқ ёки сувнинг куйида ётuvчи қатламлари, атмосферанинг алоҳида қатламлари орасидаги иссиқлик алмашинуви физикада маълум бўлган радиацион,

иссиқлик ўтказувчанлик ва конвектив иссиқлик алмашинув орқали юз беради.

Ҳаво ҳароратининг ўзгаришлари асосан атмосферанинг ер сирти билан ўзаро таъсирида содир бўлади. Атмосферада қуёш радиациясининг бевосита ютилиши ҳароратнинг кунига таҳминан  $0,5^{\circ}\text{C}$  га ортишига олиб келиши мумкин. Бевосита ер сиртига тегиб турувчи ҳаво сирт билан молекуляр иссиқлик ўтказувчанлик орқали иссиқлик алмашинади. Бироқ, иссиқлик алмашинувининг бу механизми ҳаво зичлигининг кичикилиги туфайли кам самара беради. Атмосферада иссиқлик алмашинувининг бир неча тартибга кучлироқ механизми – турбулент иссиқлик алмашинуви амал қилади. Бу ҳолда иссиқлик алмашинуви ҳавонинг алоҳида элементар ҳажмлари кўринишида содир бўлади. Атмосферанинг кўйи ва юкори қатламлари ўртасидаги иссиқлик алмашинуви тартибли ёки конвектив характерга эга.

Шунингдек, маълум ҳаво массасида (ҳаво заррасида) юз берувчи ҳарорат ўзгаришлари энергиянинг турли кўринишларидан иссиқлик энергиясига айланиши ҳисобига ҳам содир бўлади. Масалан, ихтиёрий ҳаво ҳажмининг атмосфера босимининг ўзгаришлари билан боғлиқ бўлган ҳаракатланишида ушбу ҳаво ҳажми ҳароратининг адиабатик ўзгариши юз беради. Ҳавонинг вертикал ҳаракатланишида бундай ўзгаришлар ўта сезиларли бўлади. Атмосфера ёки ер сиртида сув буғининг конденсация ёки сублимациясида фазавий айланишилар энергияси деб аталувчи яширин энергиянинг ажралиши содир бўлади. Тескари жараён – сувнинг буғланишида эса ҳавонинг совуши содир бўлади.

Санаб ўтилган барча жараёнлар ҳаво ҳаракатсиз ҳолатда бўладими ёки атмосферада ҳаракатланадими, бундан қатъий назар, маълум ҳаво ҳажмидаги иссиқлик микдорининг ўзгаришига олиб келади. Ҳаво ҳароратининг бундай ўзгаришлари хусусий ўзгаришлар деб аталади.

Фазонинг фиксиранган нұктасида бу нұктага бошқа жойдан ва бошқа ҳароратга эга бўлган ҳавонинг узлуксиз келиши оқибатида ҳам ҳарорат ўзгариши мумкин. Маълум географик координаталар ва денгиз сатҳидан баландликка эга бўлган пунктларда (метеорологик станциялар, постлар ва бошқалар) ҳавонинг ҳарорати шундай ўзгариши мумкин.

Ҳароратнинг бу ўзгаришлари *адвекция* (ҳаво массаларининг ушбу жойга ер шарининг бошқа қисмларидан горизонтал кўчиши)

билин бөглиқ. Ҳароратнинг бундай ўзгаришлари *адвектив ўзгаришлар* деб аталади. Агар қаралаётган жойга юқорироқ ҳароратли ҳаво келса, бу илик *адвекция*, пастрок ҳароратли ҳаво келса, *совук адвекция* бўлади.

Фиксиранган географик нуқтадаги ҳаво ҳолатининг хусусий ўзгаришлари ва адвекцияга бөглиқ бўлган умумий ҳарорат ўзгариши *локал* (маҳаллий) ўзгариш деб аталади.

Масалан, метеорологик станциядаги термометр ҳаво ҳароратининг локал ўзгаришларини, шамол билан бирга учувчи ҳаво шарига боғланган термометр эса ҳажм ҳароратининг хусусий ўзгаришини қайд қиласди.

Метеорологияда ҳарорат термодинамик шкала ёки Кельвин шкаласининг ( $T$ , К) таркибий қисми ҳисобланувчи ҳалқаро юз градусли шкала градусларида ( $t^\circ$ , С) ўлчанади. Юз градусли шкаладан Кельвин шкаласига ўтиш қуидаги муносабат билан амалга оширилади

$$T=t^\circ + 273,15\text{C}. \quad (6.1)$$

Бир қатор инглиз тилида сўзлашувчи мамлакатларда (АҚШ, Канада ва бошқалар) Фарангейт шкаласи ( $t^\circ$ , Ф) кўлланилади. Фарангейт шкаласидан юз градусли шкалага ўтиш


$$t^\circ C = \frac{5}{9}(t^\circ F - 32) \quad (6.2)$$

формула бўйича амалга оширилади.

Радиацион иссиқлик алмашинуви оқибатида ер сирти олган иссиқлик микдори радиацион баланс қиймати  $R$  билан аниқланади (5.38 формула). Кундузи бу катталик мусбат бўлиб, ер сиртининг исишига олиб келади ва унинг ҳарорати қўшни ҳаво қатлами ҳамда тупроқ ёки сувнинг қуий қатламлари ҳароратидан юқорироқ бўлади (20-расм).

Иссиқрок бўлган сирт иссиқликнинг бир қисмини ҳавонинг қўшни қатламларига беради ( $P$ , кВт/м<sup>2</sup>). Иссиқликнинг бошқа қисми молекуляр иссиқлик ўтказувчанлик йўли билан тупроқ ёки сувнинг қуий қатламларига узатилади. Бу иссиқлик оқимини  $Q$ , деб белгилаймиз. Ва ниҳоят, иссиқликнинг маълум қисми сувнинг ер сиртидан буғланишига сарфланади. Бу катталикни

$LE$  деб белгилаймиз, бу ерда  $L$  – бугланишнинг солиштирума иссиқлиги,  $E$  – буғланган сув массаси.



20-расм. Ер сирти балансининг сутканинг кундузги вактидаги ташкил этувчилиари.

Берилган вақт моментида сирт ҳарорати ўзгармас шароитда ер сиртига келаётган ва ундан кетаётган барча иссиқликнинг алгебраик йифиндиси нолга тенг бўлиши керак. Бу шарт *ер сирти иссиқлик баланси тенгламаси* орқали ифодаланади:

$$R + P + Q_t + LE = 0 \quad (6.3)$$

Тунда,  $R < 0$  бўлади, ер сирти совийди ва унинг ҳарорати ҳаво ва тупроқ ёки сувнинг қути қатламлари ҳароратидан пастроқ бўлади. Бунинг окибатида барча иссиқлик оқимлари ўз ишораларини қарама-қаршига ўзгартириади. Ер сирти атмосферадан иссиқлик ўтказувчанлик йўли билан маълум иссиқлик микдорини олади. Шу йўл билан тупроқ ёки сувнинг қути қатламларидан иссиқлик олинади. Ва ниҳоят, ер сирти сув буғининг конденсацияси (шудринг) ва сублимацияси (қирор) ҳисобига ажараладиган маълум яширин иссиқлик микдорини олади. (6.3) тенгламада қор ёки музнинг эришига сарфланадиган иссиқлик, ёгинлар билан боғлик бўлган иссиқлик, шамол, тўлқинлар, сув кўтарилиши ва тушуши ҳамда оқимлар кинетик энергияси диссипациясидан олинадиган иссиқлик ҳисобга олинмаган. Бироқ, амалда қор ва музнинг эришига сарфланадиган иссиқликдан бошқа иссиқлик манбалари одатда эътиборга олинмайди.

Ер сирти ҳарорати ўзгарадиган ҳолларда энергиянинг сакланиш қонунига асосан тупроқнинг  $\Delta$  қалинликли вертикал устуни учун

$$\Delta \frac{\partial}{\partial t} (C_i \rho_i T) = R + P + Q_t + LE, \quad (6.4)$$

деб ёзиш мумкин. Бу ерда  $\rho_t$  – тупроқ зичлиги,  $C_t$  – тупроқнинг иссиқлик сифими,  $T$  – унинг ҳарорати. (6.4) тенгламанинг чап қисмидаги ҳад тупроқнинг  $\Delta$  қалинликли вертикал қатлами иссиқлик микдорининг юқорида санаб ўтилган омилларга боғлиқ равишдаги ўзгариш тезлигини тавсифлайди. Бу қатламанинг тупроқдаги қалинлиги бир неча миллиметрни ташкил этади. (6.4) тенгламанинг ўнг қисмидаги тупроқ қатламига юқори ва куйи чегаралардан кирувчи барча иссиқлик оқимлари “плюс”, қатламдан чикувчилари эса – “минус” ишора билан олинади.

## 6.2. Ер сирти ҳароратининг ўзгаришилари

Ер сиртининг ҳарорати яққол суткалик ва йиллик ўзгаришига эга.

Ҳароратнинг қуруқлиқдаги суткалик ўзгариши одатда ер сирти радиацион балансининг суткалик ўзгаришини тақоррлайди, яъни максимум тушга яқин вактда, минимум эса Куёш кўтарилиганидан сўнг кузатилади. Океан сиртида сув ҳароратининг суткалик тебранишлари соат 15-16 атрофида максимумга ва Куёш кўтарилиганидан 2-3 соат кейин минимумга эга бўлади. Ҳароратнинг бундай тақсимоти очиқ ёки кам булутли кунларда адвекция кузатилмайдиган ҳоллар учун хос бўлади. Булутлилик, ёгинлар ва айникса илиқ ва совуқ адвекция ер сирти ҳароратининг суткалик ўзгаришига кучли таъсир ўтказиши мумкин. Бироқ, кўп йиллик маълумотлар асосида календар ойи учун тузилган ҳарорат суткалик ўзгаришининг графиги етарлича тўғри шаклга эга.

Ҳароратнинг суткалик максимуми ва суткалик минимуми ўртасидаги фарқ ҳароратнинг суткалик амплитудаси деб аталади. Бу катталик нафақат радиацион баланс қийматига, балки ер сиртининг ҳолатига (куруқлик ёки сув) ҳам кучли боғлиқ бўлади. Қуруқлиқда суткалик амплитуда тупроқнинг намланиш даражасига боғлиқ. Ўсимлик ва қор қоплами ҳам амплитудага таъсир кўрсатади. Санаб ўтилган ҳар бир омилларнинг ер сирти ҳароратининг ўзгаришига таъсирини кўриб чиқамиз.

Сув қуруқликка нисбатан икки марта каттароқ ҳажмий иссиқлик сифимига ва жуда катта иссиқлик ўтказувчанинка эга. Бундай ҳолат сувнинг турбулент алмашинув ривожланган 50-150 м қалинликли юқори қатламида яхши ифодаланган бўлади. Бундан

ташқари сув сиртидан буғланишга иссиқликнинг катта сарфи юз беради, қүёш радиациясининг ютилиши эса катта чуқурликларгача кузатилади. Кўрсатиб ўтилган омиллар ҳисобига сув сиртининг суткалик ҳарорат тебранишлари амплитудаси қуруқликдагига нисбатан 10-100 марта кичик бўлади. Тропик кенгликларда сув сирти ҳароратининг суткалик амплитудаси бор-йўғи градуснинг бир-нечада ўнлик улушини ташкил этади. Қуруқликда эса амплитуда бир-нечада ўн градусга етиши мумкин.

Ҳароратнинг йиллик ўзгаришида қуруқлик ҳароратининг максимуми июлда, минимуми эса январда кузатилади. Ҳароратнинг йиллик амплитудаси, яъни йилнинг энг иссиқ ва энг совук ойларининг кўп йиллик ўртacha ҳароратлари фарқи кенглиkkка боғлиқ равишда ўзгариади. Қуруқликда тропик кенгликларда амплитуда кичик бўлиб,  $10^{\circ}$  кенглиkkда  $3^{\circ}\text{C}$  ни,  $30^{\circ}$  кенглиkkда эса  $10^{\circ}\text{C}$  ни ташкил этади. Ўрта кенгликларда ( $\varphi=50^{\circ}$ ) у ўртacha  $25^{\circ}\text{C}$  ни ташкил этади. Сув сирти ҳароратининг йиллик амплитудаси ҳам кенглиkkка боғлиқ, бироқ у қуруқлик ҳароратининг йиллик амплитудасидан камроқ. Тропикларда у  $2-3^{\circ}\text{C}$ ,  $40^{\circ}$  ш.к. да  $10^{\circ}\text{C}$ ,  $40^{\circ}$  ж.к. да эса  $5^{\circ}\text{C}$  атрофида бўлади.

Ўсимлик ва қор қопламиининг тупроқ ҳароратига таъсирини қараб чиқамиз.

Яланг тупроқ сиртининг ҳарорати ёзда катта қийматларга: тропикларда  $82^{\circ}\text{C}$ , Ўрта Осиёда  $77-79^{\circ}\text{C}$ ,  $60^{\circ}$  ш.к. да  $60^{\circ}\text{C}$  гача ҳароратга эга бўлади. Ўсимлик қоплами тупроқнинг тунги совушини камайтиради. Бунда тунги нурланиш асосан ўсимликлар сиртидан юз беради ва улар анча кучли совийди. Ўсимлик қоплами остидаги тупроқ эса юкорироқ ҳароратга эга бўлади. Бироқ кундузи ўсимликлар тупроқнинг радиацион исишига тўқсиялик қиласади. Шундай қилиб, ўсимлик қоплами остида тупроқ ҳароратининг амплитудаси камаяди, ўртacha суткалик ҳарорат эса пасаяди.

Дала экинлари остидаги тупроқ сирти кундузги соатларда нам ҳаво остидаги тупроқка нисбатан  $15^{\circ}\text{C}$  совуқроқ бўлиши мумкин. Сутка давомида бундай тупроқ яланг тупроқка нисбатан ўртacha  $6^{\circ}\text{C}$  га совуқроқ бўлади. Хатто  $5-10$  см чуқурликда ҳам  $3-4^{\circ}\text{C}$  ҳарорат фарқи сақланниб қиласади.

Нурланиш омили муҳим ўрин эгаллайдиган қишида ўсимлик қоплами остидаги тупроқ яланг тупроқка нисбатан иссиқроқ бўлади.

Тупрок иссиқлик режимининг шаклланишида ўрмонлар мұхим ўрин эгаллады. Баландлиги 20-30 м бўлган ўрмон тупрокка қўёш радиациясининг бор-йўғи 2-7% ни ўтказади. Шу билан бирга баргли ўрмон игнали ўрмонга (қалин арча ўрмони тушаётган радиациянинг 1% гача қисмини ўтказади) нисбатан кўпроқ радиация ўтказади. Шунинг учун ўрмон массивларида тупрок ҳароратининг суткалик амплитудаси атрофдаги ўрмондан ҳоли худудлар тупрок ҳароратининг суткалик амплитудасидан анча кичик бўлади.

Қишида тупрок иссиқлик режимининг шаклланишида қор қоплами асосий ўринни эгаллады. Қор қўёш радиациясини кучли қайтаради (катта албедо) ва шу билан бирга деярли қора жисм каби инфрақизил радиацияни нурлайди. Шу сабабдан қор сиртининг радиацион баланси одатда манфий бўлади. Радиацион йўқотишлар таъсири остида қор сирти кучли совиди. Шу билан бирга қор кичик иссиқлик ўтказувчанинка эга. Натижада қор қоплами остида ҳарорат чукурлик бўйлаб тез ортиб боради. Шунинг учун қор катлами остидаги тупрок сиртининг ҳарорати яланг сиртлар ҳароратидан доим юқори бўлади.

Ўрта кенгликларда қиши ойларида яланг тупрок ва қор қоплами устидаги сиртлар ҳарорати фарқларининг ўртacha миқдори 10-12°C ни ташкил этиши мумкин. Қор қопламида ҳароратининг суткалик тебранишлари кичик чукурликларгача кузатилади (20-30 см атрофига).

Баҳорда қор тупроққа совутувчи таъсир кўрсатади. Қор сиртига келувчи иссиқлик унинг эриши ва бугланишга сарф бўлади. Шунинг учун қор сирти яқинида 0°C атрофидаги ҳарорат сақланиб турди. Бу пайтда яланг тупрок ҳарорати нолдан сезиларли юқори бўлиши мумкин.

Шундай қилиб, ёзда ўсимлик қоплами тупроқ сирти ҳароратини пасайтиради, қишида эса қор қоплами уни кўтаради. Иккала омилнинг биргаликдаги таъсири тупроқ ҳароратининг йиллик амплитудасини яланг тупроққа нисбатан таҳминан 10°C га камайтиради.

Тупрок ҳароратининг суткалик ўзгариши шунингдек қиялик экспозициясига, яъни берилган ер сирти худудининг дунё томонларига нисбатан қиялик йўналишига боғлиқ. Ихтиёрий йўналишдаги қияликларда тунги нурланиш деярли бир хил, кундузги исиш жанубий қияликларда энг катта, шимолий қияликларда эса энг кичик бўлади.

### 6.3. Иссикликнинг тупроқ ва сувда тарқалиши

Ер сиртига келган иссиқлик тупроқ ичига молекуляр иссиқлик ўтказувчанлик йўли билан тарқалади. Ихтиёрий  $\xi$  чуқурликдаги  $Q$ , иссиқлик оқими  $-\frac{\partial T}{\partial \xi}$  вертикал градиентга пропорционал:

$$Q_t = -\lambda \frac{\partial T}{\partial \xi}, \quad (6.5)$$

бу ерда  $\lambda$  - тупроқнинг иссиқлик ўтказувчанлик коэффициенти деб аталувчи пропорционаллик коэффициенти.  $\lambda$  нинг ўлчов бирлиги  $\text{Вт}/\text{м}^{\circ}\text{C}$ .

Ҳарорат чуқурлик бўйлаб камайганда ( $\frac{\partial T}{\partial \xi} < 0$ ) иссиқлик оқими тупроқ ичкарисига йўналган ва мусбат ( $Q_t > 0$ ). Бундай ҳолат кундузи рўй беради. Тунда чуқурлик бўйлаб ҳарорат ортади ( $\frac{\partial T}{\partial \xi} > 0$ ) ва оқим  $Q_t < 0$ .

Иссиқлик ўтказувчанлик коэффициентининг қийматлари тупроқнинг минерал таркиби, намланганлик даражаси, шунингдек унинг ғоваклигига боғлиқ.

Тупроқнинг асосий таркибий қисмларининг иссиқлик ўтказувчанлиги қуйидагича: торф учун – 0,88, мел учун – 0,92, оҳак учун – 1,77, минераллар учун – 2,43, кумлоқ учун – 1,10-2,80.

Тупроқнинг қаттиқ таркибий қисмларининг иссиқлик ўтказувчанликлари ҳавонинг молекуляр иссиқлик ўтказувчанлигидан таҳминан 100 марта катта. Шунинг учун тупроқ ғоваклиги, яъни тупроқдаги ҳаво эгаллаган ҳажмнинг гупроқнинг умумий ҳажмига нисбатининг ортиши билан унинг иссиқлик ўтказувчанлиги кескин камаяди. Шу сабабли ғовак тупроқнинг иссиқлик ўтказувчанлиги зич тупроққа, кумлоқ тупроқнинг иссиқлик ўтказувчанлиги бошіка турдаги тупроқларга нисбатан камроқ бўлади. Тупроқ намланганида ундаги ҳавонинг бир қисмини иссиқлик ўтказувчанлиги ҳавога нисбатан таҳминан 20 марта катта бўлган сув эгаллайди. Шу сабабли тупроқнинг намланганлиги ортиши билан унинг иссиқлик ўтказувчанлиги ортади.

Чуқурлик бўйлаб тупроқнинг хоссалари бир хил деб ҳисобласақ, ҳароратнинг вақт бўйича ўзгаришини қўйидагича ёзиш мумкин:

$$\frac{\partial T}{\partial t} = k, \frac{\partial^2 T}{\partial x^2}, \quad (6.6)$$

бу ерда  $k_t = \lambda / c_p$  - тупроқнинг ҳарорат ўтказувчанлик коэффициенти.

(6.6) тенглама иссиқлик ўтказувчанлик тенгламаси (Фурье тенгламаси) дейилади.

(6.6) тенгламанинг ечимидан Фурье конунлари деб аталувчи тўртта асосий хуносалар келиб чиқади.

*Фуръенинг биринчи қонуни.* Тупроқнинг туридан қатъий-назар ҳарорат тебранишларининг даври чуқурлик бўйлаб ўзгармайди. Бу нафакат тупроқ сиртида, балки чуқурликда ҳам 24 соат даврга эга бўлган суткалик ва 12 ой даврга эга бўлган йиллик юришнинг мавжудлигини билдиради.

*Фуръенинг иккинчи қонуни.* Чуқурликнинг арифметик прогрессия бўйича ортишида амплитуданинг геометрик прогрессияси бўйича камаяди. Агар сиртда суткалик амплитуда  $30^{\circ}\text{C}$ , 20 см чуқурликда  $5^{\circ}\text{C}$  га teng бўлса, 40 см чуқурликда у  $1^{\circ}\text{C}$  дан камроқ бўлади.

Маълум чуқурликда суткалик амплитуда шу қадар камаядиги, у амалда нолга айланади. Бу чуқурлик доимий суткалик ҳарорат сатҳи деб аталиб, 70-100 см чуқурликда ётади.

Ҳарорат тебранишларининг йиллик амплитудаси ҳам чуқурлик бўйлаб шу қонун асосида камаяди. Бироқ йиллик тебранишларининг тарқалишига кўпроқ вақт талаб қилингани учун улар каттароқ чуқурликка тарқалади. Йиллик тебранишларнинг амплитудалари кутбий кенгликларда таҳминан 30 м, ўрта кенгликларда 15-20 м, тропикларда 10 м чуқурликда амалда нолгача камаяди. Бу чуқурликларда доимий йиллик ҳарорат қатлами бошланади.

*Фуръенинг учунчи қонуни.* Суткалик ва йиллик ўзгаришда ҳароратнинг максимум ва минимумга эришиши чуқурликка пропорционал равишда кечикади. Бу ҳолат иссиқликнинг чуқурликка тарқалиши учун вақт керак бўлиши билан тушунтирилади. Суткалик экстремумлар чуқурликнинг ҳар 10 см да 2,5-3,5 соатга кечикади. Бундан келиб чиқадики, масалан 50 см чуқурликда суткалик максимум ярим тундан кейин кузатилади. Йиллик максимум


ва минимумлар чуқурликнинг ҳар бир метрида 20-30 суткага ке-  
чикади. Мисол учун, 5 м чуқурликда ҳарорат минимуми январда  
эмас, майдада, максимуми эса июлда эмас, октябрда кузатилиши  
мумкин.

*Фуръенинг тўртинчи қонуни доимий суткалик ва йиллик*  
ҳарорат қатламларининг чуқурликлари ўзаро тебранишлар даври-  
нинг квадрат илдизлари нисбати каби, яъни  $1:\sqrt{365}$  бўлишини бил-  
диради. Бундан келиб чиқадики, йиллик тебранишлар сўнувчи  
чуқурлик суткалик тебранишлар сўнувчи чуқурликдан 19 марта  
катта бўлади. Фуръенинг бу қонунлари кузатиш натижалари билан  
етарлича яхши тасдиқланган.

Турли мавсумларда тупроқ ҳароратининг вертикал тақсимоти  
турли чуқурликларда ҳарорат йиллик ўзгаришининг фарқланиши  
билан боғлиқ. Ёзда тупроқ сиртидан чуқурлашганда ҳарорат камая-  
ди, қишида ортади, баҳорда аввал ортади, кейин камаяди, кузда эса  
аввал камаяди, кейин ортади.

Тупроқда ҳароратнинг чуқурлик бўйлаб сутка ёки йил давоми-  
да ўзгаришларини изоплеталар графиги ёрдамида ифодалаш мум-  
кин. Абсциссалар ўки бўйлаб соатларда ёки йил ойларида вакт  
жойланади, ординаталар ўки бўйлаб эса тупроқдаги чуқурлик жой-  
ланади. Графикдаги ҳар бир нуктага маълум вакт ва чуқурлик мос  
келади. Графикка турли соатлар ёки ойлардаги турли  
чуқурликларда ўлчанган ҳароратнинг ўртача қийматлари тушири-  
лади. Ҳар бир ёки икки градусда ҳароратнинг бир хил  
қийматларини бирлаштирувчи изочизиқлар ўтказиб, термоизопле-  
талар оиласини ҳосил қиласиз (21-расм). Бу графикдан сутканинг  
ихтиёрий моменти ёки йилнинг ихтиёрий куни учун график доира-  
сида ихтиёрий чуқурликдаги ҳарорат қийматини аниқлаш мумкин.

Сув катламларининг турбулент аралашини сувда иссиқлик ал-  
машинувининг асосий механизми ҳисобланади. Турбулент аралаш-  
шиш таъсирида сувнинг юқори қатламларида ҳароратнинг вертикал  
ўзгариши (профили) изотермик ўзгаришга яқин бўлади. Ундан па-  
стда сув ҳарорати чуқурлик бўйлаб кескин (сакраб) камаяди. Бу  
қатлам *мавсумий термик пона* қатлами деб аталади. Изотермик  
қатлам кўйи чегарасининг ҳолати йил давомида сезиларли  
ўзгаради. Июлдан октябргacha изотермик қатламнинг қалинлиги  
50 м га яқин бўлади.



21-расм. Тупроқ ҳарорати йиллик ўзгаришининг изоплеталари.

Бу даврда сув сирти қатламининг ҳарорати юқори бўлиб, зичлик чукурлик бўйлаб ортади. Шу сабабли изотермик қатламда аралашибиши фақат шамолнинг механик энергияси ҳисобига амалга ошади.

Куз-қиши мавсумида аралашибиши нафақат шамол, балки сув сиртининг нурланиши ва бугланишида совуши оқибатида ҳосил бўлувчи конвекцияга ҳам боғлиқ бўлади. Январ-мартда изотермик қатламнинг қалинлиги 100-150 м гача ортади.

Шундай қилиб, сувдаги суткалик тебранишлар катта бўлмайди ва бир неча ўн метр тартибдаги чукурликкача тарқалади. Сувдаги йиллик ҳарорат тебранишлари эса бир неча юз метр чукурликкача тарқалади.

Сув ва тупроқда иссиқлик тарқалишининг юкорида кўриб чиқилган фарқлари шунга олиб келадики, сув ҳавзалари йилнинг илиқ вақтида анча катта қатламда катта миқдордаги иссиқликни тўплайди ва қишида уни атмосферага узатади. Аксинча, йилнинг илиқ мавсумида тупроқ кундузи олган иссиқлигининг катта кисмини тунда атмосферага узатади ва шу сабабдан кам иссиқлик тўплайди.

Кўрсатиб ўтилган фарқлар натижасида ёзда денгиз устида ҳарорат қуруқликка нисбатан пастроқ, қишида эса юқорироқ бўлади.

#### **6.4. Конвектив ва турбулент иссиқлик оқимлари. Иссиқлик узатилиши**

Ер сиртидан атмосферага иссиқлик узатилиши конвектив ва турбулент иссиқлик алмашинуви, радиациянинг нурланиши ва ютилиши, сувнинг фазавий ўтишлари ва молекуляр иссиқлик ўтказувчанлик жараёнлари орқали амалга ошиди.

*Иссиқлик оқими* – бу бирлик вақт давомида бирлик юзали сиртга перпендикуляр йўналишда ҳаво зарралари узатган иссиқлик энергияси миқдоридир  $c_p \cdot T$  ( $\text{Ж}/(\text{м}^2 \cdot \text{с})$  ёки  $\text{Вт}/\text{м}^2$ ). Иссиқлик оқими конвектив  $Q_k$  ва турбулент  $Q_t$  оқимлардан ташкил топади.

*Конвектив оқим* – бу ҳавонинг сиртга перпендикуляр йўналган С ўртacha тезликли тартибли араласиши билан боғлиқ бўлган оқимдир.

$$Q_k = c_p T \rho C, \quad (6.7)$$

бу ерда  $\rho$  – ҳаво зичлиги.

Ўртacha шамол тезлигининг горизонтал ташкил этувчиси вертикал ташкил этувчисидан юзлаб баробар катта. Шунинг учун конвектив оқим конвектив оқим иссиқликнинг асосан горизонтал бўйлаб узатилишини ифодалайди. Конвектив оқимнинг горизонтал ташкил этувчиси *иссиқликнинг адвектив оқими*, вертикал ташкил этувчиси эса айнан конвектив оқим деб аталади.

Иссиқликнинг *турбулент оқими* шамол пульсациялари (шамолнинг ўртacha қийматларидан четланишлари)га боғлиқ. Иссиқликнинг турбулент оқими (молекуляр иссиқлик ўтказувчанлик каби) ҳарорат градиентига пропорционал:

$$Q_t = -c_p A \frac{\partial \theta}{\partial N}, \quad (6.8)$$

бу ерда  $A$  – турбулент иссиқлик алмашинуви коэффициенти,  $\frac{\partial \theta}{\partial N}$  – сиртга перпендикуляр йўналишда потенциал ҳарорат градиенти.

Горизонтал бўйича турбулент алмашинуви вертикал бўйича алмашинувдан анча кичик бўлганлиги учун вертикал турбулент иссиқлик алмашинуви куйидагича ёзилиши мумкин:

$$Q_z = -c_p A \frac{\partial \theta}{\partial z}$$

ёки (4.33) ни ҳисобга олиб,

$$Q_z = -c_p A (\gamma_a - \gamma). \quad (6.9)$$

Турбулент иссиқлик алмашинуви  $A$  күйидаги кўринишда берилиши мумкин:

$$A = k \rho, \quad (6.10)$$

бу ерда  $k$  – турбулентлик коэффициенти ( $\text{m}^2/\text{с}$ ).

(6.10) ни ҳисобга олиб, турбулент иссиқлик оқими тенгламаси кўйидагича ёзилади:

$$Q_z = -c_p k \rho \frac{\partial \theta}{\partial z}. \quad (6.11)$$

Атмосфера стратификацияси қуруқ нотурғун ( $\gamma > \gamma_a$ ) бўлганида турбулент иссиқлик оқими мусбат ( $Q_z > 0$ ), яъни ер сиртидан атмосфера томон йўналган бўлади. Агар атмосфера стратификацияси қуруқ бефарқ ( $\gamma = \gamma_a$ ) бўлса, турбулент иссиқлик оқими нолга teng ( $Q_z = 0$ ), ва ниҳоят, стратификация қуруқ турғун ( $\gamma < \gamma_a$ ) бўлганида манфий ( $Q_z < 0$ ) бўлади.

Реал шароитларда ҳаво зарраси ёпиқ термодинамик система эмас. Унинг вертикал ҳаракатида атрофдаги пастроқ ҳароратли ҳавонинг қўшилиши кузатилади. Шунинг учун турбулент иссиқлик оқими нолга айлангандаги ҳароратнинг вертикал градиенти қуруқ адиабатик градиентдан кичик бўлади ва у ҳароратнинг мувозанат градиенти ( $\gamma_m$ ) деб аталади.

Кўп сонли тажриба маълумотларининг кўрсатишича, ҳарорат мувозанат градиентининг ўртча қиймати  $0,65\text{-}0,70^\circ/100$  м га teng экан. Демак, хатто стратификация қуруқ турғун ( $\gamma < \gamma_a$ ) бўлганида ҳам турбулент иссиқлик оқими нолга teng эмас, балки мусбат бўлади.

Маълум ҳажмдаги ҳаво ҳароратининг ўзгариши иссиқлик оқими билан эмас, балки унга келган ёки ундан кетган иссиқлик миқдори – иссиқлик узатилиши билан белгиланади. Иссиқлик

узатилиши – бу ҳаво заррасига келаётган ва ундан кетаётган иссиқлик оқимларининг фарқидир. Иссиқлик узатилишининг ўлчов бирлиги  $\text{Ж}/(\text{м}^3 \cdot \text{с})$  ёки  $\text{Вт}/\text{м}^3$ .

Вертикал йўналишда иссиқлик узатилиши учун формулани келтириб чиқарамиз. Атмосферада  $z$  ва  $z+dz$  сатҳлар орасида бирлик юзали ҳаво устунини ажратамиз. Табиийки, ажратилган ҳажмга иссиқлик узатилиши қуий сатҳдаги  $Q_z$  ва юқори сатҳдаги  $Q_z + dQ_z$  иссиқлик оқимлари фарқига тенг бўлади, яъни

$$Q_z - (Q_z + dQ_z) = dQ_z. \quad (6.12)$$

Оқим дифференциали  $dQ_z$  ни қуийдагича ёзиш мумкин:

$$dQ_z = \frac{\partial Q_z}{\partial z}. \quad (6.13)$$

Кўриниб турибдики, бирлик вақт ичида бирлик массали ҳавога иссиқлик узатилиши қуийдагига тенг бўлади:

$$\frac{dQ_z}{dm} = \frac{1}{\rho} \frac{\partial Q_z}{\partial z}. \quad (6.14)$$

Иссиқлик оқими барча координаталар бўйича ташкил этувчиларга эгалигини ҳисобга олсак, уни қуийдагича ёзиш мумкин:

$$\varepsilon = -\frac{1}{\rho} \left( \frac{\partial Q_x}{\partial x} + \frac{\partial Q_y}{\partial y} + \frac{\partial Q_z}{\partial z} \right). \quad (6.15)$$

$$\frac{\partial Q_x}{\partial x} + \frac{\partial Q_y}{\partial y} + \frac{\partial Q_z}{\partial z} = \operatorname{div} \bar{Q} \text{ эканлигини эсласак, у ҳолда}$$

$$\rho \varepsilon = -\operatorname{div} \bar{Q}. \quad (6.16)$$

Шундай қилиб, бирлик вақт ичида бирлик ҳажмли ҳавога узатилган иссиқлик манфий ишора билан олинган иссиқлик оқими дивергенциясига тенг, яъни  $\operatorname{div} \bar{Q} < 0$  бўлганда иссиқлик узатилиши мусбат бўлади.

Таъкидлаш лозимки, (6.16) муносабат энергиянинг бошқа турлари ва атмосферанинг бошқа хоссалари учун ҳам ўринли.

Хусусан, уни радиация, сув буги, импульс, атмосфера аралашмалари ва бошқа оқимлар учун қўллаш мумкин.

Вертикал бўйича турбулент иссиқлик узатилиши учун қўйидаги муносабатни ёзиш мумкин:

$$\varepsilon_t = \frac{c_p}{\rho} \frac{\partial}{\partial z} \rho k \frac{\partial \theta}{\partial z}. \quad (6.17)$$

## 6.5. Турбулент атмосфера учун иссиқлик узатилиши тенгламаси

Термодинамиканинг биринчи қонуни тенгламаси (4.8) бошланғич тенглама сифатида хизмат қиласди ва уни қўйидаги кўринишда ёзамиш:

$$\frac{dq}{dt} = c_p \frac{dT}{dt} - \frac{R_q T}{P} \frac{dP}{dt}. \quad (6.18)$$

Тенглама ҳаво учун ёзилганлиги учун  $i$  индекси қўйилмаган.

Иссиқлик узатилишини тўртта кўшилувчининг йиғиндиси кўринишида ифодалаймиз:

$$\frac{dq}{dt} = \varepsilon_t + \varepsilon_n + \varepsilon_f + \varepsilon_k, \quad (6.19)$$

бу ерда:

$\varepsilon_t$  – турбулент иссиқлик алмашинуви билан ифодаланувчи солиширима иссиқлик узатилиши;

$\varepsilon_n$  – нурли энергия оқими билан ифодаланувчи солиширима иссиқлик узатилиши;

$\varepsilon_f$  – атмосферада сувнинг фазавий ўтишлари билан ифодаланувчи солиширима иссиқлик узатилиши;

$\varepsilon_k$  – молекуляр ва турбулент арлашиш таъсирида ҳаракат кинетик энергиясининг иссиқликка айланиши (дисипация) билан ифодаланган солиширима иссиқлик узатилиши.

(6.18) ва (6.19) тенгламаларнинг ўнг томонларини тенглаштиrsак,

$$c_p \frac{dT}{dt} - \frac{R_q T}{P} \frac{dP}{dt} = \varepsilon_i + \varepsilon_a + \varepsilon_f + \varepsilon_t. \quad (6.20)$$

$\frac{dT}{dt}$  тўлиқ ҳосилани қуидагича ифодалаймиз:

$$\frac{dT}{dt} = \frac{\partial T}{\partial t} + \frac{\partial T}{\partial x} \frac{\partial x}{\partial t} + \frac{\partial T}{\partial y} \frac{\partial y}{\partial t} + \frac{\partial T}{\partial z} \frac{\partial z}{\partial t}, \quad (6.21)$$

бу ерда  $\frac{\partial x}{\partial t} = u, \frac{\partial y}{\partial t} = v, \frac{\partial z}{\partial t} = w$  - ҳаво зарраси ҳаракат тезлигининг мосравишида  $x, y, z$  координата ўқлари бўйича проекциялари.

У ҳолда (6.21) қуидагича ёзилади:

$$\frac{dT}{dt} = \frac{\partial T}{\partial t} + u \frac{\partial T}{\partial x} + v \frac{\partial T}{\partial y} + w \frac{\partial T}{\partial z}. \quad (6.22)$$

$\frac{dT}{dt}$  ҳосила ҳаракатланаётган ҳаво заррасида ҳарорат ўзгаришининг тезлигини ифодалайди ва *индивидуал* ёки *тўлиқ ҳосила* деб аталади.  $\frac{\partial T}{\partial t}$  хусусий ҳосила фазонинг кўзғалмас нуткасида ҳарорат ўзгаришининг тезлигини ифодалайди ва *локал* ёки *маҳаллий ҳосила* деб аталади.  $\left( u \frac{\partial T}{\partial x} + v \frac{\partial T}{\partial y} \right)$  йигинди ҳароратнинг ҳаракат тезлигига боғлиқ ҳолда ўзгаришини ифодалаб, *адвектив ҳосила* деб аталади. Ниҳоят, *конвектив ҳосила* деб аталувчи  $w \frac{\partial T}{\partial z}$  қўшилувчи ҳароратнинг вертикал ҳаракат тезлигига боғлиқ ҳолда ўзгаришини ифодалайди.

Худди шу йўл билан (6.20) тенгламадаги  $\frac{dP}{dt}$  тўлиқ ҳосилани ёзиб чиқамиз:

$$\frac{dP}{dt} = \frac{\partial P}{\partial t} + u \frac{\partial P}{\partial x} + v \frac{\partial P}{\partial y} + w \frac{\partial P}{\partial z}. \quad (6.23)$$

Бу тенглама таркибига кирувчи ҳадларни баҳолаш ўнг томондаги биринчи учта ҳад тўртингчисидан икки тартибга кичик

эканлигини кўрсатади. Шунинг учун қуидагича ёзишмиз мумкин:

$$\frac{dP}{dt} \approx w \frac{\partial P}{\partial z}. \quad (6.24)$$

(6.22) ва (6.24) ифодаларни (6.17) тенгламани ҳисобга олган ҳолда (6.20) тенгламага қўямиз. Ҳосил бўлган ифодада  $w \frac{\partial T}{\partial z} + w \frac{\partial P}{\partial z}$  йигиндини статика тенгламасидан фойдаланиб қуидаги кўринишга олиб келамиз:

$$w \frac{\partial T}{\partial z} + w \frac{\partial P}{\partial z} = w(\gamma - \gamma_a). \quad (6.25)$$

Натижада ҳосил қилинган тенгламани  $\frac{\partial T}{\partial t}$  га нисбатан ечамиз:

$$\frac{\partial T}{\partial t} = - \left( u \frac{\partial T}{\partial x} + v \frac{\partial T}{\partial y} \right) + w(\gamma - \gamma_a) + \frac{\partial}{\partial z} k \frac{\partial \theta}{\partial z} + \frac{\varepsilon_n + \varepsilon_f + \varepsilon_k}{c_p}. \quad (6.26)$$

(6.26) тенглама умумий кўринишдаги *турбулент атмосферада иссиқлик узатилиши* тенгламасининг ифодасидир.

Бу тенгламанинг таҳлили етарлича мураккаб бўлганлиги учун уни ечишнинг хусусий ҳолларини кўриб чиқамиз.

1. *Иссиқликнинг адвектив ва конвектив узатилиши*. Эркин атмосферада ҳароратнинг нисбатан кичик (1 сеундгача) вақт оралиғидаги нодаврий ўзгаришларини ўрганишда алоҳида заррага иссиқлик узатилишининг барча турларини биринчи яқинлашишда ҳисобга олмаса бўлади, яъни жараённи адиабатик деб ҳисоблаш мумкин. Бу ҳолда (6.26) тенглама қуидагича ёзилади:

$$\Delta T = - \left( u \frac{\partial T}{\partial x} + v \frac{\partial T}{\partial y} \right) \Delta t + w(\gamma - \gamma_a) \Delta t \quad (6.27)$$

ёки

$$\Delta T = \Delta T_a + \Delta T_k, \quad (6.27')$$

бу ерда –  $\Delta T_a$  ҳаво массасининг горизонтал кўчиши (адвекция) таъсирида фазонинг бирор нуқтасидаги ҳаво ҳароратининг  $\Delta t$  вақт оралиғидаги ўзгариши:

$$\Delta T_a = - \left( u \frac{\partial T}{\partial x} + v \frac{\partial T}{\partial y} \right) \Delta t. \quad (6.28)$$

Агар ҳаво юкорироқ ҳароратли соҳадан пастроқ ҳароратли соҳага кўчаётган бўлса, ҳароратнинг адвектив ўзгариши мусбат, яъни *иссиқлик адвекцияси* кузатилади (22-расм). Бунга қарама-қарши йўналишдаги ҳаракатда *совуқлик адвекцияси* юз беради.

Фазонинг фиксирулган нуқтасида солиштирма иссиқлик (совуқлик) узатилиши  $c_p \Delta T_a$  тенг бўлади.

(6.25) тенгламадан иссиқликнинг конвектив узатилиши қўйидагига тенг:

$$\Delta T_k = w(\gamma - \gamma_a) \Delta t \quad (6.29)$$

Бу ҳолда қўйидаги варианtlар бўлиши мумкин:

а) ҳавонинг кўтариувчи ҳаракатларида ( $w > 0$ ) иссиқликнинг конвектив узатилиши  $\gamma > \gamma_a$  бўлганида мусбат ( $\Delta T_k > 0$ ),  $\gamma < \gamma_a$  бўлганида манфий ( $\Delta T_k < 0$ ) бўлади.

б) ҳавонинг пастга тушувчи ҳаракатларида ( $w < 0$ ) иссиқликнинг конвектив узатилиши  $\gamma < \gamma_a$  бўлганида мусбат ( $\Delta T_k > 0$ ),  $\gamma > \gamma_a$  бўлганида манфий ( $\Delta T_k < 0$ ) бўлади.

Хусусий ҳолда улкан антициклон ичida турғун стратификациацияланган ҳаво массасидаги ҳавонинг пастга тушувчи ҳаракатлари маълум баландликда ҳаво ҳароратининг ортишига ва ҳарорат инверсиясининг пайдо бўлишига олиб келади.

Агар ҳавонинг вертикал ҳаракатлари булут ичida (тўйинган нам ҳавода) кузатилса, ҳароратнинг локал ўзгаришлари учун формула қўйидагича ёзилади:

$$\Delta T_k = w(\gamma - \gamma'_a) \Delta t, \quad (6.30)$$

бу ерда  $\gamma'_a$  – ҳароратнинг нам адиабатик градиенти.

Циклонларда, нам ҳавога нисбатан турғун стратификациацияланган ( $\gamma < \gamma'_a$ ) ҳавода кузатилувчи катта ҳаво массасидаги ҳароратнинг локал ўзгаришлари учун формула қўйидагича ёзилади:

ларининг кўтарилиувчи ҳаракатлари циклоннинг марказий қисмида ҳавонинг совишига олиб келади.

(6.29) ва (6.30) тенгламалардан ҳавонинг вертикал ҳаракатлари бўлмаганида ( $w=0$ ) ёки атмосфера стратификацияси бефарқ ( $y=y_a$  ёки  $y=y'_a$ ) бўлганида фазонинг фиксиранган нуқтасида ҳароратнинг конвектив ўзгаришлари нолга тенг бўлиши келиб чиқади.

2. *Атмосферанинг иссиқлик ўтказувчанлиги тенгламаси.* Атмосферанинг чегаравий қатламида ҳароратнинг суткалик ўзгаришлари асосан иссиқликнинг вертикал турбулент узатилиши билан боғлиқ, яъни:

$$\left( \frac{\partial T}{\partial z} \right)_v = \frac{\partial}{\partial z} k_i \frac{\partial \theta}{\partial z} \quad (6.31)$$

ёки

$$\left( \frac{\partial T}{\partial z} \right)_v = \frac{\partial}{\partial z} k_i (y_* - y). \quad (6.31')$$

3. *Ҳаво массасининг трансформацияси.* Биржинсли бўлмаган ер сирти устида ҳаво массасининг ҳаракатланишида адвекция ва турбулент алмашинув асосий рол ўйнайди. Агар жараён мувозанатланган ( $\frac{\partial T}{\partial t} = 0$ ),  $x$  ўқи оқим бўйлаб йўналган ( $\vartheta = 0$ ) бўлса, иссиқлик узатилиши тенгламаси қўйидагича ёзилиши мумкин:

$$u \frac{\partial T}{\partial x} = \frac{\partial}{\partial z} k_i \frac{\partial \theta}{\partial z}. \quad (6.32)$$

4. Маълум вакт ораликларида (мавсум, йил) атмосферада ҳарорат ўртacha қийматларининг тақсимоти асосан турбулент, фазавий ўтиш ва нурли жараёнлар билан ифодаланувчи иссиқлик оқимларига боғлиқ. Вакт бўйича ўртачалаш даври катта бўлганлиги сабабли маҳаллий, адвектив ва конвектив ҳосилалар ҳисобга олмаса бўладиган даражада кичик бўлади. Бу ҳолда иссиқлик узатилиши тенгламаси қўйидагича ёзилади:

$$c_p \left( \frac{\partial}{\partial z} k_i \frac{\partial \theta}{\partial z} + \frac{\partial}{\partial x} k_i \frac{\partial \theta}{\partial x} + \frac{\partial}{\partial y} k_i \frac{\partial \theta}{\partial y} \right) + \varepsilon_u + \varepsilon_f = 0, \quad (6.33)$$

бу ерда

$$\varepsilon_n = -\frac{\partial}{\partial z} (U - G - Q) \quad (6.34)$$

нурли иссиқлик узатилиши. Бу тенгламада  $U$  – атмосферадан юқорига йўналган узун тўлқинли радиациянинг йиғинди оқими,  $G$  – шу радиациянинг пастга йўналган йиғинди оқими,  $Q$  – қисқа тўлқинли радиациянинг йиғинди оқими.

Сувнинг фазавий ўтишлари билан ифодаланган иссиқлик узатилиш қуйидагига тенг:

$$\varepsilon_f = \rho c_v \left( \frac{dT}{dt} \right)_f = \rho (Lr + L'r'), \quad (6.35)$$

бу ерда  $L$  ва  $L'$  – мос равишда буғланиш ва эриш жараёнларининг яширин иссиқлиги,  $r$  ва  $r'$  – мос равишда конденсацияланган ёки сублимацияланган сув микдори.

## 6.6. Ер сирти яқинида ҳаво ҳароратининг ўзгариши

Психрометрик будка кузатиши сатҳида, яъни Ер сиртидан 2,0 м баландликдаги ҳаво ҳароратининг ўзгариш хусусиятларини кўриб чиқайлик. Бу сатҳда ҳаво ҳарорати ер сиртидан иссиқликни ҳавога узатувчи турбулент алмашинув ва радиацион жараёнлар таъсирида ўзгаради. Бу иссиқликниң бир қисми бевосита ер сиртига тегиб турган энсиз ҳаво қатламида ютилади. Иссиқликниң қолган қисми юқориоқдаги элементар қатламга узатилади ҳамда бу ерда ютилади. Иссиқликниң юқорига узатилиш жараёни шу тартибда давом этаверади. Бу жараён оқибатида Куёш кўтарилганидан сўнг энг пастки қатламлардан бошлиб ҳаво ҳарорати кўтарилиб боради. Элементар ҳаво қатлами қанчалик баландда жойлашса, бу қатламларда ҳаво ҳароратининг кўтарилиши шунчалик кечикади.

Шундай қилиб, ҳаво ҳарорати суткалик ўзгаришда ер сирти ҳароратининг кетидан баландликлар бўйича маълум вақтга кечикиши билан ўзгариб боради. Одатда ўрта кенгликларда ёзда эрталаб ҳаво ҳарорати соат 9-10 гача тез кўтарилади, кейин кўтарилиш секинлашади. Максимум соат 14-15 да, яъни тушдан 2-3 соат кейин кузатилади. Бундан кейин ҳарорат аввал секин, соат 17-

18 дан кейин эса тезроқ пасаяди. Ҳарорат минимуми Қуёш чиққан вактда кузатилади. Ҳароратнинг бундай суткалик ўзгариши турғун очиқ об-ҳаво шароитларига хос (6.1-жадвал).

Сув сирти устида кундузги максимум кечроқ, соат 16-17 да, яъни тушдан 4-5 соат кейин кузатилади.

Ҳароратнинг суткалик ўзгаришига булутлилик микдори ва тури, ёгин ва айниқса адвекция катта таъсир кўрсатади. Шу сабабли ҳарорат минимуми кундузги соатларга, максимум эса тунга силжиши мумкин. Суткалик ҳарорат ўзгариши умуман бўлмаслиги, ёки суткалик ўзгариш эгри чизиги мураккаб шаклга эга бўлиши мумкин.

#### 6.1-жадвал

### Ҳаво ҳароратининг суткалик ўзгариши ( $^{\circ}\text{C}$ ) Арис, Жанубий Қозогистон

Ба- ланда- лик, м	Вакт, соат											
	2	4	6	8	10	12	14	16	18	20	22	24
0,05	21,1	17,2	19,2	29,1	35,0	39,0	40,2	38,8	34,2	28,8	26,9	22,0
1,5	22,0	19,0	19,4	27,6	32,1	35,2	37,3	37,3	34,9	39,6	27,4	23,8

Бироқ, кўп йиллик давр учун ўртача суткалик ҳарорат ўзгариши синусоидага яқин эгри чизиқ шаклидан иборат бўлади.

Ҳарорат суткалик ўзгаришининг муҳим характеристикаларидан бири унинг суткалик амплитудаси, яъни сутка давомидаги ҳароратнинг максимал ва минимал қийматлари ўртасидаги фарқдир. Суткалик амплитуда кўп омилларга боғлиқ.


Биринчи навбатда бу ер сиртининг (куруқлик ёки сув) таъсиридир. Ҳаво ҳароратининг суткалик амплитудалари океан устида куруқликка нисбатан бир ва ундан ортикроқ тартибга кичик бўлади. Тропикларда у бор-йўғи  $1-1,5^{\circ}\text{C}$  ни ташкил этади.

Куруқликда суткалик амплитудалар тупроқ тури ва унинг ҳолатига (куруқ, намланган, ўсимлик ёки қор билан қопланган) боғлиқ. Энг катта суткалик амплитудалар куруқ кумлоқ тупроқ устида кузатилади. Чўл ҳудудларида, шу жумладан Ўрта Осиё чўлларида ҳам ёзда улар  $20-25^{\circ}\text{C}$  ва ҳатто  $30^{\circ}\text{C}$  гача бўлиши мумкин. Зич ўсимлик қоплами устида суткалик амплитуда анча кичик. Қор қоплами устида ҳам суткалик амплитуда кичик бўлади.

Жой рельефининг шакли ҳам маълум таъсир кўрсатади. Жой рельефининг қавариқ шакллари устида (тоғ чўққилари ва ёнбагирлари, дўмликлар) ҳаво ҳароратининг суткалик амплитудаси текисликка нисбатан кичикроқ, рельефнинг ботиқ шакллари (водий ва чуқурликлар) устида эса каттароқ бўлади (Воейков қонуни). Бунинг сабаби шундаки, қавариқ шаклли рельефда ҳаво тўшалма сирт билан камроқ майдонда ўзаро таъсирилашади ҳамда янги ҳаво массалари билан алмасиб, ундан тез олиб кетилади. Ботиқ шаклли рельефда ҳаво сиртдан кўпроқ иссиқлик олади ва кундузги соатларда узоқроқ туради. Тунда эса ҳаво кучлироқ совийди ва ёнбагирлар бўйлаб пастга тушади. Радиация келиши ва эффектив нурланиш кичик бўлган тор дараларда суткалик амплитуда кенг водийларга нисбатан кичикроқ бўлади.

Булутлилик миқдори ва тури ҳаво ҳароратининг суткалик амплитудасига кучли таъсир кўрсатади. Очик ҳавода суткалик амплитуда булутли об-ҳавога нисбатан сезиларли катта (22-расм). Булутли об-ҳавода суткалик амплитуда ёзда  $5\text{-}6^{\circ}\text{C}$ , кишда эса  $2\text{-}3^{\circ}\text{C}$  гача камаяди.

Санаб ўтилган барча омиллар ҳаво ҳароратининг суткалик амплитудасига жой кенглиги ва мавсумга боғлиқ ҳолда турлича таъсир кўрсатади. Тўшалма сирт ҳарорати амплитудаси каби у ҳам кишда ёзга нисбатан камроқ бўлади.



22-расм. Булутлиликка боғлиқ ҳолда Павловскда ҳаво ҳароратининг суткалик ўзгариши.  
1 – очик ҳаво, 2 – булутли об-ҳаво, 3 – барча кунлар.


Кенглик ортиши билан туш вақтида қуёшининг горизонтдан баландлиги камайиши сабабли ҳаво ҳароратининг суткалик амплитудаси камаяди. Қуруқликда йиллик ўртacha ҳарораг суткалик амплитудаси  $20\text{-}30^{\circ}$  кенгликларда  $12^{\circ}\text{C}$ ,  $60^{\circ}$  кенгликда  $6^{\circ}\text{C}$ ,  $70^{\circ}$  кенгликда

еса бор-йўғи 3°C атрофида бўлади. Қатор кўп кунлар давомида куёш чиқмайдиган ёки ботмайдиган энг юқори кенгликларда ҳароратнинг мунтазам суткалик ўзгариши умуман йўқ.

Ҳаво ҳароратининг суткалик ўзгариши атмосферанинг чегаравий қатламида яхши ифодаланган. Баландлик бўйича суткалик амплитуданинг камайиши ва ҳарорат максимумларининг кечроқ соатларга силжиши суткалик ўзгаришнинг асосий хусусиятларидандир. Бу ҳолат 23-расмдан яққол кўринади.

Куруқлик устида 1 км баландликда ҳароратнинг суткалик амплитудаси 1-2°C, 2 км баландликда – 0,5-1°C га тенг, кундузги максимум эса кечки соатларга силжайди.

Океан устида ҳароратнинг суткалик амплитудаси пастки бир километрли қатламда баландлик бўйлаб бироз ортади. Бирок, амплитуда кичик бўлиб қолаверади.



23-расм. Олти суткалик кузатишлар қатори бўйича ўртачаланган ҳаво ҳароратининг турли баландликлардаги суткалик юриши. О’Нейл (АҚШ), 1953 й. август-сентябр бошланиши.

Тоғларда тўшалма сиртнинг таъсири эркин атмосферанинг мос баландликларига нисбатан каттароқ, суткалик амплитуда баландлик бўйлаб секинроқ камаяди. Айрим тоғ чўққиларида, 3000 м ва ундан каттароқ баландликлarda у 3-4°C ни ташкил этиши мумкин.

Ҳаво ҳароратининг нодаврий ўзгаришларига сабаб бўлувчи ҳаво массалари адвекцияси ҳаво ҳароратининг суткалик ўзгаришига кучли таъсир кўрсатиши ҳақида юқорида айтиб ўтилган эди. Совук ҳаво адвекцияси совук атмосфера фронтининг ўтишида юз беради. Қитъа ичкарисида ҳавонинг қишида ўта сезиларли совуши ҳарорат таҳминан бир соат давомида  $10\text{--}20^{\circ}\text{C}$  га камайиши мумкин бўлганда кузатилади.

Совуқ арктик ва антарктик ҳаво массаларининг кириб келиши энг кучли совишга олиб келади. Океан устида совуқ ҳавонинг кириб келиши тропикларгача ўтиб бориши мумкин.

Қишида денгиз ҳавосининг қитъага кириб келиши ўрта кенгликларда исишга, ёзда эса совишга олиб келади.

Тропик ҳаво массаларининг кириб келишида илиқ ҳаво адвекцияси энг кучли бўлади. Ёзда кутбий кенгликларда ҳаво ҳароратининг  $25\text{--}30^{\circ}\text{C}$  гача исиши шундай кириб келишлар билан боғлиқ. Қишида эса ўрта кенгликлардан илиқ ҳавонинг олиб чиқилиши оқибатида Шимолий кутбда ҳаво ҳарорати  $0^{\circ}\text{C}$  гача кўтарилиши мумкин.

Ҳаво ҳароратининг нодаврий ўзгаришларига олиб келувчи иккинчи сабаб ҳавонинг пастга ҳаракатланишида унинг *адиабатик исии* ҳисобланади. Бундай ҳолат ер шарининг тоғли ва тоголди худудларида фёйларнинг ривожланишида кузатилади.

Ҳароратнинг суткалараро ўзгарувчанлиги, яъни ўртacha суткалик ҳаво ҳароратининг суткадан суткага ўзгариши ҳароратнинг нодаврий ўзгаришлари характеристикаси бўлиб хизмат килади.

Турғун атмосфера шароитларида (одатда антициклонал шароитларда) ўртacha суткалик ҳаво ҳарорати жуда кичик қийматга ўзгаради. Суткалараро ўзгарувчанлик ўрта кенгликларда одатда бир неча градусни ташкил этсада, ҳаво массалари кескин алмашганда  $25\text{--}30^{\circ}\text{C}$  га етиши мумкин.

Ҳарорат суткалараро ўзгарувчанлигининг кўп йиллик ўртacha абсолют қийматлари берилган жойнинг иқлим характеристикалари ҳисобланади.

Ҳароратнинг суткалараро ўзгарувчанлиги тропикларда кичик бўлиб, кенглик ортиши билан ортади. Келиб чиқиши турлича бўлган ҳаво массаларининг денгиз устида фарқи камлиги сабабли денгиз иқлимида ҳароратнинг суткалараро ўзгарувчанлиги қитъага нисбатан камроқ бўлади. Фарбий Сибирнинг шимоли ва Печорада, шунингдек Шимолий Американинг ичкари қисмларида ҳаро-

ратнинг суткалараро ўзгарувчанлиги ўта катта. Бу ҳудудларда унинг қиймати йилига ўртача  $3,5^{\circ}\text{C}$  гача бўлади. Россиянинг Европа қисмида ҳароратнинг суткалараро ўзгарувчанлиги йилига ўртача  $2,5^{\circ}\text{C}$ , Фарбий Европада  $2^{\circ}\text{C}$ , Жанубий Европада эса  $1,5^{\circ}\text{C}$  атрофида бўлади. Шу билан бирга ҳамма жойда қишида бу кўрсаткич ёзга нисбатан катта: Фарбий Сибир ва Шимолий Американинг ичкари қисмларида унинг қишики қийматлари  $5\text{--}6^{\circ}\text{C}$  гача бўлади.

Бу ҳолат қишида кучли циклонал фаолият ва у билан боғлиқ бўлган ҳароратнинг салмоқли адвектив ўзгаришлари юз беришидан далолат беради.

Нодаврий ҳарорат ўзгаришларининг намоён бўлишларидан бирни музлашибир. Музлаш деб ўртача суткалик ҳарорат нолдан юкори бўлганда Ер сирти ёки ҳаво ҳароратининг  $0^{\circ}\text{C}$  ва ундан пастроқ кўрсаткичларга тушишига айтилади. Бу ҳодиса одатда баҳор ва кузда кузатилади, ҳамда совуқ ҳаво массалари, одатда арктик ҳавонинг кириб келиши билан боғлиқ бўлади.

## 6.7. Атмосферадаги ҳарорат инверсиялари

*Ҳарорат инверсияси* деганда баландлик бўйича ҳаво ҳароратининг ортиши тушунилади. Ҳарорат инверсиялари тропосферанинг бутун қалинлигига нисбатан етарлича кичик қатламларни эгаллашига қарамай, тропосферада тез-тез кузатилиб туради.

Ҳарорат инверсияси ҳароратнинг кўтарилиши кузатилаётган қатлам қалинлигини ифодаловчи қуввати ( $\Delta z$ ) ва инверсия қатламишининг юкори ва куйи чегарасидаги ҳароратлар фарқини ифодаловчи чуқурлиги ( $\Delta t$ ) билан тавсифланади. Инверсия қатламида ҳароратнинг вертикал градиенти ( $\frac{\Delta t}{\Delta z}$ ) манфий қийматга эга.

Атмосферанинг турли қатламларида пайдо бўлувчи инверсиялар бевосита ер сирти устида шаклланувчи ер сирти яқини инверсиялари ва ер сиртидан маълум баландликда шаклланувчи кўтарилиган инверсияларга бўлинади.

*Ер сирти яқини ҳарорат инверсияларининг турлари.*

Бу инверсияларнинг энг кўп тарқалган тури радиацион инверсиялар ҳисобланади. Ер сирти ва унга қўшни бўлган атмосфера қатламларининг тунги радиацион совуши радиацион инверсияларнинг шаклланишига сабаб бўлади. Тунги очик ҳаво ва ер сирти

яқинида шамолнинг кучсиз бўлиши инверсиянинг пайдо бўлишида энг яхши шароит ҳисобланади. Бундай шароитлар ер яқини антициклонлари, айниқса уларнинг марказий қисмлари учун хос бўлади. Ёзда Күёшнинг кўтарилиши ва ер сиртининг исиши билан радиацион инверсиялар емирилади. Йилнинг совуқ даврида радиацион инверсия кундузги вақтда ҳам кузатилиши мумкин.

Радиацион инверсияларнинг куввати одатда 200-300 м, чукурлиги эса  $10-15^{\circ}\text{C}$  ва ундан кўпроқни ташкил этади. Арктика ва Антарктида музликлари устида ер яқини радиацион инверсиялари узоқ вақт сақланиб туриши мумкин.

Очиқ сув сиртлари устида радиацион инверсиялар камдан-кам пайдо бўлади. Кўпинчча *изотермия*, яъни доимий ҳароратга эга бўлган қатлам шаклланади.

Инверсия қатламишининг ичida кучли термик турғунлик кузатилганлиги учун вертикал ҳаракатлар ўта сустлашади. Шу сабабдан шаҳар шароитларида радиацион инверсиялар атмосфера куйи қатламларининг атмосфера аэрозоллари билан кучли ифлосланишига олиб келади.

*Орографик инверсия* радиацион инверсиянинг кўринишларидан бири ҳисобланади. Очиқ об-ҳаво кузатилганда рельефнинг ботик шаклларида совуқ ҳаво туриб қолади ва ер сиртига қўшини ҳаво қатламларининг ўта кучли совушига олиб келади. Масалан, тоғ ботиклигига жойлашган Верхоянскда (совуқлик кутби яқинида), кишда ўртacha ҳарорат атрофдаги тоғ ёнбағирлардаги ҳароратга нисбатан  $10-15^{\circ}\text{C}$  пастроқ. Фойдали қазилмалар олинувчи карьерлар антропоген келиб чиқишига эга бўлган ботикликлардир. Киш пайтида улардаги ҳаво ўта кучли ифлосланиши мумкин.

Ер яқини инверсияларининг иккинчи тури *адвектив инверсия-дир*. У илиқ ҳаво массаси совуқ ер сиртига кириб келганда пайдо бўлади. Бу кишида илиқ денгиз ҳавосининг совуган қитъага ёки ёзда илиқ қитъа ҳавосининг совуқроқ денгиз сиртига томон ҳаракатланганида кузатиласди.

Бу ҳолларда инверсиянинг юқори чегарасида шивалама ёғин берувчи қатламли булутлар шаклланиши мумкин. Намлик етарли бўлганда ер сирти яқинида туман ҳосил бўлади. Бундай инверсияларнинг куввати бир неча юз метрга етади (500-600 м), чукурлиги эса нисбатан кичик:  $5-6^{\circ}\text{C}$ .

*Кор ёки баҳор инверсияси* деб аталувчи инверсия адвектив инверсиянинг кўринишларидан ҳисобланади. У баҳорда, кор қоплами

устига ҳаракатланувчи илиқ ҳаво бевосита ер сирти устида совуганда пайдо бўлади. Бундай инверсиянинг қуввати кичик (юз метргача).

Атмосферанинг пастки 1,5-2 км қатламида чўкиш инверсияси ёки сиқилиши инверсияси деб аталувчи кўтарилиган инверсиялар теззет пайдо бўлади. Улар кўпинча турғун антициклонларда, ҳам куруқлик, ҳам денгиз устида катта худудларда ва узоқ вақт давомида кузатилади. Бу инверсиялар ҳавонинг пастлама ҳаракатланиши ва бунда адиабатик исишида пайдо бўлади. Агар тушаётган қатлам аввал турғун стратификацияга эга бўлса, пастлашда у янада турғунлашади ва инверсиянинг шаклланишига олиб келиши мумкин. Гап шундаки, ҳаво массасининг тушишида пастки қатламдаги ҳавонинг ёйилиши юз беради. Бунинг натижасида ҳаво қатламининг юқоридаги қисми вертикал бўйлаб кўпроқ йўлни ўтади ва пастки қисмларга нисбатан кўпроқ адиабатик исийди.

Бу инверсиялар катта қувватга (0,8-1,0 км гача) эга бўлиши мумкин, бироқ уларнинг чуқурлиги кичик ( $\Delta t \approx 2-3^{\circ}\text{C}$ ). Баъзида улар ер яқини радиацион инверсиялари билан қўшилиши мумкин. Бу ҳолда нафақат катта қувватли, балки чуқур ( $\Delta t = 15-20^{\circ}\text{C}$ ) инверсия қатлами шаклланади.

*Пассат инверсиялари* деб аталувчи бундай турдаги кўтарилиган инверсиялар субтропик пассатларнинг экватор томонидаги четида куйи 1-2 км қатламда деярли доим кузатилади.

Кўтарилиган инверсиялар булут қатламлари устида ҳам шаклланиши мумкин. Бунда ҳавонинг пастлама ҳаракати катта ўрин тутади. Булут қатламининг устида тушаётган ҳаво адиабатик исийди. Булутнинг ўзида эса ҳавонинг нам адиабатик совуши юз беради. Бу икки жараён динамик келиб чиқишга эга бўлган булут усти инверсиясининг ҳосил бўлишига олиб келиши мумкин.

*Динамик инверсиялар* куйи сатҳ найсимон оқимлари деб аталувчи минимал шамол тезликлари соҳасида ҳосил бўлади. Шамолнинг катта тезликларида (най ўқида 15 м/с ва ундан катта) ҳавонинг юқори ва куйи қатламлардан ўзига ҳос сўриб олиниши юз беради. Юқори қатламлар пастлайди ва қуруқ адиабатик исийди, куйи қатламлар эса кўтарилиади ва адиабатик совийди. Бу жараёнларнинг натижасида яхши шаклланган ҳарорат инверсияси пайдо бўлади.

Ер сиртидан ихтиёрий баландликда *фронтал инверсиялар* кузатилиши мумкин. Улар фронтал зоналарнинг вертикал кесишмасида ҳосил бўлади. Вертикал бўйлаб совук фронт илиқ фронт билан

кесишадими, ёки илиқ фронт совуқ фронт билан кесишадими, бундан қатъй-назар пастидаги совуқ ҳаводан юқоридаги илиқроқ ҳавога ўтиш содир бўлади.


## 6.8. Ҳароратнинг тропосфера ва қуий стратосферадаги тақсимоти

Тропосфера ва стратосферадаги ҳарорат тақсимотининг хусусиятлари ҳароратнинг зонал тақсимоти таҳлили асосида қараб чиқилади. Агар ҳарорат факат кенглик ва нуқтанинг денгиз сатҳидан баландлигига боғлик бўлиб, узунликка боғлик бўлмаса, ҳарорат майдони зонал деб аталади. Зонал ҳарорат майдонини кузатилаётган ҳароратларни кенглик айланалари бўйича ўртачалаш йўли билан ҳосил қилиш мумкин (24-расм).

Тропосферада ҳароратнинг зонал горизонтал градиенти йилнинг ҳамма мавсумларида экватордан кутбларга йўналган. Қишида экватордан кутбий кенгликларга томон ( $70^{\circ}$  гача) ҳароратнинг умумий пасайиши иккала яримшарда ҳам деярли бир хил: қуий тропосферада  $35\text{-}50^{\circ}\text{C}$  ва юқори тропосферада  $25\text{-}30^{\circ}\text{C}$ . Ёзда океанлар ўрта кенгликларнинг 93-100% сиртини эгаллаган жанубий яримшарда экватор ва кутбий соҳалар ўртасидаги ҳарорат фарқлари қишига нисбатан сезиларсиз камаяди: қуий тропосферада  $26^{\circ}\text{C}$  гача ва юқори тропосферада  $20^{\circ}\text{C}$  гача. Қуруқлик катта майдонларни эгаллаган шимолий яримшарда ёздаги ҳарорат фарқлари қишига нисбатан деярли икки марта катта.

Ҳароратнинг барча кенгликларда баландлик бўйича камайиши тропосферадаги вертикал ҳарорат тақсимотининг ўзига ҳос хусусияти ҳисобланади. Яримшар бўйича ўртача вертикал ҳарорат градиенти  $0,65^{\circ}/100$  м ни ташкил қиласи. Бироқ, кенглик ва баландликка боғлик ҳолда ўртача кийматдан сезиларли четланишлар кузатиласи.

$30^{\circ}$  ш.к. дан шимолда чегаравий қатламда (таҳминан 1,5 км баландликкача) бутун йил давомида ўртача вертикал градиентлар тропосферанинг бошқа қисмларига нисбатан кичик бўлади. Қишида баҳорда бу қатламда  $60^{\circ}$  ш.к. дан шимолда одатда ҳароратнинг инверсион тақсимоти кузатиласи. Ўрта кенгликларда ўртача вертикал ҳарорат градиентлари қишида  $0,05\text{-}0,10^{\circ}\text{C}/100$  м дан ёзда  $0,44^{\circ}\text{C}/100$  м гача ўзгаради.




24-расм. Шимолий яримшарда январ ва июлдаги ҳавонинг ўртача зонал ҳарорати ( $^{\circ}\text{C}$ ).

Ўрта ва юқори тропосферада вертикал градиентлар чегаравий қатламга нисбатан катта. Ўрта кенгликларнинг ўрта тропосферасида градиент қишдан ёзга  $0,40$  дан  $0,55^{\circ}\text{C}/100$  м гача, юқори тропосферада эса  $-0,60$  дан  $0,70^{\circ}\text{C}/100$  м гача ўзгаради.

Қуйи кенгликларда қуйи тропосферадаги вертикал градиентлар ўрта кенгликларга нисбатан анча катта: йилнинг барча мавсумларида  $0,50^{\circ}\text{C}/100$  м атрофида бўлади. Қуйи кенгликларнинг ўрта тропосферасида улар  $0,50\text{--}0,60^{\circ}\text{C}/100$  м, юқори тропосферасида эса  $-0,70\text{--}0,75^{\circ}\text{C}/100$  м ни ташкил қиласди.

Тропосферанинг барча сатҳларида энг юқори ҳарорат (термик экватор) июлда  $20^{\circ}$  ш.к. яқинида, январда эса географик экватор яқинида кузатилади.

Тропопауза тропосферадан стратосферага ўтувчи қатлам сифатида кенглик ва ийил мавсумига боғлиқ ҳолда катта ҳарорат тебранишларига учрайди (24-, 25-расмлар).



25-расм. Ўртacha (ойлик) зонал ҳароратнинг баландлик бўйича таҳсимланиши.

1 - 80° ш.к., 2 - 60° ш.к., 3 - 50° ш.к., 4 - 30° ш.к., 5 - 10° ш.к.

Энг баланд (16-17 км) ва совук (-76° дан -82°C гача) тропопауза экваториал соҳада кузатилади. Ўрта кенгликларда тропопауза ёзда 9-10 км ва қишида 11-12 км баландликда жойлашади. 50° ш.к. да бутун йил давомида унинг ҳарорати таҳминан -55°C га тенг. Энг паст тропопауза (8-9 км) кутбий соҳада кузатилади. Унинг ҳарорати қишида -56°C, ёзда эса -44°C атрофида бўлади.

Куйи кенгликларда тропосфера қалинлиги ва тропопауза баландлигининг ортишини интенсивлиги ер сиртига келаётган қуёш радиациясининг оқимиға боғлиқ бўлган вертикал алмашинувнинг таъсири билан тушунтириш мумкин. Бу оқим катта бўлган жойларда катта баландликларгача тарқалувчи интенсив турбулент (конвектив) алмашинув ривожланади.

Субтропик кенгликларда (30-40°) тропопауза узулишларининг мавжуд бўлиши тропопауза баландлигининг кенгликлар бўйича

тақсимотининг ўзига хос хусусиятидир. Экваториал ва тропик кенгликларда тропопаузанинг баландлиги 16-17 км ташкил қиласи ва кенглик бўйича кам ўзгаради. Ўрта ва юқори кенгликларда тропопауза 8-12 км баландликда жойлашади, шу билан бирга кутбга томон тропопаузанинг аста-секин пастлаши кузатилади. Тропопауза узилиш ҳудудининг кенглиги 2000-2300 км га етади, унинг қалинлиги эса 2-3 км бўлади.

24-расмдан кўриниб турибдики, иккала яримшарларнинг  $40^{\circ}$  кенгликлари орасидаги ҳудудда ҳамма мавсумларда совуқ соҳа мавжуд бўлади. У тропосферанинг юқори ва стратосферанинг қуий қисмларини эгаллайди. Бу совуқ соҳа атмосферанинг катта қисмини эгаллаган вертикал турбулент ва конвектив алмашниувнинг оқибати ҳисобланади.

Тропосферанинг қалинлиги қанча катта бўлса, унинг юқори қисмida ҳарорат шунчалик паст бўлади. Шу сабабдан юқори кенгликларда қуий стратосфера (нисбатан) илик бўлади. Совуқ сирт устидаги суст ривожланган алмашинув нисбатан кичик баландликларга тарқалади. Натижада тропопауза сатҳидаги ҳарорат ўрта ва қуий кенгликларга нисбатан анча юқори ( $-44 \div -52^{\circ}\text{C}$ ) бўлади.

Ёзда қуий стратосферада ҳароратнинг горизонтал градиенти кутблардан экваторга, яъни тропосферадаги градиентга қарама-қарши йўналган. Бу шимолий яримшарда апрелдан сентябргacha кузатиладиган стратосфера термик майдонининг муҳим хусусиятидан биридир. Тропосфера градиентидан стратосфера градиентига ўтиш аста-секинлик билан амалга ошишини алоҳида таъкидлаш лозим. 25-расмдан кўриниб турибдики (июл), 10-11 км қатламда энг паст ҳарорат соҳалари ўрта кенгликларда кузатилади ( $50-60^{\circ}$  ш.к.) ва фақат ундан юқоридагина паст ҳарорат соҳалари кичикроқ кенгликлар томонга силжийди.

Қишида қуий стратосферада горизонтал градиент йўналиши ўзгармайди. Бироқ, йилнинг бу вақтида юқори кенгликларга қўёш радиацияси келмайди. Хусусий нурланишнинг таъсирида маркази кутблар устида 25 ва 30 км баландликлар орасида жойлашган совуқ соҳа шаклланади. Совуқ соҳанинг арктик марказида ҳарорат  $-73^{\circ}\text{C}$  гача, антарктик марказда эса  $-85^{\circ}\text{C}$  ва ундан камроққача пасаяди.

Қишида қуий стратосферадаги энг юқори ҳарорат соҳалари ўрта кенгликларда  $40^{\circ}$  ш.к. ва  $40^{\circ}$  ж.к. орасида кузатилади, ўрта стратосферада эса у экватор томонга бироз силжийди. Шундай қилиб, қишида қуий стратосферада ҳароратнинг горизонтал градиенти ўрта

кенгликлардан экватор ва кутбларга йўналади. Бу ноябрдан мартгача даврдаги стратосфера термик режимининг муҳим хусусиятидир.

Ўрта ва юқори стратосферада (30 км дан юқорида) барча кенгликларда ҳарорат баландлик бўйича ортади. Ёзда ҳароратнинг горизонтал градиенти кутблардан экваторга йўналган. Қишида градиентнинг йўналиши қарама-қарши ўзгаради. Кўрсатиб ўтилган ҳароратнинг вертикал ва горизонтал тақсимоти ўрта ва юқори стратосферада иссиқликнинг асосий манбаи бўлган озоннинг вакт ва фазо бўйича тақсимотининг хусусиятларига боғлик бўлади.

### **Асосий холосалар**

1. Ер сиртида ютилган нурли энергиянинг айланишлари иссиқлик баланси тенгламаси билан тавсифланади. Иссиқликнинг буғланиш, ер сиртига кўшни ҳаво қатламлари ҳамда тупроқ ва сувнинг куйида жойлашган қатламларини иситишга сарфланадиган ташкил этувчилари ушбу баланснинг асосий ташкил этувчилиариdir.

2. Иссиқликнинг тупроқ ва сувдаги тақсимланиш хусусиятлари ушбу муҳитларнинг физиковий параметрларини (иссиқлик сигими, иссиқлик ўтказувчанлик ва бошқалар) ҳисобга олувчи Фурье қонунлари билан тавсифланади. Иккала муҳит учун суткалик ва йиллик ўзариш, шунингдек жой кенглигига боғлиқлик хосдир.

3. Атмосферанинг иссиқлик режими атмосфера физикасининг яна бир асосий тенгламаси – турбулент атмосферада иссиқлик узатилиши тенгламаси билан тавсифланади. Кичик вакт интервалидаги (бир секундгача) ҳароратнинг нодаврий ўзгаришлари асосан иссиқликнинг адвектив ва конвектив узатилиши билан белгиланади. Вактнинг каттароқ даврлари учун иссиқликнинг турбулент, фазавий ва нурсимон узатилишини ҳисобга олиш лозим.

4. Атмосферанинг чегаравий қатламида ҳаво ҳароратининг суткалик ўзгаришига сутка вақти, йил фасли, жой рельефи ва кенглиги билан белгиланувчи турбулент ва конвектив иссиқлик алмашинуви энг катта таъсир кўрсатади. Турли келиб чиқишига эга бўлган ер яқини ва кўтарилиган инверсиялар ҳарорат вертикал тақсимотининг муҳим объектлариdir.

5. Тропосфера ва қуий стратосферада ҳароратнинг тақсимланиш қонуниятлари иссиқлик узатилиши тенгламаси таркибиغا кирувчи ҳадларнинг термик режимдаги турли салмоги билан

белгиланади. Уларнинг таъсирида йилнинг турли мавсумларида горизонтал ҳарорат градиентининг йўналиши шакланади.

### **Назорат саволлари**

1. Ер юзаси иссиқлик баланаси тенгламаси қандай ташкил этувчилардан иборат?
2. Ер юзаси ҳарорат режими қайси омиллар таъсирида шакланади?
3. Тупроқда иссиқлик тарқалиши қандай юз беради? Фурье қонунлари нимани англатади?
4. Конвектив ва турбулент иссиқлик оқимлари нима?
5. Турбулент атмосферада иссиқлик узатилиши тенгламасини келтириб чиқаринг. Унинг алоҳида ташкил этувчиларини таҳлил килиб беринг.
6. Адвектив ва конвектив иссиқлик узатилиши нима? Атмосферанинг иссиқлик ўтказувчанлик тенгламасини тавсифлаб беринг.
7. Ер сирти яқинидаги ҳаво ҳароратининг суткалик ўзгаришлари қайси омилларга боғлиқ?
8. Атмосферанинг чегаравий қатламидаги ҳаво ҳарорати қандай ва нима учун ўзгаради?
9. Атмосферада ҳарорат инверсияларининг қандай турлари вужудга келади? Уларнинг келиб чикиши қандай?
10. Тропосфера ва стратосфера иссиқлик режимларини характерлаб беринг.

## **VII БОБ. АТМОСФЕРАНИНГ СУВ РЕЖИМИ**

### **Асосий тушунчалар**

**1. Оқим** – атмосфера ёғинлари сувларининг муайян худуддан дарёларга, сўнгра океан ёки берк кўлларга оқиб чиқиши. Ер ости ва сирт оқимлари ажратилади. Сирт оқимлари ёнбагир ва ўзан оқимларига бўлинади. Оқим – намлик айланишининг ташкил этувчилиридан бир.

**2. Далътон конуни** – буғланиш тезлиги ва намлик дефицити орасидаги боғлиқлик:  $w=A(E'-e)$ , бу ерда  $E'$  – буғлантирувчи сирт хароратида сув буғининг тўйиниш эластиклиги,  $e$  – буғлантирувчи сирт устидаги бут эластиклиги,  $A$  – пропорционаллик коэффициенти.

**3. Муссон** – Ер юзасининг катта қисми устида куйи тропосферадаги маълум йўналишдаги етарлича турғун ҳаво оқими бўлиб, йўналишини йилда икки марта қарама-қарши ёки унга яқин йўналишда алмаштиради. Қишки муссонга доимо йўналиши бўйича қарама-қарши ёзги муссон қарши туради. Муссоннинг у ёки бу ярим йилликдаги, айниқса ўрта кенгликлардаги асосий йўналиши мунтазам сакланади. Вактинча бошқа йўналишли шамоллар билан алмашганда муссон оқимларининг бузилиши кузатилади.

**4. Дисперс тизим** – иккитадан кам бўлмаган фазадан ташкил топган физикавий-кимёвий тизим. Улардан бири – дисперс фаза анча кичик ўлчамли заррачалар кўринишида иккинчи фаза – дисперс мухитда тақсимланган бўлади. Уларга коллоидлар, шу жумладан аэрозоллар мисол бўлади. Атмосфера ҳавосидаги чанг заррачалари, конденсация маҳсулотлари ва бошқалар дисперс мухит хисобланади.

**5. Ячейкали конвекция** – суюқликнинг юпқа қатламидаги конвекциянинг хусусияти бўлиб, эркин сиртга эга ва у пастдан исийди: суюқликнинг куйи ва юкори сиртларида ҳароратлар фарки муайян қийматдан ортганидан сўнг суюқлик горизонтал йўналишда ажралади. Ҳар иккала қатламнинг марказида конвекцион ҳаракат юкорига, чеккасида эса пастга йўналади. Ячейкалар секин-аста тўғри олтибурчакли шаклга айланади.

Атмосфера шароитидаги конвекциялар шундай табиятта эга бўлиши мумкин.

**6. Коагуляция** – булут ёки туман элементларининг (томчи ёки кристаллар) тўқнашиши ва бирекиши натижасида катталалиши бўлиб, оқибатда булут ва туманлардан йирик элементларнинг ёғин кўринишидаги тушишига олиб келади. Бунда томчилар ўзаро бирлашиши ёки кристалл заррачалар устида музлаши мумкин.

### 7.1. Ер шарида намлик айланиши ҳақида умумий маълумотлар

Ер шарида сувнинг доимий айланиши содир бўлиб туради. Атмосферага сув океанлар ва материклардан бугланиш натижасида келиб қўшилади. Атмосферада у конденсацияланади ва бунинг натижасида булут хосил бўлади, ёғинлар юзага келади ва Ер юзасига ёғади.

Сув айланишининг бутун занжирини кўриб чиқамиз. Ҳозирги вақтда уни *атмосферада намлик айланиши* деб аташ қабул қилинган. Ўртacha кўп йиллик намлик айланиши қуидагилар билан характерланади:

Худуд	Қитъалар	Дунё океани	Ер шари
Бугланиш, мм/йил тонна/йил	423 $0,63 \cdot 10^{14}$	1423 $5,14 \cdot 10^{14}$	1131 $5,77 \cdot 10^{14}$
Ёғинлар, мм/йил онна/йил	689 $1,03 \cdot 10^{14}$	1313 $4,74 \cdot 10^{14}$	1131 $5,77 \cdot 10^{14}$
Оқим, мм/йил тонна/йил	266 $0,4 \cdot 10^{14}$	110 $0,4 \cdot 10^{14}$	

Қитъаларда дарёларнинг сиртдаги оқими ёғинлар микдорининг бугланишдан катта бўлганлиги ҳисобига шаклланади. Океанларда бугланиш ёғинлар микдоридан 110 мм га ортиқ. Бу сув буғининг ортиқча микдори ҳаво оқимлари билан қитъаларга етиб келиб, бу ерда конденсацияланади ва булутлар хосил бўлади.

Атмосфера сув буғи ва сув кўринишида ўртacha  $1,29 \cdot 10^{13}$  кг намлини ўзида ушлаб туради. Бу келтирилган сув катламишининг 25,5 мм ини ташкил қиласди. Бир йилда ёккан ёғинларнинг микдори 1131 мм га тенглигини ҳисобга олсан, бир йилда атмосферадаги сув буғи 45 маротаба ёки 8,1 суткада бутунлай алмашади. Таққослаш

учун – океанларда сувнинг тўла алмасиши 2500 йилда 1 марта кузатилади.

Ер атмосферасининг энергетик режимида сув буғининг роли бекиёс. 1 см<sup>2</sup> Ер сиртидан қалинлиги 113,1 см га тенг бўлган сув қатламишининг буғланишига таҳминан  $2.82 \cdot 10^5$  Ж энергия микдори сарфланади. 1 см<sup>2</sup> юзали атмосферанинг устуни бир йилда  $7.6 \cdot 10^5$  Ж энергияни ютади. Шундай килиб, ютилган энергиянинг 30% буғланишига сарфланади. Буғланишига сарфланадиган иссиқлик сарфига тенг бўлган атмосферадаги сув буғининг конденсацияланишидан ҳосил бўладиган иссиқлик узатилиши атмосфера учун  $2 \cdot 10^{12}$  кВт га тенг бўлган кинетик энергиянинг генерация тезлигидан таҳминан 15 марта катта.

## 7.2. Турубулент атмосферада сув буғининг кўчиши тенгламаси

Атмосферада сув буғиниг тарқалиши ўртача тезликли тартибланган кўчиш ва турубулент алмасинувдан ташкил топади. Молекуляр диффузия факат буғланаётган сиртга бевосита яқин жойда, яъни буғланаётган сиртдан бир неча мм масофада сезиларли аҳамиятга эга.

Тўйинмаган ҳаво учун турубулент атмосферада сув буғи узатилиши тенгламасини келтириб чиқарамиз. Ҳаракатланаётган заррача учун сув буғининг масса улуши ўзгармас бўлганлиги сабабли, сув буғининг турубулент оқими унинг масса улуши градиентига мутаносиб бўлади:

$$Q_x = -k'_b \rho_b \frac{\partial s}{\partial x}; \quad Q_y = -k'_b \rho_b \frac{\partial s}{\partial y}; \quad Q_z = -k'_b \rho_b \frac{\partial s}{\partial z}, \quad (7.1)$$

бу ерда  $k'_b$  – сув буғининг турубулент диффузия коэффициенти,  $k_b$  – турубулентлик коэффициенти,  $\rho_b$  – сув буғининг зичлиги.

Таъкидлаш керакки, ҳаво намлигининг бошқа ҳаракетистикалари (мутлақ ва нисбий намлик, сув буғининг парциал босими, шудринг нуқтаси ҳарорати) ҳаво заррачининг ҳаракати давомида ўзгаради.

Сув буғининг оқими бу бирлик ваqt ичida оқимга перпендикуляр бўлган бирлик юзадан оқиб ўтган сув буғининг микдоридир (кг/(м<sup>2</sup>·с)).

Узатилиш ва оқимни ўзаро боғловчи (6.16) тенглама асосида куйидагини ёзиш мумкин:

$$\rho \varepsilon_b = -\operatorname{div} \bar{Q}. \quad (7.2)$$

Демак, бирлик вақт давомида (1 с) бирлик ҳажмга сув буғининг турбулент узатилиши куйидагига тенг:

$$\varepsilon_b = \frac{\partial}{\partial x} \left( k'_b \rho_b \frac{\partial s}{\partial x} \right) + \frac{\partial}{\partial y} \left( k'_b \rho_b \frac{\partial s}{\partial y} \right) + \frac{\partial}{\partial z} \left( k_b \rho_b \frac{\partial s}{\partial z} \right). \quad (7.3)$$

Бундан кейин сув буғининг турбулент диффузия коэффициенти турбулентлик коэффициентига тенг ( $k'_b = k$ ) деб ҳисоблаймиз.

(7.3) тенглама таркибидаги ҳадларнинг тартиб қийматлари бир хил эмас – горизонтал турбулент узатилишини ифодаловчи ҳадларнинг тартиб қийматлари вертикаль турбулент узатилишини ифодаловчи ҳаддан бир-икки тартибга кичик. Шу сабабли куйидагини ёзамиз:

$$\varepsilon_b = \frac{\partial}{\partial z} \left( k \rho_b \frac{\partial s}{\partial z} \right). \quad (7.4)$$

Ҳаракатланаётган ҳаво заррачасида сув буғи масса улушкининг вақт бўйича ўзгариши унинг тўлиқ ҳосиласи  $\frac{ds}{dt}$  билан характерланади. Ҳаво заррачасида сув буғи микдорининг ўзгариши куйидагига тенг бўлади:

$$\rho \frac{ds}{dt} = \varepsilon_b \text{ ёки } \rho \frac{ds}{dt} = \frac{\partial}{\partial z} \left( k \rho_b \frac{\partial s}{\partial z} \right). \quad (7.5)$$

Тўлиқ ҳосилани  $x, y, z, t$  координаталари бўйича хусусий ҳосила орқали ифодалаймиз:

$$\frac{ds}{dt} = \frac{\partial s}{\partial t} + u \frac{\partial s}{\partial x} + v \frac{\partial s}{\partial y} + w \frac{\partial s}{\partial z}. \quad (7.6)$$

(7.6) тенгламани (7.5) тенгламага қўйиб, ҳосил бўлган ифодани  $\frac{ds}{dt}$  га нисбатан ечамиш:

$$\frac{\partial s}{\partial t} = - \left( u \frac{\partial s}{\partial x} + v \frac{\partial s}{\partial y} \right) - w \frac{\partial s}{\partial z} + \frac{\partial}{\partial z} k \frac{\partial s}{\partial z} \pm \frac{m}{\rho}. \quad (7.7)$$

Бу тенгламага мувофик, фазонинг маълум нуқтасида сув буғи масса улушининг ўзгариши қўйидаги жараёнлар билан белгиланади.

1. Горизонтал йўналишда ўртача оқим билан сув бугининг тартибланган кўчиши – *сув бугининг адвекцияси*. Агар ҳаво  $s$  нинг қийматлари катта худуддан унинг қийматлари кичик худудига кўчса, сув буғи масса улушининг ортиши  $\frac{\partial s}{\partial t} > 0$  кузатилади.

Ҳакиқатдан ҳам, ҳаво оқимини  $x$  ўқи бўйича йўналтирилса ( $u>0$ ,  $v=0$ ), у ҳолда  $\frac{\partial s}{\partial x} < 0$ ,  $\frac{\partial s}{\partial t} > 0$ . Аксинча бўлганида эса  $\frac{\partial s}{\partial x} > 0$ , сув бугининг масса улупи адвекция таъсирида камаяди  $\frac{\partial s}{\partial t} < 0$ .

2. Вертикал оқимлар билан сув бугининг тартибланган кўчиши – *сув бугининг конвекцияси*. Агар буғ улуши вертикал бўйича камайса  $\frac{\partial s}{\partial z} < 0$ , у ҳолда кўтарилиувчи ҳаво оқимларида ( $w>0$ ) кўрилаётган сатҳда сув бугининг масса улупи вақт ўтиши билан ортади  $\frac{\partial s}{\partial t} > 0$ . Пастга тушувчи ҳаво ҳаракатларида ( $w<0$ ), у камаяди  $\frac{\partial s}{\partial t} < 0$ . Бундай вазият атмосферада тез-тез кузатилади.

3. Турубулент диффузия натижасида сув бугининг кўчиши. Вертикал йўналишда турбулент диффузиянинг роли жуда катта. Турбулент аралашиш ҳисобига диффузия сув буғи масса улушининг вертикал бўйича текис тақсимланишига олиб келади. Турбулент диффузия йўли билан горизонтал йўналишда сув бугининг кўчиши ниҳоятда кичик. Лекин, тўшалган сиртнинг хусусиятлари кескин ўзгарадиган жойларда (масалан, денгиз соҳили) горизонтал турбулент диффузиянинг улупи ҳисобга олиниши керак.

4. (7.7) тенгламадаги охирги ҳад сувнинг фазавий ўтишлари натижасида (буғланиш, конденсация) ҳаво заррачасида сув бугининг ортиши ёки камайишини характерлайди. Бу ерда  $m$  – бирлик вақт ичичда бирлик ҳажмда конденсацияланган (ёки буғланган) сув буғи (ёки сувнинг) массасидир.

(7.7) тенглама иккинчи тартибли хусусий ҳосилали дифференциал тенгламадир. Унинг ечилиши зарур бўлган

чегаравий ва бошланғич шартларни тұғри бериш билан белгиланувчи қийинчиликтарга боғлиқ.

Бошланғич шарт, одатда, бошланғич вақт моментида фазода сув буғи масса улушининг маълум бўлган тақсимоти билан белгиланади. Чегаравий шартлар кўрилаётган худуднинг чегараларида сув буғи масса улушининг ўзгаришларини тавсифлайдиган функциялар билан белгиланади. Куйи чегара сифатида, одатда, Ер сирти олинади. Бунда сув сирти ёки кучли намланган сирт яқинида сув буғи тўйинган ҳолатда деб ҳисобланади. Куруқ Ер сирти яқинида чегаравий шартларни белгилаш қийин. Бу ҳолларда Ер сиртининг иссиқлик баланси кўлланилади. Юқори чегара сифатида тропопауза ёки сув буғи оқимлари нолга айланадиган сатҳ қабул қилинади.

### 7.3. Табиий шароиттада буғланиш. Буғланувчалик

Молекуляр-кинетик назарияга мувофик, буғланиш шундай жараёнки, унинг давомида суюқликнинг маълум бир қисми сиртдан узилиб чиқиб кетади. Кўрилаётган ҳароратда бу молекулаларнинг ўртача кинетик энергияси сиртга яқин бўлган суюқлик қатламидаги кўшни молекулаларнинг тортиш кучини енгнишга етарли бўлади. Бу жараён давомида бажарилган иш буғланиш иссиқлигига teng бўлади. Сув учун  $0^{\circ}\text{C}$  ҳароратда буғланиш иссиқлиги  $2500 \text{ кЖ}/\text{кг}$ ,  $100^{\circ}\text{C}$  га teng бўлган ҳароратда –  $2258 \text{ кЖ}/\text{кг}$  га teng бўлади.

Амалий мақсадларда қиймати бирлик вақт мобайнида бирлик юзадан буғланган сув массасига teng бўлган буғланиш тезлиги ҳисобланади.  $1 \text{ м}^2$  юзадан буғланган  $1 \text{ мм}$  қалинликли сув  $1 \text{ кг}$  массага teng бўлади. Демак, буғланиш тезлиги  $\text{кг}/\text{м}^2 \cdot \text{с}$  ёки  $\text{мм}/\text{с}$  да ўлчанади. Табиий шароитларда буғланиш тезлиги кўп омилларга боғлиқ. Дальтон қонунига асосан, буғланиш тезлиги намлик дефицитига (етишмаслигига), яъни буғланётган сирт ҳароратида тўйинган сув бугининг парциал босими  $E_s$  ва ҳаводаги сув бугининг парциал босим  $e$  ўртасидаги фарқقا мутаносиб. Бундан ташқари буғланиш тезлиги ҳаво босими  $P$  га тескари мутаносиб. Лекин бу омилни фақат тоғли худудларда ҳисобга олиш лозим. Текисликда ҳаво босимининг тебранишлари ҳисобга оладиган даражада эмас.

Умумий кўринишда қуйидаги эмпирик ифодани кўллаб буғланиш тезлигини аниқлаш мумкин:

$$V = k \frac{E_s - e}{P} f(\vartheta), \quad (7.8)$$

бу ерда  $k$  – буғланаётган сиртнинг ўлчами ва турига боғлиқ бўлган мутаносиблик коэффициенти,  $f(\vartheta)$  – шамол тезлигининг буғланиши тезлигига таъсирини ҳисобга олувчи функция.

(7.8) ифодадан кўриниб турибдики,  $E_s - e$  айирма қанча катта бўлса, буғланиш тезлиги шунча катта бўлади. Агар буғланаётган сувнинг ҳарорати ҳаво ҳароратидан катта бўлса, у ҳолда  $E_s$  кўрилаётган ҳаво ҳароратидаги тўйиниш босимидан  $E$  дан катта бўлади. Бунда ҳаводаги сув буғи тўйиниш ҳолатида бўлса ҳам буғланиш давом этаверади, чунки  $e=E_s$  бўлсада  $E < E_s$ . Агар буғланаётган сирт ҳаводан совукроқ бўлса, у ҳолда етарлича катта нисбий намлиқда  $E_s < e$  бўлиб қолиши мумкин. Бундай шароитда ҳавода тўйиниш бўлмаса ҳам сиртга конденсация бошланиши мумкин.

Сув ҳавзалари ўлчамининг буғланиши тезлигига таъсири куйидагида. Барча сув ҳавзаларини учга бўлиш мумкин: кичик (диаметри 1 км дан кам), чегараланган (диаметри 1 км дан 100 км гача) ва чексиз (диаметри 100 км дан ортиқ).

Чексиз сув ҳавзалари устида ҳаво ҳарорати, намлиги ҳамда шамол тезликлари (фазо ва вакт бўйича) нисбатан секин ўзгаради. Демак, (7.7) тенгламадаги адвектив ва конвектив ҳадларнинг, шунингдек, шамолнинг буғланиши тезлигига таъсири катта бўлмайди.

Кичик сув ҳавзалари устида сув ва қуруқлик ўртасидаги ҳаво ҳарорати ва намлигининг горизонтал фарқлари катта бўлади. Қуруқлик устидан тўйинмаган ҳавонинг адвекцияси намлик дефицитини орттириб, шамол тезлигига боғлиқ равишда буғланишини кучайтиради.

Денгиз шўр суви сиртидан буғланиш ҳисобланганида тўйинган бүғнинг босими туз эритмасига нисбатан олиниши лозим. Бу босим чучук сув устидагидан кичик бўлганлиги учун, намлик дефицити, ва, демак буғланиш тезлиги камаяди. Денгиз суви шўрлигини ҳисобга олмаслик, буғланишини 10-20% гача кўпайтириб кўсатиши мумкин.

(7.8) формула муз ва қор сиртидан буғланиш тезлигини аниқлашда кўлланилиши мумкин. Тажрибалар кўрсатадики, эски зич қор, ва айникса, муз сиртидан, янги ёқкан қор сиртига

қараганда буғланиш тезлиги анча катта. Бу муз ва зич қорни янги ёқсан қорга нисбатан иссиқлик ўтказувчанлиги катта бўлганлиги билан изоҳланади. Шунинг учун ҳам муз ва зич қорнинг чуқурликдаги қатламларидан иссиқлик оқими каттароқ ва шу сабабли янги ёқсан қорга нисбатан уларнинг сиртлари иликроқ бўлади.

Табиий шароитда буғланиши ўлчаш мураккаб масала бўлганлиги учун буғланиш тезлиги ва буғланган сув микдорини аниқлаш учун ҳисоблаш усууллари қўлланилади. Улардан баъзиларини кўриб чиқамиз.

Буғланиш тезлигини аниқлаш учун энг оддий эмпирик формула В.В.Шулейкин формуласидир:

$$V = CU(E_s - e), \quad (7.9)$$

бу ерда  $U$  – шамол тезлиги ( $\text{м}/\text{с}$ ),  $C$  – сув буғи босимини ўлчаш баладлигига боғлиқ бўлган коэффициент.

Агар босим ( $\text{гПа да}$ ) психрометрик будка ( $2 \text{ м}$ ) баландлигига ўлчанса, у ҳолда шамол тезлигини айнан шу баландликда ўлчаш учун  $C$  нинг қиймати  $0,34 \cdot 10^{-6}$  га тенг бўлади.

М.И.Будико иссиқлик баланси тенгламаси асосида буғланишни аниқлаша усулини ишлаб чиқкан:

$$\nu = \frac{(R - P)\Delta e}{\Delta e + 0,64\Delta t}, \quad (7.10)$$

бу ерда  $\Delta e$  ва  $\Delta t = 0,5$  ва  $2 \text{ м}$  баландликлар орасида сув буғи парциал босими ( $\text{гПа да}$ ) ва ҳароратнинг градиент ўлчашлар асосида ҳисобланган фарқлари,  $R - P$  – Ер сирти радиация баланси ва тупроқ ёки сув ичига йўналган иссиқлик оқими орасидаги фарқ ( $\text{kBt}/\text{m}^2$ ),  $V$  нинг ўлчов бирлиги  $\text{мм}/\text{соат}$ .

Градиент ўлчашлар асосида нам тупроқ ёки сув сиртидан буғланишни аниқлаш учун куйидаги формуладан ҳам фойдаланилади:

$$V = 0,05U_1 \frac{a_1 - a_2}{\ln \frac{z_2}{z_1}}, \quad (7.11)$$

бу ерда  $a_1$  ва  $a_2 - z_1$  ва  $z_2$  баландликларда ўлчанган мутлақ намлик ( $\text{г}/\text{см}^3$ ),  $U_1 = 1 \text{ м}$  баландлиқдаги шамол тезлиги ( $\text{см}/\text{с}$ ).

Бир хил турдаги Ер сиртлари учун ҳақиқий бугланиши ёки бугланиши ва мумкин бўлган бугланиши ёки бугланувчанликни ажратиш мумкин.

Бугланувчанлик деб, намлик заҳираси билан чекланмаган, мумкин бўлган максимал буғланишга айтилади. Сув ҳавзаси ёки ортиқча намланган тупроқ юзасидан буғланиш катталиги бугланувчанлик катталигига мос келади.

Ортиқча намланган худудларда ҳақиқий бугланиш бугланувчанликка яқин, курғоқчил худудларда буғланиш бугланувчанликдан анча кичик бўлади.

#### 7.4. Атмосферада ҳаво намлигининг ўзгариши


Атмосферага сув бугининг қўшилишини таъминловчи ягона жараён Ер сиртидан сувнинг буғланишидир. Сув буғи эластиклиги  $e$ , мутлақ намлик  $a$  ва сув буғи масса улуши  $s$  нинг суткалик ўзгариши, ҳаво ҳарорати суткалик ўзгариши каби кўп йиллик ўртacha қийматларида алоҳида кунлар бўйича қийматларига нисбатан яққолроқ кўринади.

Юкорида санаб ўтилган ҳаво намлиги характеристикалари суткалик ўзгаришларининг икки тури ажратилади.

Биринчи тур ҳаво ҳарорати суткалик ўзгариши каби оддий суткалик ўзгаришга эга. Суткалик максимум кундузи, ҳаво ҳарорати энг юқори қийматларига эришганида, минимум эса – Қуёш чиқишидан олдин кузатилади. Бу тур мунтазам буғланиш имконияти бор бўлган жуда нам, шу билан бирга кучсиз вертикал намлик алмашинуви кузатиладиган жойларга хос. Шу сабабли мазкур суткалик ўзгариш кенг сув сиртлари ва қишида қитъалар учун характерли (26-расм).

Суткалик ўзгаришнинг иккинчи тури йилнинг илик, сув буғининг босими, мутлақ намлик ва сув буғининг масса улуши  $s$  иккапланган суткалик ўзгаришга эга бўлган пайтда, китъалар ичкарисида кузатилади (26-расмга қаранг). Биринчи минимум ҳаво ҳарорати минимуми кузатилганда эришилади. Сўнг соат 9-10 ларгача ҳаво ҳарорати ортиши билан намлик характеристикалари ҳам тез ортади. Бундан кейин намлик камаяди ва соат 15 ларда иккинчи минимум кузатилади. Қуруқ ва иссиқ худудларда бу

минимум асосий ҳисобланади. Иккинчи минимумдан кейин намлиқ кийматлари яна орта бошлайди ва соат 21-22 ларда иккинчи максимумга эришади, сўнгра намлиқ эрталабки минимумгача камаяди.



26-расм. Сув буғи босимишининг тропик океанда ва чўлда (Нукус) қиши ва ёзда суткалик ўзгариши.  $\Delta e$  - ўртacha суткалик кийматларидан четланиши.

Ҳаво намлиги иккиланган суткалик ўзгаришининг сабаби қуруқлик устида кундузги соатларда конвекциянинг ривожланиши ҳисобланади. Қуёш чиқиши билан тупроқ исий бошлайди. Бу билан бирга бугланиш ортади ва Ер юзаси яқинида буғ эластиклиги ортади. Бироқ соат 8-10 лар атрофида Ер юзаси яқинидаги қатламда нотурғун стратификация юзага келади ва конвекция етарлича ривожланади. Конвекция жараёнида сув буғи унинг градиенти йўналишида, яъни пастдан юқорига кўчади. Бу кундузи Ер юзаси яқинида буғ миқдорининг камайишига олиб келади. Кечга томон конвекция кучсизланади, исиган тупроқ устидан бугланиш эса ҳали юқори. Шу сабабли Ер юзаси яқинидаги қатламда буғ миқдори орта бошлайди. Бироқ тунги соатларда бугланиш жуда камайиб кетади,

ҳаво совишида Ер юзасида сув буғи конденсацияланади ва шудринг ҳосил бўлади. Буғ эластиклигининг тунги камайиши шунга боғлиқ.

Тоғ станцияларида буғ эластиклигининг суткалик ўзгариши ҳарорат ўзгаришига параллел: максимум тушдан кейин, конвекция сув бугини юкори қатламларга интенсивроқ олиб кета бошлаганда юзага келади. Тоғ станцияларида амплитуда кичик ва экстремал қийматлар кечикади.

Нисбий намликтининг суткалик ўзгариши буғ хақиқий эластиклигининг *E* суткалик ўзгариши ва тўйинган буғ босимининг *E* суткалик ўзгаришига боғлиқ. Бироқ, у бевосита ҳарораттининг суткалик ўзгариши билан боғлиқ. Буғ босими *E* умуман, сутка давомида кам ўзгаради; тўйинган буғ босими *E* ҳарорат билан бирга кескин ўзгаради. Шу сабабли нисбий намликтининг суткалик ўзгариши ҳарораттининг суткалик ўзгаришига етарлича тескари боғлиқ. Ҳарорат пасайланда нисбий намлик оргади, ҳарорат ортганда эса камаяди. Натижада нисбий намликтининг суткалик минимуми ҳаво ҳароратининг суткалик максимумига, яъни тушдан кейинги соатларга мос келади, нисбий намликтининг суткалик максимуми эса ҳаво ҳарорати суткалик минимумига, яъни күёш чиқишидан олдинги соатларга мос келади.

Денгизларда ҳарораттининг суткалик амплитудаси кичик бўлганилиги учун нисбий намликтининг суткалик ўртача амплитудаси ҳам кичик. Россиянинг ички жанубий денгизларида нисбий намликтининг суткалик амплитудаси кишда 5-7%, ёзда 10-15% ни ташкил этади. Океанларда у яна ҳам кичик.

Куруқликларда суткалик амплитуда денгиздагига қараганда каттароқ, айниқса ёзда. Денгиз иқлими яққол ифодаланган Дублинда у кишда 7%, ёзда 20%; Венада кишда 9%, ёзда 27%; Нукусда кишда 25%, ёзда 45%. Ҳиндистонда муссондан олдинги жазира маҳалла суткалик амплитуда 40% атрофида, муссон ёмғирлари даврида эса -20% атрофида.

Албатта, очиқ кунларда нисбий намликтининг суткалик ўзгариши булатли кунлардагига қараганда яққолроқ намоён бўлади. Ҳарораттининг суткалик ўзгариши ҳам ҳудди шундай. Шундай қилиб, Венада очиқ кунларда амплитуда қишда 20% ва ёзда 43%, яъни юқорида келтирилган умумий ўртачадан анча юқори.

Нисбий намликтининг суткалик ўзгаришининг бузилишига денгизлар кирғоқларидаги бризлар сабаб бўлади. Кундузги денгиз-

дан эсадиган бризда ҳарорат пасаяди, нисбий намлик эса нормал суткалиқ ўзгаришни бузиб, ортади.

Тоғли ҳудудларда нисбий намликтинг суткалиқ ўзгариши ҳарораттинг суткалиқ ўзгаришига параллел. Максимум кундузги соатларга тұғри келади, бу вақтда булат ҳосил бўлиши ортган бўлади.


Буғ эластиклигининг йиллик ўзгариши ҳарораттинг йиллик ўзгаришига параллел, ёзда у катта, қишида кичикроқ. Йилнинг энг илиқ ва энг совук ойлари одатда буғ эластиклиги қийматларининг энг юқори ва энг кичик қийматли ойлари ҳисобланади. Баъзида буғ миқдорининг экстремал қийматлари ҳарораттинг экстремуми кузатиладиган ойга нисбатан кечикади. Тропикларнинг ҳарорат максимуми ёмғирли давр бошланишидан олдин кузатиладиган ҳудудларида бу миқдорининг максимуми ёмғирлар бошланишига мос келади.

Йиллик ҳарорат амплитудаси қанча катта бўлса, буғ босимининг йиллик амплитудаси шунча катта бўлади. Шундай қилиб, континентал иқлимда у дengiz иқлимидан катта. Қишки кескин куруқ ва ёзги кескин сернам бўлган муссон соҳаларида у янада катта. Океанларда ва дengiz иқлими қуруқликда, асосан экваториал ҳудудларда буғ миқдори йиллик амплитудаси кичик.

Масалан, буғ босимининг гектопаскаллардаги ўргача қийматлари Москвада (континентал иқлим) – январда 3, июлда – 16, Парижда (dengiz иқлими) – январда 6, августда – 14; Пекинда (муссон иқлими) – январда 3, июлда – 24, Жакартада (экваториал иқлим) – августда 26, апрелда – 29.


Нисбий намлик ҳам йиллик ўзгаришда ҳароратга тескари ўзгаради. Масалан, Москвада у январда 85%, июлда 68%. Бироқ, муссон ҳудудларида дengiz ҳавоси кириб келишида ва муссон ёғинлари ёқсан вактларда нисбий намлик ёзда ортикроқ. Қишида ҳаво массалари қуруқликдан чиқиши даврида нисбий намлик камроқ. Масалан, Владивостокда у июлда 89%, ноябрда 68% (27-, 28-расмлар).

Баландлик ортиши билан сув буғи эластиклиги, мутлақ намлик ва сув буғининг масса улуши камайиб боради. Пастки 100 м қатламда айтиб ўтилган катталикларнинг тақсимоти логарифмик конун бўйича етарлича яхши изоҳланади.



27-расм. Нисбий намликнинг ўртача тақсимоти (%). Январ.

Баландлик ортиши билан намликнинг камайиши алоҳида ҳолларда турлича кечади. Бу ҳавонинг араласиши шароити ва ҳароратнинг вертикал тақсимотига боғлиқ. Ўртача қилиб олингандা сув буғи босими баландлик ортиб бориши билан камайиб боради. Баландлик ортган сари сув буғи босими билан бирга ҳаводаги мутлақ намлик ҳам тез камайиб боради.



28-расм. Нисбий намликнинг ўртача тақсимоти (%). Июл.

Намлик характеристикаларининг баландлик бўйича тақсимотини изохловчи эмпирик формулалар мавжуд. Хусусан, бу Зюргинг-Хргиан формуласи:

$$e = e_0 \cdot 10^{\frac{z - z'}{6 - 120}}, \quad (7.12)$$

бу ерда  $e_0$  – Ер юзаси сатҳида сув буғи босими (эластиклиги),  $z$  – баландлик (километрларда).

Ўлчов маълумотлари бўйича жами сув бугининг 55% и - пастки 20 км қатламда, 90% и – 0-5 км қатламда ва 99% дан ортиғи тропосферада жойлашган.


Нисбий намлик баландлик бўйича қонуниятга камроқ бўйсуниб ўзгарили. Умуман у баландлик ортиши билан камаяди. Бироқ булут ҳосил бўладиган сатҳда нисбий намлик албатта ортади. Ҳарорат инверсияси мавжуд сатҳларда у ҳарорат ортиши натижасида жуда кескин камаяди.

Мутлақ намликтининг баландлик бўйича тақсимотини билган ҳолда, Ер юзаси бирлик майдони устидаги бутун ҳаво устунида қанча сув буғи мавжудлигини ҳисоблаб топиш мумкин. Бу катталикни атмосфера устунининг намлик микдори деб аталади. Ер юзасининг ҳар бир квадрат метр бўллаги устидаги атмосфера ҳавосида 28,5 кг атрофида сув буғи мавжуд.

## 7.5. Атмосферада сув бугининг конденсацияси ва сублимацияси

Атмосферада ва Ер юзаси устида доимо сувнинг бир агрегат ҳолатдан бошқа ҳолатга фазавий ўтиши содир бўлиб туради. График кўринишида бу ўтишлар сув учун фаза ҳолати диаграммаси ёрдамида тасвирланиши мумкин (29-расм). Диаграммада учта чегара ажратилади, бу чегараларнинг ҳар бирида сув кристалл фаза ҳолатида (муз), суюқ - сув ёки буғ ҳолатида - буғ бўлиши мумкин.

Диаграммада ОМ чизиқ муз ҳосил бўлиши ва сувнинг кристалланиш ҳолати орасидаги динамик мувозанат шароитини характерлайди. ОК чизиқ икки фаза ҳолати – конденсация ва бугланишнинг мувозанат ҳолатига мос келади. Конденсация учун сув буғи тўйиниш ҳолатида бўлиши керак. ОН чизиқ сув бугининг суюқ фаза ҳолатига ўтмасдан бирданига кристалл ҳолатига ўтишини характерлайди. Бу сублимация жараёни деб аталади. О нуктада эгри чизиқлар кесишади ва у учлик нуқта деб аталади. Унинг координаталари  $t=0,01^{\circ}\text{C}$  ( $273,16\text{ K}$ ),  $E_0=6,11\text{ гПа}$ . Ҳарорат ва босимнинг бу кийматларида уччала фазанинг ҳаммаси мувозанат ҳолатида бўлади.



29-расм. Тўйиниш босимининг буғлантирувчи сиртнинг ҳарорати ва фазавий ҳолатига боғлиқлиги.

Мусбат ( $T > 0^{\circ}\text{C}$ ) ҳароратларда сув фақат суюқ ёки буғ ҳолатда бўлиши мумкин. Тўйиниш ҳолати ҳароратнинг муайян қатъий қийматларида содир бўлади. Бунда ҳарорат ортиши билан тўйиниш босими аввалига охиста, кейин эса тез ортади (ОК эгри чизик). Ҳарорат ўзгаришининг тўйиниш босими ўзгаришига таъсирини баҳолаймиз. Фараз қиласайлик ОК эгри чизигининг турли қисмларида ( $T_2 > T_1$ ) ҳарорат бир хил қийматларга ўзгарсин. Ҳароратнинг иккала мос қийматлари учун тўйинган буғ босимининг ортиши турлича бўлади  $\Delta E_2 > \Delta E_1$ . Бу тўйинган ҳаво ҳароратининг бир хил қийматларга камайишида сув буғи юқори ҳароратларда, паст ҳароратлардагига қараганда кўп конденсацияланишини англатади.

Ордината ўқига параллел иктиёрий учта  $A$ ,  $B$ ,  $C$  нуқтани кўрамиз. Уччала нуқталарнинг ҳаммасида ҳарорат бир хил. Бу нуқталарга мос сув буғи босимлари  $e_A$ ,  $e_B$ ,  $e_C$ . ОК эгри чизигида жойлашган  $C$  нуқтада сув буғи ва сув мувозанат ҳолатида, яъни буғланётган сув микдори конденсацияланаётган сув буғи микдорига teng.  $A$  нуқтада шу нуқтадаги ҳароратга мос сув буғининг босими  $e_A$  тўйиниш босимидан кичик ( $e_A < E$ ). Бу ҳолатда сувнинг буғланиши конденсациядан устунлик қиласи ва буғланиш жараёни сув буғланиб бўлмагунча давом этади. Бундан  $A$  нуқта

учун буг кўринишидаги ҳолат барқарор эканлиги келиб чиқади. Шунга ўхшаш фикрлаш В нуқта суюқ ҳолат барқарор эканлигини кўрсатади.

Манфий ҳароратларда ( $t < 0^{\circ}\text{C}$ ) сув кристалл (муз) ёки суюқ (ўта совиган) ҳолатда бўлиши мумкин. Бу ҳолатда ўта совиган ҳолат барқарор бўлади. Манфий ҳароратларда ўта совиган сув ва муз устида тўйинган сув буғи босимини тақкослаймиз. Учиди чиқаётган сув буғи молекулаларининг сув молекулалари билан қўшилганлик кучи муз молекулалари билан қўшилганлик кучидан кичикилиги сабабли, сув бугининг мувозанат босими ўта совиган сув устида муз устидагидан катта (бир хил ҳароратда).

Агар булатда сув томчилари ва муз кристаллари аралашмаси мавжуд бўлса, унда кристаллар ўсиши устунлик қиласди, бу сув бугининг улар устига сублимацияси натижасида содир бўлади.

Ўта совиган сув ва муз устидаги тўйинган сув буғи босими эгри чизиклари орасида жойлашган нуқталар муз ва буг орасидаги барқарор ҳолатга мос келади.

Юқорида кўриб чиқилган тўйиниш босимининг ҳарорат ва буғлантирувчи юза фаза ҳолатига боғлиқлигидан ташқари тўйиниш босимига бошқа омиллар ҳам таъсир этади.

а. *Буғлантирувчи юзанинг эгрилиги.* Буғлантирувчи юзаларнинг уч хил кўриниши билан танишамиз: қавариқ, яssi, ботиқ. Сув бугининг ҳар бир молекуласи суюқлик молекулалари билан ўзаро таъсирда бўлади. Бу ўзаро таъсир алоҳида молекуланинг ўзаро таъсир сфераси радиусига боғлиқ. Агар буғланётган сирт қавариқ бўлса, унда ўзаро таъсир сферасига яssi юзадагига қараганда суюқликнинг камроқ молекуласи тушади. Бу шунга олиб келадики, қавариқ юздан молекулаларнинг учеб чиқиши яssi юзага қараганда осонрок, ботиқ юздан эса яssi юзага қараганда кийинрок. Шу сабабли тўйиниш босими қавариқ юза устида яssi юза устидагига нисбатан катта, ботиқ юза усти яssi юзага нисбатан кичик, яъни  $E_{\text{қавариқ}} > E_{\text{яssi}} > E_{\text{ботиқ}}$ .

Атмосфера шароитида булатдаги сув томчиси қавариқ юзага эга. Булат элементларининг ўлчамлари катта спектрга эга: майдага томчилардан йирик точмиларгача. Бу томчилар эгрилик радиуслари бир хилда эмас. Тўйиниш босими томчилар эгрилигига боғлиқ. Юқорида билдирилган фикрлар бўйича йирик томчилар устида тўйиниш босими кичик томчилар устидагига қараганда кичик, яъни

$E_R < E_r$ , бу ерда  $R > r$ . Бу ҳол булутда майда томчиларнинг йирик томчиларга қайта конденсацияланшишига олиб келади.

б. Тузлар эритмалари. Реал атмосферада сув буғи конденсация ядролари устида конденсацияланади. Улар орасида ҳар хил тузлар ва бошқа аралашмалар заррачалари бўлиши мумкин. Маълумки, аралашма устидаги тўйиниш босими ҳар доим тоза сув устидаги тўйиниш босимидан кичик (бир хил ҳароратларда). Бунинг натижасида туз эритмаси мавжуд бўлган томчи устидаги тўйиниш эластиклиги ва сув буғи ҳақиқий босими орасида фарқ юзага келади, окибатда томчилар катталашади. Бу шу хилдаги томчиларнинг тез катталанишига ва булут ҳосил бўлишига олиб келади.

в. Томчидаги уёки бу ишорали электр зарядининг мавжудлиги сув буғи мувозанат босимиликниң камайишига олиб келади. Бироқ бу ҳодиса жуда майда томчи ҳолларида аҳамиятли ( $10^{-6}$ - $10^{-7}$  см радиусли).

Атмосферада конденсациянинг (сублимациянинг) зарурый физик шарти – бу бирон-бир доимий намлик микдорига эга бўлган ҳаво ҳажмининг совиши ёки унданаги намлик микдорининг ҳарорат ўзгармас сақланганда ортишидир. Реал атмосферада одатда иккала омил бир вактда таъсир қиласи.

Ҳаво массасининг совиши қуйидагича содир бўлади:

- ҳавонинг адиабатик кўтарилишида ҳароратнинг пасайиши йўли билан;
- нурланиш йўли билан иссиқлик йўқотилиши;
- термодинамик хусусиятлари бўйича икки хил ҳаво массалари орасида турбулент ва молекуляр йўл билан иссиқлик алмасиниши йўли билан.

Ҳаво массасидаги намлик микдорининг ортиши қандайдир микдордаги сув буғининг буғланиши ёки намлиги кўпроқ бўлган ҳавонинг бу жойга горизонтал адвекцияси ҳисобига содир бўлади.

Конденсация жараёни бошланиши учун атмосферада конденсация ядролари мавжуд бўлиши керак. Бу конденсацион жараёнлар учун етарли шарт. Конденсация ядролари мавжуд бўлмаса тўйиниш саккиз марта юқори бўлганда ҳам конденсация томчилари ҳосил бўлмас эди.

Тадқиқотлар шуни кўрсатадики, атмосферада шундай конденсация ядролари учрайдик, уларнинг ўлчамлари  $10^{-7}$  дан  $10^{-3}$  см гача бўлиши мумкин.


Конденсация ядроларини уларнинг ўлчамларига қараб уч гурухга бўлиш мумкин:

-  $5 \cdot 10^{-7}$  дан  $2 \cdot 10^{-5}$  см радиусли заррачалар, улар *Айткен ядролари* деб аталади;

-  $2 \cdot 10^{-5}$  дан  $10^{-4}$  см радиусли заррачалар, улар *ирик ядролар* деб аталади;

-  $10^{-4}$  см дан катта радиусли заррачалар *гигант конденсация ядролари*.

Конденсация ядролари баландлик бўйича нотекис тақсимланади (30-расм). Расмда абсцисса ўқи бўйича ихтиёрий баландликда заррача концентрациясининг Ер юзаси якинидаги уларнинг концентрациясига нисбати жойлаштирилган ( $n/n_1$ ).



30-расм. Конденсация ядроларининг вертикал тақсимоти (1960-1964 йй. учун ўртача).

Тошкент: 1 – ёз (кундузи), 3 – қиш (эрталаб);

Киев: 2 – ёз (кундузи), 4 – қиш (эрталаб).

## 7.6. Туманлар. Уларнинг таснифлари. Географик тақсимоти

Туман деб бевосита Ер юзаси устидаги ҳавода муаллақ ҳолатдаги конденсация маҳсулотларининг (сув томчилари, муз кристаллари ёки иккалasi биргаликда) тўпланиб қолишига айтилади, бунда горизонтал кўриниш узоқлиги 1 км ва ундан ҳам кам бўлиши мумкин.

Кўриниш масофаси 1 км ва ундан ортиқ бўлганда ҳаводаги муаллақ томчи ва муз кристаллари тўплами *туман пардаси* (сийрак туман) деб аталади.

Туман қатлами юқори чегарасининг баландлигига қараб шартли равишда куйидагиларни ажратиш мумкин:

- Ер устидаги туманлар (баландлиги 2 м гача);
- қуий (2-10 м);
- ўрта (10-100 м);
- баланд (100 м дан баланд).


Шуни таъкидлаймизки, туман ва туман пардасидан ташқари кўринишнинг ёмонлашиши чанг ёки тутун ҳисобига ҳам бўлиши мумкин. Бу ҳодиса *зубор* деб аталади. Унда нисбий намлик 100% дан анча кам.

Туманларни таснифлаш принципи турлича бўлиши мумкин. Микротаркибий характеристикалари бўйича туманларни суюқ-томчили, кристалл, аралаш ва тутун, чанг ва саноат чиқиндилари заррачаларидан ташкил топган қаттиқ (смог) кўринишларга ажратиш мумкин. Туманлардаги томчилар ўлчамларининг тақсимоти бўйича монодисперс ва полидисперсларга ажратилади. Туманлар одатда интенсивлигига қараб қуйидагича бўлинади: кучсиз – кўриниш масофаси 500-1000 м, мўътадил – кўриниш масофаси 100-500 м ва кучли – кўриниш масофаси 100 м дан кам.

Хосил бўлишининг физик шароитига кўра туманларнинг куйидаги таснифи қабул қилинган (31-расм). Туманлар икки синфга бўлинади. *Совиши туманлари* ва *буғланиши туманлари*. Ҳарорат ўзгариши характеристига боғлиқ ҳолда совиши туманлари радиацион ва адвектив туманларга бўлинади, буғланиш туманлари эса сув юзаси устидан буғланиш туманлари ва ёмғир томчилари буғланиши (фронтал) туманларига бўлинади.

Атмосферада ҳарорат паст ва сув буғининг заҳиралари кам бўлганда, хўжалик корхоналари ва аҳоли яшайдиган жойларда ёқилғи ёндирилиши натижасида атмосфера қўшимча намликка эга бўлиши мумкин. Бу ҳаво нисбий намлигининг кескин ортишига олиб келиб, табиий шароитда бевосита совиши, ёки буғланиш билан боғлиқ бўлмаган алоҳида туман турининг хосил бўлишига сабаб бўлади. Бундай туманларга Сибирнинг аҳоли пунктларида шамолсиз аёзли об-ҳаво шароитида юзага келувчи “сибир туманлари” деб аталадиган туманлар киради. Ҳудди шундай туманлар йирик саноат марказларида хосил бўлиши мумкин.

Ҳавода саноат ва транспорт чиқиндиларининг катта концентрацияларида туманларнинг яна бир алоҳида тури – смог ҳосил бўлади. Смог ҳавонинг нисбатан юкори ҳароратларида ҳам кузатилиши мумкин.



31-расм. Туманларнинг таснифи.

Ҳар хил турдаги туманлар ҳосил бўлишининг метеорологик шароитларини кўриб чиқамиз.

1. *Адвектив туманлар* катта совук юза устидан ҳаракатланаётган илиқ ҳаво массаларида юзага келади, яъни ҳаво массалари қуий кенгликлардан юкори кенгликларга кўчаётганда ёки кишда илиқ денгиздан совук қуруқлик устига, ёзда илиқ қуруқлик устидан совук жойи устига кўчганида юзага келади (масалан, Ньюфаундленд олдида ҳаво Гольфстрим оқими соҳасидан Лабрадор оқими соҳасига кўчганда).

Қуруқликда адвектив туманлар қуий ва юкори кенгликлар орасида ҳамда қуруқлик ва денгиз орасида сезиларли ҳарорат фарқи мавжуд бўлганда асосан кузда ва кишда қузатилади. Денгизда улар баҳор ва ёзда кўпроқ кузатилади.

Адвектив туманлар юзлаб метр баландга чўзилиб боради. Улар шамолнинг катта тезликларида юзага келади, шунинг учун уларда томчилар коагуляйиси содир бўлади ва шивалама характерга эга бўлади. Бу туманлардаги энг йирик томчилар ёғади.

Адвектив туманлар пайдо бўлиши учун кулай метеорологик шароитлар қуидагича:

-совук тўшалган сиртга келган илиқ ҳаво массасининг катта нисбий намлиги;

-ҳаво массаси ва тўшалган сирт орасида ҳароратнинг катта фарқлари;

-кучсиз ёки ўртacha шамол тезликлари ( $2\text{-}5$  м/с), кучли шамолларда ривожланадиган турбулент алмашинув туман ҳосил бўлишига тўсқинлик қилади;

-юқорига кўтарилиган сари сув буги масса улушининг ортиши ёки ўзгармаслиги, Ер сирти яқинида турбулент алмашинув таъсирида сув буғининг микдори ортиб боради;

-ўрта турғун стратификация ва нисбатан кучсиз турбулент алмашинув, ўта кучли турғун стратификацияда Ер сиртидан бошлиб ҳавонинг совиши секинлашади ва туман юпқа қатламда ҳосил бўлади.

2. *Радиацион туманлар* икки турга бўлинади: Ер сиртидаги ва баланд. Ер сиртидаги туманлар қуруқлик устида очиқ ва сокин тунларда кузатилиади. Улар тупроқ ёки қор қопламишининг тунги радиацион совиши билан боғлиқ. Баландлик бўйича улар ўнлаб метрларгагина тарқалиши мумкин. Уларнинг тарқалиши локал характерга эга: пастлик, ботқоқ яқини, ўрмон ўтлоқлари устида доғ ҳосил бўлади. Катта дарёлар устида улар илиқ сув устидаги (тунги соатларда) конвекция натижасида юзага келади.

Ер сиртидаги туманлар сокин ҳавода эмас, тинч об-ҳавода юзага келади, чунки турбулентлик ҳосил бўлиши, совиши ва туман ҳосил бўлишининг юқорига тарқалишини таъминловчи кичик тезликдаги шамол зарур. Бу туманлар Ер юзасига яқин инверсия қатламида юзага келади ва қуёш чиққанидан кейин инверсия қатлами билан бирга йўқ бўлиб кетади.

Баланд радиацион туманлар қуруқлик ва денгиз устида, йилнинг совук даврида барқарор антициклонларда бир неча юз метр баландликкача кузатилиши мумкин. Бу антициклоннинг қуий қатламларида ҳавонинг кундан кунга мунтазам совиб бориши на-

тижасида содир бўлади. Бундай туман катта худудлар устида хафталаб сакланиб туриши мумкин.

3. *Бугланиш туманлари* бирмунча илиқроқ совуқ сув устидаги совуқ ҳавода кўпинча куз ва қишида юзага келади. Қитъя ичкарисида улар кечқурун ёки тунда қўшни худуд устидан совиган ҳаво оқиб борадиган дарё ва кўллар устида ҳосил бўлади. Бугланиш туманлари шунингдек кечки пайт ёмғир вактида ёки ундан сўнг, тупроқ нам ва кучли бугланаётган, ҳаво ҳарорати эса пасаяётган вактда юзага келиши мумкин. Арктик денгизлар устида бугланиш туманлари муз қоплами ёнида очиқ сув устида, муз қопламидан ёки китъядан кўчаётган бирмунча совуқ ҳавода юзага келади. Болтиқ ва Кора денгиз каби ички денгизлар устида қишида туманлар куруклиқдан совуқ ҳаво массалари кириб келганда ҳосил бўлади. Бугланиш туманлари одатда пага-пага бўлиб, тез тарқалиб кетади, чунки ҳаво пастдан илиқ сув таъсирида исиди. Бироқ, туман ҳосил бўлишига олиб келувчи сабаблар узоқ сакланиб турса, туман ҳам узоқ вақт кузатилади.

Санаб ўтилган туман турлари масса ичи туманлари ҳисобланади, чунки улар ҳаво массалари ичида юзага келади ва фронтларга боғлиқ бўлмайди. Бироқ фронтлар билан боғлиқ туманлар ҳам кузатилади. Буларга бугланиш туманларининг бир тури *фронтолди тумани* киради. Фронтал ёғинлар тупроқни намлайди. Натижада тупроқдан кучли бугланиш ва ёғаётган ёмғир томчиларидан бугланиш ҳисобига Ер юзасига яқин қатламда ҳаво тўйиниш ҳолатига эришади ва у ерда туман ҳосил бўлади. Бундай туман фронт олдида узлуксиз тасма ҳолида ёмғир билан бирга кузатилади.

Текисликда туманларнинг суткалик ўзгаришида жадаллиги ва тақрорланувчанлигининг максимумлари эрталабки соатларга тўғри келади. Тоғларнинг юқори сатҳларида сутка давомида туманларнинг тақсимоти бир текис ёки кучсиз максимум тушдан кейинги соатларга тўғри келади. Бунинг сабаби тоғларда туманлар ҳосил бўлишининг маҳсус шароитларидадир. Тоғ тумани бу тоғ ёнбағриларида ҳавонинг кўтарилиувчан ҳаракати натижасида ҳосил бўлган булатлардир. Бу туманнинг пайдо бўлиши ҳавонинг адиабатик совиши билан боғлиқ бўлиб, ёнбағир туманларининг алоҳида турига ажратилиши мумкин.

Туманнинг сувлилиги унинг муҳим тавсифи ҳисобланади. Туманнинг мутлақ сувлилиги деб бирлик ҳаво ҳажмидаги сув томчи-

лари ва муз кристалларининг граммлардаги массасига айтилади ( $\text{г}/\text{м}^3$ ). Туманларнинг мутлақ сувлилиги етарлича кенг доираларда ўзгаради: мингдан бир улушдан то  $1,5\text{-}2 \text{ г}/\text{м}^3$  гача. Туман интенсивлиги ортиши билан унинг сувлилиги ортади (7.1-жадвал).

### 7.1-жадвал

**Турли интенсивликдаги туманларнинг сувлилиги**

Туманлар	$t, {}^\circ\text{C}$	Туманларнинг интенсивлиги		
		кучсиз	ўртacha	кучли
Адвектив	$>0$	0,02-0,09	0,04-0,18	0,10-0,76
Буғланиш	$<0$	0,02-0,04	0,05-0,11	0,08-0,37

Бир хил интенсивликдаги туманларнинг максимал сувлилик киймати, мусбат ҳароратлардан манфий ҳароратларга ўтишда камайди.

Ҳарорат кўтарилиши билан фақат совиши туманларининг сувлилиги ортиши мумкин. Буғланиш туманларининг сувлилиги аксинча ҳаво ҳарорати кўтарилиши билан камайди. Бу ҳаво ҳарорати камайганда бирор-бир қайд қилинган сатҳ билан Ер юзаси орасидаги ҳарорат фарқи ортганда (масалан 2 м) сув бугининг турбулент оқими кучайишига олиб келиши билан боғлик.

Туманнинг бошқа кўрсаткичи бу томчиларнинг ўлчамлар бўйича тақсимоти ва уларнинг сони ҳисобланади. Тажрибалар кўрсатдики, табиий туманлар турли ўлчамдаги заррачалардан ташкил топган, яъни *полидисперс* ҳисобланади. Ўртacha интенсивликдаги  $1 \text{ см}^3$  адвектив туманда 0,5 дан 93 тагача, буғланиш туманларида 70 дан 500 тагача томчилар сони кузатилади.

Туман элементлари ўлчамлари ҳам катта чегарада ўзгаради: микрометр улушкидан тортиб бир неча ўнлаб (кристалларда - юзлаб) микрометргача. Кўпчилик томчилар 2-18 мкм радиусга эга. Буғланиш туманларидаги муз кристаллари ўлчамлари кучсиз тумаларда 3-125 мкм ни ташкил этади, мўътадил туманларда 9-355 мкм, кучсиз туманларда 9-475 мкм ни ташкил этади.

## 7.7. Булутлар. Булутларнинг таснифи

Булут деб Ер юзасидан маълум баландликда бўлган сув томчилари ва муз кристалларининг муаллақ ҳолатдаги кўринувчан йиғиндисига айтилади. Булутлар ва туманларнинг ҳосил бўлиш физик шароитлари нуқтаи назаридан ҳеч қандай фарқи йўқ. Бироқ булутлар ҳосил бўлишининг метеорологик шароитлари ҳамда уларнинг вертикал баландлиги туманлардагидан фарқ қиласи.

Булутлилик атмосфера ҳаракати (динамикаси) майдонига, биринчи навбатда вертикал тезликлар майдонига, таъсир (уни акс таъсир деб аташ мумкин) кўрсатади. Ер иклимининг шаклланиши ва тебранишларига булутларнинг таъсири катта.

Булут элементларининг ҳолатига қараб булутлар уч синфга бўлинади:

- *сувли (томчили)* булутлар фақат томчилардан ташкил топган: улар нафакат мусбат ҳароратларда, балки манфий ( $-10^{\circ}\text{C}$  дан паст) ҳароратларда ҳам мавжуд бўлиши мумкин. Бу ҳолда улар ўта совиган бўлади, атмосферада бу одатий ҳол;

- *аралаш булутлар*, ўта совиган томчилар ва муз кристаллари аралашмасидан ташкил топган, одатда улар  $-10^{\circ}\text{C}$  дан  $-40^{\circ}\text{C}$  гача ҳароратларда мавжуд бўлади;

- *музли (кристалл)* булутлар, фақат муз кристалларидан ташкил топган, одатда улар  $-40^{\circ}\text{C}$  дан паст ҳароратларда мавжуд бўлади.

Булутлар ва туманларнинг макрофизик характеристикалари ўзаро бир-бирига яқин.

Сувли булутларнинг мутлақ сувлилиги  $0,01$  дан  $3 \text{ g/m}^3$  гача, кристалл булутларда бу анча кам:  $\text{g/m}^3$  нинг юздан ва мингдан бир улушида бўлади. Булут томчиларининг ўлчамлари микрометрнинг юздан бир улушидан бошлиб кенг чегарада ўзгаради. Ҳосил бўлиши шароитига ва ривожланиш босқичига қараб булутлар нисбатан бир хил томчилардан ёки турли ўлчамдаги томчилардан ибораг бўлиши мумкин. Кристалларнинг эриши ва томчиларнинг ўзаро қўшилиши натижасида  $100\text{-}200 \text{ мкм}$  гача радиусли томчилар ҳосил бўлади. Бирмунча йирик томчилар булутдан шивалама ёмғир ёки ёмғир кўринишида ёғади.

1  $\text{cm}^3$  даги томчилар сони биттадан то юзлаб донағача бўлиши мумкин. Кристаллар сони кам, яъни 1  $\text{cm}^3$  да  $0,1$  та.

Булутлар таснифига икки ёндашув қабул қилинган. Уларнинг биринчиси булутларнинг ташки кўринишиши (шакли) ва уларнинг

жойлашиш баландлиги асос қилиб олинган булутларнинг морфологик (ёки халқаро) таснифи. Бошқа бир принцип – генетик тасниф – булутларнинг ҳосил бўлиши физик жараёнларининг хусусиятларини акс эттиради.

*Булутларнинг халқаро таснифи* булутларнинг ташки кўриниши бўйича 10 та асосий шаклни ўз ичига олади. Бу тасниф бўйича булутларнинг 4 оиласи (ярус) ажратилади. Ҳар бир оиласада булутларнинг бир неча турли хили ажратилади.

Булутлар ҳакидаги умумий маълумотлар 7.2-жадвалда берилган.

Кутбий кенгликларда юқори қават (ярус) булутларининг пастки чегараси 3 км дан 8 км гача, ўрта кенгликларда 3 км дан 13 км гача тропик кенгликларда 6 км дан 18 км гача баландликларда жойлашган.

Вертикал ривожланган булутларнинг пастки чегараси куйи қават булутларининг пастки чегарасидан бошланиб, юқори чегараси ўрта қатлам, ҳаттоки, юқори катлам булутлари чегараларигача кириб боради.

Булутларнинг асосий шаклларига қисқача тавсиф берамиз.

*Патсимон булутлар* алоҳида иплар каби кўринади ёки тола структурали полосалар.

*Патсимон тўп-тўп булутлар* жуда майдада парча, шарча, жингалаклардан ташкил топган қаторлар ёки қатламлардан иборат. Улар кўпинча сув ёки кум юзаси устидаги мавжни (жимир-жимир) эслатади.

*Патсимон қатламли булутлар* осмон гумбазини қисман ёки тўлиқ беркитувчи юпқа шаффофф толали структурага эга бўлади.

*Юқори тўп-тўп булутлар* кулранг ёки оқ рангдаги ёки бир вактда иккала рангда бўладиган булутлар қатлами ёки қаторидан (жўяқ) иборат. Булар қуёшни бироз тўсувчи етарлича юпқа булутлар. Қатлам (ёки қатор) кўпинча қаторлар бўйича жойлашган ясси валлар, дисклар, пластинкалардан ташкил топган.

*Юқори қатламли булутлар* осмон гумбазини тўлиқ ёки қисман беркитувчи, турли зичликдаги очик рангли, сутранг, кулранг булут қоплами. Уларнинг зичлиги камроқ қисмларидан хира чапланган доғ шаклида қуёш ва ой хира кўриниши мумкин. Юқори қатламли булутлар типик аралаш булутлар ҳисобланади. Уларда жуда майдада томчилар билан бир қаторда майдада қор парчалари ҳам мавжуд. Бундай булутлар йилнинг илиқ вақтида одатда Ер юзасига етиб

келгунча буғланиб кетадиган кучсиз ёғин беради. Қишида улардан кўпинча майда қор ёғади.

### 7.2-жадвал

#### Булултларнинг морфологик (халқаро) таснифи

Оила (ярус)	Шакл	Тур	Тур- лар сони
A. Юқори ярус	1. Патсимон – <i>Cirrus (Ci)</i>	1. Ипсимон ( <i>fibratus, Ci fib.</i> ) 2. Зич ( <i>spissatus, Ci sp.</i> )	3 2
	2. Патсимон тўп-тўп – <i>Cirrocumulus (Cc)</i>	1. Тўлқинсимон ( <i>undulatus, Cc und.</i> ) 2. Тўп-тўпсимон ( <i>cumuliformis, Cc cuf.</i> )	1 1
	3. Патсимон қатламли – <i>Cirrostratus (Cs)</i>	1. Ипсимон ( <i>fibratus, Cs fib.</i> ) 2. Тумансимон ( <i>nebulosus, Cs neb.</i> )	- -
Б. Ўрта ярус	4. Юқори тўп-тўп – <i>Altocumulus (Ac)</i>	1. Тўлқинсимон ( <i>undulatus, Ac und.</i> ) 2. Тўп-тўпсимон ( <i>cumuliformis, Ac cuf.</i> )	4 4
	5. Юқори қатламли – <i>Altostratus (As)</i>	1. Тумансимон ( <i>nebulosus, As neb.</i> ) 2. Тўлқинсимон ( <i>undulatus, As und.</i> )	3 3
В. Кўйи ярус	6. Тўп-тўп қатламли – <i>Stratocumulus (Sc)</i>	1. Тўлқинсимон ( <i>undulatus, Sc und.</i> ) 2. Тўп-тўпсимон ( <i>cumuliformis, Sc cuf.</i> )	3 4

	7. Қатламли - <i>Stratus (St)</i>	1. Тумансимон ( <i>nebulosus, St neb.</i> ) 2. Тұлқинсимон ( <i>undulatus, St und.</i> ) 3. Узук-узук ( <i>fractus, St fr.</i> )	- - 1
	8. Ёмғири қатламли - <i>Nimbostratus (Nb)</i>	-	-
Г. Вертикаль ривожланған булатлар	9. Түп-түп - <i>Cumulus (Cu)</i>	1. Ясси ( <i>humulis, Cu hum.</i> ) 2. Үрта ( <i>mediocris, Cu med.</i> ) 3. Күчли ( <i>congestus, Cu cong.</i> )	1 - 1
	10. Ёмғири түп-түп - ( <i>Cumulonimbus, Cb</i> )	1. Кал ( <i>calvus, Cb calv.</i> ) 2. Сочли ( <i>capillatus, Cb cap.</i> )	1 3

*Ёмғири қатламли* булатларнинг келиб чиқиши худди юқори қатламли булатларга үхшаш. Бирок уларнинг қатлами күватлироқ (бир неча километр). Юқори қисміда улар майда томчи ва қор (юқори қатламли булатлар сингари) заррачаларидан ташкил топган, күйи қисміда эса иирик томчи ва қор заррачаларидан ташкил топған бўлиши мумкин. Шунинг учун бу булатлар қатлами тұқ кулранг тусга эга. Бу булатлардан одатда Ер юзасигача етиб келувчи буркама ёмғир ёки қор ёғади. Ёмғири қатламли булатлар қоплами остида кўпинча шаклга эга бўлмаган узиқ күйи булатлар тўплами мавжуд бўлади, ёмғири қатламли булатлар фонида улар жуда куюқ туюлади.

*Tüp-tüp қатламли* булатлар қулранг ёки оқимтири қатор ёки қатлам кўринишида бўлиб, деярли ҳар доим қорамтири қисмларга эга. Бу булатлар юқори түп-түп булатлар элементларидан (диск, плита, валлардан) ташкил топган, бирок улар бирмунча иирикроқ. Уларнинг туюлаётган ўлчамлари 5° дан каттароқ. Структуравий элементлари кўпинча қаторларда жойлашган. Түп-түп қатламли

булутлар асосан бир жинсли майда (манфий ҳароратларда – ўта совук) томчилардан ташкил топган ва улардан ёғинлар ёғмайди.

*Қатламли булутлар* – томчи тузилиши бир жинсли кулранг катлам. Етарлича паст манфий ҳароратларда бу булутларда қаттиқ элементлар ҳосил бўлади, у ҳолда бу булутлардан муз игналари, майда қор, қор доналари ёғиши мумкин. Булут ортидан куёш диски аниқ кўринади. Баъзизда бу булутлар узиқ тўплар кўринишига эга.

*Тўп-тўп булутлар* – чегаралари кескин ажралган, зич, алоҳида, юқорига қараб тепалик, гумбаз, минора кўринишида ривожланаётган булутлар. Кўзни қамаштирувчи оқ ўралувчи чўққига (гулкарам тупига ўхшашиб) эга. Булутлар асоси нибатан тўқ рангда. Тўп-тўп булутлар кўп бўлгандан қаторларни ҳосил қиласиди. Баъзизда уларнинг четлари узиқ бўлади. Тўп-тўп булутлар фақат сув томчиларидан (кристалларсиз) ташкил топади ва ёғин ҳосил қилмайди. Бироқ булутларнинг сувлилиги кўп бўлган тропикларда, томчиларнинг ўзаро қўшилиши натижасида кучсиз ёғинлар ёғиши мумкин.

*Ёмғирли тўп-тўп булутлар* тўп-тўп булутларнинг кейинги ривожланиши натижасида юзага келади. Улар вертикал бўйича тоғ ва минора кўринишида жуда кучли ривожланган кучли тўпсимон масса. Кўпинча куйи қаватдан то юқори қаватгача ёйилиб боради. Улар кўёшни беркитиб ёритилганликни кучли камайтиради. Ёмғирли тўп-тўп булутнинг чўққи қисми сандон шаклида ёйилиб юқорига қараб ўзига ҳос кенгая борадиган, кўёш таъсирида ёргу оқ рангга эга бўлган кўринишда бўлади. Ёмғирли тўп-тўп булутнинг юқори қисми муз кристалларидан, ўрта қисми турли, хаттоқи энг катта ўлчамдаги кристаллар ва томчилардан ташкил топган. Улар жала характердаги ёғинларни ҳосил қиласиди. Кўпинча чақмоқ ҳодисалари бундай булутлар билан боғлиқ, шу сабабли уларни чақмоқли булут деб аталади. Уларни жала булутлари деб ҳам аташади. Ёмғирли тўп-тўп булутлар фонида кўпинча камалак кузатилади. Кўпинча бу булутлар асосининг остида ҳам, катламли ёмғирли булутлар остидаги каби узиқ булутлар кузатилади.

Булутларнинг шаклланишида вертикал характерлар маълум аҳамиятга эга. Вертикал тезлик ўз йўналишини ўзгартирмайдиган горизонтал булутлиликнинг ўлчамларига боғлиқ равишда вертикал ҳаракатни уч синфга ажратиш мумкин – микромасштабли (пульсацион), мезомасштабли ва макромасштабли. Бу синфларга боғлиқ бўлган булутлар ҳосил бўлишининг *генетик маснифига*

кўра булатларнинг уч асосий типи ажратилади: конвектив булатлар, тўлқинсимон булатлар ва кўтариувчи сирғаниш (фронтал) булатлари.

*Конвектив булатлар.* Конвектив булатларнинг ҳосил бўлишига олиб келувчи асосий жараёнлар термик конвекция ва турбулент алмашинуви ҳисобланади.

Конвекция атмосферанинг кўйи қатламларида алоҳида ҳаво массаларининг исиб кетиши натижасидаги нотурғун стратификация оқибатида юзага келади. Исиб кетган алоҳида ҳаво массалари вертикаль бўйлаб юқорига кўтарилиб, адабатик совийди. Маълум баландликда сувнинг конденсацияланиши бошланади. Бу баландлик аэрологик диаграмма ва эмпирик формула ёрдамида аниқланади:

$$z_k = 122(t_0 - \tau_0), \quad (7.13)$$

бу ерда  $z_k$  – конденсация баландлиги (метрларда),  $t_0$  – Ер яқинидаги ҳавонинг ҳарорати,  $\tau_0$  – шудринг нуктаси ҳарорати.


Конденсация баландлигидан юқорида тўйинган нам ҳавонинг кўтарилиши нам адабатида бўйича юз беради ва бу эркин конвекция баландлигигача давом этади, яъни бу баландлик булатнинг юқори чегарасига мос келади (32-расм). Конвектив булатларда кўтариувчи ҳаракат тезлиги 6-9 м/с ни, бироқ алоҳида ҳолларда 25-30 м/с ни ва ундан кўп қийматларни ташкил қилиши мумкин.

Конвектив булатлар халқаро тасниф бўйича тўп-тўп ва ёмғирли тўп-тўп булатларга тааллукли. Бу булатлар нотурғун ҳаво массаларида ҳосил бўлади. Бу ёзда қуруқлик устида маҳаллий ҳаво массаларида юзага келувчи масса ичи булатлари бўлиши мумкин. Бундай ҳолларда булат ҳосил бўлишининг максимуми куннинг иккинчи қисмига тўғри келувчи яққол суткалик ўзгаришга эга. Йирик сув ҳавзалари устида бу булатлар ҳосил бўлишининг максимуми тунги соатларда сув юзаси устидаги энг катта нотурғунлик даврида кузатилади.

Конвектив булатлар илиқ Ер юзаси устида ҳаракатланаётган совук ҳаво массаларида ҳам (фронтал булатлар) ҳосил бўлиши мумкин. Бу ҳолатларда булатлар қуруқлик ва денгиз устида сутканинг ихтиёрий соатларида ҳосил бўлиши мумкин.

*Тўлқинсимон булатлар.* Атмосферада кўпинча турли амплитуда ва тўлқин узунлигидаги тўлқинсимон ҳаракатлар кузатилади. Бундай ҳаракатлар таъсири остида маълум шароитларда

тўлқинсимон булутлар шаклланиши мумкин. Улар вал, плита, қатор ва бошқа қатлам кўринишида горизонт бўйича ўнлаб ва юзлаб километрга чўзилиши мумкин. Бу булутлар нисбатан кичик вертикал қалинликка эга бўлиши мумкин, яъни бир неча ўнлаб ва юзлаб метрлар, баъзида 2-3 км ва ундан ортиқ.



32-расм. Тўп-тўп ёмғирли булут схемаси.

1 – стратификация эгри чизиги, 2 – ҳолат эгри чизиги.

Тўлқинсимон булутларни ҳосил қилувчи тўлқинсимон ҳаракатлар қўйидаги ҳолларда юзага келади:

- гравитацион-кўчувчи тўлқинлар ёки Келвин-Гелмголц тўлқинлари шаклланадиган инверсия қатламлари ёки кучли турғун стратификацияда;

- турғун стратификацияли ҳаво массалари оқими тоғли тўсиклардан ошиб ўтганда;

- ячейкали конвекцияда.


Инверсия қатлами остида сув бугининг тўпланиши содир бўлади. Инверсия катламида бу қатламдан юқорида жойлашган совук ҳаво ва унинг остидаги компенсацияловчи кўтарилиувчи ҳаракатнинг бирлашиши ҳисобига тўлқинсимон ҳаракатлар юзага келади. Бунинг натижасида ҳосил бўлган тўлқинлар ўркачаидан

ҳавонинг адиабатик кўтарилишида сув буги тўйиниш ҳолатига эришиши мумкин. Бу тўлқинлар ботиқлигига пасаяётган ҳавонинг адиабатик исиши натижасида, аксинча, тўйиниш ҳолатидан узоклашади. Халқаро тасниф бўйича бу булутлар қатламли ва тўп-тўп қатламли булутларга тааллуқли.

Тоғ тизмасининг шамолга тескари ёнбағрида турғун стратифи-  
кацияланган ҳаво оқимининг бу тоғ тизмасидан ошиб ўтишида тўлқинлар юзага келади, уларнинг ўркачидаги юқори тўп-тўп типдаги булутлар ҳосил бўлади.

*Кўтарилиувчи ҳаракат булутлари атмосферадаги фронтал бўлиниш сиртлари билан боғлик* (33-расм). Фронт совуқ ҳавонинг кия понасини бу ҳавонинг устида ётган илиқ ҳаводан ажратиб турди. Бунда секундига бир неча сантиметр ва ундан ҳам кичик тезлик билан совуқ пона устида ҳаракатланаётган илиқ ҳавонинг кўтарилиувчи ҳаракати ривожланади. Катта яхлит ҳажмдаги илиқ ҳавонинг совуқ пона устида секин аста кўтарилиши бу яхлит ҳажмдаги ҳавонинг адиабатик совишига ва ундаги сув буғининг конденсациясига олиб келади. Натижада илиқ атмосфера фронтининг булутлар тизими вужудга келади. Бу булутлар тизими вертикаль бўйича қуидагича таҳланади: қуий тропосферада ёмғирли қатламли булутлар, ўрта тропосферада юқори қатламли булутлар, юқори тропосферада патсимон қатламли булутлар.

Совуқ фронтда ҳам таҳминан ҳудди шундай булутлар тизими вужудга келади. Бу ерда фарқ шундан иборатки, совуқ фронтининг булутлар тизими бирмунча тор.



33-расм. Кўтарилиувчи ҳаракат булутларининг ҳосил бўлиш схемаси.

Осмон гумбазининг булат билан қопланганлик даражаси *булут миқдори* ёки булатлилик деб аталади. Булатлилик осмон қопланганлигининг ўнли улушларида баҳоланади (0-10 баллар). Осмон булат билан тўлиқ қопланганда булатлилик 10 рақами билан кўрсатилади, осмон мутлақо тиник бўлса, 0 рақами билан кўрсатилади. Ўртacha қийматларни чиқаришда бирнинг ўндан бир улушларини бериш мумкин. Мисол учун, 5,7 деганда осмоннинг 57% булат билан қопланганлиги тушунилади.

Европа ва МДҲда қабул қилинган 10 балли тизимдан фарқли ўлароқ АҚШ да кўпинча 8 балли тизимдан фойдаланилади.

Булатларнинг умумий (умумий булатлилик) ва қуий булатлар (куий булатлилик) миқдорларини алоҳида баҳолаш қабул қилинган. Баланд ва ўрта булатлар куёш нурини камроқ тўсади ва амалий жиҳатдан аҳамияти камроқ (масалан авиация учун), шунинг учун қуий булатлилик алоҳида баҳоланади. Бундан кейин сўз фақат умумий булатлилик хақида боради.

Булатлиникнинг суткалик ўзгариши мураккаб ва кўп жиҳатдан булатларнинг шаклига боғлиқ. Қатламли ва қатламли тўп-тўп булатлар ҳавонинг ер юзидан бошлаб совиб бориши билан ва сув буғининг юқорига кучсиз турбулент кўчиши билан боғлиқ. Булатлилик тунги ва эрталабки максимумга эга. Тўп-тўпсимон булатлар нотурғун стратификация ва яхши ифодаланган конвекция билан боғлиқ. Улар асосан кундузги соатларда ҳосил бўлади ва тун охирига бориб йўқолиб кетади. Денгиз устида тўшалган сирт хароратининг суткалик ўзгариши деярли сезиларсизлиги сабабли, конвекция булатлари ҳам максимумга эга эмас ёки кучсиз максимум эрталабга тўғри келади. Фронтлар билан боғлиқ бўлган кўтариувчи ҳаракат булатлари яхши ифодаланган суткалик ўзгаришга эга эмас.

Натижада ёзда қуруқлик устида ўрта кенгликларда булатларнинг суткалик ўзгаришида иккита максимум кузатилади; эрталаб ва куннинг иккинчи ярмида бироз кучлироқ. Йилнинг совуқ вақтида конвекция кучсизлиги ёки умуман бўлмаслиги сабабли эрталабки максимум кўпроқ кузатилади ва у ягона бўлиши мумкин. Тропикларда бутун йил мобайнида максимум куннинг иккинчи ярмида кўпроқ кузатилади. Чунки булат ҳосил қилувчи жараён конвекция ҳисобланади.

Баланд төг станцияларида ёзда минимум асосан тунда кузатилади, бу вақтда булутлар паст жойлашади, максимум эса куннинг иккинчи ярмида конвекция ривожланганда кузатилади.

## 7.8. Ёғинлар ҳосил бўлиши жараёни. Атмосфера ёғинларининг таснифи

Атмосферадан ер сиртига ёғиб тушган сув томчилари ва муз кристаллари *атмосфера ёғинлари* деб аталади. Ёғинлар Ерда намайланисининг бўғинларидан биридир. Куруқликда намикнинг асосий манбаи - атмосфера ёғинларидир.

Ёғинлар ҳосил бўлишининг физикавий жараёнларини кўриб чиқайлик.

Булут ривожланишининг бошланғич босқичларида энди пайдо бўлган булут элементларининг йириклишишида сув бугининг конденсация жараёни асосий рол ўйнайди. Конденсация булут томчилари юзасига нисбатан бугнинг кичик ўта тўйиниши ҳисобидан амалга ошади. Булут томчиларининг ўлчамлари ҳар хил бўлганлиги учун, уларга нисбатан тўйинган сув бугининг босими ҳам турлича бўлади. Сув бугининг майда томчиларини йирик томчиларга айлантирувчи ўта конденсация жараёни бошланади. Булутда ўта совук ҳолатдаги томчилар билан биргаликда муз бўлакчалари пайдо бўлади ва булут элементлари яна ҳам тез ўса бошлайди. Ўта совук ҳолатдаги сув томчилари устидаги тўйинган бугнинг босими муз устидагидан катта бўлганлиги сабабли, ўта совук ҳолатдаги томчилардан муз кристалларга сув бугининг ўтиши кузатилади.

Иккинчи босқичда, томчи ва муз кристалларининг катталиги 20-60 мкм гача етганида, булут элементларининг қўшилиши (*коагуляция*) жараёни асосий рол ўйнай бошлайди. Булут элементларининг коагуляцияси асосан уларнинг турли тушиш тезлигига (*гравитацион коагуляция*) боғлиқ. Булут элементларининг турбулент ва Броун ҳаракатига боғлиқ бўлган коагуляция ҳам маълум рол ўйнайди. Коагуляция туфайли томчи ва кристалларнинг катталиги ўнлаб микрометрлардан бир неча миллиметрларгача ўсиши мумкин.

Ёғинлар ҳосил бўлиши назариясидан маълумки, коагуляция ҳисобига томчиларнинг катталишиш тезлиги уларнинг радиуси квадратига пропорционал, конденсация орқали катталашиш тезлиги

эса радиусга тескари пропорционал. Демак, томчиларнинг радиуси катталашган сари коагуляциянинг аҳамияти орта боради.

Булут элементлари катталашиши ва ёғинлар ҳосил бўлиши учун вертикал ҳаракатлар катта аҳамият касб этади. Кўтарилиувчан ҳаракатларда ҳаво ҳарорати адиабатик қонун бўйича ўзгарамади, бу эса сув бугининг ўта тўйинишига олиб келиб, коагуляция асосий рол ўйнай бошлайдиган томчиларнинг катталигигача конденсацион ўсишни таъминлайди. Кўтарилиувчан оқим билан катта баландликка кўтарилиган томчилар, пастга тушганда булутда катта масофани босиб ўтади ва коагуляция ҳисобига йирик ўлчамларгача ўсиб боради.

Ёғинларнинг микдори горизонтал юзага ёғин пайтида тушган сув ҳосил қилган қатламнинг (сувнинг тупроққа шимилиши, бутганиши, шунингдек сув оқими назарга олинмаганда) миллиметрларда ўлчанганд баландлигиdir. Баъзи мамлакатларда (АҚШ) ёғинлар микдори дюймда (1 дюйм=2,52 мм) ўлчанади. Ёқсан ёғинларни 1 мм ри 1 м<sup>2</sup> юзага тушган 1 кг сув микдорига мос келади.

Ёғинлар булутлардан ёқсан ёғинлар ва ер устидаги гидрометеорларга ажратилади.

Булутлардан ёқсан ёғинлар элементларнинг тузилиши ва катталигига (*морфологик таснифи*) ҳамда ҳосил бўлишининг физикавий шароитига (*генетик таснифи*) қараб таснифланади. Бундан ташқари ёғинлар агрегат ҳолатига (суюқ ва қаттиқ ёғинлар) қараб ҳам ажратилади.

Агрегат ҳолтига кўра қўйидаги ёғин турлари ажратилади.

*Ёмғир* – диаметри 0,5-8 мм га teng томчилардан иборат бўлган суюқ ёғинлар. Каттароқ бўлган томчилар пастга тушаётганда парчаланади. Жала ёмғирларда, айникса ёмғир бошланишида, томчиларнинг диаметри буркамадагилардан каттароқ бўлади,. Манфий ҳароратларда баъзан ўга совуқ ҳолатдаги томчилар ёгиши мумкин. Ерга тушганда улар музлаб қолади ва муз қатламни ҳосил қиласиди.

*Ёмғир* томчиларининг тушиш тезлиги 8-10 м/с этади. Ёмғирлар ёмғирли қатламли (*Ns*) ва ёмғирли тўп-тўп (*Cb*), баъзи баланд қатламдор (*As*) булутлардан ёгиши мумкин.

*Шивалама* - диаметри 0,05-0,5 мм га teng, пастга тушиш тезлиги жуда кичик бўлган томчилардан иборат бўлган суюқ ёғинлар. Улар шамол билан горизонтал йўналишда осонгина кўчирилади.

**Шивалама қатламли (*St*)** ва түп-түп қатламли (*Sc*) булутлардан, шунингдек туман тарқалганида ёғини мумкин. Шиваламанинг интенсивлиги 0,25 мм/соат дан ошмайди, тинч ҳавода томчиларнинг тушиш тезлиги 0,3 м/с дан кичик бўлади.

**Қор** - мураккаб муз кристаллардан иборат бўлган қаттиқ ёғинлар. Муз кристалларнинг шакллари турли бўлади ва ҳосил бўлиши шароитига боғлиқ. Муз кристалларнинг асосий шакли – олти нурли юлдузчалардир.

Юлдузчалар олтибурчакли ясси сиртлардан ҳосил бўлади, чунки шу ясси сиртларнинг бурчакларида сув бугининг сублимацияси энг тез кузатилади. Бу нурларда, ўз навбатида, тармоқланишлар ҳосил бўлади. Қор юлдузчаларининг диаметрлари турлича бўлади (бир неча мм атрофида). Пастга тушганда қор юлдузчалари бир-бирига қўшилиб катта паға-паға кўринишда ёғади (*лайлак қор*). Нолдан юқори ва нолга яқин бўлган ҳароратларда ҳўл қор ёғади.

Лайлак қорнинг радиуси 0,5 мм дан 5 см гача ўзгариши мумкин, радиуси 15-20 см га етган қор юлдузлари ҳам кузатилган.

**Ҳўл қор** - қор юлдузчалари, томчилар ёки эриётган юлдузчалар кўринишда ёғаётган ёғинлар. Ер сирти яқинида ҳаво ҳарорати 0°C яқин ёки сал баландроқ бўлгандагина ҳосил бўлади.

**Булдуруқ** - ўта совук сув томчиларининг музлаши ва қорнинг доналашган шаклга келиши натижасида ҳосил бўлган, радиуси 7,5 мм гача етадиган музлаган ёки думалоқ шаклдаги қордан иборат бўлган ёғинлар. Булдуруқларнинг музли ва қорли қисмлари орасидаги ўзаро нисбатига боғлиқ ҳолда уларни қорли доналар, қорли ва музли булдуруқларга бўлишади.

**Музли иғначалар** – олтибурчакли призма ва тармоқланишларсиз ясси сиртлар кўринишда бўладиган муз кристаллардан иборат ёғинлар. Улар қишида паст ҳароратларда куйи ёки ўрта қаватдаги булутлардан ёғади. Юқори қаватдаги булутлар ҳудди шундай музли иғначалардан иборат бўлади.

**Музли ёмғир** – диаметри 1-3 мм га тенг бўладиган тиниқ музли шарчалардан (ҳавода музлаган ёмғир томчилари) иборат бўлган ёғинлар. Ёғинларнинг бу тури камдан-кам учрайди.

**Дўл** – диаметри бир неча миллиметрдан 6 см гача ва ундан катта бўладиган шар шаклидаги муз бўлакчаларидан иборат бўладиган қаттиқ ёғинлар. Айрим ҳолларда дўлчаларнинг вазни 300 г дан ортиқ бўлиши мумкин. Дўлчалар оқ жилосиз ядро ва унинг устида

кетма-кет жойлашган тиниқ ва жилосиз муз қатламларидан иборат бўлади.

Дўлчаларнинг ўлчами ва кўриниши уларнинг ўз «ҳаёти» давомида бир неча маротаба вертикал ҳаво оқимлари билан пастга ва юқорига кўчганлигини исботлайди. Вертикал кўтарилишларда ўта совиган ҳолатдаги томчилар билан тўқнашиши натижасида дўлчаларнинг ўлчамлари ортади. Пастга тушиб, мусбат ҳароратли қатламларда дўлчаларнинг сирти эрийди, юқорига кўтарилигданда - яна музлайди ва х.к.

Дўл ҳосил бўлиши учун булултарнинг сувлилиги анча катта бўлиши керак, шу сабабли дўл фақат йилнинг илиқ фаслида ер сирти яқинида баланд ҳароратлар кузатилганда ёғади. Дўл ўрта кенгликларда тез-тез, тропикларда катта интенсивлик билан ёғади. Кутбий кенгликларда дўл кузатилмайди.

Ҳосил бўлишининг физикавий шароитларига (генетик аломати бўйича) кўра ёғинлар учта гурухга бўлинади:

- буркама ёғинлар - ёмғир ва қор, баъзида хўл қор кўринишда ёмғирли қатламли ва баланд қатламли (*Ns-As*) булултардан ўртacha интенсивлик билан кенг майдонларда узоқ муддат ёғадиган ёғинлар;

- жала ёғинлари - дўл, булдуруқ, қор ва ёмғир кўринишда ёмғирли тўп-тўп (*Cb*) булултардан ёғадиган ёғинлар. Бу ёғинлар бирданига ёға бошлайдиган, қисқа муддатли, интенсивлиги кескин ўзгарадиган характеристерга эга. Жала ёғиши тез-тез момақалдироқ ва касирға билан бирга кузатилади;

- шивалама ёғинлар – турғун стратификацияланган ҳаво массаларида ҳосил бўладиган зич қатламли (*St*) ва тўп-тўп қатламли (*Sc*) булултардан ёғадиган ёғинлар.

Ёғинларнинг интенсивлиги ва давомийлиги муҳим характеристика ҳисобланади. Ёғинлар интенсивлиги деб бирлик вакт давомида ёқсан ёғинлар миқдори тушунилади (мм/мин, мм/соат, суткалик максимуми). Жала ёғинлари энг жадал ёғинлардир, уларнинг ўртача интенсивлиги 0,03-0,05 мм/мин тенг бўлиши мумкин. Шивалама ёғинлар энг кичик интенсивликка эга.

Ер шарининг турли жойларидаги ўта кучли (жадал) жала ёғинларининг характеристикалари 7.3-жадвалда келтирилган.

## Ўта кучли жала ёғинларнинг характеристикалари

Худуд	Ёғин микдори, мм	Давомийлиги, мин	Интенсивлиги, мм/мин
Австралия	650	120	5,42
Германия	126	83	15,75
Швейцария	22	5	4,46
Руминия	205	20	10,20
Жанубий Африка	356	15	23,73
Жанубий Калифорния	26	1	26,0
Панама	63	6	12,60
АҚШ	31	1	31,00
АҚШ	18	1,4	12,50
Ямайка ороли	195	15	13,00
АҚШ	300	42	7,10
Украина (Карпатлар)	-	1	9,50
Туркманистон	-	-	2,17

Жадвалдан кўриб турибмизки, жала ёғинларининг интенсивлиги қанча катта бўлса, уларнинг давомийлиги шунчак қисқа бўлади. Давомийлиги катта ва жадал жала ёғинлари айниқса хавфли.

Ёғинларнинг суткалик ўзгаришини кўриб чиқамиз. Ёғинлар микдорининг суткалик ўзгаришини аниqlаш учун сутканинг маълум соатлари оралиғида ёқсан ёғинлар уларнинг суткалик микдорига нисбатан фоизларда ажратиб олинади. Бунда икки кузатиш жойи ўргасидаги кескин ўзгарадиган мутлак қийматлар олинмайди, чунки улар таққослашни қийинлаштиради.

Ёғинларнинг суткалик ўзгариши ниҳоятда мураккаблигига қарамай қуруқликда ёғинлар суткалик ўзгаришларининг икки асосий тури ажратилади – континентал ва қирғоқбўйи. Бироқ, маҳаллий шароитларга боғлиқ равишда бу турлардан четланишлар ва уларнинг мураккаблашиши кузатилади.

Континентал турда ёғинларнинг максимуми тушдан кейин ва кучсиз иккинчи максимум – эрталаб кузатилади. Ёғинларнинг минимуми эса ярим тундан кейин, иккинчи минимум – тушдан олдин кузатилади. Асосий максимум кундузги конвекция кучайиши билан, иккинчиси эса – тунда қатламли булутларнинг

ривожланиши билан боғлиқ. Ёзда асосий максимум қишига нисбатан яққолроқ ифодаланган – бу конвекциянинг йиллик ўзгариши билан изоҳланади.

Суткалик ўзгаришнинг бу тури тропиклар учун характерли, чунки бу ерда кундузги конвекция кучлироқ ривожланади, фронтал булутларнинг (сезиларли суткалик ўзгаришга эга бўлмаган) тақрорланувчанилиги эса кичикроқ.

Суткалик ўзгаришнинг *қирғоқбўйи турида ёғинларнинг* максимуми эрталабга ва тунга, минимуми эса – тушдан кейинги соатларга тўғри келади. Суткалик ўзгаришнинг бу тури ёзда қишидагига нисбатан яққолроқ ифодаланган. Баъзи ясси қирғоқлар ёзда кундузи кам булутлилик ва, демак, ёғинларнинг камлиги билан ажралиб туради. Гап шундаки, ҳаво денгиздан илиқ ер сиртига ўтганда кундузи унинг нисбий намлиги камаяди ва булутларнинг ривожланиши қийин бўлади. Лекин, қитъя ичига кириб борган сари нотурғунлик ортиши билан булутлилик ва ёғинлар кўпаяди.

Баъзи жойларда ёғинларнинг суткалик ўзгариши қишида қирғоқбўйи турига, ёзда – континентал турга (масалан, Парижда) яқинлашади.

Қитъаларда ёғинлар тақрорланувчанилигининг суткалик ўзгариши ёғинлар миқдорининг суткалик ўзгариши билан устма-уст тушади. Ёғинларнинг жадаллиги қитъаларда тушгача минимал, тушдан кейин ва кечки пайт максимал қийматларга эга бўлади.

Европада ёғинларнинг суткалик миқдори 350 мм гача етиши мумкин, Украянанинг жануби-гарбида – 210 мм. Тропик кенгликларда энг катта суткалик максимумлар 1050 мм дан ошиши мумкин (Черрапужи, Филиппин, Реюньон ороли).

Ёғинларнинг максимал суткалик интенсивлиги камдан-кам ҳолларда ўртacha ойлик миқдорларига (20-30 мм дан ортик) етиши мумкин.

## 7.9. Ер сирти гидрометеорлари

Сув буғининг конденсацияси ва сублимацияси бевосита ер сиртида ва ердаги буюмларда кузатилиши мумкин. Агар ер сиртига (тупроқ, ўсимликлар, буюмлар) бевосита тегиб турган ҳавонинг ҳарорати конденсация ёки сублимация нуктасидан паст бўлиб қолса, сув буғининг фазавий ўтишлари натижасида *ер сирти*

*гидрометеорлари* юзага келиши мумкин. Ер сиртининг ҳароратига қараб суюқ ёки қаттиқ гидрометеорлар ҳосил бўлиши мумкин.

Суюқ гидрометеорларга шудринг ва суюқ қоплама киради.

*Шудринг.* Шудринг ҳосил бўлишига асосий сабаб тунги нурланиш таъсирида ер сирти ҳароратининг пасайишидир. Ер сиртининг ҳарорати шудринг нуқтаси ҳароратидан паст бўлгандағина конденсация бошланади. Шудринг пайдо бўлишининг зарурий шарти – очик ва тинч (шамолсиз) об-ҳаводир. Бундай шароитда ер сиртининг нурланиши ниҳоятда кучли бўлади.

Буюмларнинг горизонтал сиртларида, ўтларда, ер сиртида конденсация жараёни натижасида ҳосил бўлган майда сув томчилари шудринг деб аталади. Ўсимликларнинг нам бўлмайдиган сиртларида (масалан, марваридгулда) шудринг томчилари бир-бирига кўшилиб йирик томчиларни ташкил қиласади.

Шудринг пайдо бўлиши натижасида бир йилда 10-30 мм, Ўрта Осиё саҳроларида – 30-40 мм гача ёғинлар тушиши мумкин.

*Суюқ қоплама* – бу булутли ва шамолли об-ҳавода совук, кўпинча, вертикал (тиқ) сиртларда пайдо бўладиган сувнинг юпқа қатламидири. Суюқ юпқа қатламнинг пайдо бўлиш сабаби тунги нурланиш эмас, балки совук об-ҳаводан кейин нисбатан илиқ ва нам ҳавонинг адвекциясидир.

Илиқ ва нам ҳаво нисбатан совук сиртлар (девор, дарахтларнинг танаси) билан учрашганда у совийди ва унинг таркибидағи сув ушбу сиртларда қисман конденсацияланади. Табиийки, бу жараён шамолга рўпара бўлган сиртларда юзага келади ва сирт майда сув томчилари билан қопланади («терлайди»).

Киров, қаттиқ қоплама, булдуруқ ва яхмалак қаттиқ гидрометеорларга киради.

Ўтларда, тупроқда ва буюмларнинг горизонтал сиртларида узунлиги бир неча миллиметрларга етадиган турли шаклдаги муз кристаллари **қиров** деб аталади. Қировнинг ҳосил бўлиш шароитлари шудринг ҳосил бўлиши билан бир хил, фақат ер сирти ҳарорати манфий бўлиши керак. Совук сиртга бевосита тегиб турган ҳаводаги сув буғи сублимация жараёнига учрайди. Қор қопламида ҳам қиров ҳосил бўлади.

*Қаттиқ қоплама* шамолга рўпара бўлган вертикал сиртларда худди суюқ қоплама ҳосил бўладиган шароитларда юзага келади. Демак, қаттиқ қопламнинг ҳосил бўлиши ҳам нисбатан илиқ ва нам

ҳавонинг адвекцияси билан боғлиқ, фақат бу жараён давомида вертикал сиртларнинг ҳарорати манфий бўлиши керак.

Қаттиқ қоплама, одатда, сиртда зич жойлашган майда кристаллар шаклида бўлади. Баъзида у юпқа, текис ва тиниқ муз қатлами кўринишда ҳосил бўлиши мумкин.

Дараҳтларнинг шоҳларида, симларда, сим тўрларда ва бошқа ингичка буюмларда ҳосил бўладиган оқ юмшоқ кристаллар булдуруқ деб аталади. Булдуруқ, одатда, туманларда қаттиқ аёзларда юзага келади. Ўта совуқ туман томчилари буюмлар билан учрашиб музлайди ва кристаллар ўсишига туртки беради. Булдуруқ буюмларнинг шамолга рўпара бўлган томонида пайдо бўлади. Етарлича кучли шамол булдуруқни осонгина учириб кетиши мумкин.

Ўта кучли совуқ ёмғир томчилари, шивалама ёки кучли туман томчиларини музлатиши натижасида ер сиртида ва буюмларда зич муз қатламининг пайдо бўлиши яхмалак деб аталади. Яхмалак бевосита сублимация жараёнининг натижаси эмас, балки унинг ҳосил бўлиши учун атмосферадан ўта совуқ ҳолатдаги томчилар ёгиши керак.

Яхмалак манфий ҳароратларда ( $0^{\circ}$  дан - $15^{\circ}$  гача) ҳосил бўлади. Ўта совуқ ҳолатдаги томчилар ер сиртига тушиб музлаб қолади.

Тиниқ ва хира (жилосиз) яхмалаклар ажратилади. Хира (жилосиз) яхмалак майдароқ томчиларда (шивалама) ва пастроқ ҳароратларда пайдо бўлади. Музнинг қалинлиги бир неча сантиметргача етиши ва шоҳларнинг синишига, симларнинг узилишига олиб келиши мумкин. Яхмалак вақтида ҳар 1 м симда 10 г дан 1 кг гача муз қоплами ҳосил бўлади. Симлардаги музнинг оғирлиги таъсирида симёғочларнинг синиши кузатилган. Бундай шароитларда кўчалар ва йўллар муз билан тўлиқ қопланади, тоғ ўрмонларида эса шаклсиз катта муз парчалари ҳосил бўлади. Денгиз иқлимига эга бўлган тоғли ҳудудларда яхмалак кўп кузатилади.

Муз билан қопланни – яхмалакка яқин ҳодиса. Бу булутлар, туманлар ва ёғинлар ўта совиган томчиларининг самолёт ва бошқа учиш аппаратлари, шунингдек қуруқлик ва денгиз транспортлари сиртининг музлаши жараёнидир.

## **Асосий хуносалар**

1. Атмосферада сув бугининг тақсимланиш конуниятлари атмосфера физикасининг яна бир асосий тенгламаси – атмосферада сув бугининг кўчиши тенгламаси билан тавсифланади. Ҳаво намлиги турли характеристикаларининг суткалик ва йиллик ўзгариши, унинг вертикал тақсимоти асосан шу тенгламанинг адвектив ва конвектив ташкил этувчилари хиссасига боғлиқ.

2. Атмосферага қўшилаётган сув бугининг асосий манбаи табиий шароитдаги буғланиш ҳисобланиб, унинг умумий конуниятлари Дальтон тенгламаси билан тавсифланади. Бу тенглама ҳамда иссиқлик баланси тенгламаси асосида буғланишни ҳисоблаш формулалари ҳосил қилинган.

3. Атмосферада сув буғи шундай ҳолатдаки, унинг ҳарорати ва босими критик кийматлардан паст бўлади. Бунинг натижасида атмосферада конденсация ва сублимация жараёнлари юз бериб, туманлар ва булатлар пайдо бўлиши мумкин. Сув буғи конденсацияси (сублимацияси)нинг зарурий шарти унинг шудринг нуктаси ҳароратидан паст ҳароратгача совиши ҳисобланади. Жараён учун етарли шарт эса атмосферада конденсация ядроларининг мавжудлигиdir.

4. Булатларнинг асосий таснифи улар ҳосил бўлишининг морфологик ва генетик аломатлари асосида тузилган. Морфологик (халқаро) таснифда булатларнинг ташқи кўриниши ва уларнинг жойлашиш баландлиги асос қилиб олинган. Генетик таснифда булатлар ҳосил бўлишининг физик шароитлари асос қилиб олинади.

5. Майда булат элементларининг йирикроқ томчиларга конденсацияланиши ёғинлар ҳосил бўлишининг бошланғич шарти ҳисобланади. Булатдаги сув томчилари ва муз кристаллари йириклишишининг иккинчи босқичида асосий ролни коагуляция (гравитацион, Броун ва бошқа) жараёни ўйнайди.

6. Ер усти гидрометеорлари (шудринг, қирор, яхмалак ва бошқалар) ёғинларнинг тўпланишида муҳим ўрин эгаллайди.

## **Назорат саволлари**

1. Ердаги сув айланиши тўғрисида умумий маълумотларни беринг.

2. Турбулент атмосферада сув буғининг кўчиши тенгламасини келтириб чиқаринг ва таҳлил қилинг.
3. Табиий шароитлардаги бугланиш қандай омилларга боғлиқ? Буғланувчанлик нима?
4. Ер юзаси яқинида ҳаво намлигининг қандай суткалик ўзгариш турлари кузатилади?
5. Йил ва баландлик бўйича ҳаво намлиги қандай ўзгаради?
6. Сув буғининг атмосферадаги конденсацияси ва сублимацияси қайси омилларга боғлиқ?
7. Сув буғининг атмосферадаги конденсацияси зарурий ва етарли физик шартларини характерлаб беринг.
8. Туманлар таснифини айтиб беринг.
9. Адвектив, радиацион ва бугланиш туманларининг шаклланиши учун қулай метеорологик шароитлар қайслар?
10. Туманлар қайси физик катталиклар билан характерланади?
11. Булутлар қайси физик катталиклар билан характерланади?
12. Булутларнинг морфологик таснифи нима?
13. Булутларнинг генетик таснифи нима?
14. Булутлар микдори қандай ўлчанади? Уларнинг суткалик ўзгариши қандай?
15. Булут ҳосил бўлиши жараёнининг асосида қайси физик сабаблар ётади?
16. Булутлар таснифларини айтиб беринг.
17. Ёғинларнинг йиллик ўзгариши қандай хусусиятларга эга? Ёғинларнинг жадаллиги нима?
18. Ер усти гидрометеорлари қайслар? Улар қандай шароитларда юзага келади?

## VIII БОБ. АТМОСФЕРА ДИНАМИКАСИ АСОСЛАРИ

### Асосий тушунчалар

1. **Ньютоннинг ҳаракат қонуулари** – 1. Ҳар кандай жисм ўзининг тинч ҳолати ёки тўғри чизиқли текис ҳаракатини таъсир этаётган ташқи куч бу ҳолатдан чиқармагунча сақлаб қолади. 2. Ҳаракат микдорининг ўзгариши ҳаракатлантирувчи кучга пропорционал ва бу ўзгариш куч таъсир этаётган тўғри чизик бўйлаб йўналган. 3. Таъсирга доимо унга қарма-қарши йўналган акс таъсир мавжуд: бошқача айтганда икки жисм орасидаги таъсир ўзаро тенг ва карма-қарши йўналган.

2. **Ғадир-будирлик** – ер яқини қатламида ҳаво ҳаракатига таъсир этувчи тўшалган сиртнинг нотексилиги характеристикаси. Ғадир-будирлик параметри ёки ғадир-будирлик сатҳи  $z_0$  деб ҳам аталади. Ғадир-будирлик узунлик ўлчовига эга, ғадир-будир сиртнинг ҳарактерига боғлиқ ва умуман олганда нотексиликларнинг ўртacha баландлиги қанча катта бўлса, шунчалик катта бўлади. Ғадир-будирлик сатҳида шамол ўртacha тезлиги нолга айланади; бу сатҳдан пастда фақат турбулент пульсациялар мавжуд бўлади.

3. **Экман спирали** – атмосфеарнинг чегаравий қатламида турбулентлик коэффициенти баландлик бўйича ўзгармас, ҳаракат горизонтал ва тургун, изобаралар тўғри чизиқли ва ўзаро параллел ҳамда геострофик шамол баландлик бўйича ўзгармас деб қабул қилинганда шамолнинг баландлик бўйича тақсимланишининг математик ифодаси. Бир нуктадан (координата бошидан) ўтказилган вектор учларининг геометрик ўрнини кўрсатувчи эгри чизик (годограф) бўлиб, ишқаланиш қатламида турли баландлilikлардаги горизонтал шамол тезлигини тасвирлайди. Логарифмик спирал ҳисобланади.

4. **Айланиши баландлиги** – шамолнинг йўналиши қарама-қарши ёки унга яқин йўналишга алмашадиган баландлик. Мисол учун бундай айланиши йирик масштабдаги ҳарорат тақсимоти таъсирида умумий горизонтал барик градиентнинг муайян

ўзгаришларидаги ёки бриз ёки тоғ шамолидан юқорида жойлашган қарама-қарши оқимга ўтишда кузатилади.

### 8.1. Атмосферада таъсир этувчи асосий кучлар

Атмосфера тұхтосыз ҳаракат ҳолатида бўлади. Иссиклик алмашинуви жараёнлари билан белгиланадиган босимнинг нотекис тақсимоти бу ҳаракатнинг асосий сабабидир. Атмосфера ҳаракатларини юзага келтирувчи кучларни кўрайлик.

Атмосферада таъсир этаётган кучлар масса (ҳажм)га ва сиртга таъсир этувчи кучларга бўлинади. Биринчи кучларга кўрилаётган ҳаво заррачаси билан ёндош бошқа ҳаво заррачаларининг борйўклигидан қатъий назар масса (ёки ҳажм)нинг ҳар бир элементига таъсир этувчи кучлар киради. Уларга *оғирлик кучи* ва *инерцион* – Ер шари айланишининг четлантирувчи (*Кориолис*) ва *марказдан қочма* кучлар киради.

Сиртга таъсир этувчи кучлар кўрилаётган ҳаво массаси (ҳажми)нинг атроф-муҳит билан ўзаро таъсири натижасида юзага келадиган кучлардир. Бу кучлар кўрилаётган ҳажмнинг ташки сиртидаги заррачаларга кўйилган бўлади. Уларга *барик градиент* ва *қовушқоқ ишқаланиш* кучлари киради.

Юқорида санаб ўтилган кучларни кўриб чиқайлик.


*Оғирлик кучи*  $g$  – бу Ер шари маркази томон йўналган тортиш кучи  $\bar{F}$  ва айланиш радиус-вектори бўйича йўналган марказдан қочма куч  $\bar{C}$  ларнинг перпендикуляр ташкил этувчилари айрмасидир (34-расм), яъни:

$$P = \rho g = F_n - C_n. \quad (8.1)$$

Расмдаги белгилашлардан фойдаланиб, қуйидагига келамиз:

$$g = G \frac{M}{R^2} - \omega^2 R \cos^2 \varphi, \quad (8.2)$$

бу ерда  $G = 6,67 \cdot 10^{-11} \text{ м}^3/\text{кг}\cdot\text{с}^2$  – гравитацион доимий,  $M$  – Ер массаси,  $R$  – Ернинг ўртача радиуси,  $\omega = 7,29 \cdot 10^{-5} \text{ с}^{-1}$  – Ер айланишининг бурчак тезлиги,  $\varphi$  – географик кенглик.



34-расм. Оғирлик кучининг аниқланишига доир

Оғирлик кучининг энг катта қийматлари кутбларда, энг кичик қиймати – экваторда кузатилади.

*Ер айланишининг четлантирувчи кучи (Кориолис кучи).* Бу инерцион куч бурчак тезлиги  $\omega$  га тенг бўлган Ернинг суткалик айланиши билан боғлиқ. У факат ҳаво заррачаси ер сиртига нисбатан  $\bar{v}$  тезлик билан ҳаракатланаётгандагина юзага келади.

Умумий ҳолда, бирлик ҳаво ҳажмига таъсир этаётган Кориолис кучи қуидагига тенг бўлади:

$$\vec{K} = 2\rho(\bar{v} \times \bar{\omega}), \quad (8.3)$$

бу ерда  $\rho$  – ҳаво зичлиги,  $\bar{\omega}$  – Ернинг айланиш ўқи бўйича шимолий кутб томон йўналган вектор.

Кориолис кучининг  $x$ ,  $y$ ,  $z$  ўқларига проекциялари қуидагicha:

$$\begin{aligned} K_x &= 2\rho(\omega_z v - \omega_y w), \\ K_y &= 2\rho(\omega_x w - \omega_z u), \\ K_z &= 2\rho(\omega_y u - \omega_x v) \end{aligned} \quad (8.4)$$

бу ерда  $u$ ,  $v$ ,  $w$  –  $\bar{v}$  тезлик векторининг,  $\omega_x$ ,  $\omega_y$ ,  $\omega_z$  –  $\bar{\omega}$  векторнинг мос равища  $x$ ,  $y$ ,  $z$  ўқларга проекциялари.

(8.4) га кирган қўшилувчиларнинг миқдорларини таққослаш кўрсатадики,  $K_z \ll K_x$ ,  $K_z \ll K_y$  ва  $w$  нинг қиймати  $u$  ва  $v$  ларга нисбатан 2-3 тартибга кичикдир. Демак, қуидагини ёзиш мумкин:

$$K_x = 2\rho\omega_z v, \quad K_y = -2\rho\omega_z u. \quad (8.5)$$

Кориолис кучининг горизонтал ташкил этувчиси қуидагига тенг бўлади:

$$K_s = \sqrt{K_x^2 + K_y^2} = 2\rho\omega_i V \quad (8.6)$$


бу ерда  $\omega_i = \omega \sin \phi$  – Ер айланиши бурчак тезлигининг вертикал ташкил этувчиси,  $V = \sqrt{u^2 + v^2}$ .

Ҳаво заррачасининг ҳаракат йўналишига нисбатан Кориолис кучининг таъсир йўналишини аниқлайлик.  $x$  ўқининг мусбат йўналишини ғарбдан шарққа,  $y$  ўқининг мусбат йўналишини эса – жанубдан шимолга танлайлик. Унда шамол ғарбдан шарққа йўналган бўлса  $u>0$ , жанубдан шимолга йўналган бўлса  $v>0$ . шарқий шамол учун  $u<0$ , шимолий шамол учун  $v<0$ .

Мос равища Кориолис кучининг  $x$  ва у ўқларига проекциясининг ишораси танланади. Шимолий яримшарда  $\omega_z>0$ , жанубий яримшарда –  $\omega_z<0$ .

Энди,  $x$  ўқини шамол йўналиши бўйича йўналтиурсак, қуидагига келамиз:  $u>0$ ,  $v=0$   $K_x=0$ ,  $K_y<0$ . Шундай қилиб, Кориолис кучи ҳаракатдаги ҳаво заррачасини шимолий яримшарда ҳаракат йўналишига нисбатан ўнг томонга оғидради. Мос равища жанубий яримшарда ҳаво заррааси чап томонга оғади.

*Барик градиент кучи* – бу босимнинг нотекис тақсимоти натижасида юзага келувчи кучдир. Изобарик сиртлар сатҳ сиртларига нисбатан маълум бурчак остида жойлашган бўлади (35-расм).



35-расм. Босим кучининг натижаловчиси тушинчасига доир

Расмдан кўриниб турибдики, ABCD ҳажмга таъсир этаётган барча босим кучлари натижаловчисининг абсолют қиймати  $P - (P+dP) = -dP$  га teng бўлади. Унинг йўналиши изобарик сиртга перпендикулярнинг мусбат йўналиши билан бир хил бўлади.

Бирлик ҳажмга таъсир этаётган босим кучлари натижаловчисининг модули қўйидагига teng:

$$-\frac{dP}{dN} = G, \quad (8.7)$$

бу ерда  $dN$  – қўшни изобарик сиртлар орасидаги масофа.

Босим градиентининг  $x$ ,  $y$  ва  $z$  ўқларига проекцияси қўйидагича бўлади:

$$-\frac{dP}{dx}, -\frac{dP}{dy}, -\frac{dP}{dz}. \quad (8.8)$$

Барик градиентининг горизонтал ташкил этувчиси қўйидагича ёзилиши мумкин:

$$G_1 = -\frac{dP}{dn}. \quad (8.9)$$

Бу куч таъсирида ҳавонинг горизонтал ҳаракати (шамол) юзага келади.  $G_2$ , одатда, барик градиент деб аталади.

*Қовушқоқ ишқаланиши кучлари.* Ҳаракатдаги ҳавонинг турли ҳажмлари ҳар хил тезликлар билан ҳаракатланганда қовушқоқ ишқаланиши кучлари юзага келади.

Атмосферада шамол тезлиги вертикал градиентининг қиймати унинг горизонтал градиентидан бир неча тартибга катта бўлганлиги учун, шамол тезлигининг баландлик бўйича ўзгариши билан боғлик бўлган кучлар энг катта аҳамият касб этади.

Молекуляр-кинетик назария нуқтаи назаридан қовушқоқ ишқаланишининг физикавий мазмунини аниқлайлик.

Фараз қиласизи,  $z$  ва  $z+dz$  сатҳларда мос равишда шамол тезликлари  $\bar{v}$  ва  $\bar{v}+d\bar{v}$  га teng. Тартибсиз (хаотик) ҳаракат натижасида ҳаво молекулалари бир сатҳдан иккинчи сатҳга ўтиб, ўз импульсини узатади. Шундай қилиб, қуий сатҳ томонидан юқоридаги сатҳдаги молекулалар ҳаракатини секинлаштирадиган куч юзага келади. Аксинча, юқори сатҳдаги молекулалар пастдаги

молекулалар ҳаракатини тезлаштиришга интилади. Натижада, бирлик юзага қўйилган ва молекуляр ишқаланиши кучланиши  $\bar{\tau}_m$  деб аталувчи кучлар жуфтлиги пайдо бўлади. Табиййки, ишқаланиш кучланиши шамол тезлигининг вертикал градиентига мутаносиб:

$$\bar{\tau}_m = \eta \frac{\partial \bar{V}}{\partial z}, \quad (8.10)$$

бу ерда  $\eta$  – динамик қовушқоқлик коэффициенти ( $\text{кг}/\text{м} \cdot \text{с}$ ).

Баъзида кинематик қовушқоқлик коэффициенти  $\nu = \frac{\eta}{\rho}$  ни киритишиади, бу ерда  $\rho$  – ҳаво зичлиги.

Турбулент ҳаракат учун импульс алмашинуви катта ҳажмдаги ҳаво массалари ўртасида юз беради. Бу ҳаракаг учун, молекуляр ишқаланишга ўхшаб, турбулент ишқаланиши кучланишини куйидагича ёзиш мумкин:

$$\bar{\tau}_t = A \frac{\partial \bar{V}}{\partial z} = \rho k \frac{\partial \bar{V}}{\partial z}, \quad (8.11)$$

бу ерда  $\frac{\partial \bar{V}}{\partial z}$  – сатҳлар орасидаги ҳаво оқими ўргача тезлигининг градиенти,  $A$  – турбулент қовушқоқлик коэффициенти,  $k$  – турбулентлик коэффициенти.

Умумий ҳолда ишқаланиш кучланиши молекуляр ва турбулент ишқаланиш кучланишларининг йигиндисига тенг:

$$\bar{\tau} = (\eta + A) \frac{\partial \bar{V}}{\partial z}. \quad (8.12)$$

Бирлик ҳаво ҳажмига таъсир этаётган қовушқоқ ишқаланиш кучи қуйидагича ёзилади:

$$\bar{R} = \frac{\partial}{\partial z} (\eta + A) \frac{\partial \bar{V}}{\partial z}. \quad (8.13)$$

Бу кучнинг  $x$ ,  $y$ ,  $z$  ўқларига проекциялари:

$$\left. \begin{aligned} R_x &= \frac{\partial}{\partial z} (\eta + A) \frac{\partial u}{\partial z} \\ R_y &= \frac{\partial}{\partial z} (\eta + A) \frac{\partial v}{\partial z} \\ R_z &= \frac{\partial}{\partial z} (\eta + A) \frac{\partial w}{\partial z} \end{aligned} \right\}. \quad (8.14)$$

Микдорий баҳолашлар кўрсатадики, Ер сирти ғадир-будирлигининг таъсири атмосферанинг бир неча юз метрлардан 1-1,5 км баландликларгача тарқалади. Бу қатлам атмосферанинг чегаравий қатлами деб аталади ва бу ерда босим градиенти ҳамда Кориолис кучлари билан бир қаторда қовушқоқ ишқаланиш кучларини ҳам ҳисобга олиш лозим.

Эркин атмосфрада бошқа кучларга нисбатан ишқаланиш кучларининг таъсири катта эмас. Лекин, шамол тезлигиниг градиенти катта бўлган жойларда ишқаланишни ҳисобга олиш керак. Бу фронтал зоналарга, тез ҳаво оқимларига ва бошқа атмосфера обектларига тааллуқли.

*Марказдан қочма куч ҳаво заррачаси эгри чизиқли траектория бўйлаб ҳаракатланганда ҳосил бўлади:*

$$\tilde{C} = \rho \frac{\tilde{v}^2}{r}, \quad (8.15)$$

бу ерда  $r$  – траекториянинг эгрилик ридиуси,  $\tilde{v}$  – шамол тезлиги.

## 8.2. Турубулент атмосфера учун ҳаракат тегламалари

Ньютоннинг иккинчи қонунига мувофиқ жисм массасининг унинг тезланишига кўпайтмаси шу жисмга таъсир этувчи кучларининг геометрик йиғиндисига тенг:

$$\rho \frac{d\tilde{V}}{dt} = \tilde{G} + \tilde{K} + \tilde{P} + \tilde{R}. \quad (8.16)$$

Бу тенглама атмосферанинг вектор кўринишидаги ҳаракат тенгламасидир.

Кучларнинг  $x$ ,  $y$  ва  $z$  ўқлари бўйича проекцияларини қўллаб, координата кўринишидаги атмосферанинг ҳаракат тенгламалари тизимини ҳосил қиласиз:

$$\left. \begin{aligned} \rho \frac{du}{dt} &= -\frac{\partial P}{\partial x} + 2\rho(\omega_v v - \omega_u u) + \rho g_z + \frac{\partial}{\partial z} (\eta + A) \frac{\partial u}{\partial z} \\ \rho \frac{dv}{dt} &= -\frac{\partial P}{\partial y} + 2\rho(\omega_z w - \omega_v v) + \rho g_z + \frac{\partial}{\partial z} (\eta + A) \frac{\partial v}{\partial z} \\ \rho \frac{dw}{dt} &= -\frac{\partial P}{\partial z} + 2\rho(\omega_u u - \omega_z z) + \rho g_z + \frac{\partial}{\partial z} (\eta + A) \frac{\partial w}{\partial z} \end{aligned} \right\}. \quad (8.17)$$

(8.17) тенгламалар тизимини соддалаштириш мақсадида қуийдаги фикрларни ҳисобга оламиз:

- тезликнинг вертикал ташкил этувчиси  $w$  горизантал ташкил этувчиларидан ( $u$  ва  $v$ ) кичик;
- (8.17) нинг учинчи тенгламаси таркибига кирган ҳадларнинг тартиб қийматларини ҳисобга олиб, уни статика тенгламаси кўринишига олиб келиш мумкин;
- тенгламаларнинг чап ва ўнг томонларини  $\rho$  га бўлиб, чап томонда тезланиш проекцияларини ҳосил қиласиз;
- $\eta$  ва  $A$  ларни  $v$  ва  $k$  билан алмаштирамиз.

Унда (8.17) қуийдаги кўринишида тасвирланади:

$$\left. \begin{aligned} \frac{du}{dt} &= -\frac{1}{\rho} \frac{\partial P}{\partial x} + 2\omega_v v + \frac{\partial}{\partial z} (\nu + k) \frac{\partial u}{\partial z} \\ \frac{dv}{dt} &= -\frac{1}{\rho} \frac{\partial P}{\partial y} - 2\omega_u u + \frac{\partial}{\partial z} (\nu + k) \frac{\partial v}{\partial z} \\ -\frac{\partial P}{\partial z} &= \rho g_z \end{aligned} \right\}. \quad (8.18)$$

Ҳаво идеал газ каби мұхит узуликсизлиги шартига жавоб беради. Физик нүктаи назардан бу газ (суюқлик) массасининг йўқолмаслигини англатади. Узуликсиз мұхитлар учун узуликсизлик тенгламаси ўринли бўлади. Уни келтириб чиқарамиз.

Бирлик вақт ичидаги оқимга перпендикуляр бўлган бирлик юзадан ҳаво массасининг оқими ҳаво зичлиги ва оқим тезлиги кўпайтмасига тенг бўлади.  $x$ ,  $y$  ва  $z$  ўқларига оқимнинг проекциялари  $\rho u$ ,  $\rho v$  ва  $\rho w$  га тенг бўлади.

Бирлик вақт ичидаги бирлик ҳажмга ҳаво массасининг оқиб келиши тескари ишора билан олинган оқим дивергенциясига тенг:

$$\frac{\partial \rho}{\partial t} = - \left( \frac{\partial \rho u}{\partial x} + \frac{\partial \rho v}{\partial y} + \frac{\partial \rho w}{\partial z} \right)$$

ёки

$$\frac{\partial \rho}{\partial t} + \frac{\partial(\rho u)}{\partial x} + \frac{\partial(\rho v)}{\partial y} + \frac{\partial(\rho w)}{\partial z} = 0. \quad (8.19)$$

Бу узуликсиз мұхит учун узуликсизлик тенгламасидір.

Күпайтмалардан ҳосилаларни олиб, зичликнинг вақт бүйича түлік ҳосиласининг ифодасини

$$\frac{d\rho}{dt} = \frac{\partial \rho}{\partial t} + u \frac{\partial \rho}{\partial x} + v \frac{\partial \rho}{\partial y} + w \frac{\partial \rho}{\partial z}$$

есласак, узуликсизлик тенгламасини қўйидаги кўринишга келтирамиз:

$$\frac{d\rho}{dt} + \frac{\partial u}{\partial x} + \frac{\partial v}{\partial y} + \frac{\partial w}{\partial z} = 0$$

ёки

$$\frac{d\rho}{dt} + \operatorname{div} \vec{V} = 0 \quad (8.20)$$

Атмосфера учун ҳаракат тенгламалари (8.18), узуликсизлик тенгламаси (8.19), нам ҳаво учун ҳолат тенгламаси, иссиқлик узатилиши тенгламаси ва сув буғининг кўчиши тенгламаси биргаликда атмосфера учун гидротермодинамиканинг асосий тенгламалари тизимини ифодалайди.

Умумий ҳолда гидротермодинамика тенгламалари тизимини ечиш ниҳоятда мураккаб масаладир. Гидротермодинамика тенгламалари хусусий ҳосилали дифференциал тенгламалар бўланлиги сабабли уларни ечиш учун чегаравий ва бошланғич шартларни белгилаш зарур. Уларнинг кўриниши ўрганилаётган жараён ёки ходисаларнинг физикавий моҳиятига боғлик.

### 8.3. Оқим чизиклари ва траекротиялар

Ҳаво оқимлари майдонларини ўрганиш учун оқим чизиклари ёрдамида ушбу майдонни график тасвирлаш катта кўргазмалилиги билан ажralиб туради. *Оқим чизиклари* – бу шундай чизикларки,

уларга уринма бўлган чизиқлар кўрилаётган вақтда ҳаракат йўналиши билан устма-уст тушади. Агар  $u$ ,  $v$ ,  $w$  – тўғи чизиқлар координаталар тизимида тезликнинг проекциялари бўлса, у ҳолда оқим чизиқлари учун дифференциал тенглама кўйидагича ёзилади:

$$\frac{dx}{u} = \frac{dy}{v} = \frac{dz}{w}. \quad (8.21)$$


Кўрилаётган жойда тезлик қанчалик катта бўлса, оқим чизиқлари шунчалик зич ўтказилади.

Оқим чизиқлари билан бир қаторда, заррачалар жойлашишининг вақт бўйича ўзгаришини белгилайдиган заррачалар траекторияларини график тасфирлаш мумкин.

Агар ҳаракат мувозанатлашган бўлса, яъни шамолнинг тезлиги ва йўналиши вақт бўйича ўзгармаса, оқим чизиқлари ва траекториялари тенгламалари айнан бир хил бўлади. Бошқача айтганда, оқим чизиқлари ва траекториялар бир-бирига мос тушади. Мувозанатлашмаган ҳаракат учун оқим чизиқлари ва траекториялар бир-биридан кескин фарқ қиласди.

Шамол майдонини график тасфирлаш учун изотахалар – шамол тезлигининг бир хил қийматларини бирлаштирувчи чизиқлар ва изогоналар – шамол тезлигининг бир хил йўналишларини бирлаштирувчи чизиқлар кўлланилади. Оқим чизиқларининг йигилиши ва тарқалиши билан ҳарактерланадиган атмосфера ҳаракатларининг график тасвирланиши алоҳида эътиборга эга.

Ер сирти яқинида паст босимли ҳудудда оқим чизиқларининг бир нуктага йигилиши, юкори босимли ҳудудларда эса, аксинча, оқимларининг тарқалиши кузатилади (36-расм).



36-расм. Циклон (а) ва антициклондаги (б) йигилиш ва тарқалиш нуқталари

Оқимларнинг йигилиши ёки тарқалиши иккита ҳаво оқимлари мавжуд бўлганида бирор чизик бўйлаб юз берishi ҳам мумкин.

Оқимларнинг йигилиши ёки тарқалиши ҳаво оқимларининг нотекис жойлардан ҳаракатида кузатилиши мумкин. Рельеф таъсирида оқимларнинг торайиши ёки кенгайиши кузатилади. Бу жараён давомида шамол тезлиги ҳам ўзгаради.

#### 8.4. Геострофик шамол. Шамолнинг барик қонуни

Агар ҳаво заррасига факат босим горизонтал градиенти кучигина таъсири этганида, Ньютоннинг иккинчи қонунига мувофиқ, унинг ҳаракати ўзгармас тезланишга эга бўларди. Сон жиҳатдан бирлик массага нисбатан ҳисобланган  $-\frac{1}{\rho} \frac{\partial P}{\partial n}$  горизонтал барик градиент кучининг қийматига тенг бўлган бу тезланишнинг тартибини аниқлайлик. Нормал атмосфера шароитида ( $P_0=1000$  гПа,  $T_0=273$  К) ҳаво зичлиги  $1,273 \text{ кг}/\text{м}^3$  га тенг. Горизонтал барик градиентни  $1 \text{ гПа}/100 \text{ км}$  га тенг деб оламиз. У ҳолда,  $\rho$  ва  $\frac{\partial P}{\partial n}$  ларнинг сон кийматларини  $-\frac{1}{\rho} \frac{\partial P}{\partial n}$  ифодага қўйиб, тезланиш таҳминан  $10^{-3} \text{ м}/\text{с}^2$  га тенг эканлигини топамиз.

Ҳаво зарраси паст босим томонга ҳаракатланишни бошлиши билан, тезликка нормал бўйлаб ўнгга йўналган (шимолий яримшарда) Кориолис кучи пайдо бўлади. Кориолис кучининг пайдо бўлиши ҳаво заррасининг ўз ўқи атрофида айланадиган Ерга нисбатан, яъни ноинерцион саноқ системасига нисбатан ҳаракатланишига боғлиқ. Бу ҳолда ер сирти, яъни ҳаракатланаётган ҳаво зарраси билан боғлиқ бўлган координаталар системаси Ернинг суткалик айланиси жараёнида ҳаракатланаётган ҳавода бурилади. Бунда ҳосил бўладиган бирлик массага тўғри келувчи тезланиш  $2\omega \sin \varphi \cdot V$  га тенг. Шамол тезлиги  $V=10 \text{ м}/\text{с}$  бўлганда  $30^\circ$  кентглик учун бу тезланишнинг тартибини аниқлаймиз. Ер айланма ҳаракатининг бурчак тезлиги  $\omega = 7,29 \cdot 10^{-5} \text{ с}^{-1}$  эканлитини ҳисобга олсақ, Кориолис тезланиши  $0,75 \cdot 10^{-3} \text{ м}/\text{с}^2$ , яъни босим горизонтал градиенти кучининг тезланиши тартибида бўлади.

Ҳаво зарраси Кориолис кучи таъсири остида бу куч босим горизонтал градиенти кучи билан мувозанатга келгунча ўнгга бурилади. Бундай ҳолат ҳаво изобаралар бўйлаб ҳаракатланишни бошлаганда юз беради. Бундай тўғри чизиқли бир текисдаги

ишқаланишсиз ҳаракат геострофик шамол дейилади (37-расм). Геострофик шамол тезлигини заррага таъсир этувчи кучларнинг мувозанати шартидан аниқлаш мумкин:

$$\bar{G} = \bar{K} \quad \text{ёки} \quad -\frac{1}{\rho} \frac{\partial P}{\partial n} = 2\omega \sin \varphi \cdot V_t \quad (8.22)$$

(8.22) дан:


$$V_g = -\frac{1}{2\omega\rho \sin \varphi} \cdot \frac{\partial P}{\partial n} \quad (8.23)$$

ёки:

$$V_g = -\frac{1}{l\rho} \cdot \frac{\partial P}{\partial n} \quad (8.24)$$

ни ҳосил қиласиз, бу ерда  $l=2\omega \sin \varphi$  – Кориолис параметри.

Юқоридаги муроҳазалардан геострофик шамол йўналиши изобаралар билан мос тушиши келиб чиқади. Шу билан биргга, агар шамол йўналиши томонга юзланиб турйлса, *паст босимли соҳа шимолий яримшарда чапда, жанубий яримшарда ўнгда жойлашади*. Бу қоида шамолнинг барик қонуни деб юритилади.



37-расм. Геострофик шамолни аниқлашга доир. *p* ва *p-1* – изобаралар, *П* – паст атмосфера босими соҳаси, *Ю* – юқори атмосфера босими соҳаси, *G* – босим горизонтал градиенти кучи, *K* – Кориолис кучи, *V<sub>g</sub>* – геострофик шамол тезлиги.

Геострофик шамол қийматларининг тартибини аниқлайлик. Бунинг учун (8.24) формулага унинг таркибига кирувчи катталикларнинг сон қийматларини қўямиз.  $55^\circ$  кенгликда барик градиентни 1 гПа/100 км га тенг деб олсак,  $V_g = 5,8$  м/с ни ҳосил қиласиз.

Ҳаво ҳаракатини тезланишсиз  $\frac{du}{dt} = \frac{dv}{dt} = 0$  деб, қовушқоқлик кучларини ҳисобга олмасак, (8.18) tenglamадан геострофик шамолнинг  $u_g$ ,  $v_g$  проекциялари учун ифодаларга эга бўламиш:

$$u_s = -\frac{1}{\rho l} \frac{\partial P}{\partial y}, \quad v_s = \frac{1}{\rho l} \frac{\partial P}{\partial x}. \quad (8.25)$$

Синоптик карталарда ҳар 5 гПа дан ўтказиладиган қўшни изобаралар орасидаги масофа  $\Delta n$  орқали белгиланса, геострофик шамол модули учун қўйидаги ишчи фирмулани ҳосил қиласиз:

$$V_g = \frac{a}{\sin \varphi \cdot \Delta n}, \quad (8.26)$$

бу ерда  $a=3,42 \cdot 106 \rho (\text{м}^2/\text{s})$ .

(8.25) формулаларга босимнинг ўрнига изобарик сиртнинг мутлақ баландлиги  $\Phi$  ифодасини киритамиш.

$d\Phi = \frac{g}{g_0} dz$ ,  $gdz = -\frac{dP}{\rho}$  эканлигини ҳисобга олсак, (8.25) формулалар қўйидагича ёзилади:

$$u_s = -\frac{g_0}{l} \frac{\partial \Phi}{\partial y}, \quad v_s = \frac{g_0}{\rho l} \frac{\partial \Phi}{\partial x}. \quad (8.27)$$

Бу tenglamаларда  $\Phi$  катталиги геопотенциал метрларда (гп.м) берилган. Табиийки, геострофик шамол мутлақ топография изогисалари бўйлаб йўналган бўлади. Бу карталарда изогисалар ҳар 40 гп.м оралиқда ўтказилганлиги учун мутлақ топография карталарида  $V_g$  геострофик шамол учун ишчи формула қўйидагича ёзилади:

$$V_s = \frac{a'}{\sin \varphi \cdot \Delta n'}, \quad (8.28)$$


бу ерда  $a' = 40 \frac{g_0}{2\omega}$  – барча изобарик сиртлар учун ўзгармас катталик.

Реал шароитда атмосферадаги ҳаракатлар, одатда, мувозанатлашмаган ва соғ горизонтал эмас, изобаралар эса түғри чизикли эмас ва бир-биридан бир хил масофада жойлашмайди. Шунинг учун ҳам эркин атмосферада шамол геострофик бўлмайди. Лекин, эркин атмосферадаги йирик масштабли ҳаво ҳаракатлари учун шамол геострофик шамолга яқин бўлади. Ҳақиқий шамолнинг тезлиги геострофик шамолга тенг деб қабул қилинган атмосфера модели **квазигеострофик модель** деб аталади.

### 8.5. Геострофик шамолнинг баландлик бўйича ўзгариши

Эркин атмосферада ҳароратнинг нотекис тақсимотига боғлиқ равишда босим горизонтал градиентининг ўзгаришлари таъсирида шамолнинг тезлиги ва йўналиши ўзгариб туради.

Бу жараён қандай юз беришини кўриб чиқайлик. Денгиз сатҳида бирор соҳада босимнинг горизонтал градиенти нолга тенг бўлсин, яни барча нуқталарда босим бир хил бўлсин (38-расм). Ҳаво ҳарорати эса нотекис тақсимланган. Кўрилаётган соҳанинг бир кисми иликрок, бошқаси совукрок бўлиши мумкин. Бу ҳолат ҳарорат горизонтал градиентининг козага келишига олиб келади. У ҳарорат паст бўлган томонга йўналган бўлиб, изотермаларга перпендикуляр бўлади. Совук ҳавода барик погона илиқ ҳаводагидан кичик бўлганлиги сабабли, изобарик сиртлар қия бўлади. Бунда юқорига кўтарилган сари илиқ ҳаводан совук ҳавога қиялик бурчаги катталашади.




38-расм. Ҳарорат ва босимнинг горизонтал градиентлари орасидаги боғлиқлик.

Шундай килиб босимнинг горизонтал градиенти пайдо бўлади ва у юқорига кўтарилиган сари ортади.

Агар денгиз сатҳида барик градиент нолдан фарқланса, унда юқорига кўтарилиган сари ҳароратнинг нотекис таъсими билан боғлиқ бўлган қўшимча барик градиент пайдо бўлади. Баландлик қанча катта бўлса, барик градиентнинг қўшимча ташкил этувчиси шунча катта бўлади. Етарлича катта баландликда барик градиентнинг йўналиши кўрилаётган қатламдаги ўртacha ҳароратнинг горизонтал градиенти йўналишига яқин бўлади. Бу илиқ ҳудудларда босимнинг баландроқ, совук ҳудудларда эса – пастроқ бўлишини англатади.

Кўйи сатҳида барик градиент ҳароратнинг горизонтал градиентига тескари йўналган ҳоллар кузатилиши мумкин. Бу ҳолда барик градиент тескари йўналишдага қўшимча ташкил этувчига эга бўлиб, юқорига кўтарилиган сари камаяди. Маълум баландликда у нолга айланиб, ўз йўналишини  $180^\circ$  га ўзгартиради ва орта бошлияди.

Кўйидаги ҳолни кўриб чиқайлик.  $z_i=1$  км баландликда босимнинг горизонтал градиенти нолга teng, демак  $V_g=0$  бўлсин (39-расм).  $A$  нуқта устидаги ҳаво устунининг ҳарорати  $B$  нуқта устидаги ҳаво ҳароратидан юқори. У ҳолда  $z$  сатҳида  $A$  дан  $B$  га йўналган босимнинг горизонтал градиенти  $\bar{G}$  пайдо бўлади. Бу илиқ ҳаво массасида босим баландлик бўйича совук ҳаво массасидагига нисбатан секинроқ камайиши билан боғлиқ.



39-расм. Ҳароратнинг горизонтал градиенти таъсирида геострофик шамолнинг баландлик бўйича ўзгариши схемаси.


Кўшимча босим градиенти таъсирида изобаралар бўйлаб йўналган харакат вужудга келади. 39-расмнинг пастки қисмида  $z_2=3$  км сатҳда горизонтал текисликдаги босим тақсимоти кўрсатилган. Келтириб ўтилган фикрлар ва 39-расмдан келиб чиқадики, Ў ҳароратнинг горизонтал градиенти ҳосил қилувчи  $\Delta\bar{C}_x$  геострофик шамол орттирумаси  $\bar{v}$  га шундай перпендикуляр йўналганки, шимолий яримшарда совук соҳа харакат йўналишидан чапда, илик соҳа эса ўнгда жойлашади.

Шундай килиб, ихтиёрий  $z$  баландликдаги геострофик шамолни бошланғич сатҳдаги геострофик шамол  $\bar{v}^{(0)}$  ва  $z_1$  дан  $z$  гача бўлган қатламдаги ҳароратнинг горизонтал градиентига боғлик шамоллардан иборат бўлган вектор йигинди кўринишида ифодалаш мумкин:

$$\bar{v}_z = \bar{v}^{(0)} + \Delta\bar{C}_x . \quad (8.29)$$

$\Delta\bar{C}_x$  – кўшимча термик шамол деб аталади.

Термик шамол қатламнинг ўртача ҳарорат изотермалари бўйлаб йўналган, унинг модули эса қатламдаги ҳароратнинг горизонтал градиенти ва шу қатламнинг қалинлигига пропорционал.  $z_1$  сатҳдаги горизонтал барик градиентнинг мутлақ қиймати ва  $z-z_1$  қатламдаги ўртача ҳароратнинг горизонтал градиенти, шунингдек бу градиентлар орасидаги бурчакка боғлик холда геострофик шамолнинг тури вертикал профиллари кузатилади. Алоҳида қизиқиши уйғотувчи икки ҳолни кўриб чиқамиз (40-расм).



40-расм. Геострофик шамолнинг баландлик бўйича ўзариши.

- а) илик адвекциядаги ўнгга бурилиш,
- б) совук адвекциядаги чапга бурилиш.

Биринчи ҳолда (40а-расм) илик соҳадан (И) совук соҳага (С) кўчиш юз беради, яъни илик адвекция кузатилади. Шамол тезлиги вектори баландлик ортиши билан ўнгга бурилади ва йўналиши изотермаларга (узиқ чизиқлар) яқинлашади.

Иккинчи ҳолда (40б-расм) совук соҳадан (С) илик соҳага (И) кўчиш юз беради, яъни совук адвекция кузатилади. Бунда шамол тезлиги вектори баландлик ортиши билан чапга бурилади.

Шундай қилиб, эркин атмосферада шамолнинг ўнгга бурилиши билан илик адвекция, чапга бурилиши билан совук адвекция боғлиқ бўлади.

## 8.6. Циклон ва антициклонларда градиент шамол

Ишқаланиш бўлмаган ҳолда ҳавонинг доиравий изобаралар бўйлаб турғунлашган горизонтал ҳаракатини кўрайлик. Бу ҳолда ҳаво заррасига босимнинг горизонтал градиенти ва Кориолис кучларидан ташқари марказдан қочма куч ҳам таъсир қиласи. Циклонда ҳам, антициклонда ҳам кузатилиши мумкин бўлган бундай ҳаракат градиент ёки геоциклострофик шамол деб аталади.

Циклонда ҳаво заррачasi горизонтал барик градиент кучи таъсирида тезланishi олиб, радиус бўйлаб циклон марказига интилади. Ҳаракат юзага келган заҳоти ҳаво заррасини  $90^\circ$  бурчак остида ўнг томонга (шимолий яримшарда) четлантирувчи Кориолис кучи пайдо бўлади. Шамол йўналишининг ўзгариши ва тезликнинг ортиши барик градиент, Кориолис ва марказдан қочма кучлар мувозанатга келгунича кузатилади. Шундай қилиб, циклонда мувозанатлашган ҳаракатда ҳаво заррачasi изобаралар бўйлаб шимолий яримшарда соат милига қарама-қарши йўналишда (жанубий яримшарда соат мили бўйича) ҳаракатланади. Изобаралар бўйлаб йўналган бу текис ҳаракат градиент шамол деб аталади.

Циклондаги градиент шамолида учта кучнинг мувозанати юзага келади: босим градиенти Кориолис ва марказдан қочма кучларни мувозанатлайди (41а-расм). Демак:

$$-\bar{G} = \bar{K} + \bar{C}$$

ёки

$$-\frac{\partial P}{\partial r} = l\rho v_{sr} + \frac{\rho v_{sr}^2}{r}, \quad (8.30)$$

бу ерда  $r$  – циклон марказигача масофа,  $v_{gr}$  – циклондаги градиент шамол тезлиги.

(8.30) квадрат тенгламанинг  $v_{gr}$  га нисбатан ечими қуйидаги кўринишга эга:

$$v_{sr} = -\frac{lr}{2} + \sqrt{\frac{l^2 r^2}{4} + 4 \frac{r}{\rho} \frac{\partial P}{\partial r}}. \quad (8.31)$$

(8.31) дан циклон марказида ( $r=0$ ) градиент шамол доим нолга айланиши кўриниб турибди. Марказдан узоклашиш билан изобаралар қулоғлиги сакланганда градиент шамол тезлиги ортади.

Тропик ( $\varphi$  кичик бўлган) кенгликлардаги циклонларда Кориолис кучи қиймати жуда кичик бўлади ва бу ерда барик градиент кучи асосан марказдан қочма куч билан мувозанатланади. Нотурғун стратификацияланган атмосферада юзага келган куюн, торнадо ва вертикал ўқли кичик уормаларда, заррачалар траекториялари радиуси жуда кичик бўлади (баъзида ўнлаб метрларга тенг ва ундан кичик). Бу ҳолда марказдан қочма кучларга нисбатан Кориолис кучининг таъсири эътиборга олинмайди. Унда айланишининг иҳтиёрий йўналишларида барик градиент ва марказдан қочма кучлар ўртасида мувозанат кузатилиши мумкин. Шунинг учун ҳам кичик уормаларда ҳаво заррачалари ҳам соат мили бўйлаб, ҳам унга тескари йўналишда ҳаракатланиши мумкин.

Антициклонда ҳам учта кучнинг мувозанати кузатилади: Кориолис кучи босимнинг горизонтал градиенти ва марказдан қочма кучлар йигиндиси билан мувозанатланади (41б-расм):

$$-\frac{\partial P}{\partial r} + \frac{\rho v_{sr}^2}{r} = l\rho v_{sr} \quad (8.32)$$


ёки

$$v_{sr}^2 - lr v_{sr} - \frac{r}{\rho} \frac{\partial P}{\partial r} = 0. \quad (8.33)$$

(8.33) нинг ечими қуйидагича бўлади:

$$v_g = \frac{lr}{2} - \sqrt{\frac{l^2 r^2}{4} + 4 \frac{r}{\rho} \frac{\partial P}{\partial r}}. \quad (8.34)$$

(8.34) дан стационар антициклон марказида ( $r=0$ ) шамол нолга тенглашиши келиб чиқади. Марказдан узоклашганда шамол тезлиги ортади.



41-расм. Циклон (а) ва антициклондаги (б) градиент шамол.  $p$ ,  $p-1$  ва  $p-2$  – изобаралар,  $G$  – босимнинг горизонтал градиенти кучи,  $K$  – Кориолис кучи,  $C$  – марказдан қочма куч,  $v_g$  – градиент шамол тезлиги.

Циклондан фарқли антициклонда градиент шамол тезлиги чекланган. Бу антициклонда  $\frac{\partial P}{\partial r} < 0$  (марказдан узоклашган сари босим камаяди) эканлиги билан тушунтириллади. Шу сабабли (8.34) да илдиз остидаги ифода  $\frac{\partial P}{\partial r}$  модулининг жуда катта қийматларида нолга тенглашиши мумкин.

41-расмдан кўриниб турибдики, шимолий яримшарда циклонда ҳаво доим соат милига қарши, антициклонда эса соат мили бўйлаб ҳаракатланади. Жанубий яримшарда ҳаво ҳаракатининг йўналиши қарама-қаршига ўзгаради.

## 8.7. Атмосферанинг чегаравий қатламида ишқаланишининг шамол тезлиги ва йўналишига таъсири

Ер сирти яқинида ишқаланиш ва қовушқоқлик кучлари таъсирида шамол кучли сусаяди, яъни шамол тезлиги ер сирти ва  $z_0$  қалинликли энсиз қатламда нолга айланади. Бу қатлам гадир-будирлик қатлами дейилади. Гадир-будир сиртда шамол тезлиги

куйидаги сабабга кўра нолга айланади. Ҳаво молекулалари сирт нотекисликларига урилади ва илгарилама ҳаракат тезлигини йўқотади. Улар бошқа молекулалар билан хаотик тўқнашиб уларнинг ҳаракат тезлигини камайтиради. Молекуляр ишқаланиш кучи ҳосил бўлади.

Сирт нотекисликлари билан тўқнашувда нафакат молекулалар, балки ҳавонинг турбулент ҳаракатга эга бўлган алоҳида ҳажмлари ҳам тезлигини йўқотади. Уларнинг вертикал бўйлаб хаотик ҳаракати ғадир-будирлик қатламида илгарилама ҳаракат тезлигининг йўқотилишига олиб келади.


Ишқаланиш кучи ер сирти яқинида энг сезиларли таъсир кўрсатади. Баландликнинг ортиши билан унинг таъсири камайиб беради ва таҳминан 1000 м сатҳда ҳаво заррасига таъсир этувчи бошқа кучларга нисбатан анча кам бўлади. Ишқаланиш кучини эътиборга олмаса ҳам бўладиган баландлик ишқаланиш сатҳи дейилади.

Ишқаланиш қатламишининг қалинлигига атмосфера стратификацияси маълум таъсир кўрсатади. Нотурғун стратификацияда ишқаланишнинг таъсири турғун стратификациядагига нисбатан атмосферанинг каттароқ қатламига тарқалади. Ер сирти яқинида ишқаланишнинг шамол тезлиги ва йўналишига таъсири нотурғун стратификацияда турғун стратификациядагига нисбатан камроқ бўлади.

Шамол тезлиги баландлик бўйлаб ортиб беради ва ер сиртидан 1-1,5 км баландликда геострофик шамол тезлигига яқинлашади. Куруқ бефарқ стратификацияланган куй 50-100 м қатламда шамол тезлигининг профили логарифмик кўринишга эга. Турғун стратификацияда шамол тезлиги қуруқ бефарқ стратификациядагига нисбатан тезроқ ортади, нотурғун стратификацияда эса, аксинча, шамол профили бир маромда ўзгаради.


Ишқаланиш кучи шамол йўналишига қандай таъсир кўрсатишини кўриб чиқамиз. Ишқаланиш кучи мавжуд бўлганда ҳавонинг тўғри чизиқли текис ҳаракатини фараз қиласиз. Бундай ҳаракат учта куч: босим градиенти, Кориолис ва ишқаланиш кучларининг мувозанатида юз беради (42-расм). Ишқаланиш кучи доим тезлик векторига қарама-қарши бўлгани учун босим градиенти кучи Кориолис ва ишқаланиш кучларининг вектор йигиндиси билан мувозанатланиши керак. 42-расмдан кўриниб турибдики, шамол тезлиги изобаралар бўйлаб йўналмайди, балки

улар билан кесишиб, улардан чапга паст босим томонга бурилади. Циклонда ҳавонинг доиравий изобаралар бўйлаб ҳаракатланишида циклоннинг пастки қатламларида шамол соат милига қарши эсади ва изобараларни кесиб ўтиб циклоннинг марказига йўналади. Оқим чизиқлари ўтказилса, улар соат милига қарши буралувчи ва циклоннинг марказида йигилувчи спираллардан иборат бўлади. Яъни циклон маркази йигилиш нуқтаси ҳисобланади (43а-расм).



42-расм. Ишқаланиш қатламидаги шамол (ишқаланиш кучи мавжуд бўлганда ҳавонинг тўғри чизиқли текис ҳаракати).

$G$  – босимнинг горизонтал градиенти кучи,  $K$  - Кориолис кучи,  $R$  – ишқаланиш кучи,  $\vartheta_g$  - геострофик шамол тезлиги,  $\vartheta$  - шамол тезлиги.



43-расм. Циклон (а) ва антициклоннинг (б) куйи қисмидаги изобаралар (1) ва оқим чизиқлари (2).

Антициклонда ҳаво соат мили бўйлаб айланма ҳаракатланиб, марказдан четта ёйилиши, антициклон маркази эса оқим чизиқлари учун тарқалиш нуқтаси бўлишини тушуниш қийин эмас (43б-расм).

Жанубий яримшарда ҳам циклон маркази йигилиш нуқтаси, антициклон маркази эса тарқалиш нуқтаси бўлиб қолади.


Ер сирти яқинида шамолнинг изобаралардан четланиш бурчаги қуруқликда ўртacha  $30\text{--}40^\circ$ , денгиз устида  $20\text{--}30^\circ$  ни ташкил қиласи. Баландлик ортиши билан ишқаланиш кучи сусайди. Натижада тезлик модулининг ортиши билан бирга Кориолис кучи таъсирида шамол ўнгга бурилиб, геострофик шамолга яқинлашади.

Агар турли баландликлардаги шамол тезликларини битта текисликка проекцияласак, юқорироқ сатҳда тезлик модули


каттарок ва йўналиш геострофик шамолга яқинроқ эканлигини кўрсатувчи тезлик годографини ҳосил қиласиз (44-расм). Ҳосил бўлган бу эгри чизик Экман спирали дейилади.

Ишқаланиш қатламида шамол тезлигининг суткалик ўзгариши кузатилади. Ер сирти яқинида куруқлик устида шамол тезлиги максимуми соат 14 атрофида, минимуми тунда ёки эрталаб кузатилади. Ўртacha 150-200 м баландликдан бошлаб суткалик ўзгариш аксинча: максимум тунда, минимум кундузи кузатилади (45-расм).

Шамол тезлигининг суткалик ўзгаришига асосий сабаб турбулент алмашинув интенсивлигининг сутка давомидаги ўзгариши ҳисобланади. Турбулент алмашинув таъсирида атмосфера-нинг чегарвий қатлами ичига ҳавонинг турли қатламлари орасида импульснинг қайта тақсимланиши юз беради. Кундузи, термик нотурғунлик кучайганда, вертикал турбулент алмашинув ва мос равишда атмосферанинг қуий ва юқори қатламларининг ўзаро таъсири ортади. Шу сабабли қуий қатламда (ер сиртидан маълум  $z^*$  баланликкача) шамол тезлиги тундагига нисбатан ортади, юқори қатламда эса ( $z^*$  дан юқорида) камаяди. Шамол тезлиги суткалик ўзгаришининг айланиш баландлиги деб аталаувчи  $z^*$  сатҳи асосан турбулентлик коэффициентининг ўртacha суткалик қийматига боғлиқ. Турбулентлик коэффициентининг катта қийматларида (ёзда) айланиш баландлиги бир неча юз (200-250 м), кичик қийматларида – бир неча ўн метрни ташкил қиласи.



44-расм. Атмосферанинг чегарвий қатламида шамол тезлиги ва йўналишининг баландлик бўйича тақсимоти (шимолий яримшар).



45-расм. 29 суткалик ўртачаланган шамол тезлигининг балаидлик бўйича шамол тезлигининг балаидлик бўйича тақсимоти.  
Оклахома, АҚШ ( $\varphi=37^\circ$  ш.к.). 1 – сутка, 2 – кундиз, 3 – тун.

Турбулент алмашинув интенсивлигининг суткалик ўзгариши шамол йўналишига ҳам таъсир кўрсатади. Алмашинувнинг кундузги кучайишида ер яқини қатламида шамол йўналиши ишқаланиш қатламининг юқори қисмидаги йўналишга, яъни изобаралар йўналишига яқинлашади. Демак, кундузи тезликнинг ортиши билан шамолнинг ўнгга бурилиши юз беради. Тунда аксинча, қуий қатламда шамолнинг чапга бурилиши кузатилади. Турбулент алмашинув ҳисобига юқори қатламда шамол йўналиши қуий қатламдаги йўналишга яқинлашади. Шунинг учун кундузи бу қатламда тезликнинг камайиши билан чапга бурилиш, тунда тезликнинг ортиши билан ўнгга бурилиш юз беради.

## 8.8. Маҳаллий циркуляциялар

Тўшалган сиртнинг хусусиятлари таъсирида ҳосил бўлувчи катта бўлмаган горизонтал масштабга эга бўлган ҳаво оқимлари **маҳаллий циркуляциялар** ёки **маҳаллий шамоллар** деб аталади.

Ер сиртининг атмосферага икки турдаги таъсири мавжуд: термик ва механик. Ер сиртининг ёндош қисмларидағи иссиқлик, радиацион ва бошқа хоссаларнинг фарқи ҳарорат горизонтал фарқининг ҳосил бўлишига олиб келади. Ўз навбатида бу

фарқланиш шамолнинг ҳосил бўлишига олиб келувчи босимнинг горизонтал градиентини пайдо қиласди. Бундай шамолларга бризлар, тоғ-водий ва музликлар шамоллари киради. Йирикроқ масштабдаги ҳаво оқимининг тезлиги канчалик кичик бўлса, маҳаллий шамоллар шунчалик яхши ифодаланган бўлади.

Маҳаллий тўсиклар (тоғлар, баландликлар, ўрмонлар) томонидан кўрсатиладиган механик таъсир остида ҳаво оқими ўзгаришларга учрайди. Водийлар, тоғ дараларида оқим тезлиги уларнинг кўндаланг кесимига боғлиқ равишда ўзгаради. Шамолга қараган ёнбағирларда ҳавонинг юқорига йўналган ҳаракати, шамолга тескари ёнбағирларда пастга йўналган ҳаракати кузатилиди. Бундай шамолларга фёнлар, бора, пастлама оқим шамоллари ва тоғлар орасидаги ўтиш жойлари шамоллари киради.


Айрим худудлардаги табиатан умумий циркуляция оқимлари ҳисобланган кучли ва ўзига хос ҳусусиятларга эга бўлган шамоллар ҳам маҳаллий шамолларга киради. Уларнинг намоён бўлиш интенсивлиги ва қаралаётган географик худудга ҳослиги умумий циркуляция механизмининг ўзи ва синоптик жараёнлар географик тақсимотининг оқибати ҳисобланади. Бундай шамолларга Ўрта Ер денгизидаги Сирокко, Ўрта Осиёнинг жануби-шарқидаги Афөон шамоли, Фарғона водийсидаги Кўқон шамоли ва Ер шарининг тури жойларидаги кўп сонли бошқа шамоллар киради.

Санаб ўтилган гуруҳларга киравчи асосий маҳаллий шамолларни кўриб чиқамиз.

Термик келиб чиқишга эга бўлган маҳаллий шамоллар яхши ифодаланган суткалик даврийликка эга.

а. *Бризлар* – бу қуруқлик сирти ҳароратининг суткалик ўзгаришлари билан боғлиқ бўлган денгиз ва катта кўлларнинг соҳил чизигидаги шамоллардир. Кундузи қуруқлик сирти исиди ва унинг ҳарорати денгиз сирти ҳароратига нисбатан юқорироқ бўлади. Шунинг учун қуруқлик устида изобарик сиртлар денгизга нисбатан баландрокка кўтарилади (46-расм). Маълум баландликда денгиз томонга йўналган босим горизонтал градиенти ҳосил бўлади ва ҳавонинг денгиз томонга ҳаракати бошланади. Баландликда ҳавонинг бундай оқиши ер сирти яқинида қуруқлик устида босимнинг пасайиши ва денгиз устида унинг кўтарилишига олиб келади. Натижада куйи изобарик сиртлар юқоридагига қарама-қарши оғади – куйи қатламда денгиздан қуруқликка йўналган босим градиенти

ва унга мос ҳаво оқими ҳосил бўлади. Қуий қатламдаги ҳавонинг бу оқими кундузги **денгиз бризи**дир.



46-расм. Бризлар схемаси.

Бунинг акси бўлган шароитлар тунда, куруқлик совиган ва дengизга нисбатан совукроқ бўлганда кузатилади. Бу ҳолда қуий қатламда ҳавонинг соҳилдан дengизга ҳаракати – тунги *соҳил бризи*, унинг устида эса қарама-қарши оқим ҳосил бўлади. Кечки пайтда дengиз бризининг соҳил бризига, эрталаб эса аксинча алмашиш юз беради.

Бризлар об-ҳаво очиқ ва ҳавонинг умумий оқими кучсиз бўлганда яққол ифодаланади. Бундай шароитлар камградиентли барик майдонларда, масалан, антициклонларнинг ички кисмида юзага келади. Ҳавонинг умумий оқими бризларнинг шаклланишини сезиларли бузиши мумкин. Бризларда шамол тезлиги 3-5 м/с ни, тропикларда каттароқ қийматларни ташкил этади.

Энг яққол ифодаланган бриз циркуляцияси субтропик антициклонларда, масалан, сутка давомида куруқлик устида кескин ҳарорат ўзгаришлари юз берадиган, умумий босим градиентлари кам бўлган чўл соҳилларида кузатилади. Тўла шаклланган бризлар йилнинг илиқ ойларида (апрелдан сентябргacha) Қора, Азов, Каспий каби ўрта кенгликлар дengизларида кузатилади.

Бризлар бир неча юз метр, баъзида 1-2 км гача бўлган қатламни эгаллайди. Кундузги бриз тунги бризга нисбатан қалинроқ бўлган қатламда кузатилади. Тропикларда бризларнинг куввати юқори кенглиқдагиларга нисбатан каттароқ. Бризлар соҳил чизигидан куруқлик ёки дengиз ичкарисига ўnlаб километрларгача тарқалади.

Дengиз бризи совук фронт билан умумийликка эга. Кундузги бриз куруқлиқдаги ҳароратни бирмунча пасайтиради ва нисбий на-мликини орттиради. Бундай ҳолат тропикларда айниқса кескин юз беради. Мадрасда (Хиндистон) дengиз бризи соҳилдаги ҳаво


ҳароратини  $2\text{--}3^{\circ}\text{C}$  га пасайтиради, намлики эса  $10\text{--}20\%$  га орттиради. Фарбий Африкада денгиз бризи қизиган қитъя ҳавосининг ўрнига келиб, ҳароратни  $10^{\circ}\text{C}$  ва ундан кўпроққа пасайтириши ва нисбий намлики 40% ва ундан кўпроққа орттириши мумкин.

Сан-Франциско кўрфазида катта доимийлик билан эсувчи денгиз бризи жуда кучли иқлими таъсирга эга. Денгиз бризи куруқликка совуқ Калифорния денгиз оқими ҳудудидан қелганлиги учун Сан-Францискодаги ёз ойларининг ўртача ҳарорати кенглик бўйича  $4^{\circ}$  жанубда жойлашган Лос-Анжелесдаги ҳароратга нисбатан  $5\text{--}7^{\circ}$  га пастроқ, қишки ҳароратлар эса  $2\text{--}3^{\circ}\text{C}$  га пастроқ бўлади.

Бризлар барча кўллар (Ладога, Иссиқ-Кўл, Байкал, Балхаш, Севан ва бошқалар) ва сув омборлари (Чорвоқ, Чордара, Тумбайин ва бошқалар) соҳилларида кузатилади.

*б. Тоғ-водий шамоллари* – бу тоғ ёнбағирлари ва шу баландликда водий устидаги атмосфера ҳавоси ўртасидаги ҳарорат горизонтал фаркининг таъсирида ҳосил бўлувчи шамоллардир.

Кундузи қўёшга қараган тоғ ёнбағирлари шу баландликда водий устидаги атомсфера ҳавосига нисбатан юқорироқ ҳароратга эга бўлади, яъни тоғ ёнбағридан водийга йўналган ҳароратнинг горизонтал градиенти ҳосил бўлади. Бу градиентнинг таъсирида ҳавонинг ёпик ҳаракати юзага келади. Қуйи катламда шамол тоғ ёнбағри бўйлаб водийдан тоққа, юқори қатламда тоғ ёнбағридан водийга йўналади. (47-расм). Тунда тоғ ёнбағирлари шу баландликда водий устидаги атмосфера ҳавосига нисбатан тезроқ совийди. Натижада ҳавонинг кундузги йўналишига қарама-қарши ҳаракат пайдо бўлади.



47-расм. Тоғ-водий шамоллари схемаси.

Ёнбағирлар шамолларига бутун водий ва унга туташ текислик ўртасидаги иирикроқ масштабдаги ҳаво ҳаракати қўшилади. Исиған тоғ ёнбағирлари таъсирида, кундузи водийдаги ҳаво ҳарорати шу баландликда текислик устидаги ҳаво ҳароратидан юқорироқ

бўлади. Шунинг учун денгиз бризи ҳолида соҳил устида бўлгани каби водийда тоғнинг чўққисигача бўлган баландликкача босим текисликдагига нисбатан паст, ундан юқори баландликларда эса юқори бўлади. Бу ҳолат 47-расмдаги изобарик сиртларнинг оғишидан кўриниб турибди. Натижада кундузи чўққидан пастдаги сатҳда текисликдан водийга йўналган ҳаво оқими – водий шамоли шаклланади, юқорида эса аксинча жараён содир бўлади. Тунда водийдаги ҳаво текисликдагига нисбатан совукроқ ва водий ичида юқорироқ босим ҳосил бўлади. Ҳавонинг водий бўйлаб пастга, текисликка кўчиши – тоз шамолини юзага келтирувчи босим градиентлари ҳосил бўлади. Унинг устида токқа йўналган қарама-қарши кўчиш шаклланади.

Тоғ-водий шамоллари Али, Кавказ, Помир, Тян-Шан ва бошқа тоғли ўлкаларнинг кўплаб водий ва чукурликларида асосан йилнинг илиқ ярмида яхши ифодаланган. Уларнинг вертикал қалинлиги сезиларли бўлиб, километрларда ўлчанади, шамоллар водийнинг тоғ чўққиларигача бутун кўндаланг кесимини эгаллайди. Одатда бу шамоллар кучли эмас, бироқ, айрим ҳолларда уларнинг тезлиги 10 м/с ва ундан катта бўлиши мумкин.

в. *Музликлар шамоллари* – бу тоғларда музликлардан пастга томон эсадиган шамоллардир. Тоғ ёнбағирлари музлик билан қопланган бу ҳолда ҳароратнинг горизонтал градиенти туну-кун водийдан музликка томон йўналган. Шунинг учун музлик шамоли куйи қатламда доим музликдан водийга, юқори қатламда эса водийдан музликка эсади. Шу билан бирга ҳавонинг музлик устида пастга, водий устида эса юқорига йўналган ҳаракати кузатилади. Шамол тезлиги тунда ортади, кундузи камаяди. У 3-7 м/с га етиши мумкин. Музлик шамолининг вертикал қалинлиги бир неча ўн метр, айрим ҳолларда эса бир неча юз метрни ташкил этади.


Механик келиб чиқишга эга бўлган маҳаллий шамолларнинг ҳосил бўлиш механизмини кўриб чиқамиз.

а. *Фён* – илиқ, қуруқ, бирдан кучаявчи шамол бўлиб, тоғдан водийларга эсади. Фён тоғ ҳудудларида етарлича кўп тарқалган ҳодиса ҳисобланади. Фён ҳосил бўлишининг асосий сабабларини кўриб чиқамиз.

Ҳаво оқимининг тоғни ошиб ўтиш жараёни фён шаклланишининг классик варианти ҳисобланади (48-расм). Тоғнинг шамолга караган ёнбағри бўйлаб мажбурий кўтарилишда ҳаво аввал қуруқ адиабатик, сўнгра (конденсация сатҳидан юқорида) псевдоадиаба-

тик совийди. Тогнинг бу ёнбағрида шаклланган булутдан ёғинлар ёғиши мумкин. Сўнгра тогнинг шамолга тескари ёнбағри бўйлаб ҳавонинг тушиши қурук адиабатик конуният билан содир бўлади. Негаки, пастга ҳаракатланаётган ҳавонинг исиши оқибатида у тўйиниши ҳолатидан узоқлашади. Натижада тогнинг шамолга тескари ёнбағрининг этагига шамолга қараган ёнбағирдагига нисбатан иликроқ ва қуруқроқ ҳаво келади. Тогнинг шамолга тескари ёнбағридаги мана шу илиқ ва қуруқ ҳаво оқими фён деб аталади. Қуйидагича ҳисоб-китобни амалга оширамиз. Фараз қилайлик тизма чўққиси водий туби сатҳидан 3000 м баландликда, фён бошлинишига қадар ҳавонинг ҳарорати  $+10^{\circ}\text{C}$ , ҳароратнинг ўртача вертикал градиенти  $0,6^{\circ}\text{C}/100 \text{ м}$  бўлсин. Чўқки сатҳида ҳарорат  $+10 - (0,6 \cdot 30) = -8^{\circ}\text{C}$  бўлади. Шамолга тескари ёнбағир бўйлаб дастлабки сатҳгача қуруқ адиабатик тушган ҳавонинг ҳарорати  $30^{\circ}\text{C}$  га кўтарилади ва  $+22^{\circ}\text{C}$  ни ташкил этади. Шундай қилиб, тогни ошиб ўтганда ҳавонинг ҳарорати  $12^{\circ}\text{C}$  га ортади. Шу билан бирга ҳаводаги намлик микдори ўзгармас қолгани ҳолда чўққи сатҳида 100% га тенг бўлган нисбий намлик 17% гача пасаяди.

Бундай турдаги фёнлар одатда тоф тизмасининг бир томонида паст босим соҳаси мавжуд бўлганда ҳосил бўлади. Тизманинг шамолга тескари томонида яққол куйи чегарага эга бўлган булатуюмининг шаклланиши уларнинг ўзига хос хусусияти ҳисобланади. Фён булути тоф тизмаси устида ҳаракатсиз осилиб тургандек туюлади. Аслида эса бу булатнинг тўхтовсиз янгиланиб туриши юз беради. Фён ҳавосининг шамолга тескари ёнбағир бўйлаб тушишида булатлардаги томчилар буғланади, шамолга қараган ёнбағирда эса, аксинча, улар ҳамма вақт янгидан ҳосил бўлади.



48-расм. Фён схемаси.

Шуни ҳисобга олиш керакки, ҳавонинг тоғ ёнбағри бўйлаб кўтарилишида кинетик энергиянинг камайиши ҳисобига унинг потенциал энергияси ортади. Юқорига кўтарилиш билан бирга ҳавонинг ҳаракат тезлиги секинлашади ва маълум баландликда нолга айланади. Натижада тизманинг шамолга қараган ёнбағрида ҳавонинг йиғилиши ва босимнинг ортиши юз беради. Бу ҳолда ҳаво оқимининг тоғни ошиб ўтиши билан бирга унинг бир кисми тоғ ёнбағри бўйлаб ҳаво массасининг умумий ҳаракатига қарши орқага оқиб туша бошлади. Бунда ҳам ҳаво исийди ва қуруқлашади, шамол тезлиги эса катта кийматларга эришиши мумкин (Алмати ҳудудидаги кучли жануби-шарқий шамол шундай табиатга эга).

Фёнларнинг яна бошқа бир тури антициклонал фёнлардир. Улар Кавказ, Алплар, Тян-Шанда кузатилади. Масалан, Кавказ устида кенг ва баланд антициклон турганда, пастга тушаётган ҳаво Кавказорти ва Шимолий Кавказнинг барча водийлари бўйлаб ҳамма томонга фён қўринишида тарқалади. Бундай фёнда шамол тезлиги катта бўлмайди, ҳароратнинг кўтарилиши эса бир вақтда тизманинг ҳар иккала томонида ҳам юз бериши мумкин.

Фёнлар қадим вақтлардан буён Алпларда маълум бўлган. Улар Гарбий Кавказнинг ҳам шимолий, ҳам жанубий тоғ ёнбағирларида тез-тез учраб туради. Фёнлар Кримнинг жанубий қирғозидаги Яйла тик девори остида, Ўрта Осиё ва Олтой, Якутия ва гарбий Гренландия тоғлари, Қояли тоғларнинг шарқий ёнбағирларида ва бошқа тоғ тизмаларида кузатилади.

Фёнларнинг давомийлиги баъзи узилишлар билан бир неча сатдан бир неча суткагача бўлиши мумкин.

Фёнларнинг такрорланувчалиги тўғрисида ўртacha иқлимий маълумотлар асосида хулоса килиш мумкин. Масалан, Кутаисида йилига ўртacha 114, Тбилисида 45, Владикавказда 35, Телецк кўлида 150, Инсбрукда (Австрия) 75, Тошкентда 49 кун давомида фёнлар кузатилади.

Ҳароратнинг энг кучли кўтарилиши тоғ тизмасидан илиқ фронт ортидан тропик ҳаво ошиб ўтгандаги фёнда кузатилади. Ҳавонинг юқори ҳарорати пастга йўналган ҳаракатда қўшимча равишда адиабатик кўтарилиди. Масалан, 1935 йилда май ойининг дастлабки саналарида Кавказнинг шимолий тоголдида кузатилган фён Арман


тоғларидан ҳаво олиб келган. Бунда ҳарорат Налчикда  $32^{\circ}\text{C}$ , Моздокда  $40^{\circ}\text{C}$  гача күтарилиган, нисбий намлиқ эса 13% гача пасайган. Агар водийдаги ҳаво нурланиш оқибатида кучли совиган бўлса, ҳароратнинг күтарилиш эффекти ўта кучли бўлади. Масалан, Монтанада (Қояли тоғлар) декабрда 7 соат давомида ҳароратнинг  $-40^{\circ}\text{C}$  дан  $4^{\circ}\text{C}$  гача күтарилиши кузатилган.

Давомий ва интенсив фён тоғларда қорнинг тез эришига, тоғ дарёлари сатхининг күтарилиши ва уларнинг тошқинига олиб келиши мумкин. Ёзда фён ўзининг юкори ҳарорати ва қуруклиги оқибатида ўсимликларга куритувчи таъсир кўрсатиши мумкин. Кавказортида (Кутаиси худудида) ёзги фёнлар вақтида дараҳтлар баргларининг қуриши ва тўқилиши кузатилиб туради.

Фён арктик ҳавода ҳам, масалан у Алилар ёки Кавказ орқали оқиб ўтиб, жанубий ёнбағирлар бўйлаб тушаётганида, кузатилиши мумкин. Ҳатто Гренландияда ҳам ҳаво 3 километрли баландликдағи муз платосидан фьордларга тушишида ҳароратнинг жуда катта күтарилишини ҳосил қиласди. Исландияда фён вақтида бир неча соат давомида ҳаво ҳароратининг деярли  $30^{\circ}\text{C}$  га ортгани кузатилган.

Тоғни ошиби ўтишда ҳаво оқимида баъзида ясмиқсимон булутларнинг шаклланишига олиб келувчи амплитудаси бир неча километр бўлган фён тўлқини деб аталувчи турғун тўлқинлар ҳосил бўлиши мумкин. Бу тўлқинлар юқорига тоғ чўққиси баландлигидан бир неча марта катта баландликларгача тарқалади.

б. *Бора* – паст тоғ тизмаларидан етарлича илиқ денгиз томонга эсувчи совук ва бирдан кучаювчи кучли шамол. Бу шамолнинг шаклланишида оғирлик кучи катта рол ўйнайди. Бора асосан қишида, совук қитъа устида антициклон, илиқ сув ҳавзаси устида паст босим соҳаси турганида шаклланади. У устида зич совук ҳаво тўпланувчи қитъа тоғини баланд бўлмаган тизма ( $300\text{-}600$  м) денгиздан ажратиб турадиган жойда кузатилади. Тоғнинг шамолга қараган томонида юқорига йўналган ҳаракат ривожланади, шамолга тескари томонида эса ҳавонинг ўпирилиши бошланади (49-расм).



**49-расм. Борада совук ҳавонинг тоғ тизмасининг шамолга қараган ёнбағрида йигилиши (чапда) ва унинг шамолга тескари ёнбағирда ўпирилиши (ўнгда) схемаси.**

Бора қитъя ичкарисида совук ҳавонинг баланд бўлмаган ва узун тизманинг шамолга қараган томонида йигилиши ҳамда тоғнинг иликроқ ва пастрок бўлган шамолга тескари томонида ўпирилиши учун шароитлар бажариладиган бир қатор жойларда кузатилиши мумкин. Фарбий Уралда ҳосил бўладиган Кизел бораси щундай турга мансуб.

Боранинг биринчи турига Қора денгизнинг Новороссийск бухтасида ҳосил бўладиган *Новороссийск* бораси, Югославиянинг Триеста ҳудудида Адриатика денгизи соҳилидаги *Адриатика* бораси, Янги Ер бораси киради. Байкал кўлидаги *Сарма*, Япониянинг океан соҳилидаги *Ороси*, Бокудаги *Норд*, Франциянинг Монпельедан Тулонгача бўлган Ўртаер денгизи соҳилидаги *Мистрал*, Мексика кўрфазидаги (Мексика, Техас) *Нортсер* шамоллари бора табиатига эга.

Борада шамол тезлиги 30-40 м/с, айрим ҳолларда 60 м/с га етади. Одатда ҳаво ҳароратининг сезиларли пасайиши кузатилади. Фёнда бўлгани каби бора ҳавоси ҳам пастга ўпирилишда адиабатик исийди. Бироқ, тизмаларнинг баландлиги катта бўлмагани учун ҳарорат кўтарилиши тушётган совук ҳаво ҳароратига нисбатан сезиларсиз бўлади.

Боранинг давомийлиги одатда 1-3 сутка, айрим ҳолларда бир ҳафтани ташкил қиласиди. Йил давомида, асосан ноябрдан марта гача, Новороссийскда ўртacha 46 кун бора кузатилади.

в. Ҳаво оқими тор даралардан текисликка чиқадиган жойларда

Ўзига хос шамоллар ҳосил бўлади. Булар *тозлар орасидаги ўтиши жойлари шамоллари*дир. Улар текислик томонга йўналган катта босим градиентлари кузатилганда ҳосил бўлади. Бундай шамолларга Эби-Нур кўлидан Жунгар дарвазаси (Шарқий Қозоғистон) орқали довул кучи билан эсувчи шарқий шамол – Эби киради. Боом даrasи орқали Иссик-кўл кўлига эсувчи Улан шамоли, Фарғона водийсининг чиқишида ҳосил бўлувчи Урсатев шамоли ва Ер шарининг бир қатор бошқа жойларидаги шамоллар юқорида кўрсатилган шамоллар қаторига киради.

Бу шамолларнинг тезлиги 30-40 м/с, айрим ҳолларда эса 50-60м/с га етади ва қаторасига бир неча сутка давом этиши мумкин.

Учинчи гурухга кирувчи маҳаллий шамолларга бир нечта мисол келтирамиз.

*Афғон шамоли* – шарқий Қоракум, Ўзбекистон ва Тожикистоннинг жанубида кузатиладиган гарбий ёки жануби-гарбий жуда кучли чангли шамол. У Термизда йил давомида 70 кун кузатилади. Афғон шамоли Турон пасттекислигига шимоли-гарбдан совук ҳавонинг кириб келиши билан боғлиқ равишда ҳосил бўлади. Шамолнинг сусайишида босимнинг кескин ортиши ва ҳавонинг бироз совиши юз беради.

*Кўқон шамоли* – Фарғона водийсининг гарбий қисмидаги кучли (20-30 м/с гача) гарбий ёки жанубий-гарбий шамол. У Кўқонда йил давомида 85 кун кузатилади. Кўқон шамоли циклон ортидан совук арктик ҳавонинг жанубий кенгликларга кириб келишида ҳосил бўлади.

*Самум* – Кичик Осиё, Арабистон, Сахрои Кабир чўлларида, Ўртаер денгизининг жанубий соҳиллари, Африканинг шимоли-гарбий соҳиллари ва Марокашда тўсатдан бошланувчи иссиқ, курук чанг бўронидир. Самум Ўртаер денгизи бўйлаб шарққа ҳаракатланувчи циклоннинг илиқ секторида ҳосил бўлади ва фаол атмосфера фронтига боғлиқ. Самумнинг ҳосил бўлиши шунингдек термик депрессияда кучли конвекциянинг ривожланиши билан ҳам боғлиқ бўлади.

## 8.9. Қасирға ва чангли бўронлар

Қасирға ва кичик масштабли уюрмалар - куюн, тромб, торнадоларни маҳаллий циркуляциянинг кўринишлари деб ҳисоблаш мумкин.

а. Қасирға – қисқа вакт давомида тезлиги ва йўналиши бирдан кескин ўзгарувчи шамол. Қасирғада шамол тезлиги кўпинча 20-30м/с дан ортади. Одатда қасирға бир неча минут давом этади. Баъзида шамол тезлиги ва йўналишининг кескин ўзариши тақоррланади. Қасирғада атмосфера босими (барограммада ўзига хос кўнгурга – момақалдироқ бурни ҳосил бўлади) ва нисбий намликининг сакраши ҳамда ҳароратнинг тез пасайиши юз беради. Қасирға вактида кўпинча жала ва момақалдироқ кузатилади.

Масса ичи ва фронтал қасирғалар фарқланади. Масса ичи қасирғалари қуруқлик устидаги иссиқ ёз ҳавосида ёки илиқ тўшалган сирт устидаги нотурғун стратификацияланган совук ҳаво массаларида ҳосил бўлувчи кучли конвектив булутлар – ёмғирли тўп-тўп булутлар билан боғлиқ. Фронтал қасирғалар асосан совук атмосфера фронтларидаги фронтолди ёмғирли тўп-тўп булутлари билан боғлиқ. Иккала ҳолда ҳам булат ва унинг остида ҳавонинг горизонтал айланиш ўқи атрофидаги уюрмавий ҳаракати кузатилади.

МДХда кузатиладиган қасирғаларнинг атиги 10%и масса ичи қасирғаси ҳисобланади, қолганлари асосан фронт билан боғлиқ бўлади. Қасирғаларни 10-30 с давом этувчи бирдан кучаядиган шамоллардан фарқлаш керак. Атмосферадаги асосий ҳаво оқимларига орографиянинг таъсири натижасида ҳосил бўладиган орографик қасирғалар фарқланади. Булар бора ва фёндир.

Кузатилаётган об-ҳавога боғлиқ равища оқ қасирға (тўшалган сирт хусусиятларига боғлиқ ҳолда ҳаво оқимларининг ўзаро таъсирида уларнинг деформациясига олиб келувчи динамик сабаблар асосида ҳосил бўлади), қора қасирға (ёпиқ об-ҳаво кузатилади), қуруқ қасирға (ҳавонинг қуруқлиги сабабли ёғинлар ер сиртига етиб келмайди), момақалдироқ қасирғаси (момақалдироқ олдидан ва унинг ўтиш вактида бирдан кучаядиган шамолнинг кучли зарбаси кузатилади), чангли қасирға ва бошқалар фарқланади. Ёзда кучли конвекция билан боғлиқ бўлган қасирғалар ҳатто нисбатан қуруқ ҳавода ҳам момақалдироқ бериши мумкин. Бу ҳолларда ёғинлар ер сиртига етиб келмайди.

Жанубий кенгликлар ва тепаликларда шимол ва текисликларга нисбатан қасирғалар кўпроқ учрайди. Масалан, Жанубий Урал, Волгабўйи, Ўртарус, Волино-Подольск тепаликларида, Крим яйлалари ва мураккаб орографияли бошқа жойларда қасирғаларнинг катта тақоррланувчанлиги кузатилади. Энг кўп қасирғалар тоғ

худудларида – Кавказ, Тян-Шан, Яблон тог тизмаларида ҳосил бўлади. Бу жойларда йил давомида 80 тагача қасирға бўлади.

6. *Кичик масштабли уюрмалар* - қуюн, тромб, торнадо – кучли вайрон қилувчи уюрма бўлиб, бир неча метрдан бир неча юз метргача (кам ҳолларда 1-3 км) диаметрли деярли вертикал (эгилган) ўққа эга бўлган қора устун кўринишидаги кучли ёмғирли тўп-тўп (она) булутдан ергача тушади. Баъзида деярли горизонтал ўқли ёйсимон қасирға ҳосил бўлади.

Куюн кутбий кенгликлардан бошқа ҳамма кенгликларда учрайди. Куюнлар катта такрорланишга эга бўлган ҳудудлар маълум. Масалан, АҚШнинг марказий штатлари ва Қозогистондаги Маркансу водийси (Куюнлар водийси).

Куюннинг қаерда ҳосил бўлиши ва нимани сўриб олишига (чанг, кум ёки сув) боғлиқ ҳолда чангли, кумли ва сувли қуюнлар фарқланади.

Чангли ва кумли қуюнлар асосан чўл ва даштларда кузатилади ва кўпинча ёмғирли қатламли булутлар билан боғлиқ бўлмаслиги билан ўрта кенгликлар қуюнларидан фарқ қиласди.

Куюнларнинг шакли турли-туман: хартумсимон, устунсимон, илонсимон, буқасимон, арқонсимон, конуссимон, ёйилган, ер бағирлаб ёйилган ва зич шакллари мавжуд. Бу шакллар қуюннинг ривожланишига ва уларни ҳосил қилган булат ва ҳаво оқимининг тузилишига боғлиқ равишда ўзгаради.

Куюнлар асосан қуи тропосферадаги ҳукмрон шамол йўналишида одатда 10-20 м/с тезлик билан мураккаб эгри чизик бўйлаб ҳаракатланади. Уларнинг ҳаракати тўлқинсимон бўлиб, гоҳ кўтарилади, гоҳ тушади. Якка қуон йўлининг узунлиги ўртacha 5-10 км ни, у вайрон қилган ҳудуднинг эни бир неча ўн метр, узунлиги эса бир неча юз метрни ташкил қиласди. Куюн таъсирига тушган жами ҳудуднинг узунлиги юзлаб километрга этиши мумкин.

Куюннинг ўқи бўйлаб атмосфера босимининг тез, кескин ва кучли пасайиши (100-200 гПа дан кўп) кузатилади. Натижада қуон дарё ёки кўл сувини ўзига сўриб оловчи кучли насосга айланади. Куюнларда унинг воронкаси деворида шамолнинг катта тезлигига сабаб бўлувчи 10 гПа/100 км гача бўлган босим градиентлари ҳосил бўлади. Бу вақтда қуон атрофида штил кузатилиши мумкин. Куюндаги айланма ҳаракат соат мили бўйлаб ҳам, унга қарама-қарши йўналишда ҳам юз бериши мумкин.

Куюн ҳосил бўлиши иссиқ вақтда тропик ҳаводаги атмосферанинг кучли нотурғун стратификацияси билан боғлиқ. Бундай ҳолат, масалан, АҚШнинг дашт ҳудудларига Мексика кўрфазидан нам ҳаво чиққанида, шунингдек кучли исиган Украина даштларига жанубий оқимлар билан Ўртаер ва Қора денгизларидан нам ҳаво келганида кузатилади. Куюнлар одатда тўлқинсизмон совуқ фронтларда ёки унинг олдида, кучли ёмғирли қатламли булутлар системасининг жануби-шарқий чеккасида ривожланади. Сувли куюнлар ёмғирли қатламли булутлар билан боғлиқ.

Куюн ривожланишининг куйидаги босқичлари мавжуд: термик, уюrmанинг шаклланиши, ривожланган қуюннинг ҳосил бўлиши, сўниш.

в. Чангли бўрон – бу ўрта ва кучли шамоллар билан ҳавога кўтарилиган кўп микдордаги чанг ва қумларнинг силжишидир. Бу ҳодиса юз берганида кўринувчанликнинг кучли ёмонлашиши кузатилади.

Чангли бўронлар, одатда, курғоқчили об-ҳавода шамол кучайишида юзага келади. Чангли бўронларнинг пайдо бўлишига тупроқ тузилиши ва намланганлик даражаси, ўсимликлар қопламининг мавжудлиги ва орография катта таъсир кўрсатади. Бу омилларга боғлиқ равишда чангли бўрон қамраб олган ҳудуднинг горизонтал ўлчами бир неча юз метрдан юзлаб киломертгача ўзгариши мумкин.

Чангли бўронлар, одатда, йилнинг илиқ даврида юзага келади. Агар қор қоплами юпқа ёки умуман бўлмаса, улар кишда ҳам кузатилиши мумкин. Бундай “қора бўронлар” паст ҳароратли ва куздан бошлаб тупроқларнинг намланганлиги етарли бўлмаган йилларда Шимолий Кавказ ва Украина жанубида кузатилади.

Чангли бўронларнинг давомийлиги 15 минутдан бир неча сут-кагача бўлиши мумкин.

Чангли бўронларда атмосферага кўтарилиган чанг ва қумларнинг микдори бир неча млн. тоннагача этиши мумкин. Масалан, 1928 йил 27-28 апрелда Украина жанубида кузатилган «қора бўронда» таҳминан 1 млн.  $\text{km}^2$  майдондан 15 млн. тоннага яқин қора тупроқли чанг ҳавога кўтарилиган. Кум ва чанг 9-10 км ва ундан ҳам баландроқ кўтарилиши мумкин. 1968 йил 16 январда Эрондан Ашхободга 34 м/с тезликли шамол билан келган чанг булутининг баландлиги 9 км га етган. Бу чангли бўрон давомида ҳар бир гектар ерга 20-30 тонна чанг ва кум тушган. Эркин атмосферада чанг

заррачаларининг тўплами ердан кўринадиган губор қатламини хосил қиласди. Бу қатламлар самолётдан ҳам яхши кўринади.

Чангли бўронлар Африка, Америка ва Осиёдаги чўл ва чала чўлларнинг улкан майдонларини эгаллади. Ўрта Осиёда чангли бўронлар Қорақум ва Қизилқум, Копетдоғ тоги этакларида, Каспий дengизининг шимолий ва шарқий кирғокларида, Орол дengизи кирғокларида кузатилади.

Чангли бўронлар атмосферани кучли ифлослантиради, икти-содиётнинг турли тармоқларига, биринчи навбатда қишлоқ хўжа-лигига катта моддий зарар келтиради.

### **Асосий хуносалар**

1. Атмосферада ҳаво заррасининг ҳаракатланиши вектор ва координата кўринишидаги атмосфера ҳаракат тенгламалари билан тавсифланади. Бу тенгламалар ва узлуксизлик тенгламаси атмосфе-ра физикасининг асосий тенгламаларидан ҳисобланади.

2. Атмосферада ҳаво заррасининг ҳаракатланишига гори-зонтал барик градиент кучи сабаб бўлади. Ҳаракат бошланиши билан заррага Кориолис кучи таъсир эта бошлайди. Атмосферанинг чегаравий қатлами ичida қовушқоқ ишқаланиш кучларини ҳам ҳисобга олиш керак. Эркин атмосферада бу кучлар эътиборга олмаса бўладиган даражада кичик ва ҳаракатни квазигеострофик деб қабул қилиш мумкин. Горизонтал ҳаракат (шамол)нинг йўналиши шамолнинг барик қонуни асосида белгиланади.

3. Атмосферанинг чегаравий қатламида шамолнинг вертикал профили ер сиртининг ғадир-будирлиги таъсирида, шунингдек илиқ ёки совуқ ҳаво массасининг адвекцияси натижасида шаклланади.

4. Маҳаллий циркуляциялар атмосфера циркуляциясининг локал масштабдаги обьектларидан бири бўлиб, термик ва механик табиятга эга. Бризлар, тог-водий ва музлик шамоллари биринчи гурухга, фён, бора, сўриб чиқариш шамоллари иккинчи гурухга мансуб. Қасирға, чангли бўрон ва мезомасштабли уюрмалар – куюн, тромб, торнадолар ҳам маҳаллий циркуляциянинг кўриниши-ларидан бири ҳисобланади.

## **Назорат саволлари**

1. Атмосферада ҳаво заррачасига қандай кучлар таъсир этади?
2. Кориолис кучи ҳаво заррачасига қандай таъсир кўрсатади?
3. Қовушқоқ ишқаланиш кучи нима?
4. Атмосфера ҳаракат тенгламасини келтириб чиқаринг.
5. Узлуксизлик тенгламасини келтириб чиқаринг. У қандай маънога эга?
6. Оқим чизиқлари ва траекториялари нима?
7. Геострофик шамол қандай шароитларда юзага келади? Шамолнинг барик конунини айтиб беринг.
8. Геострофик шамол баландлик бўйича нима учун ва қандай ўзгаради?
9. Геострофик шамол иссиқлик ва совуклик адвекциясида нима учун ва қандай ўзгаради?
10. Қандай шароитларда циклон ва антициклонларда градиент шамол юзага келади?
11. Атмосферанинг чегаравий қатламида ишқаланиш шамол тезлиги ва йўналишига нима учун ва қандай таъсир этади?
12. Қайси шамоллар маҳаллий циркуляцияга мансуб?
13. Термик келиб чиқишга эга бўлган маҳаллий шамолларни характерлаб беринг (бризлар, тог-водий циркуляцияси, музлик шамоллари).
14. Механик табиатта эга бўлган маҳаллий шамолларни характерлаб беринг (фён, бора ва бошқ.).
15. Қасирға, торнадо, чангли бўронларни характерлаб беринг.

## ФОЙДАЛАНИЛГАН АДАБИЁТЛАР

1. Матвеев Л.Т., Матвеев Ю.Л. Облака и вихри – основа колебаний погоды и климата. –С-Пб. РГГМУ, 2005. – 328 с.
2. Атмосфера. Справочник. -Л.: Гидрометеоиздат, 1991. – 512 с.
3. Матвеев Л.Т. Курс общей метеорологии/физики атмосферы. -Л.: Гидрометеоиздат, 2000. – 778 с.
4. Андреев А.О., Дукальская М.В., Головина Е.Г. Облака. Происхождение, классификация, распознавание. –С-Пб., 2007. – 228 с.
5. Петров Ю.В., Эгамбердиев Х.Т., Холматжанов Б.М. Метеорология и климатология. Учебник. Ташкент, НУУз, 2005. – 333 с.
6. Петров Ю.В., Эгамбердиев Х.Т., Холматжанов Б.М. Сборник задач и упражнений по физике атмосферы. Учебное пособие. Ташкент, НУУз, 2007. – 120 с.
7. Русин И.Н., Арапов П.П. Основы метеорологии и климатологии. Курс лекций для студентов-географов. –С-Пб. РГГМУ, 2008. – 200 с.
8. Руководство к лабораторным работам по экспериментальной физике атмосферы. Под ред. Л.Г.Качурина, А.И.Мерjeeевского. –Л.: Гидрометеоиздат, 1969. – 512 с.
9. Хргиан А.Х. Физика атмосферы. В 2-х т. Т.І – 247 с., Т.ІІ -Л.: Гидрометеоиздат, 1978.– 319 с.
10. Хромов С.П., Мамонтова Л.И. Метеорологический словарь. -Л.: Гидрометеоиздат, 1963. – 620 с.

## МУНДАРИЖА

<b>СЎЗ БОШИ .....</b>	<b>3</b>
<b>I БОБ. КИРИШ<sup>6</sup></b>	<b>6</b>
1.1. АТМОСФЕРА ФИЗИКАСИНИНГ ПРЕДМЕТИ ВА ВАЗИФАЛАРИ .....	7
1.2. АТМОСФЕРА ФИЗИКАСИНИНГ ТАДКИҚОТ УСУЛЛАРИ .....	10
1.3. АТМОСФЕРА ЖАРАЁНЛАРИНИНГ ХУСУСИЯТЛАРИ .....	12
1.4. АТМОСФЕРА ФИЗИКАСИНИНГ БОШҚА ФАНЛАР БИЛАН АЛОҚАСИ .....	14
1.5. АТМОСФЕРА ФИЗИКАСИ СОҲАСИДА ҲАЛҚАРО ҲАМКОРЛИК .....	15
1.6. АТМОСФЕРА ФИЗИКАСИНИНГ АМАЛИЙ АҲАМИЯТИ .....	17
<b>II БОБ. АТМОСФЕРА ТҮҒРИСИДА УМУМИЙ МАЪЛУМОТЛАР ..</b>	<b>21</b>
2.1. Ер сирти яқинида қуруқ ҳавонинг таркиби. Унинг баландлик бўйича ўзгариши .....	23
2.2. АТМОСФЕРАДА УГЛЕРОД ДИОКСИДИ ГАЗИ ВА ОЗОН .....	26
2.3. АТМОСФЕРАДА ГАЗ АРАЛАШМАЛАРИ .....	28
2.4. АТМОСФЕРА АЭРОЗОЛИ .....	28
2.5. АТМОСФЕРАДА СУВ БУГИ .....	33
2.6. ҲАВО НАМЛИГИ ХАРАКТЕРИСТИКАЛАРИ, УЛАР ЎРГАСИДАГИ МУНОСАБАТЛАР .....	35
2.7. НАМ ҲАВОНИНГ ҲОЛАТ ТЕНГЛАМАСИ. ВИРТУАЛ ҲАРОРАТ .....	37
2.8. АТМОСФЕРАНИНГ ВЕРТИКАЛ ТУЗИЛИШИ .....	39
2.9. АТМОСФЕРАНИНГ ГОРИЗОНТАЛ БИРЖИСЛИ ЭМАСЛИГИ. ҲАВО МАССАЛАРИ ВА АТМОСФЕРА ФРОНТЛАРИ ҲАҚИДА ТУШИНЧА .....	43
<b>III БОБ. АТМОСФЕРАДА БОСИМ ТАҚСИМОТИ .....</b>	<b>48</b>
3.1. АТМОСФЕРА СТАТИКАСИНИНГ АСОСИЙ ТЕНГЛАМАСИ .....	49
3.2. БАРОМЕТРИК ФОРМУЛАЛАР .....	52
3.3. БАРИК ПОГОНА .....	59
3.4. БАРОМЕТРИК ФОРМУЛАЛАРНИНГ ҚЎЛЛАНИЛИШИ .....	60
3.5. СТАНДАРТ АТМОСФЕРА .....	62
3.6. ГЕОПОТЕНЦИАЛ ТУШИНЧАСИ. ИЗОБАРИК СИРТЛАРНИНГ МУТЛАҚ ВА НИСБИЙ БАЛАНДЛИГИ .....	63
3.7. БАРИК ТИЗИМЛАР .....	65

3.8. БОСИМНИНГ СУТКАЛИК ЎЗГАРИШИ .....	69
<b>IV БОБ. АТМОСФЕРА ТЕРМОДИНАМИКАСИ АСОСЛАРИ.....</b>	<b>72</b>
4.1. АСОСИЙ ТЕНГЛАМАЛАР .....	72
4.2. АДИАБАТИК ЖАРАЁН .....	75
4.3. ПОТЕНЦИАЛ ҲАРОРАТ .....	77
4.4. ПОТЕНЦИАЛ ҲАРОРАТ ВА ЭНТРОПИЯ .....	79
4.5. НАМ АДИАБАТИК ЖАРАЁНЛАР .....	80
4.6. КОНВЕКЦИЯ. ҲАВО ЗАРРАСИННИГ ҚУРУҚ АДИАБАТИК ВА НАМ АДИАБАТИК ҲАРАКАТИГА НИСБАТАН АТМОСФЕРАНИНГ СТРАТИФИКАЦИЯСИ.....	83
4.7. СТРАТИФИКАЦИЯНИНГ СУТКАЛИК ЎЗГАРИШИ. ҲАВО МАССАЛАРИНИНГ СТРАТИФИКАЦИЯСИ.....	87
4.8. ПОТЕНЦИАЛ ТУРГУНЛИК ВА НОТУРГУНЛИК. ....	88
4.9. НОТУРГУНЛИК ЭНЕРГИЯСИ. ТЕРМОДИНАМИК ГРАФИКЛАР .....	90
<b>V БОБ. АТМОСФЕРАНИНГ РАДИАЦИЯ РЕЖИМИ.....</b>	<b>94</b>
5.1. ҚУЁШ РАДИАЦИЯСИ. СПЕКТРАЛ ТАРКИБИ. ҚУЁШ ДОИМИЙСИ .....	95
5.2. ИССИҚЛИК НУРЛАНИШІННИНГ АСОСИЙ ҚОНУНЛАРИ.....	98
5.3. АТМОСФЕРАДА ҚУЁШ РАДИАЦИЯСИНИНГ ЮТИЛИШИ ВА СОЧИЛИШИ .....	101
5.4. КУЧСИЗЛАНИШ ҚОНУНИ. АТМОСФЕРАНИНГ ШАФФОФЛИК ХАРАКТЕРИСТИКАЛАРИ .....	105
5.5. АТМОСФЕРА ШАФФОФЛИГИНИНГ ИНТЕГРАЛ ХАРАКТЕРИСТИКАЛАРИ .....	108
5.6. ҚУЁШ РАДИАЦИЯСИНИНГ ТУРЛАРИ .....	111
5.7. ҚУЁШ РАДИАЦИЯСИНИНГ ҚАЙТАРИЛИШИ. АЛБЕДО .....	115
5.8. ЕР СИРТИ ВА АТМОСФЕРАНИНГ УЗУН ТҮЛҚИНЛИ НУРЛАНИШИ. ЭФФЕКТИВ НУРЛАНИШ .....	117
5.9. ЕР СИРТИ ВА АТМОСФЕРАНИНГ РАДИАЦИЯ БАЛАНСИ .....	121
<b>VI БОБ. ЕР СИРТИ ВА АТМОСФЕРАНИНГ ИССИҚЛИК ҲОЛАТИ .....</b>	<b>128</b>
6.1. ЕР СИРТИНИНГ ИССИҚЛИК БАЛАНСИ ТЕНГЛАМАСИ .....	129
6.2. ЕР СИРТИ ҲАРОРАТИНИНГ ЎЗГАРИШЛАРИ.....	133
6.3. ИССИҚЛИКНИНГ ТУПРОҚ ВА СУВДА ТАРҚАЛИШИ .....	136

<b>6.4. КОНВЕКТИВ ВА ТУРБУЛЕНТ ИССИҚЛИК ОҚИМЛАРИ. ИССИҚЛИК УЗАТИЛИШИ</b> .....	143
<b>6.5. ТУРБУЛЕНТ АТМОСФЕРА УЧУН ИССИҚЛИК УЗАТИЛИШИ ТЕНГЛАМАСИ</b> .....	148
<b>6.6. ЕР СИРТИ ЯҚИНИДА ҲАВО ҲАРОРАТИНИНГ ЎЗГАРИШИ</b> .....	153
<b>6.7. АТМОСФЕРАДАГИ ҲАРОРАТ ИНВЕРСИЯЛАРИ</b> .....	156
<b>6.8. ҲАРОРАТИНИНГ ТРОПОСФЕРА ВА ҚҰЙИ СТРАТОСФЕРАДАГИ ТАҚСИМОТИ</b> ...	162
<b>VII БОБ. АТМОСФЕРАНИНГ СУВ РЕЖИМИ</b> .....	163
<b>7.1. ЕР ШАРИДА НАМЛИК АЙЛАНИШИ ҲАҚИДА УМУМИЙ МАЪЛУМОТЛАР</b> .....	163
<b>7.2. ТУРУБУЛЕНТ АТМОСФЕРАДА СУВ БУГИНИНГ КҮЧИШИ ТЕНГЛАМАСИ</b> .....	164
<b>7.3. ТАБИИЙ ШАРОИТДА БУГЛАНИШ. БУГЛАНУВЧАНИК</b> .....	167
<b>7.4. АТМОСФЕРАДА ҲАВО НАМЛИГИНИНГ ЎЗГАРИШИ</b> .....	170
<b>7.5. АТМОСФЕРАДА СУВ БУГИНИНГ КОНДЕНСАЦИЯСИ ВА СУБЛИМАЦИЯСИ</b> ....	175
<b>7.6. ТУМАНЛАР. УЛАРНИНГ ТАСНИФЛАРИ. ГЕОГРАФИК ТАҚСИМОТИ</b> .....	179
<b>7.7. БУЛУТЛАР. БУЛУТЛАРНИНГ ТАСНИФИ</b> .....	185
<b>7.8. ЁҒИНЛАР ҲОСИЛ БЎЛИШИ ЖАРАЁНИ. АТМОСФЕРА ЁҒИНЛАРИНИНГ ТАСНИФИ</b> .....	194
<b>7.9. ЕР СИРТИ ГИДРОМЕТЕОРЛАРИ</b> .....	199
<b>VIII БОБ. АТМОСФЕРА ДИНАМИКАСИ АСОСЛАРИ</b> .....	204
<b>8.1. АТМОСФЕРАДА ТАЪСИР ЭТУВЧИ АСОСИЙ КУЧЛАР</b> .....	205
<b>8.2. ТУРУБУЛЕНТ АТМОСФЕРА УЧУН ҲАРАКАТ ТЕГЛАМАЛАРИ</b> .....	210
<b>8.3. ОҚИМ ЧИЗИҚЛАРИ ВА ТРАЕКТОРИЯЛАР</b> .....	212
<b>8.4. ГЕОСТРОФИК ШАМОЛ. ШАМОЛНИНГ БАРИК ҚОНУНИ</b> .....	214
<b>8.5. ГЕОСТРОФИК ШАМОЛНИНГ БАЛАНДЛИК БҮЙИЧА ЎЗГАРИШИ</b> .....	217
<b>8.6. ЦИКЛОН ВА АНТИЦИКЛОНЛАРДА ГРАДИЕНТ ШАМОЛ</b> .....	220
<b>8.7. АТМОСФЕРАНИНГ ЧЕГАРАВИЙ ҚАТЛАМИДА ИШҚАЛАНИШНИНГ ШАМОЛ ТЕЗЛИГИ ВА ЙЎНАЛИШИГА ТАЪСИРИ</b> .....	222
<b>8.8. МАҲАЛЛИЙ ЦИРКУЛЯЦИЯЛАР</b> .....	226
<b>8.9. ҚАСИРГА ВА ЧАНГЛИ БЎРОНЛАР</b> .....	235
<b>ФОЙДАЛАНИЛГАН АДАБИЁТЛАР</b> .....	241

## **ҚАЙДЛАР УЧУН**

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

**ЮРИЙ ВАСИЛЬЕВИЧ ПЕТРОВ,  
ҲАМРОҚУЛ ТУРСУНҚУЛОВИЧ ЭГАМБЕРДИЕВ,  
БАХТИЯР МАҲАМАТЖАНОВИЧ ХОЛМАТЖАНОВ,  
МУХИТДИН АЛАУТДИНОВ**

# **АТМОСФЕРА ФИЗИКАСИ**

**Тошкент – «Fan va texnologiya» – 2011**

Муҳаррир: Ф.Исмоилова  
Тех. муҳаррир: А.Мойдинов  
Мусаввир: Ҳ.Ғуломов  
Мусаххиха: М.Ҳайитова  
Компьютерда  
саҳифаловчи: Н.Ҳасанова

Нашр.лиц. А1№149, 14.08.09. Босишига рухсат этилди 20.12.2011 йил.  
Бичими 60x84 1/16. «Times Uz» гарнитураси. Офсет усулида босилди.  
Шартли босма табоби 16,0. Нашр босма табоби 15,25.  
Тиражи 300. Буюртма № 15/11-7.

**«ООО Polimexanika bosmaxonasi» да чоп этилди.  
Тошкент шаҳри, Муқимий тор кӯч, 7-йи.**